

«

ҚАЗАҚТЫҢ ЭТИКАСЫ МЕН ЭСТЕТИКАСЫ

Астана
2007

ҚҰРАСТАРУШЫ: Фабитов Т.Х.

АУДАРМАШЫЛАР: Фабитов Т., Үсенбаев Е., Әлімжанова Ә.

САРАПШЫ: Нұрмұратов С.Е.

«Қазақ этикасы және эстетикасы». Жиырма томдық. 12-том.
Астана: Аударма, 2007. – 455 б.

Антологиялық ұстын бойынша құрастырылған бұл том үш бөлімнен тұрады. Бірінші бөлімді қазақ этикасы мен эстетикасы бойынша мәтіндер құрастырады. Осындай мәтіндерге бата беру, бесік тәрбиесі, отау құру тағылымы сияқты көркем формада берілген, қазақтың дәстүрлі мәдениетіндегі әдеп талаптарына сай адамға ізгі тілек білдіру бітімдері жатады. Томның екінші бөлімін қазақ этикасының қалыптасуына, оның негізгі ұстындары мен категорияларына, қазақ әдеп жүйесінің көрнекті тұлғаларына арналған ғылыми-зерттеу мақалалары құрастырады. Антологияның соңғы бөлімі қазақ эстетикасының типтік белгілеріне, қазақ көркем өнері қалыптасуының басты кезеңдері мен тұлғаларына, философиялық мәселелеріне арналған Қазақстан эстетиктері, өнертанушылары мен философтарының зерттеу ізденістерінен тұрады.

Кітап студенттерге, магистрлер мен докторанттарға, жалпы қазақ этикасы мен эстетикасына қызығушылық білдірушілерге арналған.

АЛҒЫ СӨЗ

ҚАЗАҚ ЭТИКАСЫ МЕН ЭСТЕТИКАСЫ

Қазақ этикасы — қазақ халқының ұлттық әдеп жүйесін, моральды, адамгершілікті зерттейтін философиялық пән. «Этика» термині ежелгі грек тілінде «бірлесе өмір сұруші адамдар тобының мекен-жайы» дегенді білдіреді, кейін әдеп туралы ілім мағынасына ие болды. «Әдеп» термині түрік халықтарының тіліне орта ғасырлардағы араб-мұсылман мәдениетінің ықпалымен енген. Көптеген мамандар этиканы әдептану деп аударып жүр. Қазақ этикасы туралы басылымдарда «әдеп», «ақылақ», «мораль» «адамгершілік» сияқты ұғымдар қолданыла береді және оларға әртүрлі анықтамалар беріледі. Кейде бұл терминдер бірге өмір сұру барысында қалыптасқан мінездүрілген, іс-әрекет ұқастықтарын білдіретін әдет-ғұрып деген мағынаға ие болған.

Егер біз этиканы рационалды пайымдалған моральмен байланыстырсақ, онда төмендегі қағидаларды айқындау мүмкіндігі бар және олар әдептің реттеушілік табиғатына қатысты. Этика үшін жақсылық ұғымы оның басты ұғымы болды және бола береді, оның басты мақсаты — адам өміріндегі қайырымдылық пен зұлымдықтың қайнар көзі мен табиғатын, себептері мен тетіктерін анықтау. Этика мәдениет жүйесіне оның рационалдық-логикалық бастамасы ретінде адамның өмірдегі әдептік-адамгершілік көріністерін рационалды ойлау тіліне аударуы арқылы енеді. Этика — ғылымның маңызды саласы, әдеп - қоғамдық алғышарттардың саласы, адамгершілік — адамның ар-ұяты арқылы жеткен ішкі тұрақтандыру саласы. Этика практикалық философия ретінде, адам өмірінің күнделікті қажеттіліктерін бағдарлайтын ғылым ретінде туындаиды. Әдеп, адамгершілік дегеніміздің өзі не?

Әдеп — этиканың зерттеу нысаны, қоғамдық сана-сезімнің формасы және жеке тұлғаның өзіндік бағасын анықтауға бағытталған қоғамдық қарым-қатынастардың түрі. Адамгершілік — жеке тұлғаның ізгілік еркіндігінің, оның және жалпы қоғамдық талаптардың ішкі себептермен үйлесуінің қайырымдылыққа ұласатын адамның шығармашылығы бағытының саласы.

Басты ұғымдарымызды зерделеп өткен соң, қазақ әдеп жүйесінің ерекшеліктеріне назар аударайық. Біріншіден, назарға ілінетіні қазақ діліндегі әдептік бастаулардың басымдылығы. «Адам әдебімен көрікті» дейді қазақ. Зерттеушілер де этиканың қазақ болмасындағы шешуші рөліне назар аударады. Мысалы, «Мәдениеттану» (Алматы: Раритет, 2007) оқулығының авторлары, егер Батыста рационалды

ғылым, Шығыста — жантану өрістесе, онда қазақ сахарасында «адам болу» ұстанымы алдағы қатарға шықты дейді.

Екіншіден, қазақы бірегейленуде синкретизм анық байқалады. Бұл әдеп пен құқыққа да қатысты. Екеуі де күнделікті әдettің реттеу тетіктері деп түсіндіріледі. Мәселен, имандылық пен имансыздық, ар мен ұят, обал мен сауап, жақсылық пен жамандық, кие мен кесір, құт пен бақыт т.б. олардың төл тіліміздегі іргелі атаулары. Имандылық қасиет, әділетті істер адамдардың күнделікті өмір тіршілігінде тұрақтап, олар қалыпты іс-әрекетке айналғанда, әдет деп аталады. Әдет - адамның қажеттілігіне айналып қалыптасып кеткен тұрақты қасиеті. «Халықта ауру қалса да, әдет қалмайды» деген мәтел осы жәйттің мәнін айқындай түседі. Жағымды әдет адамның бар күш-жігерін пайдалы істерді тындыруға көмектеседі. Ал жағымсыз әдет, керісінше, адамның іс-әрекетіне, мінез-құлқына нұқсан келтіреді. Әдет адамның іс-әрекет түрлеріне орай, жан қуаттарының ерекшеліктеріне қарай бірнеше салаға бөлінеді. Мысалы, тазалық сақтау, ұқыптылық, орнымен сөйлеу, адамгершілік, кішіпейілділік сияқты қасиеттер адам бойындағы жағымды әдеттерді қалыптастыруға жәрдемдеседі.

Мәдениеттің өзегін салт-дәстүр, әдет-ғұрып құрастырады. Егер соқыр сезім (инстинкт) жануар-тіршілігіне қалай әсер етсе, салт-дәстүр де алғашқы адамдардың іс-әрекеті мен мінез-құлқына, ақыл-ойына сондай әсер етті. Алғашқы рулық қоғамдағы әдеп көріністері: «қанға қан, жанға жан», кек алу, яғни, түйсіктердің ақылдан жоғары тұруы, жеке бас бостандығының рулық мұдделермен тежелуі, құн төлеу, т.б. осындай жәйттерден байқалады.

Рулық қоғамдығы әдептің қарапайым түрін кейін жүйелі моральдық қағидалар алмастырды. Алайда бұдан көне әдеп жүйесі жоғалып кетті деген ой тумайды. Себебі, көне мәдениет қазіргі ұлттық мәдениеттердің архетипі (ескі негізі) қызметін атқарады. Халқымыздың ұлттық әдеп-ғұрып жүйесі сонау көшпелілер мәдениетінен үзілмей сақталып келгендейтін осының айғағы.

Қазақтың дәстүрлі әдеп мәдениеті дүниенің екі бөлігі табиғат пен адамның етене тығыз байланысты болғандығы мен олардың еншісі бөлінбеген күйде өмір сүргендігін күэлайды. Мұның басты негізіне көшпелілік өмір салты жатады. Көшпелілер өздерін табиғаттың тікелей жалғасы, соның төл баласы ретінде сезінді. Өздеріне дейін қолданысқа енбеген, қуаң дала мен шөлейтті тек көшпелі ғана менгере алды. «Бірақ сол далада тіршілік етіп, табыстарға жету үшін ол өзінің шеберлілігін тынбай жетілдіре беруге міндетті, ол ерекше адамгершілік және парасаттылық қасиеттерді өзінде қалыптастырды», - дейді А.Тойнби (Постижение истории. М., 1990.). Осындай қатал

табиғи ортада өмір сүрген көшпелі айналасындағы мәдени арнаға ерекше бір икемділікпен қараған және бұл атадан балаға ұлгі ретінде беріліп отырған.

Аталған деректер мен куәліктерді біз қазақтың дәстүрлі әдеп жүйесін оның көрнекті өкілдерінің өмірлік ұстанымдарын талдау мақсатында келтірдік. Қазақтың дәстүрлі мәдениетінде тек әдеп пен құқық емес, сонымен бірге саяси-әлеуметтік құндылықтар да мораль құдіреттілігімен баяндалған. Мысалы, «қарға тамырлы» қазақта отансуйгіштік пен ұлтшылдық басты кіслік қасиеттер болып марапатталған. Қазақ халқының ұлтжандылық дәстүрлері, отансуйгіштік қасиеті сонау көшпелілік заманнан бастау алған. Көшпелі қазақтар қоршаған ортаны, табиғатты өздеріне қарсы қоймаған. Табиғатты қастерлеу адамдық парыздан пайда болады. «Дүниенің көрінген һәм көрінбegen сырын түгелдеп, ең болмаса денелеп білмесе, адамдықтың орны толмайды», — дейді Абай жетінші сөзінде. Көшпелілер түсінігінде жер жай ғана қоршаған орта емес, ол — тірі, жанды бейне, «Жер-Ана». Көшпелі өзін сол Жер-Ананың перзентімін деп есептейді. «Туған жер топырағынан жаралдым» дейтін адам табиғатқа қарсы қиянатқа бара алмаған. Соңдықтан да туған жерді қорғау ананды қорғау, арынды, өз өмірінді қорғау деп халық санасында есептеледі. «Ер — туған жеріне, ит — тойған жеріне», «Өзге елде сұлтан болғанша, өз елінде ұлтан бол» дейтін халық мақалдары жоғарыда айтқанды дәлелдеп отыр.

Жер-Ана қазақтың саяси-әлеуметтік мәдениетінде ата-бабадан қалған басты мұра, аруақтар мекені деп бағаланған. «Қазақ әдебиеті» газетінде А. Сейдімбек сақтардың жерді қалай қастерлегені туралы Геродоттан мынадай бір мысал келтіреді: «Сырға дейін барлық жерді жаулап алған парсы патшасы Дарий Сақ еліне жорыққа шығады. Алайда сақтар шешуші шайқасқа бармай, жауды шөлде титықтату үшін жалтара береді және сақ патшасы Иданфирс онысын Дарийге былай түсіндіреді:

«Патша, менің айтарым мынау. Мен бұрын да ешкімнен қорқып қашып көрген жоқ едім, енді де сенен қашып жүргенім жоқ. Алайда сені көрген бетте неге шайқасқа түспегенімді айтайын. Бізде не қалаларымыз, не өндөлген жеріміз жоқ. Біз талан-таражға түсуден қорықпаймыз, соңдықтан да сендермен соғысуға асыға қойғанымыз жоқ. Егер, сендер қайтсек те бізben соғысамыз деп өңмендеп қоймасаңдар, онда жолдарында біздің ата-бабамыздың бейіттері бар. Соны тауып алып, бірінің мұртын сындырып көріндерші, сол кезде біздің қалай-қалай соғысқанымызды қөресіндер».

Этика ұлттық сипаты айқындалған ілімдер қатарына жатады. Өйткені әр халықтың орналасу аймағына, тіршілік салтына, өмір сұру

дағдыларына байланысты ортақ мінез-құлық ережелері, жүрістүрьесі, тыныс-тіршілігі қалыптасады. Қазақ этикасы өзінің көл-көсір молдығымен де, адамгершілік қуат-тегеурінімен де, тарихи айқындылығымен де халықтың рухани өмірінде ерекше орын алды. Қазақ этикасының ежелгі бастау қайнар көздері үш мың жылдай Еуразияның Ұлы даласында өркендерен скиф-сақ, ғұн, үйсін, қанлы мен түрік бірлестіктерінің мол мәдениетінен нәр алады. Осыдан 2600 жыл бұрын өмір сүрген скиф-сақ ойшылы, “ұлы жеті ғұламаның бірі” Анахарис (Анарыс) өзінің әдеп және адамгершілік туралы терең пікірлерін айтқан. Мысалы, маскүнемдік туралы ол былай деген: “Бірінші тостақты, әдетте, денсаулық үшін, екіншісін — рахатқа бату үшін, үшіншісін — ардан таза болу үшін, төртіншісін — ақылдан алжасу үшін іshedі”. Кіндік Азиядан табылған түріктердің атақты Құлтегін, Тонықек жазуларында татулық, бақыт, дәулет секілді әдеп ұғымдары жиі кездеседі. Қазақ этикасының қалыптасуына Қорқыт ата үлкен ұлес қосты. Оның ұлгі-өнеге, өсиет-нақыл сөздері қазақтармен қатар барша түрік халықтарында кең таралған. Қазақ топырағында әдептануды арнаулы ілім ретінде қарастырған ғұлама-философ, әмбебап ғалым — Әбу Насыр әл-Фараби. Ол этиканы жақсылық пен жамандықты айыруға мүмкіндік беретін ғылым деп қарастырды. Оның түсінігінше, адам жаратылыстағы ең қасиетті жан. Сондықтан оған үлкен құрметпен қарау керек. Жақсылық дегеніміз білім, мейірбандық, сұлулық бірлігінде жатыр. “Бақытқа жол сілтеу» трактатында ойшыл баянды тіршіліктері адами бақыт туралы сөз қозгайды. Түрік халықтарының этикасын дамытуға үлкен ұлес қосқан ғұламалар қатарына Жұсіп Баласағұн, Махмұт Қашқари, Қожа Ахмет Иасауи, Ахмет Иүгінеки, Сұлеймен Бақырғани және т.б. жатады. Қазақ хандығы қалыптасқан кезден бастап қазақ этикасы негізінен ақын-жыраулардың даналық насиҳат жырларында дамыды. Олардың ауызекі мәдени мұралары - ұлттық қадір-қасиет пен өнегелі әдепті ғасырлар бойы жоғалтпай сақтап қалуға үлкен қызмет етті. Атақты қазақ ақын-жыраулары Асан қайғы, Шалқиіз, Ақтамберді, Бұқар жырау, Дулат, Шортанбай т.б. ұлттық әдеп жүйесін заман талаптарына сәйкес жоғары тұғырға көтере білді. Олардың әлеуметтік-этикалық ойлары қазақ халқының әдептік сана-сезімінің қалыптасуына, кейінгі ұрпақты адамгершілік және ұлтжандылық рухта тәрбиелеуге үлкен әсерін тигізді.

Қазақтың дәстүрлі әдет-ғұрыптық және әдептік жүйесі қазақ хандығы Ресейдің құрамына енген кезден бастап түбебегейлі өзгерістерге ұшырады. Еуразия даласын жауап алған славяндық мәдениет осы даланың байырғы түрғындарын ноқталап қоюға тырысты. Ресей империясы өз қарауындағы халықтарды «ақ патшага»

берілгендейдік идеясында тәрбиелу мақсатымен әр түрлі миссионерлік тәсілдерді шебер қолдана білді. Осындай ілімдердің бірі — Ресейдің басқа халықтар алдындағы тарихи-мәдени миссиясы деген бүркеніш уағыз. Ағылшындардың бай мәдени мұрасы бар үнділерді шырмағаны сияқты орыстар Орталық Азия мен Қазақстанды отарлау және ассимиляциялау полигоны бейнесінде қарастырды.

Қазақ халқының біртіндеп тәуелсіздіктен айырыла бастауы этикалық санада да нышан бере бастады. Асан Қайғы іздеген «Жерүйік» Зар заман кейіпкерлеріне орын бере бастады Болашақты сүренсіз етіп, ақырзаман түрінде елестету Зар заман ақындарында үлкен орын алатын тақырып. Фольклордың осы бір байырғы дәстүрі халықтың отаршылық түсіп, одан құтылар жол таппай аласұрган тұсында күшіе түскендей. Расында да бүкіл халықтың қол-аяғы тұсалып, жілтің енді шешілместей күрмелгенін олар өз көзімен көріп, арқасымен сезіп отырған заманда жарқық болашақ туралы сөз қозғауды көпшілік түсінбеген де, қабылдамаған да болар еді. Болашақты ғажайып мамыраражай заман түрінде елестету үшін алдымен сондай үмітке жетелейтін осы шақтағы шындық керек. Ал отарлау дәуірінің шындығы құлаған хандықтан, ондаған сәтсіз күрестен, құннен құнгеп күшійген темір құрсаудан тұрғандықтан келе жатқан жақсы өмір туралы көсіліп жырлауды көпшілік берісі — қиялилыққа, арысы — көз жұмбай алдаушылыққа жорыған болар еді.

Отарлық әдеп мәдениетінің тәмендегідей ерекшеліктерін атап өтуге болады:

1. Қазақ хандығының Ресей империясы құрамына енуіне байланысты қазақтың дәстүрлі әдет құқығы мен көшпелілік әдебі оның табиғатынан мүлдем бөлек отарлық құқық пен христиандық моральдық экспансияға ұшырай бастады. В.Радлов былай жазды: «Біз бұл жерде отырықшы халықтардың мәдениетіне пара-пар қарсы тұрган өркениеттің сатысымен істес болып отырмыз. Қазақ қоғамында үстемдік құрып отырған анархия емес, тек өзіне ғана тән, біздікінен өзгеше және барынша өзінше реттелген мәдени қатынастар» (Қазақ. Мақалалар жинағы. - Алматы: Білім, 1994).

Бұл пікірді қазақтың әдет құқығын арнаулы зерттеген В.Дингельштад та қолдайды: «Ұзақ уақыт өркениетті дүниеден оқшауланып келген қазақтар, қазіргі кезде өздерінің келешектегі тағдырына күйретуші әсер ететін ықпалдарға ұшырамау үшін өзгеру жолына тұсуге дайын тұр. Көптеген қазақтар осы уақытқа дейін өмір сүріп келген өз ұлтының көшпелі құрылымының әрі қарай өмір сүре алмайтындырын мойынданап отыр» (Қазақ. Мақалалар жинағы. - Алматы: Білім, 1994).

Ресейдің әкімшілік және құқықтық шараларының нығаюына байланысты қазақ әдебінің қолданыс аймағы тек салт-дәстүр шеңберімен шектеле бастады, рухани мәдениетте бодандық нышандары мен маргиналдану процесі бастады.

2. Жалпы маргиналдану тек әдептік мәдениетке емес, сонымен бірге инновацияға ұшырап отырған бүкіл руханилық пен тұлғалық қылышқа сай нәрсе. Алайда Қазақстан жағдайында дәстүрлі мәдениеттен батыстық (ресейлік арқылы) құрылымдарға өту табиғи жолмен емес, үстем мәдениеттің үлгілерін әкімшілік жолмен тану арқылы жүргізілді. Маргиналдық белгілерді қазақ қоғамының патшалық Ресейдің әкімшілік жүйесімен тікелей қатысы бар тұлғалар (болыс, тілмаш, шенеуніктер ж.т.б.) бірінші ретте қабылдады. Қазақ қоғамын зерттеген А. Боджер бұл туралы былай деді: «Қазақтың көш бастаушылары үшін бұл өзгеріс таза формальды түрде болды. Олар орыс көмегін өз жауларына қарсы қоюға үміттенді. Патша үкіметі бұл өтінішке барынша көңіл бөліп, қазақтар өз еркімен орыстың боданына айналды деп есептеді. Бірақ, Ресейдің іс жүзінде ықпал етуі XIX ғ. ортасында бүкіл қазақ жерінде әскери басқару жүйесін енгізгеннен кейін қүшейді» (Қазақ. Мақалалар жинағы. - Алматы: Білім, 1994).

Абай айтқандай, білім алудың мақсаты лауазымға жету болып шықты, ұлттық нигилистер қалыптаса бастады.

Ойында жоқ бірінің,
Салтыков пен Толстой.
Я тілмаш, я адвокат
Болсам деген бәрінде ой,
Көңілінде жоқ санасты (Абай Құнанбаев. Шығармалары. - Алматы: Мөр, 1994).

3. XVIII ғасырдың 30-ы жылдарында қазақ бастаушылары Ресейден отар болуды емес, протекторат (қамқоршы) болуды өтінді. XIX ғасырдың ортасына дейін Ресей әкімшілігі қазақтардың ішкі істеріне көп араласпады. Қазақтың дәстүрлі мәдениетінің құндылықтарын Ресей әкімшілігі өз мүддесі көлемінде пайдалануға тырысты, оның ішкі потенциалын, құндылығын өз көкжиегі көлемімен шектеді.

Қазақтың дәстүрлі әдебін заманның жаңа талаптарына сай әрі үйлесімді өзгертудің бір бағдарламасын қазақ ағартушылары негіздеген. Егер Зар заман өкілдері ресейлік ықпалды түгелімен теріске шығарып, өткен уақыт құндылықтарын жандандыруға шақырса, қазақ ағартушылары екі Ресейді айыра білді (орыс білімділері және әкімшіл жүйе).

Айталық, Әубекір ақын Батыстан келген тауарларды да ұнатпады:

Дау менен ер талабы сауда болды,
Түйеміз қатар-қатар, арба болды,
Тар шалбар, қынамалы бешмет киіп,
Әлхамды шала білген молда болды.
Тар шалбар бешмет шықты қынамалы,
Жігітке шапан киген ұнамады.
Сары жез самауыры тағы шықты,
Мәшине, шүмегі бар бұрамалы» (Кертолғау//Әлем; Алманах. –
Алматы: Жазушы, 1991. – 298-346 бб.).

Керісінше, Шоқан Уәлиханов, Ыбырай Алтынсарин, Абай Құнанбаев орыс мәдениеті мен білімінен нәр алуға шақырды. Олардың арасында қазақтың дәстүрлі әдебін арнаулы зерттеген ғалым — Шоқан Уәлиханов. Ол өзінің «Сол реформасы жөніндегі жазбасында» қазақтың дәстүрлі әдебіне терең талдау бере келе, оны бұрынғы заман талаптарына сәйкес болды және қоғамдық ынтымақтастықты нығайтудың басты құралы болды деді. Оның пікірінше, Ресей империясы халықтарының ішінде қазақтар жаңашылдықты қабылдауға бейім тұрады. Шоқанның айтуынша, біз жақсы деп есептейтін белгілі бір жағдайларда адам кім бола алатындығы туралы сенімді білімнің бар екендігін мойындаған кезде және адам өзі кім бола алатынымен өзі шұғылданған кезде ғана оның жаны тынышталады деп, сондай-ақ жеке тұлғалар мен мәдениеттердің түпкі этикалық мақсаттарының арасында айтарлықтай айырмашылық жоқ деп, құндылықтарда мәдени өзгешеліктер өзара үйлесімді келеді, өйткені әрекет құндылықтары жөніндегі пікір өзі пайда болатын белгілі жағдайларды есепке алады, оның салдары — сол әрекеттің өзі жағдайлардың бір жиынтығына сәйкес келсе — дұрыс, ал жағдайлардың басқа бір жиынтығына қайшы келсе бұрыс болады деп мойындаған кезде ғана жақсы мен жаман, дұрыс пен бұрыс, ұнамды мен ұнамсыз нәрселер жөнінде сөз етуге болады.

Отарлық жағдайдағы дәстүрлі әдептегі өзгерістер жөнінде Абай шығармашылығында көптеген құнды пікірлер айтылған. Зерттеушілер атап өткендей, өзінің жалпы мәдени ілімінде Абай үш негізге сүйенеді. Ресей арқылы қабылданатын батыстық білім, исламның жалпы өркениеттілік қағидалары және қазақтың дәстүрлі әдеп жүйесі.

Абай дәстүрлі әдептің басты тұлғасы — билер қызметіне жаңаша баға береді. Оның пікірінше, көшпелілер үшін сыртқы сот — билер соты қоғамдық қажеттіліктен туындаитын құбылыс. Олар оны әлеуметтік қажеттілік есебінде ғана мойындаиды. Бірақ сыртқы сотты (сот процесін) онша «жақтыра, құптай» бермейді Оның қоғамдағы орнын амалсыз мойындаиды, бірақ асыра бағаламайды. Керісінше, егер мүмкіндік болып жатса, әр адам өз ісін өзі сотсыз-ақ тікелей

шешкенді қалайды. Сот тек басқа жол болмағанда (талас-дауды шешудің, бітімге келудің) ғана қолданылатын шара деп қарастырылады.

Бұл идеяны Абай өз өлеңдерінде де былайша жеткізеді:

Кұлық, сұмдық, ұрлықпен мал жиылмас,
Сұм нәпсің үйір болса, тез тыйылмас.
Зиян шекпей қалмайсың ондай істен,
Мал кетер, мазаң кетер, ар бұйырмас.
Асаған, ұрттағанға тез жұбанар,
Сенімді дәулет емес сен қуанар.
Еңбек қылмай тапқан мал дәүлетті болмас,
Қардың сұы сықылды тез суалар» (Абай Құнанбаев. Шығармалары. - Алматы: Мөр, 1994).

Абай қазақтың әдептік мәдениетіндегі теріс қылыштарды тек айыптаң қана қоймай, оның себептерін де ашып көрсетеді. Абайдың түсінігі бойынша, ешбір адам туған күннен бастап қылмыскер болмайды. Олай тұжырым жасаудың ешқандай да негізі жоқ, яғни жалған. Қылмыстық әрекеттерді тұқым қуалау арқылы қалыптасады деген теорияны Абай мына шумақтармен («Мен жазбаймын өлеңді ермек үшін») жоққа шығарады:

Батырдан барымташы туар даңғой,
Қызышыл да, қызықшыл да әуре жан ғой.
Арсыз, малсыз, ақылсыз, шаруасыз,
Елірмелі маскунем байқалған ғой. (Абай Құнанбаев. Шығармалары. - Алматы: Мөр, 1994).

Зар заман ақындарынан Абайдың бір айырмашылығы, ол құрыған уайым мен мұнның орнына қазақ әдебінің кертартпа жақтары мен кемшиліктерін түсінетін көз ашықтық пен оларды емдеу жолдарын көрсетеді. Мәдениетті елдер қатарына қосылу үшін, дейді Абай, ең алдымен қазақ халқы төмендегідей кеселді қылыштардан құтылу керек: «Күллі адам баласын қор қылатын үш нәрсе бар. Сонан қашпақ керек. Әуелі — надандық, екінші — еріншектік, үшінші — залымдық деп білесің. Надандық — білім-ғылымның жоқтығы, дүниеден ешнәрсені оларсыз біліп болмайды. Білімсіздік хайуандық болады. Еріншектік — күллі дүниедегі өнердің дұшпаны. Талапсыздық, жігерсіздік, ұятсыздық, кедейлік — бәрі осыдан шығады. Залымдық — адам баласының дұшпаны. Адам баласына дұшпан болса, адамнан бөлінеді, бір жыртқыш хайуан хисабына қосылады» (Абай Құнанбаев. Шығармалары. - Алматы: Мөр, 1994).

Абай өз шығармашылығында ауытқушылдықтың отаршылдық қоғамда белен алудына өз аландауын білдіреді. Әрине, ауытқушыл (девианттық) әрекет дәстүрлі әдепте де орын алыш келген. Бірақ,

жүгенділік пен әдепсіздік көріністері бодандық жағдайда тым көбейіп кетіп еді.

Ел жайын біліп қансаңыз,
Айтайын құлақ салсаңыз:
Кейбіреуі дүрсіп жүр,
Жер тәнірісіп кер мағыз.
Кейбіреуі — зәкөншік,
Оңдырмассып берсе арыз.
Кейбірі пірге қол берген,
Іші - залым, сырты - абыз.
Кейбірі қажыға барып жүр,
Болмаса да қаж парыз.
Мұсылмандық ол ойлап,
Отеген қашан ол қарыз? («Қайғы шығар ішімнен»).

XX ғасырдың басында қазақтың әдептік мәдениетінде жаңа нышандар пайда бола бастады. Біріншіден Ресей Қазақстанды толық отарлау саясаты көшті. Бұрынғы дәстүрлі басқару мен реттеу тетіктерінің орнына империялық зандар енгізілді. Билер соты өз функциясынан айырылып қалды. Оны әлсірету мақсатында Ресей әкімшілігі билер сотының шешіміне аппеляция (шағым) беруді ресми бекітті, яғни барлық мәселені түбінде болыстар мен ояз әкімшілігі шешіп отырды. Алайда кейінгі Кеңес өкіметіндегі Ресей дәстүрлік мәдени реттеу тетіктерін толық жоймады.

Ресей өкіметі өзінің Қазақстан жеріндегі мұдде-мұратына қарсы келмейтін, олардың іске асуына кедергі жасамайтын әдептік «аудандардың», принциптердің, нормалардың өмір сүруіне бейтараптық танытты, «көнбістік» көрсетті. Мүмкіндігінше оларды «көрмеуте», «байқамауға», не болмаса «айналып өтуге» тырысты. Мұндай аймақтардың, қағида-жарғылардың тыныштығын бұзбауға, «мазасын алмауға», «қытығына тимеуге» ұмтылды. Тіптен, мұндай әдет-ғұрып нормаларымен жергілікті халықты «игеріп», басқарып, оны «тыныштықты ұстап тұру» мұддесі тұрғысынан келіп, осы көзқарас аясында бағалап, пайдалануға тырысты. Яғни, аталмыш әдеп нормаларының мәдени-рухани, реттеушілік-басқару, іс-қимылдық бағдар беру потенциалын Ресей мемлекеті мұддесі шеңберінде қолдап, қолданып отырды.

Қазақтың дәстүрлі мәдениетіндегі түбегейлі өзгерістер, сонымен, табиғи жолмен емес, күштеу принципі арқылы жүргізіліп отырылды. XIX ғасырдың ортасы мен XX ғасырдың басы — қазақ халқының отаршылдыққа қарсы толассыз көтерілістер кезеңі.

Қазақтың дәстүрлі әдептік реттеу тетіктерінің біртіндеп істен шығуы далада тек мінезд-құлықтық ретсіздік ғана емес, сонымен бірге

ұлттық сананың оянуына әкелді. Қазақ мәдениетінде ұлт-азаттық қозғалыс дүмпүі басталды және бұл қазіргі тәуелсіз Қазақстанға дейін апарған сара жолға жатады. Қазақ қайраткері М. Дулатов ғасыр басында өзінің атақты «Оян, қазақ!» деген мәдени бағдарламасын жариялады. Одан бір үзінді келтірейік: «Қазақстаннан болған социал-демократтарға бірауыз сөз айтамын: Еуропаның пролетариясы үшін қанды жастар төгуіңіз пайдалы, бірақ өз халқының қазаққа артық назар салыңыз, орыстың қара халқы мазлұм күнелтуі ауыр, сонда да алды ашық. Қазақ халқы алты миллиондық бір ұлы тайпа бола тұрып, басқа халыққа қарағанда жәрдемсіз азып-тозып кетер» (Дулатов М. Оян - қазақ! - Алматы: Алтын Орда, 1991. - 80 б.).

Ресей патшалығы отарланған қазақ халқын қанды шеңгелінен шығармау мақсатымен үш түрлі қанды қақпанға құрылған түбірлі саясат ұстанған. Олары: қазақ жеріне келімсектерді қоныстандыру тәсілімен тартып алып түпкілікті менгеру; өздерінің рухани сағын сындыру үшін, христиан дініне шоқындыру арқылы орыстандыру; ең қауіпті нәрсе — қазақтардың ұлттық санасын оятпау, азаматтық сезімін өшіріп рухани құлдыққа танудың таптырмас құралы территориялық принципке негізделген болыстық сатылды сайлау жүйесін орнықтыру арқылы рушылдықтың отына май құйып, өздерімен өздерін жауластырып қоюдан басқа ешнәрсе де емес.

Қазақ зиялыштары бұл саясатқа қарсы тұра білді. Мысалы, Шәкәрім Құдайбердіұлы қазақ тілінде «Мұсылмандық шарты» атты дінді қазақ әдебімен үйлесімді қосуға арналған еңбегін жариялады. Аталған еңбегін жазылу себебін Шәкәрім былай түсіндіреді:

«Оқығандарыңыз кітаптан, оқымағандарыңыз молдалардан есітіп білген шығарсыздар. Олай болса біздің қазақ халқының өз тіліменен жазылған кітап жоқ болған соң, араб, парсы кітабын білмек түгіл ногай тіліменен жазылған кітаптарды да анықтап ұға алған жоқ шығар деп ойлаймын. Сол себептен иман-ғибадат туралы шамам келгенше қазақ тіліменен жазайын деп ойландым. Бұл кітап әрбір қазақ үшін оқуға оңай болып, әрі оларға пайда әрі өзіме сауап болар ма еken деп үміт еттім» (Шәкәрім. Шығармалары. Алматы: Жазушы, 1988. – 560 б.).

Шәкәрім ықшамдаған мұсылмандық құқық қағидаларында екі нәрсе қатал сақтанған: а) қазақы салт-дәстүр мен исламдық нормалардың арасындағы үйлесімдік; ә) жалпыадамзаттық мораль құндылықтарының әмбебаптылығы. Мысалы, адам еркінділігін алайық. Исламның фундаменталистік түсініктері бәрі алдын-ала жазылған деп адам еркіндігіне шек қояды. Шәкәрім еркіндікті жақсылық пен жамандықтың арасындары таңдау деп қарастырады.

«Кейбіреулер адамда тұқ ерік жоқ әрі не қылса құдай тағала қылғызады деп алла тағаланың пендеге берген еркіменен талабын танады. Бұл теріс, кейбіреулер: жақсылық, жамандықты басында жаратқан алла тағала (14-6), сол себептен бәрі алладан дейді. Онан басқа алла тағала дүниедегі пенденің ісіне тіпті кіріспейді. Бәрін де жаратты дейміз, пайғамбар арқылы ұқтырды да қойды. Пенде өзі сүйгенін қыла береді дейді. Бұл ой да теріс ой және кейбіреулер біздің не қылатынымыздың бәрін де алла тағала өзі әлдеқашан біліп жазып қойды, оны қылмай кетуге пендеде не ерік бар дейді. Бұл сөз де ақылсыздықтан айтылады. Алла тағала ешқашан пенденің көңілін жаман іске аудармайды. Жаман істі пенде өз нәпсісіне еріп шайтанның алдауына еріп талап қылады. Оны алла тағала көрмеуде шарифат һәм молдалар сөзіменен тыбып, жасырынды ойды жүргегіне сезгізіп тыяды. Оған да болмай ұмтыла берген соң, қаһар қылса, тоқтамайды. Жақсылыққа әрқашан бұйырып һәм көңілін де соған аударады. Тілегі дұрыс, жүргегі таза пендесін бірде болмаса бірде тұзу жолға салады» (Шәкәрім. Шығармалары. – Алматы: Жазушы, 1988. – 560 б.).

Әрине, біз бұл жерде канондық құқықты мұрат ретінде ұсынып отырғанымыз жоқ. Мұсылмандық құқықтың да кертартпа жақтары жеткілікті. Әңгіме канондық құқықтың әдептік-өркениеттік нормалары туралы болып отыр. Және Ресей боданы Қазақстан үшін бұл құқық мәдени қорғаушы қызметін атқарды дейміз. Осы туралы М. Дулатов мынадай сындарлы жолдарын қалдырған:

Әуелі үйренетін бір ғылымың,
Өзіңнің мұсылманша дін ғылымың.
Шарттарын исламның кәміл білсең,
Ахиреттік азық берер шын ғылымың.
Екінші хажет ғылымың — орысша дүр,
Өзіңе бек файдалы тіл білуің.
Қараған мемлекеттің низамы не?
Мұны білсең сақталар дүниелігің
Кеш біліп, кенже қалып көп файдадан,
Жібергені сол емес пе жер мен сұын.
Жол тауып әлде болса данышпандар,

Дүшманның құлатқай-ды тіккен туын (Дулатов М. Оян -қазак! - Алматы: Алтын Орда, 1991. - 80 б.).

Социалистік құрылыштың теріс әсерлері, әсіресе, қазақы әдеп пен мінезд-құлық жүйесіне тиді. Ұлан-ғайыр, кең-байтақ жерді иеленіп келген қазақ табиғатынан батыр мінезді, бостандық пен еркіндікті қастерлеген қайсар халық еді. Бірақ 270 жылға созылған тәуелділік жылқы мінезді халықты момын, қой мінездіге айналдыра бастады.

«Жаман үйді қонағы билейдінің», «Есіктен кіріп, төр менікінің» күйіне түсे бастады. Озбырлық саясат нәтижесінде халқымыз құнарлы, сулы, нулы жерлерінен шөл, шөлейт жерлерге ығыстырылды, тек мал бағумен күн кешкен елге күн көрудің өзі қын болды. Бұрын «у ішсең — руыңмен», «ағайынның аты озғанша — ауылдастың тайы озын» деп, елдік пен бірлікті мұрат еткен қазақтардың арасында өзімшілдік, дараышылдық өріс алды. Кейбіреу ақты — қара, қараны — ақ деп бірінің үстінен бірі арыз жазса, басқалары бастықтың алдында майлы қасықтай құрша жорғалап, жылпылдаған жағымсыз қылықты бойына дарытты. Шолақ белсенділер, «пысықтар», «шаш ал десе, бас алуға» дайын тұратындар пайда болды. «Адам адамға дос, бауыр», «Барлық адам тең құқықты» деп ұрандатқанымен, қолында билігі барлардың арасында екіжүзділік, озбырлық, тамыр-таныстық, жүгенсіздік, парапорлық өріс алды. «Ортақ мұдде жеке адам мұддесінен жоғары» деген ұран адам бостандығына нұқсан келтірді, «куыршақ-адамдарды» көбейтті. Экімшіл-әміршіл жүйе «ескінің қалдықтарымен құресуді» желеу етіп, халықтың ғасырлар бойы қалыптасқан рухани мұрасын жойып жіберуге барынша тырысты. «Малым — жанымның садағасы, жаным — арымның садағасы» деп келген халықтың ішінен сан мындаған мәңгүрттер шықты».

Социалистік әдептің басты кемшілігіне жүйеорталықтық ұстанымды қолдау жатады. Яғни, қоғам мұддесі жеке адам мұддесінен жоғары қойылады. Бұл жүйеде адам құқықтары кейін шегіндіріледі. В.И.Ленин айтқандай, жалғыз моральдық критерий коммунизм үшін құрес болып табылады. Бұл иезуитшілдіктің жаңа түріне әкеледі. Мақсат барлық құралдарды актауга себеп бола алады. Социалистік әдептің мәдени негізінде теріс таңбалы сенім мен наным жатыр. Бұл жүйеде жазылған заң (партия құптаған) құдай сөзі іспеттес болып келеді. Дүние күйіп кетсе де нұсқау-инструкция орындалуы қажет. Сөз жүзінде құдайды терістегенімен, социалистік жүйеде діннің барлық белгілері болды (пайғамбарлар, рухани көсемдер, идеологияны жүзеге асырушылар т.т.).

Сонымен, Кеңес Одағы кезінде жарияланған моральдық принциптер қазақтың дәстүрлі мәдениетін өркениеттілік сатысына үйлесімді көтере алмады. Сөз бен істің арасында үлкен алшақтық туды. Мысалы, «интернационализм» ұстанымын алайық. Бұл идея түбінде дұрыс болғанымен, Кеңес Одағында орыстандыру саясаты бағытында жүргізілді. Мәселен, қазақ балаларының ата-анасын, туыстарын, ұстаздарын орысша «ов», «овна» деп атауы ұлттық әдеп жүйесіне мұлдем жат еді. Демограф-ғалым Мақаш Тәтімовтың деректері бойынша 366 мың қазақ отбасылары өз шаңырағында (бұл

еліміздегі қазақтардың төрттен бірі) өз ана тілінде сөйлеуден қалған. Сөйтіп, қазақ еліндегі өмірдің барлық жақтары шайқалып, мәдениеті мен әдебі тозып кеткен халқымыз елдігінен айрылып қала жаздады. Өктемдік жүйенің XX ғасырдың аяғында тарқап кетуі тарихи заңдылық, адамгершілік ұғымдары жағынан әбден қажетті құбылыс еді (Тәтімов М. Демографиялық кескін. Қазақ. – Алматы: КазНУ, 1993. – 210 б. (66-67)

Әрине, бұл заманда қазақ этикасы таза құлдырау жағдайында болды деу сыңаржақтылық болар еді. Жалпы сауаттылықтың артуы, қалалардың өсуі, орыс тілі арқылы әлемдік рухани мұрамен таныса бастау әмбебап әдептілік жүйесін қалыптастыра бастады. Қазақстанда кәсіби философтарды дайындау ісі де жүргізілді. Бұл қазақ этикасын зерделеген кәсіби мамандардың пайда болуына оң ықпалын тигізді. Қазақстан әдептанушылары мораль философиясы және қазақ этикасының тарихы мәселелерімен шүғылданды (F.F. Ақмамбетов, А. Оразбеков, М.С. Бурабаев және т.б.).

Қазақстан тәүелсіздік алғаннан кейін қазақтың дәстүрлі әдеп жүйесін жаңғыру мәселесі алдыңғы қатарға шықты. Қазақ философиясы мен мәдениеті тарихын зерттеуге арналған еңбектерде (А.Х. Қасымжанов, Ә. Нысанбаев, А. Қасабек, F. Есім, М.С. Орынбеков, О.А. Сегізбаев, Ж. Алтаев, С. Ақатай, С. Нұрмұратов және т.б.) қазақ этикасының ауқымды мәселелері көтерілді. Қазақ этикасының басты мәселелері ретінде ұлттық әдеп жүйесін диахрондық және синхрондық талдау, ондағы дәстүр мен жаңашылдықтың арасалмағын айқындау, өтпелі қоғам мен ғаламдану жағдайындағы әдептік реттеу тетіктерін айқындау, нарық пен моральдың, табыс пен ізгіліктің арақатынасын айқындау, діни әдеп жүйесінің ерекшеліктерін сараптау, т.т. белгіленді. Қ.Ш. Нұрланова қазақ этикасына тән өсемдік пен ізгіліктің синкретті бірлігіне назар аударып, қазақтың ұлттық идеясы ретінде Жарық дүниедегі адами іштесуді атап өтеді. F.F. Ақмамбетов қазіргі өркениеттегі индивидуалистік ұстанымдардың маңыздылығына назар аударады. Т. Габитов этиканың жақсылық пен жамандық, әділеттік, ар, бақыт сияқты категорияларына философиялық талдау береді және әдептік-мәдени типтерге назар аударады. С. Мырзалы өз зерттеулерінде өтпелі қоғамдағы саясат пен моральдың ара қатынасын зерделейді. Мектептерде “Әдептану” пәнінің енгізілуі арнаулы оқу құралдарын қажет етті. Бұл пәнге байланысты қазақ тілінде алғашқы оқу құралдары жарияланды (Қ. Жарықбаев, Т. Габитов, Ж. Базарбаев, К. Оразбекова, т.б.). Қазақстан Республикасында нарықтық қатынастарды енгізу мен азаматтық-құқықтық қоғам құру міндеттеріне байланысты кәсіптік этикалық алғашқы зерттеулер

жарияланды. Бұл еңбектерде еліміздегі моральдық ахуалға ғылыми талдау беріліп, өтпелі қоғамға тән ауытқушыл қылықтың өрістеп кетуінің себептері мен халықтың әдеп мәдениетін жоғары деңгейге көтерудің жолдары қарастырылды. Қазақ этикасын заман талаптарына сәйкес қалыптастыру мен дамыту қазақ зиялыштарының келелі міндетіне айналып отыр.

Қазақ эстетикасы — адам мен әлемдегі әсемдік пен сұлулық туралы қазақ халқының ұлттық көркем мәдениетін зерттейтін философиялық пән. Эстетика термині ежелгі грек тілінен “сезінуші, сезімдік қабылдау» деп аударылады. Қазақ халқының қалыптасу барысындағы эстетикалық ой-пікірлерінің дамуы бірнеше кезеңдерден өткен. Халықтың эстетикалық құндылықтары алдымен фольклорда — тұрмыс-салт жырларында, аңыздары мен мифтерінде, батырлық және лирикалық эпоста көркем формада баяндалған. Қазақ эстетикасының келесі бір арнасы Қазақстан жерін мекендеген түрік тілдес ұлыстардың өзіндік мәдениеті, жазуы мен өнері болды. Көне түрік жазуындағы Жүсіп Баласағұнның “Құтты білігінде”, Қожа Ахмет Иасаудің “Даналық кітабында”, Ахмет Иүгінекидің “Ақыл сыйында”, Сұлеймен Бақырғанидың “Хакім Атасында”, т.т. эстетикалық мәдениет пен мұраттың түбегейлі мәселелері көркем суреттелді. Ислам Ренессансы эстетикасын қалыптастыруда қазақ топырағында дүниеге келген әл-Фараби ерекше орын алады. Ол өзінің “Музыканың үлкен кітабы”, “Поэзия өнерінің каноны туралы трактат”, “Поэзия туралы кітап” атты еңбектерінде эстетикалық болмыс пен таным туралы терең пайымдаулар айтты.

Қазақтың төлтума эстетикалық мәдениеті хандық дәуірінде қалыптасты және ақын-жыраулар шығармашылығында өзінің шарықтау шыңына жетті. Асан Қайғы, Қазтуған, Доспанбет, Шалқиіз, Ақтамберді, Бұқар, Шал сияқты ақын-жыраулардың эстетикалық ізденістері көшпелілердің дүниені қабылдауын білдіреді және оған айрықша кісілік асқақтық тән:

Бұлұт болған айды ашқан,
Мұнар болған күнді ашқан,
Мұсылман мен кәуірдің
Арасын бұзып өтіп дінді ашқан
Сүйініш ұлы Қазтуған!!!

Ақын-жыраулар эстетикасының құндылығы көркем мазмұнымен ғана емес, сонымен бірге дәстүрлі қазақ қоғамындағы қуатты әлеуметтік-мәдени орны және қызметімен айқындалады. Сондықтан олардың алдында тек бұқара халық емес, ақсүйектер де ілтипат сақтаған. Ақын-жыраулар толғауларында бүкіл қазақ халқының ой-арманы мен эстетикалық түсініктегі шынайы бейнеленген. Олардың

шығармашылығында сұлулық пен әсемдікті, ерлік пен елдікті жырлау басым болып келеді.

XIX ғасыр мен XX ғасырдың басындағы Қазақ ағартушылары Ресейдің империялық саясатының күштегі заман талаптарына сай өзгертуге ұмтылды. Шоқан Шыңғысұлы Уәлихановтың ойы бойынша, әрбір халық үшін басты мақсат — “еуропалық, жалпыадамзаттық ағартуды игере отырып, осы жолдағы кедергілермен күрес жүргізіп, даму мен мәдениетке қол жеткізу... Біздің халық көркемдіктен кенде емес өсімтал әдебиетке ие. Ал қоғамдық дамуымыз жоғары мәдени дамумен салыстырлық табиғи /балан/ кезеңде тұр. Осы айғаққа біздің бар үмітіміз бен келешегіміз негізделген”. Шоқан қазақтың ауызекі мәдени үлгілеріне алғашқы ғылыми талдау берді. Ұбырай Алтынсариннің эстетикалық көзқарастары оның сан қырлы педагогикалық қызметімен байланысты. Оның бұл бағытта қойған бағдарларына жататындары: “біріншіден, қазақтың келешегін дұрыс жолға қою; екіншіден, сенімсіз дүмше молдалардың өлшеусіз қанауынан халықты құтқару; үшіншіден, қазақтың әзірге жойылмай келген ешқандай дін ықпалына тұспеген тәжірибелік негізге сүйенген дәстүрін сақтау». Өзінің шығармаларында ол халықтың қоғамдық өмірінде, оның рухани дамуында әдебиет пен өнердің қаншалықты орын алғындығын көрсетті. Мұнда ағартушының отаншылдығы айқын аңғарылады. Ұбырайдың “Орыс-қырғыз школы туралы” жобалары да, әйгілі “Қырғыз хрестоматиясы” да, тіпті жазылу себебін әркім әрқылы жоритын “Шариат-ул ислам” кітабы да дәстүрді үзбеу ынғайында жазылды. Абай Құнанбайұлының эстетикалық ойлары мың жылдан артық тарихы бар жазба әдебиетіміз бен рухани мәдениетіндегі XIX ғасырдағы тарихи шындығы аясында қарастырылуы тиіс. Абай өзінің көркем шығармашылығында сол замандағы қазақ қауымының көкейкесті мәселелерін терең білдіре алды және олардың шешімін іздеді. Ол қазақ әдебиетінде тұңғыш рет табиғат пен адамның сұлулығын нақтылап айқындаі тұсті. Поэзияның көркемдігін шыңына жеткізе тұсуді, мағынасын тереңнен толғау керектігін айтты. Абайдың қара сөздерінде көрініс тапқан эстетикалық көзқарастар қазақтың көркем мәдениетін жаңа деңгейге көтерді. Шын мәнісіндегі халықтың бағыттағы ақын-жазушылар заман талабын терең сезіну мен сол жайында толғануды, алға және алысқа көз тігуді, тарих тамырының жанды соғысын суреткерлік және азаматтық жүрекпен ұғынуды Абайдан үйренді. XX ғасырдың басында Алаш зиялайлары еңбектерінде әдеби-эстетикалық ілімдер қазақ әдебиетінің орыс мәдениеті арқылы Еуропа және жәдитшіл татар мәдениеті арқылы оянған Шығыспен тоғысының нәтижесінде

қалыптасты. Терең эстетикалық ойлар Мәшіүр Жұсіп Көпейұлының, Шәкәрім Құдайбердіұлының, Ғұмар Қараштың, Әлихан Бекейханның, Ахмет Байтұрсынұлының, Мағжан Жұмабайұлының, Міржақып Дулатұлының, т.т. шығармаларында айтылды. Олардың талқылаған басты тақырыптарына қазақ сөз өнерінің ерекшеліктері, дәстүр мен жаңашылдық, өнердегі гуманизм мен имандылық, фольклордағы рәміздік кейіпкерлер, ұлтжандылық пен азаматшылдық, т.т. жатады. Кеңес Одағында қазақ эстетикасы қайшылықты жағдайда дамыды. Бір жағынан, “мазмұны социалистік, формасы ұлттық мәдениет” дегенді басшылыққа алған тоталитарлық жүйе ұлттық көркем өнер түрлерін зерттеуге шек қойды. Екінші жағынан, “жан-жақты жетілген адам” дегенді мұрат тұту білім беру мен эстетикалық тәрбиеге назар аудартты. Бұл дәүірде көптеген ғалымдар мен өнер қайраткерлері қазақ халқы өнерінің тарихы мен типтік ерекшеліктерін зерттеуге үлкен көңіл бөлді. Олардың қатарында М.О. Әуезовтың, Ә.Х. Марғұланның, Е. Ісмайыловтың, М. Қаратаевтың, М. Базарбаевтың, Қ. Жұмалиевтің, А. Жұбановтың, Б. Ерзаковичтің. Ә. Қоңыратбаевтың, т.т. еңбектерін атап өтуге тұрады. XX ғасырдың екінші жартысынан Қазақстанда кәсіби философиялық-эстетикалық бағыт қалыптаса бастады. Идеологиялық қысым жағдайында қазақ эстетиктері /Б.Р. Қазыханова, Қ.Ш. Нұрланова, Е. И. Байзақов, С. Ақатаев, М. Қаратаев, Е. Тұрсынов, М.М. Әуезов, Ә. Мұхамбетова, т.т./ ұлттық тарихи-мәдени мұрадағы көркем мәдениеттің өзіндік болмысына теориялық талдау берді. Әкімшіл-әміршіл жүйе осы авторлардың бір тобы дайындаған көшпелілер эстетикасына қатысты монографияны таратуға тыйым салды. Қазақстан Республикасында эстетикалық зерттеулер әлемдік жаңа өркениеттілік құндылықтарды қабылдау және ұлттық мәдени мұраны жаңғырту аясында өрістеді. Қазақ халқының дәстүрлі өнері мен оның тарихи типтерін, ұлттық ойлаудың көркем негіздерін, көркем мәдениеттегі құндылықтар жүйесін және категорияларын эстетикалық түрғыдан зерттеген ғалымдардың арасында Қ. Нұрланованың, Б. Қазыханованың, Ғ. Есімнің, М. Балтабаевтің, Г. Шалабаеваның, С. Ақатайдың, Мирлан Қаратаевтің, Т. Қоңыратбаевтің, А. Сейдімбектің, М. Мағауиннің, Ә. Әлімжанованың, т.т. еңбектерін атап откен жөн. XX ғасырдың соңғы ширегінен бастап Батыс елдерінде эстетиканың дамуы постмодернистік бағытпен тығыз байланысты болды. Қазақстанда бұл бағытта ұтымды шығармаларымен көзге түсіп жүрген авторлардың арасында Б. Нұржановтың, Ә. Қодардың, Н. Садықовтың, Ж. Баймұхамбетовтың, О. Аринованың, т.б. есімдерін еске алуға тұрады.

* * *

Антологиялық ұстын бойынша құрастырылған бұл том үш бөлімнен тұрады. Бірінші бөлімді қазақ этикасы мен эстетикасы бойынша мәтіндер құрастырады. Дәстүрлі қазақ мәдениетінде әдептілік пен әсемдік синкреттік бірлікте әрекет ететінің ескере отырып, этикалық пен эстетикалық мәтіндер бір-бірінен ажыратылмады. Осындай мәтіндерге бата беру, бесік тәрбиесі, отау құру тағылымы сияқты көркем формада берілген, қазақтың дәстүрлі мәдениетіндегі әдеп талаптарына сай адамға ізгі тілек білдіру бітімдері жатады. Қазақы тіршілікте адамның көңіл-күйі, кіслік қасиеттері, құт-берекелі өмірі жоғары бағаланған. “Жақсы ниет - жарым ырыс” деген халық. Ниеттің ақтығы, тұлғалық қасиеттерді сыйлау, оның болашағына үлкен үміт арту күнделікті өмірдің күйкілігінен туындастын қыындықтар мен сұрықсыздықтан арылуға көмегін берген. Ізгі тілектер, әдетте, адам мен қауымның фәниден бақыға дейінгі өмірінің түйінді сәттерінің бәрінде (дастархан басында, той-думандарда, қын сапар, алыс жолға аттанғанда, тұсау кескенде, құрбандық шалғанда т.б.) қадірлі адам қол жайып, бата беру түрінде болады. Оны беретіндерге, әдетте, жасы үлкендер, сыйлы қонақтар, ел ақсақалдары, елеулі тұлғалар т.б. жатады.

Бірінші бөлімге оқырман қауымға онша танымал емес, Қытайдан қоңыс аударған қандастарымыз А. Қайбарұлы мен Б. Бопайұлы дайындаған қазақ ырымдары - көшпелі қазақ қоғамының негізгі әдеп нормасы ретінде енгізілді. Бұл ырымдарды талдау арқылы отырықшы және көшпелі, жазулы және ауызекі этикалық жүйелердің айырмашылығын көруге болады. Қалалық немесе аграрлық жазба мәдениетте киелі нәрсеге бірінші ретте құдай жіберген қасиетті мәтін (текст) жатады. Ауызекі көшпелі мәдениетте қасиетті мәтін не табиғи рәміздік құбылыстар немесе поэтикалық сөзде ұяланады. Жазба мәдениетінің өкілі табиғат пен қоғамнан заңдылықтар іздесе, ырымшылдық пен көріпкелділікке сүйенген номадалық өркениеттің мүшесі дүниеден киелі символдар (рәміздер) іздейді. Осы жөнінде белгілі мәдениеттанушы Ю. Лотман былай дейді: “Жазусыз мәдениет тарихи-табиғи ландшафты басқаша бағалайды. Өйткені белгілі бір киелі айрықша орындар, жайлар, пұттар мәдени тұтынысқа салт, құрбандықтар, болжаулар, ән-күйлер немесе билер арқылы “түседі”, ал осы әрекеттер белгілі бір уақытқа ғана бағышталса, жоғарыда аталған киелі орындар, жайлар, пұттар, жұлдыздар, күннің, айдың белгілі кезеңдердегі орналасу тәртібімен, белгілі сәтте соғып тұратын жел немесе жаңбырмен, өзен суының қайталанып отыратын қөтерілурлерімен және осындай табиғи құбылыстарымен байланыстырылады. Бұл жерде табиғи құбылыстар ескертпе немесе алдын ала анықтама беретін белгілер ретінде қарастырылады”

(Лотман Ю. Мәдениеттер типологиясы // Элем: Альманах, 1991. — 496 б.).

Қазақ этикасы мен эстетикасының мәтіндерінде поэтикалық жанрда берілген ақын-жыраулар шығармашылығына үлкен орын берілген. Қорқыт атадан XX ғасыр ақын-жазушыларына дейін, қазақ сөз шеберлері заманның аумалы-төкпелі болғанын, саналы ой емес, санасыздықтың бел алыш бара жатқандығын, адам болмысының азып, танымның таусылып бара жатқанын қынжылып наразылықпен жырлайды, кейде өткенге өксіп қарамай, ескіні аңсамай, болашаққа да назар салмай, өз тұсындағы заманның мән-мағынасын түсінуге ғана тырысып, өзіндік танымы жеткен құбылыс шындықтарын халыққа жақын жеткізу бар. Жеке адамның қалыптасуында сырттайтын пен адамгершілік, әдептілік пен әдемілік ұстындарының өте үлкен рөл атқаратындығын олар ерекше атап өтеді. Сонымен қатар, олар білім мен білімділіктің маңыздылығын терең түсіне білді, қазақ жастарын ізгілік пен шындықты, әдептілік пен ақыл-ойды, адамгершілік пен білімді өмірлерінің ең негізгі ұстындары деп қарауға шақырады. Олар қазақ халқына әр уақытта өміріңің аяғына дейін адамдық қасиетінді жоғалтпа, аяққа баспа деп үйретті. Олардың пікірі бойынша, адамгершілік нормалары мен ұстындарын құнделікті өмір сұру тәсіліне айналдырған адамды ғана нағыз адам деп есептеуге болады.

Томның екінші білімін қазақ этикасының қалыптасуына, оның негізгі ұстындары мен категорияларына, қазақ әдеп жүйесінің көрнекті тұлғаларына арналған, философтар Ә. Нысанбаев, Ғ. Ақмамбетов, Т. Әбжанов, Т. Ғабитов, Қ. Әлжан, З. Сәрсенбаевалардың ғылыми-зерттеу мақалалары құрастырады.

Антологияның соңғы білімі қазақ эстетикасының типтік белгілеріне, қазақ көркемөнері қалыптасуының басты кезеңдері мен тұлғаларына, философиялық мәселелеріне арналған Қазақстан эстетиктері, өнертанушылары мен философтары Б. Қазыханова, Қ. Нұрланова, Э. Шәкенова, С. Ақатаев, Ә. Мұхамбетова, Б. Қаракұлов, Ә. Әлімжановалардың зерттеу ізденістерінен тұрады.

ҚАЗАҚТЫҢ ДӘСТҮРЛІ ӘДЕП ЖҮЙЕСІ (БАЛА ТӘРБИЕСІ, ОТАУ ҚҰРУ ТАҒЫЛЫМЫ, БАТА, Т.Т.)

1. Бесік жыры

Әлди, әлди, ақ бөпем,
Ақ бесікке жат, бөпем!
Жылама, бөпем, жылама,
Жілік шағып берейін,
Байқұтанның құйрығын
Жіпке тағып берейін.
Әлди, елди, аппағым,
Қойдың жүні - қалпағың
Жұртқа жаман болса да,
Өзім сүйген аппағым.
Әлди, әлди, шырағым,
Көлге біткен құрағым
Жапанға біткен тірегім,
Жаман күнде керегім!..

Әлди, әлди, ақ бөпем,
Ақ бесікке жат, бөпем!
Айналайын күн бөпем,
Бурыл тайға мін, бөпем!
Ақ қызы бар үйінде,
Ақылбайдың үйіне
Бұрала барып тұс, бөпем,
Қымызынан іш, бөпем!

Қолымыздан іс алыш,
Мойыныңа күш алыш,
Бізді бағар ма екенсің?
Құрығыңды майырып,
Тұнде жылқы қайырып,
Жаудан жылқы айырып,
Жігіт болар ма екенсің?
Айыр қалпақ, киісіп,
Ақырып жауға тиісіп,
Батыр болар ма екенсің?
Бармақтарың майысып,
Тұрлі ою ойысып,
Ұста болар ма екенсің?

Сөйлегенде сөз бермей,
Шешен болар ма екенсің?
Ұлы топта құрескен
Палуан болар ма екенсің?
Бал қайнатып, шай ішкен,
Қазы көртіп, жал жеген,
Асты болар ма екенсің?
Ұзақ жасап, көбірек,
Басты болар ма екенсің?
Қуып ойдың жетігін,
Біліп ғылым тетігін,
Ғалым болар ма екенсің?
Еңбек етіп бар елге,
Өнерінмен әлемге
Мәлім болар ма екенсің?

Көп қыннан өтерсің,
Мақсатыңа жетерсің.
Ұйықтай қойшы, бөпешім!
Қаз-қаз, балам, басарсың,
Сүтке суды қосарсың.
Тал шыбықтан ат мініп,
Балдырған мылтық асарсың.
Жылама, балам, жылама,
Апаңды сен қинама!

Жұмыстарың таусылмай,
Терлең-тепшіп жүрерсің.
Қызығымен ойынның,
Сақылдап сен де күлерсің.
Ес тоқтатып бір кезде,
Алды-артыңцы білерсің.

Әкең сенің қуансын,
Шешең сенің қуансын,
Өзіңе арнап, бөпешім,
Тау суындаі сарқырап,
Толқып аққан жыр қалсын.

Жеңілтек болма, бөпешім,
Салмақты бол ерлердей.
Жүгіре берме далаңдап,

Құр бекерге ербендей.
Жылама, балам, жылама,
Апасы айтқан бұл сөзді,
Бөпешім менің ұға ма?
Әлди, балам, әдди-ай!

Жетіге қашан келесің?
Суын әкеп шешеңнің
Ер жеткен соң берерсің,
Құрығын ұстап әкеңнің
Соңына сен де ерерсің.
Жылама, балам, жылама,
Апаңды сен қинама!

Айналайын айдан,
Су алайын сайдан...
Жігіт болып, бөпешім,
Тисін елге пайдаң!
Аспандары жүлдізымы,
Маңдайдағы құндызымы,
Ұйықтай қойшы тезірек,
Толықсыған қырмызымы!

2. Дене күтімі өлеңдері

Өс-өс, балам, өсе бер,
Батыр бол — балуан білекті,
Батыл бол — таймас жүректі
Аяғыңды созайық,
Саусағынды жазайық.
Етті болсын балтырың,
Епті боп өс, жарқыным.

3. Сылап-силау өлеңі

Тәу, тәу, тәу,
Сыламақ менен,
Қатып қалмақ сенен.
Менің қолым емес,
Бибі Фатима, Бибі Зухра қолы!
Ұмай ана, Қамбар ана қолы!

4. Мақал-мәтел тағылымы

Тоқсан ауыз сөздің тобықтай түйіні болып табылатын мақалмәтелдер үлкен философиялық ойлардың маржаны іспеттес, бүкіл адамзат тіршілігінің барлық саласын қамтиды. Сондықтан оның тәрбиелік маңызы да осында.

Бала тәрбиесі туралы

Ата — балаға сыншы.
Балаңа байқап сөйлесең, ақылыңа көнер.
Есер баладан ерке бала жаман.
Бала — ананың бауыр еті.
Ананың сұті — бал,
Баланың тілі — бал.
Бала — көңілдің гүлі, көздің нұры.
Ат болатын тай саяққа үйір,
Адам болатын бала қонаққа үйір.
Әдепті бала — арлы бала,
Әдепсіз бала — сорлы бала.

Тәлім-тәрбие туралы

Өз білмегенінді кісіден сұра,
Үлкен жоқ болса, кішіден сұра.
Біліп тұрсаң да, сұрап ал.
Ойын түбі — от, ой түбі — алтын.
Көзі соқырдан көңілі соқыр жаман.
Көп біл, аз сөйле.
Ойнап сөйлесең де, ойлап сөйле.
Әдептілік белгісі — иіліп сәлем бергені.
Сыйлассан, сыйымды боларсың,
Ұлық болсан, кішік бол.
Қарағайға қарап тал өсер,
Қатарына қарап бала өсер.
Өзін-өзі мақтаған өліммен тең.
Ашу — дүшпан, ақыл дос,
Ақылыңа ақыл қос.

Адам және оның қасиеттері туралы

Атаңың баласы болма,
Адамның баласы бол.
Жақсы адам — елдің ырысы,
Жақсы жер — жанның тынысы.
Кісі болар баланың,

Кісіменен ісі бар.
Кісі болмас баланың,
Кісіменен несі бар.
Әдептілік, ар-ұят —
Адамдықтың белгісі.

Ынтымақ-бірлік туралы

Ырыс алды-ынтымақ.
Бірлік болмай,
Тірлік болмас.
Алтау ала болса,
Ауыздағы кетеді.
Төртеу түгел болса,
Төбедегі келеді.
Ынтымақ түбі — игілік.
Тірлік, тірлік түбі — бірлік.
Татулық — табылмас бақыт.
Бірлігі жоқ ел тозады,
Бірлігі күшті ел озады.
Игілік басы – ынтымақ.

Жақсылық, жамандық, достық, қастық туралы

Жақсы — ай мен күндей,
Әлемге бірдей.
Күн ортақ, ай ортақ, жақсы ортақ.
Жақсы туса — ел ырысы,
Жанбыр жауса — жер ырысы.
Жақсы болсаң — жақын көп.
Досы көпті жау алмайды,
Ақылы көпті дау алмайды.
Досыңың көзінде болғанша,
Көңілінде бол.
Жолдасы көптің қолдасы көп.
Жолдас қадірін жорықта білерсің.

Батырлық, ерлік туралы

Отан үшін отқа тұс — күймейсің.
Ел үмітін ер актар,
Ер атағын ел сақтар.
Ерлік білекте емес, жүректе.
Айласыз батыр алдырап.
Жігіт — ел үшін туады,

Ел үшін өледі.
Батыр туса — ел ырысы,
Жаңбыр жауса — жер ырысы.
Болат қайнауда шынығады,
Батыр майданда шынығады.
Шын ер женсе — тасымас,
Жеңілсе — жасымас.
Еменнің иілгені — сынғаны,
Ер жігіттің екі сөйлегені — өлгені.
Жауға жаныңды берсөң де,
Сырыңцы берме.
Өжет адам өлімді женеді.
Елінді сұйсен, ерлік істейсің.

Еңбек туралы

Ер дәүлеті — еңбек.
Еңбегіне қарай өнбегі.
Еңбек ерлікке жеткізеді,
Ерлік елдікке жеткізеді.
Ердің атын еңбек шығарады.
Жан қиналмай, жұмыс бітпес,
Талап қылмай, мұратқа жетпес.
Еңбек түбі — береке.
Ер қадірін ел біледі,
Зер қадірін зергер біледі.
Еңбек етсең, емерсің.
Еңбегі аздың өнбегі аз.

Өнер-білім туралы

Ақыл — тозбайтын тон,
Білім — таусылмайтын кен.
Білім — қымбат, білу — қын.
Өнерлі өрге жүзеді.
Өнерлінің өрісі ұзак.
Өнер — ердің қанаты.
Ақыл көпке жеткізеді,
Өнер көкке жеткізеді.
Өнерлінің қолы алтын,
Өлеңшінің сөзі алтын.
Өнерлі бала сүйкімді.
Оқусыз білім жоқ,
Білімсіз күнің жоқ.

Өнер — ағып жатқан бұлақ,
Ілім — жаңып тұрған шырап.
Өнер — таусылмас азық,
Жұтамас байлық.
Білімдіге дүние жарық,
Білімсіздің күні ғарып.

Тіл өнері туралы

Өнер алды — қызыл тіл.
Шешенниң тілі ортақ.
Бас кеспек болса да,
Тіл кеспек жоқ.
Сөз тапқанға қолқа жоқ.
Шешенниң сөзі мерген,
Шебердің көзі мерген.
Қаһарлы сөз қамал бұзар.
Сөз сүйектен өтеді,
Таяқ еттен өтеді.
Көз жетпеген жерге,
Сөз жетеді.
Жақсы сөз — жарым ырыс.
Тоқсан ауыз сөздің,
Тобықтай түйіні бар.

«Түркістан уәлаятының газетінде» жарияланған мақал — мәтеддер

Мал досы көп, жан досы аз болады.
Атаның ақ батасы бала ойын беркітеді,
Шешенің қарғысы бала зейінін жоқ етеді².
Сөйлеген кісі ақымақ болса, тыңдаған кісі ақылды болсын.
Бие мінсең — құлын жоқ,
Саумал ішсең — қымыз жоқ.
Өсекке кіріспе, есепке кіріс.
Аңғырт ойын бұзар, тентек жиын бұзар.
Сыйлағанды сыйла — ол біреудің құлы емес,
Сыйламағанды сыйлама — ол пайғамбар ұлы емес.
Ісің ақ болса, құдайың жақ болады.
Қадір білмес досыңнан дүшпан артық.
Алыстағы дүшпаннан аңдып жүрген дос жаман.
Мал таппас ер болмас — құрарын айт,
Ұл таппас қатын болмас — тұрарын айт.
Залым жайын залым білер,

Ғалым жайын ғалым білер.
Жаман істен ғана емес, жаман сөзден де сақтан.
Жақсы алдында жазыласың,
Жаман алдында тарыласың.
Жақсыдан жаман туса — жыннан пайда болғаны,
Жаманнан жақсы туса — нұрдан пайда болғаны.
Дәulet келерінде — тойға келген қыздай,
Кетерінде — қолға ұстаған мұздай.
Жақсылықты басыңа, басыңнан асса, досыңа қыл.
Ант ішкеннің мыңы өледі, у ішкеннің бірі өледі.
Алмақтың салмағы бар,
Бермектің алмағы бар.
Айырылған — азады, қосылған — озады.
Гашық жардың белгісі — ата-анадан бездірер,
Қыран құстың белгісі — тау мен тасты кездірер.
Малдан айырылсан да, ақылдан айырылма.
Бай мақтанса — табылар, Жоқ мақтанса — шабылар.
Ашушаң жақсы болмас, Жақсы ашушаң болмас.
Сауда садақпен тең, иілсе — түзей алмайсың.
Тату болсаң — балдай бол,
Араз болсаң — тұздай бол.
Мың мәрте тыңда, бір мәрте айт.
Іссіз тұрған білімді жаңбырысыз бұлттай.
Өзгенің айыбын саған айтқан өз айыбынды өзгеге айтады.
Қасың шілдей болса да, пілдей көр.
Жалаңашты ұры таламас.

5. Отау құру тағылымы

Тойбастар

Ағалар, тойыңызды бастай келдік,
Жақсы менен жаманды қоспай келдік.
Билікке той бастамақ лайық деп,
Халқым рұқсат берген соң қақсай бердік.

Ал, келін-ау, ал келін,
Лебізің шыққан бал, келін.
Құлағынды сал, келін,
Білген ақыл-насихат.
Айтпай кетсек — бізге өлім,
Тыңдамасаң — сізге өлім.
Әйел деген асыл зат,

Балапан болсаң тым жақсы,
Уызда халал шайқалған...

Сөз сөйледім үлгілеп,
Кемісі болар кім білед.
Ерінбесен, келіншек,
Енді өзіме сөлем ет!

* * *

Айналайын, ақ келін —
Ағайынға, бақ келін!
Шырағы бол дәулеттің,
Шаттық тойға бөлөнсін,
Шаңырағың — сәулеттің.

Жақсылыққа тасыма,
Жамандыққа жасыма.
Бақыт тіле бағым деп,
Бас иеңнің басына!

Берік болсын босаға:
Болымсызга босама.
Көп дүние — бос бейнет:
Көз тоймастық жасама!

6. Баталар

Қазақта әрбір жақсылық іс-өрекет, ниетте «Әумин» деп, бата сұрау, оған бата беріп, «Аллау әкпар!» деп тілек айту дәстүрі ежелден бүгінге дейін үздіксіз жалғасын тауып келеді. Батаның түрлері көп. Дастандарқанға, сойылатын малға, соғымға, жаңа жұрт, қызметке айтылатын ақ тілектер де осыған жатады. Жаңа туған нәрестеге, жаңа түскен келінге, шарапаты тиғен жеке адамға, жолға шығар жолаушыға, алғаш білім жолына түскен шәкірттерге, сонымен қатар діни наным-сенімге қатысты наурыз көже, жарапазан, құрбандықтарға арналған баталар бар. Олардың жаттанды түрлері де, бата берушінің үйқасты, үйлесімді сөз шеберлігіне байланысты шығармашылық түрлері де күнделікті өмірде жиі кездеседі. Төменде солардың кейбір үлгілері беріліп отыр.

Шайға бата

Шайың қызыл болсын,
Ғұмырың ұзын болсын.
Несібен таса берсін,
Дүшпаның қаша берсін.
Аллау әкпар!

Ас қайыру батасы

Құдай жолың қабыл болсын,
Әрбір нәрсең әзір болсын.
Кеткенінді келтіріп,
Кемтігінці алла толтырысын.
Бақыт пен дәулетті құдайым нәсіп етсін.
Аллау әкпар!

Жаңа туған нәрестеге бата сұрау

Көкірегі басқаның жаны басқа,
Шаһарда көп алтын-күміс, асыл тас та.
Жиналған ұлken, кіші, ақсақалдар,
Қарт ата, өзіз әже бәрлеріңіз,
Беріндер батаңызды туған жасқа.
Әумин!

Жас балаға берілетіп бата

Ал білек, ал білек,
Атқа тоқым сал, білек.
Жасынан малды баға біл,
Атқа да жақсы шаба біл.
Өнеге, өнер таба біл,
Аймағыңа жаға біл.
Аллау әкпар!

Келін тұсірген үйге берілетін бата

Келінің баянды болсын,
Үлкен-кішіні сыйлайтын,
Аяулы болсын.
Жылы жүзді болсын,
Жұмсақ сөзді болсын.
Ел қыдырса, сыпайы жүрсін,
Күлсө, сыпайы күлсін.
Алдымен еріне жақсын,
Қолға қонған қырғидай,
Атасы мен енесіне жақсын.

Аллау әкпар!

Келінге бата

Ақ отау ойға тіккен қырға қонсын,
Ақ жүзің алақандай нұрға толсын.
Менің берген батам қабыл болып,
Үйіңе Қыдыр ата келіп қонсын.

Қара су мал жериді лайынан,
Тілей көр күнде тілек құдайынан.
Мал басың дәулетіңмен бірдей өсіп,
Бір құдай айырмасын жұбайынан.
Аллау әкпар!

Жаңа жұртқа бата

Қонған жерің орда болсын,
Келген жерің базар болсын.
Жүзің жарқын болсын,
Тілегің қабыл болсын.
Аллау әкпар!

Қонақтың батасы

Әумин десен бізге,
Бата берелік сізге.
Жасың жетсін жүзге,
Желің кетсін құла дүзге.
Құдайым зор талап берсін,
Мал мен басты,
Иман мен жасты,
Қабат берсін.
Аллау әкпар!

* * *

Атағың мен атынан,
Жұртқа тисін қайраның.
Айдағысыз малды бол,
Ағайынның алды бол,
Отыз ұлды - орда бол,
Ұман жүрттың басы бол!
Аллау әкпар!

* * *

Береке дарысын жасыңа.
Дуа тисін асыңа,
Әр кез шайтан келмесін,
Өлгөніңшे қасыңа!
Аллау әкпар!

* * *

Құдайым, бай ет,
Төрт түлікке сайдың!
Ұл-қызды көп беріп,
Көңілін жай ет.
Аллау әкпар!

Сәт сапар батасы

Жортқанда жолың болсын,
Мәртебен үстем болсын!
От пен судан сақтасын,
Пәле-жаладан сақтасын.
Аман барып, сау қайт.
Аллау әкпар!

* * *

Жортқанда жолың болсын,
Жолдасың Қыдыр болсын.
Періштелер қолдан,
Коржының олжаға толсын.
Аман барып, сау қайт,
Үйіңден жазсын дәмінді аллаң!
Аллау әкпар!

Наурыз батасы

Ұлыс оң болсын,
Ақ мол болсын!
Қайда барса,
Жол болсын!

Жарапазан батасы

Байдың көңілі жай болсын,
Мың жылқылы бай болсын.
Айдағаны қой болсын,
Шайнағаны май болсын.
Азын-аулақ дәuletі,

Күнде өзіне май болсын.
Жұртта қалған жұрыны,
Домалап келіп қой болсын.
Жұртта қалған тулағы,
Тулап келіп тай болсын.
Есігінің алдында,
Елу інген боздасын,
Қоранда бес жұз саулық қоздасын,
Жылқың сенің мың болсын,
Бетегелі тауга жаба сал.
Сиырың сенің мың болсын,
Қысың қатты болғанда,
Қамысты жерге айдал сал.
Бісмілла, аллау әкпар!

Маң-маң маң басқан,
Шудаларын шаң басқан,
Төрт аяғын тең басқан,
Ботақанның атасы,
Бура бассын үйінді.
Шыңғыр-шыңғыр кісінескен,
Құлыншақтың атасы,
Айғыр бассын үйінді.
Желге қарап қаптаған,
Жайылған жерін таптаған,
Қошақанның атасы,
Қошқар бассын үйінді.
Қасқыр көрсе пысқырган,
Қүйрығын бұтқа қыстырган,
Лақ атасы текелер,
Теке бассын үйінді.
Үй арасын бок еткен,
Балаларды тоқ еткен,
Бұзауқанның атасы,
Бұқа бассын үйінді.
Аллау әкпар!

Құрмалдыққа бата

Құдайым жарылқасын,
Бай қылсын!
Төрт тұлігің сай қылсын!
Кетпес дәulet берсін!

Кең бейіл берсін!
Құрмалдығың қабыл болсын!
Аллау әкпар!

Садақага бата

Садақаң қабыл болсын,
Құдай ондасын,
Қыдыры қолдасын!
Мал-басың аман болып,
Еш жамандық болмасын!
Аллау әкпар!

7. Соңғы сапар тағылымы

Қазақ шет жүртқа қоныс аударғанда, соғысқа аттанғанда, сондай-ақ өлім сәті таялғанын сезгенде өзінің жақын адамдарымен, елжүртімен арыздастып, қоштасқан. Бұлармен бірге қазалы жағдайда естірту, тоқтау, басу айту, жұбату, көңіл айту төрізді қаралы күйге үшіраған адамға психологиялық түрғыдан демеу көрсету мақсатындағы сөздер айту да әрбір тілеулес адамның парызы саналған. Қоштасу, естіртулердің қарасөз өлең, кейде күй түрінде айтылатын нұсқалары қазақ ішінде көптеп кездеседі. Төменде солардың өлең сөз түріндегі нұсқалары ұсынылып отыр.

Қоштасу

Таңсықтың елмен, жермен қоштасуы

Балталы, Бағаналы ел аман бол,
Бақалы, балдырғанды көл, аман бол!
Кірім жуып, кіндігім кескен жерім,
Ойнап-күліп, ер жеткен жер, аман бол!..
Жасы кіші аға мен іні, аман бол,
Іребдел өңшең мырза жаға, аман бол!
Қайын атаң Қарабай сенен қашты,
Жөргекте Қозы Көрпеш, тағы аман бол!...

Қобыланды мен қарындасты Қарлығаның қоштасуы

Қарлыға:
Желі толған сары түйе,
Ағажан, кімге қалдырдың?
Қора толған ақты қой,
Ай көке, кімге қалдырдың?
Тоғай толған көп жылқы,
Күн көке, кімге қалдырдың?

Тоқсанда әкең Тоқтарбай,
Алпыста шешең Аналық,
Ақ көке, кімге қалдырын?
Бірге туып, бірге өскен,
Көкежан деп жылаған,
Мен сорды кімге тапсырдын?
Бұ дүниеде мұндасын,
Тесекте жатсан, сырласын,
Ақиредтік жолдасын,
Бұландаған қыз Құртқа,
Оны да кімге тапсырдын?

Қобыланды:
Желі толған сары түйе,
Сары суға тапсырдым.
Қора толған ақты қой,
Аш бәріге тапсырдым.
Азу тісі балғадай,
Жас бәріге тапсырдым.
Тоғай толған көп жылқы,
Жасанған жауға тапсырдым.
Төртеуінді тәуекел,
Бір құдайға тапсырдым.
Сіздер — төртеу, мен — жалғыз,
Жауға кетіп барамын,
Әлдеқандай боламын,
Айналайын Қарлығаш,
Ағанды кімге тапсырдын?

8. Білімдік айтыс

Ғылым мен Надандық

Ғылым:
Эй, малғұн, мен келгенде көтер басты,
Болдың ғой түпке жетіп сен албасты.
Қалғыздың кейбіреудің құр сүлдесін,
Тынышына қоймаймысың қалған жасты.

Надандық:
Шайқама тәтті үйқымды тентіреген,
«Келсін» деп сені мұнда кім тілеген?
Күшпенен кімді жеңіп алғандайсын,

Нәп-нәзік түрің мынау үлбіреген.

Ғылым:

Көгілдір ғой, сенің мені қомсынғаның,
Көріп пе ең құтылғанын құл сұнғаным.
Қызылып бір нқысам қалатұғын,
Желкең бе, құжірейген молсынғаның?!

Надандық:

Сен кімсің, түрің нашар, сөзің жуан,
Бар еді күш берерлік қанша дуан?
Қолынан келмейтұғын жұмыс жоқтай,
Жыландаі жылмандаісің суман-суман.

Ғылым:

Танырсың асықпай тұр, жуан мойным,
Қар менен мұзға толар жылы қойның.
Жоқ қылмақ сендейлерді бұл жаһаннан,
Бұл күнде істеп тұрган менің ойым.

Надандық:

Мен сенің шошымаймын пошымыңдан,
Достасып сеніменен қосыла алман.
Қақпамды ашып қойып сендейлерге,
Батыр-ай, кел ғой деп ұсына алман.

Ғылым:

Қызғаншақ сорлы екенсің, ішің тар-ақ,
Сөз айтсам тыржиясың әрман қарап.
Жіңішкелеп қазағың да сөз салып тұр,
Шаруаға жайлы екен деп біздің тарап.

Надандық:

Ол жұртый, ақылы кем, азған еді,
Тілге ерме дәйегі жоқ жазған еді.
Саны да көп болғанда қырық миллион,
Есептеусіз шетте жатқан азғана еді.

Ғылым:

Бұл күнде қытайың да сөз салып тұр,
Қызығып біздің түрге көз салып тұр.
Азырақ арасынан жанжал шығып,

Ол сауал кемді күнгө тоқталып тұр.

Надандық:

Қой, жаным, алаң болма, қазагыма,
Ол сенің ереді деп мазағыңа.
Жұмысың тұрганымен шимай-сызбай,
Көндігер олар неғып азабыңа.

Ғылым:

Тұрің жоқ, әптің мынау 15 ақыл шығар,
Мен білсем, өлімің де жақын шығар?!
Арада соғыс шықса, қан төгілер,
Бергенің татулықпен мақұл шығар.

* * *

Надандық қысылғаннан кетті терлеп,
Не шара күшті тұрса, нәубет бер деп.
Бар еді қазақтарда көп аласым,
Алғанша жалышты мәulet бер деп.

Хайуанат пен адам айтысы Иесі мен сиыр

Иесі:

Неғып жүрсің, қу жалғыз, шолақ сиыр,
Сиырымен Айтактың болдың үйір.
Үй маңында көденің жұлып жатпай,
Сен шолаққа бір сойқан болды биыл.

Сиыр:

Мейірімсіз адамсың тастан қатты,
Сүмендетіп арыттың кер жорға атты.
Үй қасында көденің түк дәмі жоқ,
Қала өлеңнің, қамыстың түбі тәтті.

Иесі:

Шолақ сиыр, көзінді ояйын ба,
Биылғы жыл соғымға сояйын ба?
Биылғы жыл соғымға сойып алыш,
Танабайға жаянды қояйын ба?

Сиыр:

Шиыршықтап қыл арқан ескенінді,

Құ шолақты соялық дескенінді,
Құ шолақты соғымға сойып алып,
Бүржекейден көрермін көшкенінді.

Мешел мен бұзау

Мешел:

Құ бұзау, бұл сөзіңе сенейін бе,
Кеш болды енді үйіме жүрейін де,
Алыстан жаяу шаршап әзер жеттім.
Бір кезек енді өзіңе мінейін бе?

Бұзау:

Мойнымды арықтықтан бұра алмаймын.
Орнынан әлім аз ғой тұра алмаймын.
Орнынан үш ұмтылып тұрсам-дағы,
Көтеріп сені үйіңе бара алмаймын.

Мешел мен саяқ қой

Мешел:

Қызыл қой, сойын ба осы арада,
Әкеңдің басы бар ма бұл арада?
Жүре алмай өзім шаршап жүргенімде,
Ісіңе құдіреттің амал бар ма?

Қой:

Қара су кетіп жатыр төмен ағып,
Келмеуші-ен мен қалғанда, келдің неғып?
Жерімді сынып қалған таңып алып,
Жүрерсің әуре болып өзің бағып...

9. Ғылым туралы дастан тағылымы Әбуғалисина — Әбілхарис

Дастан бойынша әйгілі ғалым Әбу Әли ибн Сина мен Әбілхарис егіз болған. Екеуі Писағұрыстың жер астындағы кітапханасына кіріп, түрлі ғылым салаларын меңгеріп, ұстаздық жолға түседі. Дастанда Әбу Әли ибн Синаның адамның мәңгі өмір сүруі үшін еткен әрекеті баяндалады.

Сол жерге Галисина қайтып келіп,
Отырган өлгенінше мекенденіп.
Самарқан қаласының оң жағында,

Екі үлкен жасапты зейнет беріп.

Сыйысқан әр бөлмеге елу бала,
Тамаша сұлулығы оның және.
Сұлулық сәулетіне көз тойынған,
Әр пәннен алды оқыған білім, сана.

Синаның жетпістерге жасы жетті,
Көшесін қызықты өмір басып етті.
Өтерін бұл дүниеден анық біліп,
Данышпан бұған да әдіс айла етті...

Ойлады оқығанда мұнша ғылым,
Өлімді сүйемпі ол да жетсе білім.
Жолдарын ой жеткенше қарастырды,
Ажалдың жоймақ үшін арты түбін.

Жасапты жеті җұлдыз төбесіне,
Жеті ыдыс жасады оның өресіне.
Қасиетін жеті ыдысқа қосты үркердің,
Білімнен сақтап таза оны есіне.

Ғылыммен жеті ыдысқа дәрі толды,
Өлгенде жан енетін денесіне.
Тапсырды шәкіртіне бәрін соның,
Жамас хакім дер еді есімін оның.

Багдатта туған жері сенімі асқан,
Бірлесіп көп сапарда жүрген жолын.

Ешкімге әшкере етпе өлігімді,
Орында менің айтқан сенімімді.
Алжаспай дәрілерді жұмса tegіс,
Ұстаздан алсаң мақтау орынынды.

Мақұл деп қабыл алып иді басын,
Мұлтіксіз орындауға уағдасын.
Көз жұмып Фалисина өлгеннен соң,
Қолға алды Жамас хакім тапсырмасын...

Дәрінің шыншадағы тағы бірін,
Құйғанда айнығысыз адам түрін.

Көрініп тіршіліктің барлық сиқы,
Тағы бір жұмсағанда ыдыстарды,
Дем шығып, көзін ашып тыныс алды.
Бетіне шәкіртінің тура қарап,
Шығарды «бәриз» деген дыбыстарды.
Және бір «қүй» деген сез «бәриз» деген,
Талабы тірілудің қамын жеген.
Дәрінің енді қалған бірін құйса,
Дүниеде мәнгі тірі жүреді екен.
Айтқандай ғалым Сина ашты көзін,
Тіріліп кететіндей білді өзін.
Жамастың көңіліне кірді пікір,
«Бәриз» деп естігенде айтқан сөзін.
Ойлапты, тұrsa қазір Сина ғалым,
Шұхрәті хабарлантқан халықтың бәрін.
Келетін менің бақыт кезегіме,
Кез болып, бермес бедел ықтиярын...
Шәкірті өзі оқытып сабақ берген,
Сенімін ададамай, садақ көрген.
Қолынан шынша түсіп сынды дейді,
Аңдамай аттағанда аяқ жерден...

10. Жомарттық туралы дастан тағылымы

Атымтай жомарт

Аты әлемге аңыз болған араб Атымтайдың (Хатим ат-Тайй) жомарт атануы туралы оқиғалар.

Атымтай дүниеден өтті бір күн,
Жоқ қылып дүниені неше дүркін.
Інісі «мен де сақи боламын» деп,
Мирастық тағып порма, киді бөркін.
Бұл хабар жетті бір күн анасына,
Қараңыз анасының, данасына.
«Сен, сірә, Атымтайдай бола алмайсың,
Оныңды қой, сен,— депті баласына.—
Туғаннан Атымтайдың нышаны бар,
Әркімнің ісі лайықты шамасына...
Атымтай ұсынбасам емшек ембес,
Перзенттің ата-анаға жайы мәлім.
Кейісем қол кусырып келуші еді,
«Ризамын өлтірсөң,— деп,— анажаным»

Қасым Жомарт

Қасым Жомарт та жомарттығымен аты ақызға айналған адам.
Ерекшелігі — оған байлық атасынан мұра боп қалған.

Һарон Рашид өзіне жомарттығы артқан Қасымды бір көру үшін арнайы аттанады.

Таң атқан соң патшаға келді Қасым,
Аман-есен тұрдың ба, замандасым.
Қалағаның бар болса алып кеткін,
Аямаймын, жолында мал мен басым.

— Бір күн, бір түн, Қасымжан, болдық қонақ,
Бәрімізден өтеді дүние шолақ.
Қызық қызмет ісіңе разы болым.
Еш нәрсенді алмаймын тіпті қалап.

Халифа жүремін деп тысқа шықты,
Қасымжан әдеппенен тағым етті.
Алтынды ер жабдықты ат мінгізді,
Патша ондай атты көрген жоқ-ты.

Мұнан соң әлгі атқа мініп кетті,
Патша ойлап келеді талай кепті.
«Бұл Қасым жомарт емес, мақтаншақ қой,
Мақтанып әр нәрсесін бір керсетті.

Талай нәрсе керсетті Қасым маған,
Мұның несін мақтады уәзір надан.
Жомарт болса біреуін берер еді,
Көрсетіп алып кетті бәрін тамам».

Ойлай-ойлай патша жүріп кетті,
Жолдасы қалған сарайға барып жетті.
Сарайды төңіректеп көп жандар тұр,
Бұларды көріп патша тамаша етті.

Әнші қыз келді-дағы бір хат берді,
Халифа алдыдағы ашып көрді.
Барша көрген істерін әнғам кылған,
Халифа қайран болып оқып тұрды.

Жазыпты ол хатында: «Қарапым сол,
Мейманым, өкпелемей разы бол.

Бұған разы болмасаң тағы бір кел,
Сізді разы қылайын ендігі жол».

Патша ойлады, «Бұл Қасым неткен адам,
Мұндай жомарт табылmas тірі жаннан.
Патшамын деп бекер-ақ мақтанамыз,
Бұл Қасымға тең келмес патша мен хан.

Ойлаушы ем менен артық адам жоқ деп,
Өзім патша, артықша жомартпыш деп.
Тәкаппарлық қылыш мен үйде отырып,
Кісісіне жолықпай жүріппін тек».

Жомарттық шапагаты

Мұса пайғамбардың заманында бір патша перзентке зар болыш, Аллаға жылда жалбарынады екен. Бірақ оған Алла перзент жазбапты.

...Аяңдай Тор тауына келді Мұса,
Тоқсан ауыз сөз айтты енді Мұса.
«Бұл құлыш сізге зарлық етер тілеп,
Бір ұл берсең нетеді?» — дейді Мұса.
Құдайым пайғамбарға берді жауап,
«Мені ойласа, тапқаны оның сауап.
Бір ұғыл бердім енді оған, Мұса,
Өмірі үш күн болар оның бірақ».
Мұса қайтты тәңірімен сөйлесіп сөз,
Алдынан тағы патша жолықты кез.
«Бір бала берді,— дейді,— сізге Алла
Өмірі қысқа - үш күнде алады тез».

«Шын ба екен естігенім осы сөзін,
Перзент деп сарғайды менің жүзім.
Бергені маған бала рас болса,
Бермеспін оны қайтып құдайга өзім».

Падиша бұл сөзімен келді үйіне,
Бір қиял түсіп оның жөне ойына.
Халқын жинап падиша той қылады,
Келеді көп халайық бұл тойына.
Той қылыш қазынаның кілтін ашты,
Ғаріпке, мұсәпірмен қайыр шашты.
Бір кезде ханымы да буаз болды,

Падишаның мұны қөріп көңілі тасты.
Күнде есіктен кетпейді көп халайық,
Жатады ғаріп-мұскін алтын алып.
Тоғыз ай, он күн тамам болған шақта,
Ханымнан туды айдай боп бала ғаріп.

Әкеліп Мұсаға да тағам койды,
Бір бала қызмет етіп алдында жүр.
Пайғамбар мұны керіп ойлайды енді,
Баласын падишаның енді білді.
Аяңдал Тор тауына келеді енді,
«Не себепті бұл жеті жасқа келді?»
Деп сауал бір аллаға береді енді.

«Айтады мұнша неге жасар ұзак,
Айтып едің өмірі үш-ақ күн-ақ.
Пенде өтірік айтса егер, Алла тағалам,
Айтасың орның дозақ, қатты ғазап.
Келіпті патша ұлы жеті жасқа,
Деп едің үш күн өмір әуел баста.
Я, раббым, өтірік сөз сіз айтсаңыз,
Жалған сөз неғып айтпас сізден басқа?!»

Құдайым пайғамбарға жауап берді,
«Ей, Мұса, жауабым тұр тындал деді.
Садақа қайырменен ол падиша,
Зияда үлкен сауап тапқан деді.
Естігеннен ол патша той қылып жүр,
Шығарды садақамен патша көп пұл.
Әр адам ұғылының өмірін тілеуші еді,
Көп тілеуімен өмірі ұзарған сол». («Көп тілеуі көл» дегенді қисса ойға арқау еткен.)

11. Ғашықтық жыр тағылымы

Қызы Жібек
(*үзінди*)

Төлеген әке-шешесіне айтып, Жібекке құда түскізу үшін еліне аттанбақ болады. Жібек жаман тұс көріп, женгесі арқылы Төлеген жолға шықпасын деп хабар салады.

...Мен бүгін бір тұс көрдім,

Тұсімде жаман іс көрдім,
Төлеген мінген Көкжорға ат,
Ер-тоқымсыз бос кордім.
Ел жайлаған Ақжайық,
Жағалай біткен бидайық,
Алдыңда жанған шырағым,
Біреу үрлеп өшіріп,
Көзімнен болды сол ғайып.
Қолымдағы түйғынның,
Заулап келіп аспаннан,
Желкесін қиды бидайық.
Пенден десен, құдая,
Бұл тұс емес еді ғой,
Көруге маған лайық.
Айналайын, женеше-ау,
Төлегеннің мен біддім,
Бір кеткен соң келмесін,
Мұнан кетсе, Төлеген,
Білгізді, құдай, мен қуға
Бұл жерді қайтып көрмесін...

Төлеген Жібектің сөзіне құлақ аспай, еліне жүріп кетеді. Еліне аман-есен келгенімен, әкесі құдалыққа келісім бермейді.

Төлеген ешкімге айтпай, қайын жүртyna жасырынып кетеді. Осы сапарда Төлеген Қособа түбінде Бекежан қолынан қаза табады.

Бекежан Көк жорға атты жетекке алыш, «Төлегенді ел-тіргенімді айтсам, Жібек маған тимей қайда баар» — дейсің деген ойға келеді де, былайша өлендетеді:

— Айтамын айт дегеннен әуелім-жар,
Қыз Жібек, өлі-ақ болар пиғылың тар,
Өліп қалған неменді сонша мақтап,
Көкжорға астындағы кезінді сал.
— Жоқ еken, ай, Бекежан, ақыл айлаң,
Қанеки, құрбы болып тиген пайдан?
Атаңа алты лағынет ит қарақшы,
Көкжорға астындағы алдың қайдан?

Қазақтың тәлімдік ойлар антологиясы (Он томдық). Т. 1.
Алматы: Сөздік-Словарь, 2005. 114-196 бб.

ҚАЗАҚ ҮРЫМДАРЫ

Әдет-ғұрып айнасы

Ұлы Дағаны сан ғасырлар бойы мекендереген ата-бабаларымыз қылыш ұстап серт берген дәуірден — құран ұстап ант берген заманға дейін талай-талай асулардан асып, бұралаң-бұлтарысы көп жолдардан өткен. Сырт көзге сыр бермейтін көшпелі өмір-тіршіліктің қаншама асылдары мен құндылықтары тарихтың аударылған ауыр парақтарының астында қалып бара жатыр.

Шоқан Уәлихановтың 1862-1863 жж. жазылған «Қазақтардағы шамандықтың қалдығы» атты мақаласына көніл аударайық: «Қазақтар туралы барлық зерттеушілердің айтуынша да, барлық географиялық нұсқауларда да; қазақтар — мұсылмандар, бірақ шамандық үрим, сенімді де ұстайды. Олар мұсылман дініне табынумен қоса шамандық нанымдарға да иланады. Бұл пікірлер шындыққа келеді, дегенмен олардың шамандығы (бақсылығы) неден тұрады? Бірақ, өкінішке орай қазақ арасындағы шамандық, бақсылық жөнінде әртүрлі мерзімді басылымдарда мақалалар жарық көргенімен, осы жай туралы осы күнге дейін ешкім егжей-тегжейіне жетіп жазған емес». (Ш.Уәлиханов «Таңдамалы», Алматы, «Жазушы», 1985).

Қазақ үримдарының, наным-сенімдерінің түп-төркіні тым әріде жатқанына ұлы Шоқан осылайша назар аудартады. Ол өзінің «Тәңірі (Күдай)» деп аталатын (шамамен 1854 — 1855 ж.ж. жазылған) мақаласында да қазақтың үрим-кәделерінің отқа табынған; табиғат пен жаратылыстың барлық тосын құбылыстарын қасиетті деп санаған, ислам дінімен араласқан тәңірі дінінде жатқанын жақсы аңғартқан.

Қазақтың бүкіл салт-сана, әдет-ғұрып, наным-сенімдерінің, үримдарының бастау бұлағы Көк Төңірге, Көк Аспанға, табиғатқа табынған қадым замандарда жатқанына шүбесіз иланамыз.

«Үрим, — дейді Шоқан, — әдет-ғұрыптың бір түрі. Шаман «дінінде осы әдettі сактау шамандықтың бетін қайтарады. Ал үримды бұзу адамға қайғы-қасіret әкеледі. Бір сөзбен айтқанда, европалықтар осындай үримды діндарлық, соқыр наным дейді, ал осы салт-сана шамандық сенімдегі дәстүрлі әдет-ғұрыптың құрамдас бөлігі. Үрим Халықпен бірге көптеп жасап келе жатқан әдет-ғұрып болып саналады, ал аян, лепес, жақсылық нышаны ретінде де жасалады. Мысалы, әйелі үнемі қыз тауып, ұл көрмей жүргендер, иғі ниетпен ең соңғы қызына Ұлтуған деген ат қояды. Майкөт деп те атайды, артынан ұл туса екен деп». (Ш.Уәлиханов, «Таңдамалы», Алматы, «Жазушы», 1985).

Бүгінгі күнге қазақ үримдарының ғасырлар көшінде әбден сана сүзгісінен өтіп, ешқандай күмән туғызбайтын, наным-сенімге әбден

берік ұялаған түрлері ғана жеткенге ұқсайды. Бірақ ғылыми бағасын алғып, толық елең-екшеуден өткізілмегендіктен де бір ізге жүйеге түсірілген жоқ. «Малым — жанымның садағасы, жаным: — арымның садағасы» деп ғұмыр кешкен ата-бабамыздың тіршілікте ұстанған позициясы, көзқарасы арман-аңсары да осы ырымдарында терең жасырынып жатқан тәрізді. Бұған жан-жақты ғылыми талдаулар жасалатынына үміт артамыз.

Ырымдар

1. Адамның құлағы шуылдаса қазақ екі түрлі ырымға жатқызады.

Сол құлағы шуылдаса - өлімнің хабарына жориды. Жақын-туыс, ағайын-алаш, құда-жекжат, ауылдастардан біреу өлген екен деп ойлайды да, «оң құлағым, оң құлағым» деп үш рет айтады. «Жақсылыққа көріне гөр» деп, тілеу тілейді. Оң құлағы шуылдаса - қуанышты хабарға жориды. «Оныңа бастай гөр» деп, оң құлағының түбін оң қолының бас бармағымен үш рет қағады. Онысы - жақсылық орнықты болсын дегені.

2. Дене мүшелерінің жыбырлауы да ырымның арқауы. Оң қабағы тартса «қуанамын, бір игі хабар естімін» деп, жақсылыққа бейімдейді. Ал сол қабақ тартса «бір жайсыз жағдай болар» деп іштей үрейленеді. Қабағына сілекей жағып: «Жамандықтан сақтай гөр!» деп тілейді.

Мұсәпірлерге садақа береді. Ерні тартса — жақсы дәм бұйырады, сарқыт жейміз деп ойлайды. Иық тартса — жаңа шапан немесе киіт киуге бағыттанды. Табан қышыса — алыс сапарға шығуға, жолаушы жүргүре ырымдайды. «Жолым оң, сәтті сапар болғай» деп тілейді. Тақым тартса — ат мінуге немесе үйленуге жориды. Алақан қышыса — ақша болады, байлық қонады деп нанады. Шеке тартса — басқа бақ қонады, мәртебе өседі деседі. Мұрын жыбырласа — иіскерлік көбейеді, той-томалақ, «ақ түйенің қарны жарылғандай сый-сияпат болады» деп қуанысады.

3. Қазақ тұзды бейберекет шашпайды. Себебі, барлық тағамның тұзсыз дәмі жоқ. «Астың иманы — тұз» деп қарайды. Тұз төгілсе — ырыс төгіледі, дәм шамданады, ас азаяды. Жерге төгілген тұз еріп жоғалғанша сол жерге тұзды төккен адам тұздай ашың тұрмыс кешіреді, деп ырымдайды.

4. Байғыз — тұнде ұшатын құс. Ол шаңыраққа қонып шақырса жаман ырымға жатқызады. Көсөудің басын отқа күйдіріп: «Жамандық қара басыңа көрінсін!» деп, отпен аластайды. Байғыздың шаңыраққа қонуы — қара тұнде қара ниет тарататын сайтанның сілтемесі деп қарайды. Бұл сол үйдің шаңырағын шайқайды деп, жаман ырымға балайды. Байғыз қонақтап кеткен жерде бір тамшы қан қалады дейді.

Байғызды отпен аластаудың себебі артында сайтан қалмасын, сайтан оттан қорқады деген нанымнан шықкан. Байғыз қонған шаңырақта қан дағы байқалса, сол шаңырақты шағып, отқа жағады. Өйтпесе бұл шаңырақтан пәле артылмайды деп ұйғарады.

5. Қарға қысты күні үйге қарап «қақ, қақ, қақ» десе, қар жауады, жазда жаңбыр жауады деп ырымдалады. Мұның ауылда той болатын жайға бейімделетін жағы да бар.

6. Әдетте бұта-бүрген, ши түбіне саритын ит үй іргесіне сарыса «күт қүйді» деп ырымдалады. Қазақ ырымында ит опадар саналады. Жеті қазынаның біріне қосылады.

7. Ит аспанға қарап ұлыса — сол шаңырақ иесінің өліміне көрінеді, деп жаман ырымға жорылады. «Пәле өз басыңмен кетсін» деп итті қарғайды. Қуып жүріп ұрып өлтіреді. Қара жерді терең қазып көміп тастайды. Үстіне жеті адам қара тасты бастырады да, түкіріп безінеді. Онысы — иттің пәлесі өзімен бірге кетсін дегені.

8. Ит адамға опадар саналады. Малды қүзетіп, ит-құстан қорғайды. Жаугершілік кезінде сақтыққа себін тигізеді, жаудың келіп қалғанын сездіреді. Осыған орай аңыз да бар. Мысық: «Құлден басқа бермеді, тозақ отына қүйдір» деп, иесіне опасызыңық етеді екен. Ал, ит қүйрығымен отқа су сеуіп, адамды тозақ азабынан құтқаруға ұмтылады деген сөз бар.

9. Күн күркіреп, нөсер жауып, найзағай жарқылдаса — үйдің іргесі отпен аласталады. Адамдар «бисмилла, бисмилла!» деп, тәубә қып, иман келтіреді. Қазақ ұғымында найзағай — алланың жын-сайтанға атқан оғы. Үй іргесін отпен аластаудың мәні — құдай тағала даладағы жын-сайтанды атқылағанда, олар қашып келіп үйдің іргесіне тығылмасын дегені. Сондықтан оларды отпен қорқытып қуу керек. Іргені отпен аластамаса үйге жасын түсүі ықтимал. Адамдардың сол пәледен шошып, зәре-құттары қалмайды.

10. Қазанды есік жаққа қаратып қисайта аспайды. Ол құласа: «Несібе төгіледі, ырыс шайқалады, ас азайып, дән далаға қашады. Отқа төгіліп, дән қүйеді. Күл астында қалады. Қазан шайқалса — ырыс шамданады» деп ырымдайды.

11. Шәугімнің шүмегін ошақтың аузына қаратып аспайды. Шай тасыса — отқа тұз құйылып, қүйеді. Тұз күйсе — үйдегі қыз ашшы азап арқалайды деп ырымдалады. «Тұз — астың иманы, қыз — үйдің көркі». Дәм-тұз ауыспақ қыздан. Тұз шамданса — қыз шамданады. Дәм-тұз атқан адам өмір бойы оңбайды деп, сол ырымға нанады.

12. Үйге кірген жыланды өлтірмейді. Басына ақ тамызып шығарып жібереді. Себебі, кейбір кездерде періштерелер жылан бейнесіне кіріп, жер бетін шарлайды екен. Жыланды сол періште болар деп ойлайды. Ал, даладан жылан көрсे — қуып жүріп өлтіреді.

Себебі, оны қастық жасайтын қара бас, шұбар төс дүшпан деп қаралайды.

13. Қорада тұрған ат иесін көргенде құйрығын көтеріп, борт-борт жел шығарса — сапар нысаны деп үйғарылады. Ал, аузын ашып есінесе — жақсылық нышаны. Жолға жүргелі тұрған ат құмалақ тастаса — жолдың оңға бастағаны, олжалы болмақ. Қуаныш сыйлайды деп ырымдалады. Сүрінген атты ұрмайды. Қайта көзін оң қолмен сұртіп, тазалайды. Онысы — сайтан аттың көзін басып тұрса, қашып кетсін дегені. Жолаушы келе жатып, атынын сауырынан ұрмайды немесе қамшы салмайды. Себебі, жапанды жалғыз өзі келе жатқан жолаушыны қолдап, жебеген Қызыр пайғамбар аттың сауырында отырады деп жорылады.

14. Жайшылықта мініс атының жал-құйрығы күзелмейді. Себебі, ат иесі өлсе — оның мініс аты тұлданып, жал-құйрығы күзеледі, қаралы күйге келтіріледі. Сондықтан жайшылықтағы мініс ат сондай күйде көрінбесін дегені.

15. Ауылдан атқа мініп аттанғанда артынан ит ере шықса, қуалап зорлықпен кері қайтармайды. Өйткені, ит иесіне опадар. Мүмкін, жолы болар, сапары оң болар деп, жақсылыққа жориды.

16. Жүкті әйел шашын кеспейді. Өйткені, мұндай қылықтан бақ таяды, іштегі баланың бақыты сөнеді, кемтар туылады, қол-аяғы қысқа болады деп ырымдалады.

17. Қазақ қыз баланы қорламайды. Қыз — ару, болашақ ана. Ұрпақ қыз арқылы өрбиді. «Қыздың жолы жіңішке», «Қыз назы қырық кісіні мас қылады», «Қыз — жат жүрттық» деп әздектейді. «Қыздың қабағында құт бар. Қыз қабағы — күрең тартса — ел жұтқа шалдығады. Қыздың қабағы күлімдесе — құт қонады. Қызды қорлаған қызыл шақасынан айырылады. Қыздың жолы қырық кісінің жолын бөгейді. Қызды жылатқанның қырсығы қырық есекке жүк болады» — деп ырымдап, қыз баланы адамның бақытына балайды.

18. Қонақ боп барған үйінде қызды төрге отырғызады. Себебі, «қызда қырық көліктік бақыт бар». Төрде отырса сол бақыттың жүғыны қыз отырған төрде қалады. «Қызда қырық қырсық та бар». Босағада отырса - сол қырсық сол үйде қалады. «Қызда оттай ыстық мейір бар». Төрде отырса — сол мейір сол үйге бағышталады. «Қызда мұздай сұық ызғар да бар». Есік жақта отырса сол ызғар сол үйді шалады. «Қызда қырық періште бар». Төрде отырса, сол періштeler сол үйге қонады. «Қызда қырық сайтан да бар». Есік жақта отырса, сайтандар сол үйде қалады. Осындай ырымдардың салқынынан қалтырап, ыстығына қуанады. «Қазақ ырым етеді, ырымы қырын кетеді» дейтін мәтел осындай ырымдардың жемісі болар.

19. Соғымға сойылған малдың сүйегін далаға шашып тастамайды. Таза жерде сақталады. Себебі, соғым сүйегінде астың құты тұрады. Соғымға да малдың қасиеттісін, семізін сояды. Сүйекті далаға шашып тастаса, қорадағы малға ит-құс шауып, тыным бермейді. Мал ақ сүйек жұтқа, апатқа ұшырайды деп ырымдалады. Қыстай жиналған сүйек-саяқ жазғытурым қайнатылып, майы алынады. Сонан соң сүйектер оң жақ босағаға терең қазылып көміледі. Онысы келесі жылғы соғымға дейін жұрт қуармасын, босаға майлыш болсын деген ырымы.

20. Таңертең ас үстіне келген адам астан ауыз тиүге тиіс. Себебі, «Таңертеңгі асты тастама», «Таңертеңгі асты тастасаң — ұжымың сені тастайды» деген тәмсіл бар. Сондықтан таңертеңгі ас үстіне келген адам жақсылық үшін астан ауыз тиіп аттанады. Адам жастан ұлкен болса да, астан ұлкен емес. «Ас — адамның арқауы». Таңертеңгі ас бір күндік өмірдің бастамасы. Таңертеңгі асты тастамай, көнілді отырып ішсе, сол күнгі жұмысың да онға басады деп жорылады.

21. Топ болып жолаушылап келе жатқанда біреуінің аты тұра калып сисе, басқалары тоқтап тосады. Егер тоспай жүре берсе — жолдастыққа жарамағаны. Жайшылықта тоспаған адам, басқа күн туған кезде тосушы ма еді? Дос бола алмайды. Ала қол, қара нанды, ала күдік адам екен деп ырымдайды. Жүзін суыққа салып, бірте-бірте арасын алшақтатады.

22. Жол үстінде келе жатқан жолаушыдан: «Қайда баrasың?» — деп сұрамайды. Қайта «жол болсын!» деп, ақ жол тілейді. Себебі, жолаушы баар бағытын құпия ұстайды. Қаскөй біреулер біліп қалып, соңыма түседі, жолымды ториды, сайтан соңымнан ереді деп, жаман ырымға балайды.

23. Мама ағашта байлаулы тұрган ат қасынысып, бірін-бірі тістелесе — жақсы ырым. «Құда боламыз, күшақ айқастырамыз, мерекелі күн туады» деп ағынан жарылады.

24. Өрісте жайылып жүрген малдың не қоралы қойдың ортасын қақ жарып өтпейді. Себебі, үйірлі малдың ішінде Қызыр пайғамбар жүреді. Малдың оттай ыстық көрінуі содан деп ырымдайды. «Малды ауылда құт бар», «Мал бар жерде жан бар», «Қойдың сүті қорғасын, қойды қырган онбасын» деген мақалдар да бар. Қоралы қойдың ортасын жарып өтсе — Қызыр шамданады, мал екіге бөлінеді. Ортасынан айырылады, шығынға ұшырайды. «Қой Меккеден шыққан» дейтін ырымдармен байланысты болуы ықтимал.

25. Үйге кіріп келе жатқан қонақ оқыстан сүрініп кетсе, үй иесі марқаяды және төрінен сыйлы орын ұсынады. Үйге аяқ астынан байлық толады, бақ қонады, үй сәулетті тігіліп, қонақabyroyының басы деп ырымдалады.

26. Шапан-шалбарды, аяқ-киімдерді кигенде әуелі бисмилла деп, оң қолдан, оң аяқтан бастау керек. Шешкенде сол аяқ, сол қолдан бастайды. Қазақ бақыт ылғи оң жақтан келеді деп иланады. Сондықтан оңның тілеуі мол. Оң сапар бер, ісімді ондай гөр, оң болса еken, оң жағыңа алтын тіреу орнасын деген секілді тілектер осындай ырымдармен тамырлас болуы мүмкін.

27. Қазақ асты оң қолымен алып жейді. Сол қолымен алғанды ерсі көреді. Оң қолмен тамақ жеу, оң қолмен амандашу, есіктен оң аяқпен кіріп, оң аяқпен шығу – осының бәрі ісім оң болсын, оңға бассын, оңға бастасын деген ақ ниеттің ырымы.

28. Жайшылықта ер кісілердің жүресінен отыруы – жаман ырымға жатады. Бұл қаралы күйлі, өлім-жітім жағдайын еске түсіретін құбылыс. Қайғылы ерлер, серігінен айырылған кісілер осылай қара тұтып отырады. Сондықтан жайшылықта ер адамдар құйрығын жерге басып, жайраң қағып отыруға тиіс. Ал, әйел адамдардың жүрелеп отыруы – жақсы ырым. Әйелдердің биязы түрмен ибалы бейнеде жүрелеп отыруы – ерлерге, үлкен кісілерге көрсеткен құрметі есептеледі. Ерлер жүрелесе – ауылға қатер төнеді, әйелдер жүрелесе – ауылға иба кіреді деп жориды.

29. Еркек те, әйел де, бала-шаға да сыртқы киімдерін желбегей жамылып жүрмей, жеңін киіп жүруі керек. Себебі, әруақтар ғана жеңсіз кебінін желбегей жамылып, үйге кіреді деп, үрейлі ырымға жатқызады. Екі қолы жоқ кемтар, мүгедек адамдар да сондай кейіпте болады деп, жаман ырымға жатқызады.

30. Екі қолды артқа ұстап жүрудің де жосыны теріс. Себебі, бұл – қолы артына байланған тұтқын пендені еске түсіреді. Сол сияқты бүйір таяну да жаман ырым. Өйткені, жұбайынан айырылған қаралы әйел немесе талақ етілген әйелдер ғана бүйірін таянып, аһылап-ұхілеп қайғы шегеді. Жайшылықта мұндаі қылыш көрсеткендерді жұрт ұнатпайды.

31. Тұн ішінде қорадағы малды санамайды. Қандай жақын адамы болса да тұн ішінде қорадан мал ұстап бермейді. Өйткені, қой жусап жатқан қорада бақ та жатады. Қораның бейқамдығы ыдыраса – малдың тыныштығы бұзылады. Малдың күйі бұзылса – төл азайып, саны кемиді. Тұн ішінде мал берсе – сол малмен бірге малдың құты да, сол үйдің байлығы де кетеді деп жорылады.

32. Қазақ мініс атын сатқанда немесе ағайын-туысына сыйға бергенде ноқтасы мен жүгенін алып қалады. Себебі, малдың құты, бағы басында деп жорылады. Басына пайдаланған, басын байлаған ноқта мен жүгенде құттың да демі бар. Бұл мұліктер атпен қоса берілсе – үйдің бүкіл байлығы, бағы еріп кетеді деп ырымдалады.

Сондықтан алып қалған ноқта мен жүгінді үйдің оң жақ босағасына іліп қойып, үнемі майлап, баптап ұстайды.

33. Қыстаудан жайлауға алғаш көшкен кезде бірінші құні көп үзамай, жол бойына ерулейді. Себебі, арттағы жұрт бірден иесіз қалмасын, жұрынсыз болмасын, бақыт сақтаған орта шамданбасын, жұрт қуарып қалса, жаңа жұртқа барғанда бақ көне жұртқа қарай аландамасын деп ырымдалғаны. Келесі құні әрі қарай көшерде жолдың екі жағына от жағып, сол оттың ортасынан жүк артылған көліктерді өткізеді. Мұнысы – көне жұрттағы әжыналар көшке ілеспей, адасып қалсын дегені. Жаңа қоныста жаңаша өмір сұрсек деген ырымның жоралғысы.

34. Жазғытұрым тал төлдеген кезде бірінші сауыннан алынған иіндіні асқа қолданбайды. Майды да жемейді. Маймен есіктің жақтауы, маңдайша, қазан-ошақтың құлағы мен сирағы майланады. Себебі, ақ мол болсын, індегі шалмасын, сауар көбейсін, ақ пен бақ қонсын, мал басы артсын деген ниеттен туған ырымның жоралғысы.

35. Жолаушылап келе жатқан адам бір үйге сусын ішуге түспек болса, сол үйдің есігіне тұра беттеп келіп аттан түспейді. Оң жағынан түседі әрі үйді айналмайды. Себебі, жау үйінің жай-күйіне қарамайды, өлімнің сұық хабарын естірткелі келген адам да күй таңдамай үйге кіреді. Сондықтан жолаушының жүрісі жаман ырымға ұқсамасыг дегені. Дос, туыстар оң жол, оң тілеумен келіп, оң аяқпен үйге кіреді.

36. Қазақ салты бойынша тұнде сыптырынды төкпейді, үй сиптирумайды. Сыптыра қалғанда: «Үйге бүйі кіріп кетті» дегенді айттып барып сиптирады. Себебі, сиптырынды жатқан жерге жын жиналады. Тұнде сиптырындының ласы денеге шашыраса, адамға жын жабысады да, жазылмайтын науқасқа тап болады деп ырымдалады. Тұнде үй сиптирумайтыны — сиптиртқының ұшына жын жабысады. Төсек салатын орынға жын орнығып алса, адам төсегінен сұынып, ұшынады деп жорылады.

37. Аң аулауға алғаш шыққан адам тұңғыш олжасын біреуге сийламайды. Онда қанжыға қурап, құр қалады, қанды болмайды, жол болмайды. Бақ пен несібе басқаға кетеді деп ырымдалады. Ал, келесі саятта олжасын дос-жарн, туған-туыстарына сайлауға болады. Мұның мәнісі - әр қандай істің бастамасы өзімнен болады. Жақсылығы да, жамандығы да басқаға көшпесін деген ниеттен туған ырым. Мұның түп-төркіні – дүние құмарлық емес, жақын кісілері сол олжадан бақытсыздыққа ұшырамаса екен деген тілектиң нышаны...

38. Алыс сапарға шыққанда жолға сары май, тұз алып шықпайды. Оның мәнісі – долям сарғайып, зарықтырмасын, тұздай ашты азап тартпайтын деген ниетті бейнелегені.

39. Жаңа түскен келін өзінің киім-кешегін албаты қысқарта бермейді. Өйткені, бұлай еткенде дүниеге келетін нәресте кем туылады немесе түсік болып түсіп қалады деп ырымдайды.

40. Егіннің тұқымы үшін біреу қарыға дән сұраса, ренжімей берілуіге тиіс. Өйткені, дәнді адам емес, қара жер тілеп жатыр деп ырымдалады. Тіпті, түк жоқ деген күнде де бір уыс дән ұстаратады. «Егін әлей болсын!» деген тілек айтып, қарыз сұраушыны жылы шыраймен шығарып салады. Мұнысы — үйден дән арылмасын, дән тасып, елдің қажетін өтесін дегені.

41. Қырманға астық бастырар алдында егінші Дихан атаны еске алады да, бір шайнам дәнді аузына салып: «Дән дәмді болсын, ішер көбейсін» деген тілек айтып барып іске кіріседі. Мұнысы — қырмандағы дән шашылмасын, алдымен өзіміз ауыз тиелік, басқаға жем боп кетпесін дегені.

42. Жаңа туған ботаның құйрығының ұшы кесіліп тасталады. Себебі, бота тез марқайсын, тез аяқтансын деген ниет. Ботаның құйрығына қа тас жабысып туады, сол тасты алып тастаса, бота тез марқаяды деп иланады.

43. Бие саууга қолданатын көнек пен үйдегі сабаны төңкермейді. Түбін қолмен немесе таяқпен қағып ұрмайды. Бұлай істегендеге көнек пен саба түбіндегі құт ұшады, ақ тартылады, ырыс шайқалады деп ырымдалады.

44. Асқа, тойға арнайы әкелінген қымызы толы сабаны түгел сарықпайды. Түбінде азғантай болса да сарқыт қалуға тиіс. Себебі, саба кеүіп, семіп қалмасын, саба кепсе, малдың желіні семіп, сүті тартылады, құт-береке кетеді, сарқыт ішер жан қалмайды деп ырымдаған.

45. Қазақ құда-жекжатына, туыс-туғанына, дос-жаранына ит бермейді. Себебі, «Иттей ырылдасып қалмайық», «Ит ырылдаса — береке бұзылады», «Құдалық, достық, туыстық баянды болмайды» деп ырымдалады. «Құда мың жылдық» деп татулықты тілейді.

46. Бесікті бейуақытта сыртқа шығармайды. Нәрестені алты айдан асқанша үйде жалғыз қалдырмайды. Өйткені, қараңғылық пен жарық жер бетінде таласып тұрған кезде Бақ пен Сор да тез алмасады. Перілер мен жын соғысып жатады дейді. Осы кезде ұйықтауға да болмайды. Бейуақтың күнәсі жабысады деп ырымдайды. Кіндігі қатпаған сәби осы мезгілде үйде жалғыз қалса, шошынады, перілер баланы алыш кетіп, орнына өздерінің ақыл-есі дұрыс емес баласын тастап кетеді деп жориды. Кейде баланың ұрық безі бұзылып, рухынан айырылады, сондықтан қасынан адам үзілмеген жақсы деп иландырады.

47. Ұзак жолдың азабын тартып келген жолаушыны жаңа босанған әйелдің үстіне кіргізбейді. Ол өте жақын туыс болса ғана біраз демалғаннан кейін беті-қолын жуып, сыртқы киімдерін шешіп, жеңілтектенген соң барып кіруге тиіс. Өйткені, жол азабын тартқан адамның түсі сұсты, қабағы қатыңқы болады. Өмір есігін жаңа ашып, көзі мөлдіреп жатқан сәби мен сүйек-сүйегі босап, әлсіреп жатқан ана шошып қалмасын, секемденбесін, сырттан кірген кісіге ілесіп келіп, жын жабыспасын деп ырымдаған.

48. Бос бесікті тербетпейді. Баласы өліп, бағы сөніп, өзегі өртенген, содан есалаң қүйге ұшыраған әйел ғана солай істейді. Сондай жамандық болмасын деген ырымы.

49. Нәрестенің еңбегін баспайды. Өйткені, баланың бақыты еңбегінде болады. Нәрестенің былқылдан тұрған еңбегін басса — миы закымданады. өміріне қатер төнеді деп жориды.

50. Бесікке қолданып жүрген тұбекгі, шүмекті төңкермейді. Себебі, тұбек пен шүмек нәрестенің рахаты үшін жасалған мұліктер. Оны төнкеріп қойса, ішіне кір жабысады, от басына қойса қурап семеді, сондықтан таза жуып, күн көзіне қақтау керек, өйтпесе бала қуығы тұтылып ауырады деп ырымдалады.

51. Баланың ит жейдесін далаға тастамайды, біреуге бермейді. Себебі, нәрестенің бақыты сол жейдені киген күннен басталады, сол жейде сол бақытты сақтайды деп жориды. Әуелі, бұрынғы заманда дауға барған адамдар, жауға шапқан батырлар баласының ит жейдесін қойнына тығып ала жүрген. Себебі, сол жейде қауіп-қатерден, пәле-жаладан сақтайды деп ырымдаған.

52. Қыдырып келген жас баланы үйден құр қол шығармайды. Өйткені сәбидің меселдесі қайтпасын, көңілі қалмасын, жүрегі суымасын, келер бақытының беті қайтпасын, үйде оттай ыстық ықыласы қалсын деп ырымдаған. Егер сәби суық рай көріп, кейіген кейіппен шығып кетсе, бұл шанырактан бақ, төрден бақыт, дәннен ырыс кетеді деп ырымдалады. «Адам ұрпағымен мың жасайды» деген мәтел осындайдан пайда болған шығар.

53. Көне бұйымдар мен заттарды жаңғыртып жонбайды. Бұлай істегендеге беті жабулы тұрған пәле мен дау қайта қозады деп ырымдайды.

54. Мал төлдеп жатқанда басқа біреуге мал сыйламайды. Төлді біреуге атамайды және сатпайды. Бұлай істесе Шопан ата шамданады, шамырқанады. Жаңа тұған төл кырық күн өткенше иссіз болады. Сондықтан бақ пен байлық басқаға ауысады, мал шығынға ұшырап, індеп жайлайды, қора бос қалады деп ырымдалады.

55. Алғашқы некеге пайдаланылған бұйымдар бұзылмайды, той киімдері сөгілмейді. Себебі, бұлай етсе, тату неке бұзылады не адам

өледі, көніл жыртылады, араға сұық түседі, ыстық құшақ суиды. От жүректе тұтап, өрт кеудеде лапылдап тұрған махаббат сезімі өшеді, әуелі адамдар бір-бірімен жауласады, бітпес дау басталады деп ырымдалады.

56. Асқа, тойға, мереке-мейрамға бағышталып сойылған малдың еті сол үйдің адамдары ауыз тимей тұрып, басқаларға берілмейді. Қанын итке иіскетпей көміп тастайды. Бұл — жақсы тілеу басқаға аумасын, он тілсік ит-құсқа жем болмасын дегені. Сондықтан мұндай кездे ылғи да нысаналы мал сойылады. Дені сау көк қасқа тай, ақ сары бас қой, атан түйе, атан өгіз, ту бие секілді. Сондай мал сойылған соң қасиеті кетпесін дегені.

57. Сауысқан үйдің төбесіне қонып немесе үйге қарап шықылықтаса — үйге қонақ келудің нысаны. Алыстан жолаушы келеді, жолаушылар аман-есен оралады деп ырымдайды... «Әлей-алей, ақ сөйлей гөр!» деп тілек айтады.

58. Дастархан басында, ас алдында, тамақтанып отырғанда сырттан сәлем беріп кірген кісінің колын алмайды. Бас изеп, асқа кел деп шақырады. Жуылмаған қолды астан артық көру — адамдық қасиетке жатпайды. Астан аттауға болмайды. Майлы ас жеп отырып, қолды сілікпейді. Бұлай істегенде ас сілкінеді, дәм-тұз атады деп үйгарылады.

59. Әйел толғатқанда үй ішінде ілулі тұрған заттардың бәрі алынып тасталады. Сандықтардың ауызын ашып қояды. Осылай істелсе — толғақ жеңіл болады, жолдың бәрі ашық, ақ ниетпен тілеу тілеп тұр деп ырымдалады.

60. Үйге кіргізілген отынды қайта сыртқа шығармайды. Олай еткенде сол үйдің оты сөнеді, отағасы өледі деп ырымдалады.

61. Тұн ішінде сандық ашпайды. Бұлай істесе отағасы өледі деп жамандықка жорылады. Сандықты амалсыз ашуға тура келсе: «Сандықта жылан кіріп кетті» дсп барып ашады. Аузын жабарда: «Жылан сыртқа шықты» деп жабады. Онысы — сұық қол ұрылар тұн ішінде сандық ашып, жамандық жасамасын дегені. Оның қолын тұсі сұық жыланға балап салып, жыланға балап сыртқа шығарғаны.

62. Қазақтың келіндері асықты жіліктің асығы бар басындағы сіңірді мұжымайды. Онда толғағы ашты болады, қатты қиналады деп ырымдалады. Әйелдің толғағы қатты болса, бураның құраған бас сүйегін ақ байлап төрге іліп қояды. Мұнысы — жын-шайтан бурадан қорқып қашады дегені.

63. Жаңа босанған әйел үйге кірген итке шық демейді. Бұлай істесе — әйелдің тісі түсіп қалады, бойынан қайраты жойылады деп ырымдалады.

64. Эйелдер ошақтың үш бұғанан асырып отын үймейді. Олай болғанда күйеуінің көңілі басқа әйелге ауып кетеді деп ырымдалады.

65. Екі қабат әйел керулі тұрған және шұбатылып жатқан арқаннан аттамайды. Бұлай істесе — босанған кезде баланың кіндігі мойнына оралып, өміріне қауіп төнеді деп ырымдалады.

66. Әкесі бар бала қолын тәбесіне қойып, төр алдында шалқасынан жатпайды. Бұлай істесе — әкесіне наразы болып, өлім тілең, зауал әкелгелі жатар деген жаман ырымға жорылады.

67. Киіз үйдің есігін үйдің үстіне қарай лақтыруға болмайды. Есіктен Бақ пеп Бақыт та, Сор мен Қайғы да кіреді. Есікте кие болады. Лақтырганда сол кие шамырқанады. Жау шапқанда ғана есікті үйдің үстіне түре лақтырып, жауға құқай көрсетіледі. Жайшылықта есікті лақтырмау — сондай жаман әрекет болмасын дегені.

68. Екі қолды тәбеге қоймайды. Жамандық істен, қолға түскен тұтқындар ғана ант-су ішкенде екі қолын тәбесіне қойып, жүресінен отырады. Соңдай жамандық көрінбесін дегені.

69. Есіктің босағасын екі қолмен керіп тұрмайды. Табалдырықты баспайды. Мандайшага артылмайды. Өлім шықкан, жау шапқан, қаралы күнге ұшыраған үйлерде ғана сондай көріністер болады. Соңдай жаман ырымды істеуге тыйым салынады.

70. Үйде отырған қонақты саусақпен санамайды. Оның ішінде ақ сақалды қариялар да отыруы мүмкін. Малды және қолға түскен тұтқынды ғана саусақты шошайтып санайды. Ал үйден отырған кісілерге бұлай істей - әдепсіздік саналады. Қонақтар шамданады. Тіпті, қариялар адам өледі деп те ырымдайды.

71. Қазақ отқа түкірмейді. Отқа, щалаға су құймайды. Отқа су қүйса – пырылдап, үй ішін күл басады. Күл басса – нас басады. От киесі қашады. Оттай ыстық жалын сүиды. Құштарлық сөнеді. Адам өледі. «От бар жерде – жан бар». От - тірліктің негізі. Отка су қю – жамандықтың нышаны.

72. Таңертеңгі асты ішіп отырғанда ерлі-зайыпты адамдар ұрыспайды. Таңғы тірлік басталады. Құн шуағымен өмірге бақыт келеді. Ырызық тасыған, көңіл шалқыған құн туады деп, ыстық ықыласпен таңертеңгі асты ойнап-куліп отырып ішеді. Соңда қабактар жадырап, жақсы құн болады деп ырымдалады.

73. Жүкті әйелдер түйенің етін жемейді. Жесе – баланы он екі ай көтереді, толғағы қатты болады деп ырымдалады. Түйенің етін жеп, уағында толғатып, мезгілінде босана алмаса – сол үйдің төріне өлген бураның бас сүйегін іліп қояды. Онысы - әйел қиналмай, тез босансын дегені.

74. Сәбилер тоңқайып, екі бұтының арасынан қараса – жақсы нысанға баланады. «Жолаушы келеді», «Жол ашылады», «Алыстан туыстар қатынасады» деп қуанысады.

75. Аяқты көкке көтеру – жақсы қымыл емес, оспадарлық. Онда аспаққа асыласың, аяғың көктен келеді, үйде өлім-жітім, қорада мал шығын болады, Көк тәнірі шамданады деп жорылады.

76. Қазақ баласы жаңа шыққан көк шөпті жүлмайды. Ағаш бүрлерін ұзбейді. Көк шыбықты сындырмайды. Өйткені, жас өндірдің бәрі бақыттың бастамасы, барлық тірліктің қайнар көзі. Көк жүлсаң – көктей орыласың, қарғыс атады деп ырымдалады.

77. Қазақ баласы бастау басына, бұлақтың қасына дәретке отырмайды. Барлық тірліктің атасы да, жан біткеннің анасы да сол бұлақ, сол бастау деп біледі. Сондықтан бұлай істегендеге оның киесі атады, қарғысы тиеді. Тазаны арамдасаң – арың кірленеді, абыройың төгіледі деп ырымдайды.

78. Қазақ жапан даладағы жалғыз ағашты кеспейді, зақым келтірмейді. Саясына барып паналап, ұйықтамайды. Олай істесең – сол ағаштай сопиып жалғыз қаласың, дүниеде жалғыздықтан өткен жамандық жоқ. Жаның құлазудан асқан қорлық жоқ. Жалғыз ағашты жамандық тілеп тұрған жауыздықтың нысаны деп қарайды.

79. Қазақ қосарланып өскен, қатар біткен ағашты кеспейді. Олай істегендеге қосағыңнан айырыласың, қанатыңнан қайырыласың, бақайыңнан майырыласың, тамырыңмен қырқыласың деп шошиды. Дүние түгел егізден жаралған. Егіздің сыңарын құлатқан оңбайды. Көңілі қарауытып, санадай сарғайып, зарығып, қиналып өтеді деп ырымдайды.

80. Далада жатқан, шала жанған ағашты үйге кіргізбейді. Өйткені, күйелі ағаштай пәле жұққыш болады. Көңіл шаладай бықсып, үй ішінде алауыздық туады. Қорадағы қой, өрістегі жылқы, қотандағы сиыр, даладағы түйе шала туып, шығын көбейеді. Береке кетіп, бақыт сөнеді, адам өледі деп ырымдалады.

81. Үлкен тойда, аста немесе салтанатты мереке-мейрамда сыйлы қонаққа көк қасқа тай, ақ сары бас қой, атан түйе, дөнен өгіз сойылады. Сонда барлық тілеу қабыл болып, зор бақыт қонады деп сеніп, ырымдалады.

82. Соғымға сойылған малдың жілігін шаққанда майы толық болса, сол жылы мал майлы, көңіл жайлы, тоқтылық болады деп ырымдалады.

83. Қазақ үйіне қонған қонақты да ырымдайды. Қонақ қонған түні мал төлдесе, көтен асып қонақты сыйлайды. Әрі киіт кигізіп: «Ақ жолтай қонақ» деп шығарып салады.

84. Қазақ жақсы көретін адамына, туыс-туғанына, құда-жекжатына, алаш-ағайынына шақпақ тас, пышақ, кайрақ сыйламайды. Бұлай істесе араға от түседі, пышақтасады, «қырық пышақ болады», дұшпан араға от жағады, егестіріп қайрайды, тату тірлік бұзылады деп, жаман ырымға жатқызады. Сондықтан жақын кіслер шақпақты, пышақты, қайрақты сұрап алмайды, көрсетпей ұрлап алады. Иесі оны білсе де ренжімейді. Бұл жаман ырым басталмасын дегені.

85. Қазақ құнге, Айға қарап тұрып тұзге отырмайды. Ал, құбыла жаққа, құн батысқа қарап тұрып бұлай істеуге тіпті де болмайды. Бұлай істеу әрі құнә, әрі рух шамданып, ұшынады, ауру иелеп, қуығы тұтылады, жіңішке ауруға тап болады, ауызы қисаяды деп ырымдайды. Ай мен Құн — қазақ ұғымында дүниенің жарығы, сұлулықтың, пәктіктің белгісі.

86. Жайлау үстінде далаға қазан асқанда түбіндегі судан жұлдыздар шоғыры көрінсе — мал өседі, төл көбейеді, байлық артып, дәulet шалқып, рахат өмір сүреміз дсп ырымдайды. Отқа май құйып қоздандырып, ақ тілеу тілейді.

87. Қазақ сейсенбі құні жолға шықпайды, сапарға аттанбайды. Бұл құні жол болмайды, жолдан пәле кезігеді, сейсенбі құні жолды жылан кес-кестеп жатады деп ырымдайды.

88. Қазақ некелі төсекке басқа адамды жатқызбайды. Көрпежастықтарды да біреуге қолданбайды. Неке бұзылады, махабbat тітіркеніп, шетке ауады деп ырымдалады.

89. Қазақтың келіні қайын енесі мен қайын атасының төсегіне отырмайды. Бұлай істеу әдепсіздік, арадағы сыйластық бұзылады, адамдық жойылады, құрметтен айырылады, келіннің етегі ашылады деп, қатал тәртіппен тыйым салып, жаман ырымға жатқызады.

90. Қазақ аққуды, сары ала қазды, бұлбұлды және жалғыз жүрген құсты ауламайды, атпайды. Өйткені, бұларды киелі құс деп есептейді.

91. Қазақ біреуге қатты ашуланған адамға «тісінді қайра», «ернінді тістеме», «жұдырығыңды түй» дейді. Өйтпесе кек ішінде кетеді деп ойлайды. Кек ішінде кеткен адам дертке шалдырып, ем табылмай өмірден өтеді, түсі жылымайды, жүрегі жібімейді, кекшіл болып, көпшіл болмайды. Тісін қайраса, жұдырығын түйсе — ашуы сыртқы шығып, көңілі жадырайды деп жориды.

92. Қазақта түн ішінде ысқырмайды. Ысқырса сырттағы жылан үйдегі дыбысты іздел кіреді деп үйғарады.

93. Қазақ түнде айқайламайды. Тек жаугершілікте ғана солай істелуге тиіс. Жайшылықта ондай теріс қылыштан аулақ болған жөн деп үйғарылады.

94. Ымырт кезінде жатып үйиқтамау керек. Өйткені бұл мезгілде жарық пен қараңғылық, Бақ пен Сор, өлім мен өмір ауысады. Ымырт кезінде жатқан адам өлім тілегені деп ырымдалады.

95. Тұн ішінде сыртқа от шығармайды Бұлай істегенде ауылға жау шабады немесе қораға қасқыр тиеді, апат болады, далаға өрт кетеді деп ырымдалады.

96. Қазақта денесінде тарыдай-тарыдай қара қалы бар адамдардың қызы көп болады деп жорылады.

97. Қазақ бейіт баспайды, қолмен нұсқап көрсетпейді. Бұлай істесе әруақ атады. Бейіт басқан адам топ, сал ауруына ұшырайды, қол-аяғы тартылып қалады деп ырымдайды.

98. Қазақ «Бұлінген елден бұлдіргі алма» деп, өз ішінен бұзылған елге теріс қарайды. Бұлай істесе бүлік жұғады, пәлесі қалады, жала жабылады деп ырымдайды.

99. Қазақ пышақтың жүзі көкке қарап жатқанды жаман ырымға жатқызады. Ондай пышақ өлім тілеп жатыр деп ырымдап, пышақты жалпағынан жатқызады.

100. Қазақ тұнде үрейлі тұс көрсе, таңертен жерге үш рет түкіреді де: «Тұс — тұлқінің боғы» дегенді үш рет айтып, түкірікті оң аяғының табанымен үш рет басып таптайды. Онысы — тоймас қара жер жаман тұсімді жесін деп ырымдайды.

101. Қазақ оң жағындағы иығына қарай түкірмейді, сол иығына қарай түкіреді. Себебі, ои иықта адамды қолдаушы періште отырады, түкіргенде ол жеркенеді деп үйғарады.

102. Қазақта тұнде айнаға қарамайды. Қараса — ажары кетеді, өні бұзылады, нұры таяды, дидары солады, шұғыла қуарады деп ырымдалады. Өйткені, адам баласы жарықта жүзіне нұр жинайды. Тұнде айнаға қараса сол нұр адамның көзіне шағылсып, тайғанайды деп жориды.

103. Қазақ мүшел жасын жасырады, басқаларға айтпайды. Себебі, мүшел жас — қатерлі жас, тіл мен көз сұғынан сақтасын деп үйғарады да, жасты айтуға тұра келсе не асырып, не кемітіп айтады.

104. Қазақта жаңа киген киімге байғазы береді, түйме тағады. Онысы — түйме артынан түйе келеді деген ырымы.

105. Қазақта жалғыз ұл балаға жамау-жамау киім кигізіп, төбесіне айдар қояды. Онысы — балаға жат көздін сұғы қадалмасын, тіл тимесін дегені.

106. Қазақ көне жұртты, оттың орнын баспайды. Басса — ауыру жабысады, піле қонады деп жориды.

107. Қазақта қыл арқанды ұрламайды. Ұрласа — аспаққа асылады, қыл мойнына қыл арқан түседі деп ырымдайды.

108. Қазақ өзі мініп жүрген атын соғымга соймайды. Ал, біреуге берсе — сілекейін алыш қалады. Онысы — бағы да, соры да басқага кетпесін дегені.

109. Қазақ шашты даалаға тастамайды, жерге көмеді. Құс шашты үясына салса — бас ауыруға шалдығады, бас айнаналғыш болады, ұмытшақтық, женілтектік дертке шалдығады деп ырымдайды.

110. Кептерге қарай тас лақтырмайды. Олай істесе — тыныштық бұзылады, береке кетеді деп ырымдалады.

111. Қазақ салтында үйдің ішінде тырнақ алмайды. Тырнақ тамаққа түссе — жазылмайтын ауруға тап болады деп жориды. Бұрынғы заманда мыстан кемпірлер тырнағын алыш, қастасқан адамының төсегіне қойса, жады ауруына ұшырайды екен деген аныз бар.

112. Қазақ нанды баспайды. Нан аса қасиетті деп есептеледі. Нанды басқанды құдай атады, қарғысқа ұшырайды, өзегі талып өкіреді деп ұтады.

113. Қазақ әйелдері қасын боямайды, жұлып тақырламайды. Бұлай істесе — қастасы көбейеді, жауы басына шығып, басынады деп жориды,

114. Қазақ басқа үйді айналмайды. Айналса, сол үйдің пәлесі жабысады немесе өзіне қонуға тиісті бақ адасады деп ырымдайды.

115. Қазақ тенделген жүкті буып байлаған жіпті кеспейді. Бұлай істегенді өзіндікі өзіңе бұйырмайды, талапайға түседі, жолда тоналасың, жау шапқандай болады деп, жаман ырымға жориды.

116. Қазақта кетік, жырық ыдыспен қонаққа ас бермейді. Себебі, ыдыстың кетігінен сайтан қосарлана ас ішеді, қонақ қорланады, қонақтың жебеуші иесі шамданып, көрін төгеді деп ырымдайды.

117. Қазақ кем-кетік, мүгедек, жарымжан адамдарға күлмейді, мазақтап масқараламайды. Өйткені, бұл әдепсіздік. Менмендік істесен — өз басыңа келеді. Күлген кісі күлге көміледі, көлге кетеді, екі етегін түре кетеді, өмір бойы күрсініп өтеді деп, жамандықка жатқызады.

118. Дастархан оң бетімен жайылады. Дастархан қос кабатталған болса, қонақ келгенде оның түйік жағын қонаққа қаратып, оң бетін келтіріп жаяды. Мұны «дастархан оң болмай, ісінде жол болмайды» деп ырымдайды. Дастархан — береке-бірліктің, тірліктің бейнесі ретінде қастерленеді.

119. Қазақ жазғытұрым далада ұйықтамайды. Бұл қыс пен жаздың өларасы, шегі. Ыстық пен сұық алмасар тұс. Осы мезгілде жер бетіне жын-перілер соғысып жатады. Далада ұйықтап қалған кісінін бет-аузы қисаяды, жынданып ауырады деп ырымдайды.

120. Атты кісі бейіт тұсынан шауып өтпейді. Бұл әруақты сыйламағанның қылышы. Сондықтан әруақ атады, сайтан жабысады, әруақ соңынан қуалап үйге келеді деп ырымдайды.

121. Малға оба тисе, қасиетті саналған адамдардың моласынан топырақ әкеліп, малды ұшықтайды. Себебі, оба да бір қасиеттің белгісі. Оның да күшті қорғаушысы болады деп ырымдайды.

122. Пұшпағы қанамаған бедеу әйел жуынып-шайынып тазаланып алған соң, әулие адамдардың қабырына барып тәу етіп жалбарынса, сүйегі жарылып, бала көтереді деп ырымдайды.

123. Қазақ дос-жаранына, туыс-туғанына сары түсті заттарды тарту-таралғыға ұсынбайды. Сары тұс — дерптің белгісі, сары ауру жабыстырады, жазылмас дертке ұрындырады деп жориды.

124. Қазақ беталды жер шұқымайды, жер қазбайды. Бұл қылыш өлім шақырады, ажалды хабарлайды деп, жаман ырымға балайды.

125. Әкесі тірі адам төрге шықпайды, бас ұстамайды. Бұлай істесе әкесі өледі деп ырымдалады.

126. Қазақ салтында от жаққан орынды баспайды. Отта кие бар. Бұлай істегендеге оттың киесі атады деп, тыйым салады.

127. Қазақ ұғымында аспан денелерінің де өзіндік қасиеті бар деп есептеледі. Мысалы, көктен жұлдыз ақса — адам өлгені деп жориды.

128. Ауа райының құбылысы да әртүрлі ырыммен парықталады. Құн тұтылса — мұсылманға, Ай тұтылса — кәпірге көрінеді, патшалары өледі деп жориды.

129. Жанып тұрган шырақты үрлеп сөндірмейді, бір затпен басып өшіреді. Үрлеп өшірсе — бақ таяды, бақыт сөнеді, адам ұмытшақтың дертіне тап болады деп ырымдайды.

130. Тұн ішінде біреудің үйіне кіргенде «ассалаумагалейкүм» дсп сәлем бермейді. Тек «Кеш жарық» деп қдна тілек айтады. Өйткені, кейде сайтан тұн ішінде періште бейнесіне еніп төрде отырады дейді. Соның абаламай сәлем беріп қалған жағдайда сол адамның аузы қисайып, ақыры ауырып өледі деп жориды.

131. Әдетте қазақ түйені басқа ұрмайды. Өйткені түйенің басында жылды бастайтын бақыты тұрады деп жориды.

132. Тұнде әйел заты суға бармайды. Әйел жаны нәзік әрі қорқақ келеді. Су жануарларын көргенде жын деп ойлады, шошынып қалады деп есептеледі.

133. Асқа сойылған малдың етінен үй иесі дәм татпай тұрып қанжынын итке жегізбейді. Адал малдың етін иман айтып жемей тұрып, қанжынын ит жесе, адал несібе арамданады, ас дәмі бұзылады деп ырымдалады.

134. Көктемде алғаш құн күркірегендеге үйдің іргесіне ақ төгіледі. Бұл ақ мол болсын деген ниеттен туған ырым.

135. Жайшылықта тұндікті бақанмен тіремейді. Себебі, өлім шыққан үй ғана осылай істейді. Жақсы күнде жаман ырым жасалмауы керек деп ұйғарылады.

136. Тұңғыш баланы алыс сапарға той жасап аттандырады. Тойға үлкен-кішінің бәрі жиналады. Бала үлкендерден бата алсын, жолы ашылсын, маңдайы жарылып қуансын, сапарға жарқын жүзбен аттанса, ғұмырлық сапары да сәтті болады деп ырымдалады.

137. Жаңадан келіп, қоныс қонғандарға ауыл ерулік береді. Қоныс құтты болсын айтады. «Көрші ақысы — тәңір ақысы» деген сөз бар. Ерулік бермесе, дән қусырайды, босаға сөгіледі, жер жериді деп ырымдалады.

138. Құрықтың ұш жағын жоғары көтермейді. Онда малдың аяғы көктен келіп, орта ойылған жұт болады деп ырымдалады,

139. Жолаушы сапар шегіп келе жатқанда жол бойында тұмсығы жолға қарап аттың не түйенің қу басы жатса, жол ақ, оң болады деп ырымдалады. Ал, керісінше жатса, жолаушы аттан түсіп, қу бастың тұмсығын жолға қаратын қойып кетеді.

140. Қазақта сейсенбі күні алыс сапарға аттанбайды, үлкен іс бастамайды. Себебі, бұл ауыр күн болып есептеледі. Бас зеніп тұрады деп ырымдалады.

141. Тырнақпен шаш бейсенбі, жұма күндері алынуы тиіс. Тұнде тырнақ пен шашты алмайды. Себебі, адамның жаны тұнде тырнаққа ілініп тұрады еken. Ал тұнде шаш алу бас алумен бірдей деп жорылады.

142. Тамақты тек кана оң қолмен жеу керек. Сол қолмен жеген ас сінімді болмайды деп ұйғарылады.

143. Шалбарды, ыштанды, дамбалды отырып кию керек. Бұл — ибалылықтың нышаны, құтты өмірдің қалпын бейнелейді. Тұрегеп тұрып кию — жаугершілікті, қанды қырғын соғысты елестетеді. Соңдықтан, мұндай теріс әрекеттен аулақ болу керек.

144. Тұнде беті ашық қалған асты жемейді. Себебі, мұндай ас бұзылады, айниды. Асқа сайтан сарыды деп ұйғарылады.

145. Таңертенгісін жол ұстінсін алғаш кезіккен әйел еркектің он жағынан өтпеуі керек. Бұлай істесе, ердің жолы бөгеледі, бақыты шайқалады, қырсыққа ұрынады деп ырымдалады.

146. Жаңа босанған әйел қырық күнге дейін қолын суық суға малмауы керек. Салқын заттарға қол тигізбеу керек. Жаңа туған нәресте суық жүрек, тасбауыр болып өседі деп ырымдалады.

147. Жаңа туған сәбидің кіндігін киелі әйелге немесе жасы үлкен парасатты кемпірлерге кестіреді. Себебі, «Нәресте кіндік шешесіне тартады» деген сенім бар. Ауру-сырқат немесе жарымжан әйейдер кіндік кессе, бала соған тартып кетеді деп ырымдалады.

148. Нәресте туғанда кіндігін ай балтамен кесіп, таза жіппен байлайды. Кіндік кескен балтаны пайдаланбай, сақтап қояды. Кіндік үш-төрт күнде түседі. Үл баланың кіндігін «үй күшік болмасын, далада өскен батыр болсын» деп, қырдан асырып лактырып жібереді. Ал, қыз баланың кіндігін «үйдің құты болсын» деп, от басына ошақтың тубіне көмеді. Бала оқымысты болсын деген ниетпен кітап арасына сақтап қоятын да, ат құлағында ойнасын деген тілекпен, аттың жалына байлап қоятын да дағды бар. «Тілегімізді кіндік кескен жерден, кіндік қаны тамған жерден бер» дейтін сөз осындай ырымдардан қалған.

149. Жаңа босанған әйелге ақ сарыбас қой сойып, ақ тілеу айтып, қалжа жегізеді. Себебі, туыттағы тері шықпаса, ана мен баланы қырық түрлі қырсық шалады, қалжа жемеген әйеддің баласы ынжық болады деп ырымдалады.

150. Бала емізіп отырған әйел омырауын басқа кіслерге көрсетпеуі тиіс. Баланы қалқалап отырып емізеді. Бұл кезде сөйлемейді. Себебі, басқаның көзі омырауға түссе — емшегі ісінеді, сыздауық шығады деп ырымдалады. Ал сөйлесе бала шашалып, қолқасы қабынады да, ауруға шалдығады.

151. Қалжаға сойылған койдың омыртқасын тазалап мұжиді де, тобылғы шыбыққа өткізіп, есіктің бас жағына іліп қояды. Онысы — баланың мойыңы тез бекісін дегені. Ал қалжаға жиналған әйелдердің бәрі де омыртқа етінен ауыз тиуге тиіс. Ең соңында кіндік шешесі қырнап мұжиді де, есік маңдайшасының төбесіне іліп қояды. Әйелдер осы омыртқа етінен ауыз тисе, бала көтереді деп ырымдалады.

152. Жөргектен шығарып, иткөйлек кигізген сәбиді бесікке кез-келген әйел салмайды. Бұл қызметті бойы таза, инабатты жөн білетін, ел жұртқа сыйлы, үбірлі-шұбірлі бәйбіше орындейды. Баланы бесікке саларда таза темірді немесе сол үйдегі кысқашты, темір көсеуді отқа қыздырып, бесіктің арқалығынан бірнеше жерді қариғы. Бұл жыншайтан өлсін, балаға пәле-жала жабыспасын дегені.

Сонан сон әйелдердің біреуі: «Бала қырандай алғыр болсын» деп, бүркіттің тұяғын бесікке байлайды. Тағы біреуі бесіктің екі жағынан қылыш жарқылдатып: «Жау жүрек батыр болсын» десе, үшіншісі бесіктің екі жағынан қамшы үйіріп: «Тақымынан тұлпар кетпесін, бәйге бермес шабандоз болсын» деген тілек айтады. Сонан соң бесіктің тұбсқ орнататын тесігінен тәтті тағамдар төгіп: «бала тышты» деп, төгілген дәмді алып шығады. Оны той дәмінің сарқыты ретінде балаларына апарып береді. Бұл сәбидің ырзығы тасып, қонағы көп, мерейі үстем, достарына сыйлы, ашық қол болсын дегені. Осыдан кейін үйдегі әйелдердің бәрі үнсіз отырып, баланы әзірленген бесікке

салады. Ешкім үн шығармайды. Себебі, сөйлеп қойса, бала жылауық, өскенде өсекші болады деп ырымдалады.

153. Каз тұрып, апыл-тапыл жүре бастаған баланың тұсауы салтанатты түрде кесіледі. Бұл «Тұсау кесер тойы» деп аталады. Баланың аяғы ала жіппен тұсалып, байланады да, оны сол ауылдың желаяқ, жылпың, қадірлі кісілердің бірі кеседі. Соңан кейін сәбиді әрібері жетелеп жүргізеді. Тұсауы кесілетін баланың қалтасына тәтті тағамдар, күміс тындар сықап салынады. Тұсауы кесілген соң тойға келгендер мұны таратып алады. Тұсау кесілмесе — бала сүріншек болады, үлкейгенде топ ауруына шалдығады деп ырымдалады.

154. Бостан-бос тасты шықылдатпайды. Бұйтсе — қасқырдың тісі қышиды, қорадағы, өрістегі малға шабады. Мал шығыны көбейеді деп ырымдалады.

155. Баланы съыртқымен, көсеумен ұрмайды. Бұлай істегенде балаға пәле жабысады, қырсық шалады деп ырымдалады.

156. От басында отырған қарияның орнына кез-келген адам отыра бермейді. Кейбіреуіне қарияның кәрі тиеді. Жарымжан, дімкәс адам болса, ауыруы асқынады деп ырымдайды.

157. Жаңа тұсken келіннің бетін ашканда, жыр айтушы ақын оң қолымен ашады. Жеміс ағашына немесе тобылғы сапталған қамшының сабына қызыл торғын орамал байлап, сонымен ашады. Онысы: «Келіннің беті айдай жарық болсын, жемісті ағаштай ұрпағы көп болсын» деп ырымдалады.

158. Жауырынды мұжып болған соң, етек жағын жарып, ашып тастайды, өйтпесе жол бітеледі, жол азабы көбейеді, жол тұйыққа тірелді деп жориды.

159. Қазақ үш әйел тастаған еркекті жақтырмайды. Оның қолынан балаларына дәм татырмайды. Жамандығы бастарына келеді деп ырымдалады.

160. Тай мініп, өзінің сұндет тойына шақыра келген баланың қолына тәтті ұстатып, тайының жалына шүберек байлал: «Жол болсын, той құтты болсын!» деп жол көрсетеді.

161. Қызына құда түсе келген адамның тілегін қабыл еткенде жағалы шапан кигізеді. Оны «шеге шапан» дейді. Бұл құдалық баянды болсын деген ниет.

162. Шыр айналып соққан құйынды көргендс «тфә! тфә!» деп, жерге үш рет түкіреді. «Таздың үйіне бар, таздың үйіне бар» деп, құйынды қуады. Өйткені, құйын соққан жерде жын жүреді, жын соққан адамның аузы-мұрны қисаяды деп есептейді.

163. Отырған адамды айналуға балаға да, басқаға да рұқсат етпейді. Олай істесе, әлгі адамның ауру-дерті болса, соны айналған

кісіге көшеді, барлық сиқыры қонады, жұқпалы дерті жабысады, соның салдарынан бақытсыздыққа душар болады деп ырымдалады.

164. Біреудің ұл баласы жоқ болса, әйелі қыз тау берсе, ол соңғы туған қызына «Ұлбосын, Ұлтуған...» деген секілді тілеу аттар кряды. Онысы — келесі балам ұл болсын деп ырымдаған.

165. Баласы тоқтамай өле берген немесе түсік тастай берген әйел бір баланы аман-есен тау қалған жағдайда жеті әйелдің бұтының арасынан өткізіп алыш, оған Жетпісбай деген ат қояды. Онысы ғұмыржасы ұзақ болсын, артынан өзіндей ұл мен қыз өрби берсін деп ырымдаған.

166. Қазақ үйірлі жылқысынан біреуге мал ұстап берген кезде, сол жылқының жалынан бір тал қылды жұлып алады да, қылға сол жылқының сілекейін жағып, қалтаға салып сақтап қояды Бұл — «сілекей сірне» деп аталады. Онысы — әлгі жылқымен бірге ырыс кетпесін деп ырымдаған.

167. Қазақ біреуге өзінің киім-кешегін берсе, бір түймесін не бір бауын үзіп алыш қалады. Онысы — басымдағы бағым түймемен немесе баумен бірге кетпесін дегені. «Таудай талап бергенше, бармақтай бақ бер» деген сөз бар. Бұл сөз осындағы ырымнан шыққан болуы да ықтимал.

168. Егер сататын жағдай болыш қалса, аттың жүгенін, түйе мен сиырдың бүйдасын, бүркіт пен сұңқардың томағасын, иттің қарғы бауын алыш қалуы шарт. Өйтпссе, бұлар сиқырмен басқа бейнеге айналыш, жүгенді, бүйданы, томағаны, қарғы бауды алыш қалуды талап етіп, маза бермейді деп ырымдалады.

169. Қазақ әйелдері өзінің әдейілеп басына салып жүрген арнаулы жаулығын басқаларға бермейді. Олай етсе басымдағы бақ басқаға көшеді деп ырымдалады.

170. Қазақ жорыққа аттанған кезде «аттан түс», «атты байла» деген сөздерді тіке айтайды. Жамандыққа бастамасын деп, сол мағынаны білдіретін, қон, бекіт, кір деген сияқты сөздерді қолданады. Жорыққа аттанғанда өлең айтпайды, жыламайды. Саптыаяқты жолдыаяқ деп, мінгені байтал болса — ат деп атайды. Жорыққа байтал мініп барса, жол болмайды деп есептейді. Байтал жорық көлігі емес, құлындастын, сауылатын мал.

171. Үйге тاماқ шайнаған қалыппен кіруге болмайды. Ал, тاماқ шайнап шығу — жақсылықтың нышаны. Қазақ: «Дүшпанның үйіне жеп кір, достың үйінен жеп шық» дейді. Біреудің тاماқ шайнап кіріп келе жатқанын байқаса, үй иесі оның аузындағысын босағаға төктіреді. «Қан түкір» деп, жамандыққа балап назаланады.

172. Қонақ келгенде есікті үй иесінің өзі ашады. Ал қонақ шығарда есікті үй иесі ашпайды, қонақтың өзі ашып шығады. Қонақ

үйге келгенде құт бірге кіреді деп жориды. Қонақ кетерде үй иесі есік ашып берсе, құт та әлгі кісімен ілесіп кетеді деп ырымдалады.

173. Қазақ ұғымында, үкі — қасиетті құс. Үкінің ұлпілдек жұні, басы, сирағы және қауырсының жын-сайтаннан қоргайды деп, төсектің басына, бесікке, бас кімге қадайды.

174. Тіл тиуден, көз сұғынан сақтану үшін «Есек тас» деп аталатын белгі тас тағылады. Сонда көз сұғы, тіл зары тасқа тиеді деп ырымдалады.

175. Қазақ жын-сайтан бурадан және кірпікшешенен қорқады деп жориды да. Үйдің бір қолайлы тұсына бураның бас сүйегін, кірпінің түрпісін іліп қояды.

176. Қазақ үйінде ыдыс-аяқты шақылдатпайды. Онда ырыс үркеді. Дім шамданады, бақ жоламайды деп ырымдалады.

177. Қазақта «ақты телміртпе» деген сөз бар. Алдыға қойылған айран, сұт, қымыз секілді тағамдарды көп тостырмай, тез ішу керек. Ақ көп телмірсе, аққа адам да телміріп, зарығатын болады деп ырымдалады.

178. Қазақта: «Сыйға — сый, сыраға — бал» дейтін сөз бар. Жігіт жағы құдаларды есік көрсетуге шақырады. Мұндағы мақсат — қалыңдықтың барлық туыс-туғандарын күйеуге таныстыру, өз ел-жүрттын, дәuletі мен сәулетін көрсету. «Өлі-тірісіне» бір мал аталады. Бұл — әруақ разы болсын дегені. Егер өлі-тірісіне мал аталмаса, келін ауруға шалдығады деп есептейді.

179. Қазақта шын көңілмен, адап ниетпен құдаласып, қонақ болып отырғанда табақ тартар алдында құйрық-бауырды араластырын турап, үстіне айран құяды да, құдаларға асатады. Бұл асатудың әзілге ұласатын жағы да бар. Алайда адап ниет те қабысып жатады. Айран араластыруы — тілек ақ болсын, іші-бауырмыз араласан мың жылдық құда боламыз деп ырымдағаны.

180. Қазақ бір үйге алып барған өзінің сыбағасынан өзі жемейді. Онда әйелі қыз табады деп ырымдайды. Ұдайы жаугершілікке ұшырай берген қазақ елді қоргайтын ер азаматты қөксегендіктен ұл баланы ерекше тілейді.

181. Қазақта тұн ортасында қораздың шақыруы теріске жорылады. Ондай қораздың басын кеседі де, жерге көміп тастайды. Өйтпесе, адам өлімге ұшырайды деп есептейді.

182. Жаңа түскен келіннің бала көтеріп, жерік болғанын сезсе, қайын енесі ағынан жарылып, «төсек той» жасап, көршілерін де қуантады. Жиналғандар төсекке теңге, қыран құстың қасиетті саналған дене мүшелерін іледі. Жастығының астына пышақ жастап қояды. Онысы бала аман-есен жарық дүниеге келсін. Тіл-көзден аман болсын дегені.

183. Жас жұбайлардың алғаш жататын төсегі — «Ақ некенің ақ төсегі» деп аталады. Енесі мен жеңгелері төсекті аршамс аластайды, иіс су себеді. Төсекті бұлай аластамаса, жын-сайтан жабысын, неке бұзылады деп жориды.

184. Қазақ мойынға жіп салмайды. Өйтсе сайтан есінен тандыра аздырып, өзін-өзі білмей буынып өледі деп ырымдайды.

185. Төрдін төбесіне түлкінің, қасқырдың, аюдың және басқа жыртқыш андардың терісін іліп қоймайды. Өйтсе — бақ тұрмайды, үйді үрей билейді. Үй іші жыртқыш андарға толып тұрғандағ сезіледі деп, жамандыққа жориды. Әсіресе, жас отаулар иелерінің бұлай істеуіне тіпті болмайды.

186. Қазақ қыздары үйдегі қонақтың қарсы алдына келіп, талтайып отырмайды. Мұндай қылыш қызды ұятсыз іске ұрындырады, бақытсыздыққа душар етеді деп ырымдайды.

187. Қазақ тартылған табақпен қоса ұсынылған бас келгенде оң құлағын сол үйде отырған қонақтардың ішіндегі балаға береді. Онысы — бала сөз тыңдайтын, тілазар емес, елгезек, жақсы болып өссін деп тілегені.

188. Қонақтың пышағы немесе бәкісі дастарханмен бірге жиналып кетсе, қайтарып берілмейді. Қонақ ет турағанда пышағын өзі сұртіп қынына салып алуы керек. Егер дастарханмен бірге жиналып кетсе, қонақ үндемейді, пышағын сұрамайды. Сұраса: «Қырық пышақ бол өштеседі» деп жориды.

189. Қатар тартылған екі табақтың адамдары түгел ет турап алуға пышақ сұрап алса, етті турап болған соң, пышақты құры қайтармайды, пышақтың ұшына май шаншып беріп, алғыс айтады. Өйткені пышақ — ердің қаруы. Ақ май сол ниетті білдіреді.

190. Қазақ: «Ай құлақтанса — аяғынды сайла, күн құлақтанса — күрегінді сайла» дейді. Онысы — Ай қораланса күн жылы болады. Ай шалқасынан туса — қатты аяз болады. Ай қырынан туса — күн жылы болады деп жориды.

191. Біреудің атынан ғайбат сөз айту — қазақта жантүршігерлік жаман ырым. Ғайбат айту — кешірілмес күнә. «Ердің ғайбатын айтпа, қайратын айт» дейтін нақыл бар.

192. Қазақ суга түкірмейді, Ағынды суды беталды бөгемейді. «Дәм татқан құдығыңа түкірме» деген нақыл сондай ырымдардан қалған.

193. Қазақ шығып бара жатып, есікті қатты серіппемейді. «Қайта кірер есігінді қатты серіппеме» деген де нақыл бар. Өйткені бақ есік пен төрде қатар тұрады. Есікті қатты серпісен, үйден бақ қашады деп ұйғарады.

194. Қазақ казан-ошақты теппейді. Ондай істегенде аяқ дертке шапдығып, кем болады. «Қазанның қарасы, ошақтың киесі атады» деп есептейді.

195. Қазақ жаңа туған нәрестені «не деген сұлу» немесе «неткен семіз» деп айтпайды. Бұлай айтып калған болса, жерге үш рет түкіреді. «Жағына жылан жұмыртқаласын», «Аузына қара қан толсын» деп, бір дегдар әйел аузын жаптырады.

196. Қазақ үйінде қазан құр тұрмайды. Тым болмағанда бір қалақ май тамызып қояды. Бұл «қазан қаңсымасын» дегені. Қазан толы болса, уайым жоқ.

197. Қазақ қайыршыға тұске дейін ғана садақа береді. Жұма және бейсенбі күндері де қайыр садақа таратады. Себебі, тұsten кейін жиналған мал-мұлікті бытыратпайды. Бәрі де тұске дейін жиналады. Егер осы жинаған мұліктен біреуге берсе — ырыс кетеді деп ырымдайды.

198. Қазақта қолды жуып болған соң, сілікпейді. Қайта суды сорғытып барып, орамалмен сұртеді, Жуған қолды сілку — жаман ырым. Бүйткенде су иесі Сүлейменнің киесі атады, сонын салдарынан бастау көздері бітеледі деп жорылады.

199. Қазақта айдалада жалғыз кетіп бара жатып, түнге қалса, мұсылмандардың моласындағы мазарға түнеп шығады. Таңертең әруақтарға бағыштап құран оқып аттанады. Жалғыз адамды түнде әруақтар қорғайды деп жорылады.

200. Қазақтар жәйбарақат кезде бас бармақты тіstemейді. Қаралы күн, құсалы түн өткізіп, өзегі талған адамдар ғана солай істейді. Ешбір себепсіз бұлай істеу — жамандық нышаны деп жорылады, оған қатаң тыйым салынады. Қатты өкінгенде ғана бармақ тістейді.

201. Қазақ көкке, шаңыраққа қарап түкірмейді. Көк тәнірі атады. шаңырақ киесі соғады деп үйғарылады.

202. Қазақ аяқ киімінің табанына қарамайды. Аяқтың баспайтын жері жоқ, аяқ киім де таза емес. Былғанышты көрсе — көз ұшынады деп есептейді. Ал аяқ киімінің табанына қарай қалған күннің өзінде үш мәрте түкіреді. Онысы — көзім ұшынбасын, аяғым ақсамасын дегені.

203. Қазақ салтында жаңа тұскең жас келін көрші ауылға алғаш қыдыра шыққанда, үлкен енелері оған «итаяғына сал» деп сақина, білезік, жүзік секілді заттар ұсынады. Келіншек тұңғышын босанып, нәрестені алғаш шілде сұына шомылдырганда ыдысқа осы заттарды салады. Нәрестені шомылдырып болған соң әйелдер бұл заттарды бөліп алып, балаға ақ тілеу тілейді. Онысы — нәресте сараң емес, жомарт, қайырымды болсын дегені.

204. Қазақта нәрестенің иткөйлегін шешкен күні яғни қырқынан шығарғанда ауылдағы әйелдер жиналады. Иткөйлекті шешкен соң, оған тәтті түйіп, иттің мойнына байлаң жібереді. Ауыл балалары сол итті қуып жүріп ұстап алыш, тәттіні бөлісіп алады. Иткөйлекті ырым деп, баласы жоқ әйелге береді. Онысы — барлық адамды қуантатын бала көп болсын дегені.

205. Қазақта балаға кекіл қояды. Шашын тегіс ұстарамен қырып тастайды да, мандайына бір шекім шаш қалдырады. Жиегін тегістеп қояды. Ол кекіл деп аталады. Кекіл баланы ажарландырады. Соған орай баланы еркелетеді. Аттың да мандайындағы бір шоқ түгін кекіл деп атайды. Кекіл баланы тіл көзден, сұқтан қорғайды, пәле-жаладан қағады деп есептеледі.

206. Қазақта көз тиеді, сұқ өтеді, тіл батады деген ұғым бар. Кейбіреулерді «сұқ көзді, сұқ тілді» деп сескенеді. Көз сұғы — жақсы адамға, жас балаға, жүйрік атқа, қыран құсқа, сұлу қызға, қайсар батырға, қайратты палуанды тиеді деп нанады. Сондықтан ас пен тойларда палуандарды, жүйрік атты көптің көзінен тасада ұстайды. Онысы — тіл мен көздің сұғы тимесін дегені. Біреу жас келінге немесе сәбиге сұқтана қараса, «көзің тиеді, қара жерге түкір» деп, жерге түкіртеді. Көз тисе «сұқ-сұқ» деп, тіл тисе «тфә-тфә» деп, ерекше мақтаса «тілің тасқа» деп қайырым айтады.

207. Қазақ жас келінге, жаңа туған балаға, тағы басқа ерекшеліктерге алғаш көрген сэтте көрімдік сұрайды. Бұл — дүние құмарлық емес, сол жаңа нәрселердің елге таныла беруі үшін айтылған тілек. Көрімдік байғазы да емес. Көрімдік жас адамға, жақсы атқа, құсқа сұралады. Байғазы бала немесе жастар жаңа киім кигенде көнілін аулап беріледі.

208. Қазақта ұзатылған қыз жыл толмай төркініне келмейді. Себебі, отаудың оты лаулай түссін дегені. Бұл мезгіл бұзылса - ақ төсек суиды, көнілге жел кіреді деп ұйғарылады. Мұндай кезде туған бала безбүйрек, қатал болады деп сенеді. Сондықтан отауды жайнатып ұстап, отбасына самауырды қайнатып қойып, келген-кеткенді ашық-жарқын қабақпен қарсы алу арқылы жас келін келген жеріне әбден бауыр басып кетуі керек. Содан кейін ғана төркініне баруға болады. Төркіндей барғанда дауыс айтып, сағынышын да ақтаруға ерікті. Куанышты көрісу – жақсылық. Ата-анасы сағынып келген қызын жылы шыраймен, ақ пейілмен күтеді. Қайтар кезінде қалағанын береді. Қыз марқайса – ел көнілі өседі деп жориды.

209. Қазақта «Күйеу аяқ» дейтін ырым бар. Жігіт қалындығын өз үйіне түсіргеннен кейін қызын ұзата барған енесін қошаметпен қайта жеткізіп салады. Сонда ата-енесі күйеу балаға мал атайды. «Күйеу

аяқ» дегені сол. Бұл күйеудің аяғы жеңіл болсын, көнілі ашық бол қайтсын дегені.

210. Қазақта «жарыс қазан» деген ырым бар. Бір әйел толғатып жатқанда, басқа үйдің әйелдері қазанға жеңіл-желпі тамақ салып, оны оны босанатын әйел бала тапқанша пісіріп үлгеру үшін жарысады. Қазақ үйғарымында туатын бала «жарыс қазанға» қатынасып, пісетін тамактан бұрын жарық дүниеге келуге ұмтылады.

211. Көрші-қолаңдан біреу алыс жолға аттанғанда ауылдағылар жолаушының тоқымын қағады. Бұл – тоқым қағар деп аталады. Жолаушы аттандырған үйдің иесі дастархан жайып, жиналған жұртты сыйлайды. Жұрт жолаушыға ақ тілеу айтады.

212. Қазақта «тобық жұту» дегер ырым бар. Жұтатыны – қоян тобықы. Шарты былай: тобық жұтатын адам мынадай серт айтады:

Батыр болсам –
Жүргімнен шық,
Паулан болсам –
Білегімнен шық.
Шешен болсам –
Тандайымнан шық,
Бақытты болсам –
Маңдайымнан шық.

Тобық жұтқан адамның қасиетіне қарай айтқан тұсынан шығады деп есептеледі.

213. Қазақта «тұмар тағу» ырымы да бар. Бала не жасы кіші біреу ауырса молдаға дұға жаздырып алыш, оны ақ шүперекке не теріге үш бұрыштап бүктеп тігеді де, дұға арналыш жазылған адамның мойнына тағып қояды. Бұл тұмар сол адамды не баланы пәлден, тіл-көзден, ауру-сырқаудан сақтайды деп нанады. Тұмардың түрі көп. кейде жас төлдерге де, ботаға да, ауырған малға да тағады.

214. Қазақ ұғымы бойынша шаруамен бір үйге кірген адам тізе бүгеді, тіпті өте асығыс болғанның өзінде де тізе бүгіп, үй иесіне ілтипат жасауға тиіс. Бұл – шаңырақтың құрметі. Егер келген адам түрегеп тұрып шаруасын айтып, тізе бүкпей шығып бара жатса, үй иесі: «Неге тізе бүкпейсін, біздің үйдің сиыры түрегеп тұрып бұзауласын дегенің бе?» деп, өкпе айтады. Қариялар: «От ала келген жоқсың, тізе бүк!» деп бұйырады. Бұл – үйдің иесіне тағзым ету.

215. Қазақ салты бойынша от алуға келген кісі от алғалы келгенін айтпайды. Отты алады да, үнсіз шығып кетеді. Тек от алыш жатып: «От ана, сақтай гөр!» деген тілек айтады. Әсілі от алу – жақсы әдет емес. сондықтан от алушы басқалармен сөйлеспейді. «Отқа келген әйелдің отыз ауыз сөзі бар» деп, өсекті лаулатып айтуға тыйым салады. «Ел іші ала, кереге басы пәле болмасын» деп үйғарады.

216. Ас-тамақтан, жел-күздан, иіс-қоқыстан ұшынған адамдарды ұшықтау ертеден келе жатқан емдеу тәсілі. Жығылған адамның бір жері ауырып қалса да, сол жерде: «Кет, пәлекет, кет!», «Ұшық-ұшық» деп ұшықтайды. Науқас адамды күн батар алдында жерге жатқызып ұшықтап, үйге әкеліп жылы жауып тастайды.

217. Әдете басқа ауруды да ұшкіріп, ұшықтап емдейді. Ұшкіру де емдеу тәсілінің бір түрі. Емші дұға оқып, «сұф-сұф» деп ұшкіреді. Емделуші сол үшін оған мал, орамал секілді садақа береді. Онысы — аурудың жолы болып, тез оңалсын дегені.

218. Ұзатылған қыз соңынан ерген сіңілісіне өзінің тақиясын, бөркін береді. Бұл: «Ендігі кезек сенікі, бағын ашылсын» дегені. Мұны қазақ «Шарғы» дейді. Шарғылы қызға женгелері, құрбылары: «Бағың жансын, бағын ашылсын» деп жақсылық тілейді. Жасы үлкендері: «Маңдайың жарық болсын» деп маңдайынан іскейді.

219. Келін түскенде, қыз ұзатылғанда, жолаушы сапардан оралғанда, құда не туыс-туған келгенде, тағы басқа қуанышты күндерде ауыл әйелдері құрт-ірімшік, қант-кәмпіт, күміс тиын араластырып, топтасып тұрған адамдардың ортасына «Шашу, шашу!» деп, айқайлап тұрып шашады. Шашуды барлығы теріп алып, ырым ретінде үйлеріндегі балаларына апарын береді. Шашуды әйелдер ғана шашады. Еркек шашпайды. Шашуды балаларға берудің себебі «ырысты болсын» дегені.

220. Қошқардан қүйек аларда «шашыратқы» жасайды. Қошқардың қүйегін алып, саулықтарға қосып жіберген соң, мал иелері тілеу тілейді. «Төл көбейсін, егіз-егізден болғай» деп, мәре-сәре болады. Әйелдер дастархан жайып, қонақтарды күтеді. Осы ас шашыратқы деп аталады. Сонда: «Мал төлді болады, шөп басы екі аша шығады, қой егіз табады» деп қуанысады.

221. Шөп басын сындыратын ырым да бар. Бұл жақсылыққа, өтелген іске байланысты ырым. Сараңдар жомарттық жасаса, қорқақтар ерлік көрсетсе, біреу оқыс әрекетімен көзге түссе, соны естіген кісі: «Мынау шөп сындыратын іс екен» деп, жерден шөп не құшырпры алып сындырады. Бұл тіл, көз тимесін дегені.

222. Қазақ өрттің алдына ақ құяды. Онысы — өрт тез сөнсін, апат болмасын дегені.

223. Адам қатты ауырғанда, басына күн туып, бағы тайғанда, қауіп-қатерге жолыққанда, алладан медет сұрап, ақсарыбас қой сояды. Пәледен құтқар деп тілейді.

224. Баланың төбе шашын ұзын өсіріп, моншақ араластырып өріп қояды. Бұл «Айдар» деп аталады. Айдарлы адам айбарлы көрінеді, оған тіл-көз тимейді деп біледі.

225. Айт күні ренжуге болмайды. Жайраң қағып, жылы шыраймен, ыстық жүрекпен, тасыған мереймен жүреді. Айт күні ренжісе, келесі айтқа дейін ашу тарқамайды деп жориды.

226. Айттан бұрын үй тазаланады. Ескі-құсқыны, кетік ыдыс-аяқты тастайды. Айт күні жаңа нәрселер ғана істетіледі. Онысы - жаңа дүние көбейсін, бақ орнасын дегені.

227. Қазақ баласы түнде қасқырдың атын атамайды. «Ит-құс» деп бүркемелеп сөйлейді. Қасқыр десе — қастасып, қораға шабады деп жориды.

228. Келін қайын атасының, енесінің, қайын ағасының, қайын жұртындағы үлкен-кіші туыстардың атын атамайды. Ата-енесінен басқаларға қосалқы ат қояды. Бұл — қайын жұртына құрметі әрі сыйлағаны, жақсы келін атанудың жөні.

229. Қазақ баласы айға телміріп, ұзак қарамайды, түнде жұлдыз санамайды. Айда бір кемпір бар, айға телміріп қарасаң, әлгі кемпір сенің кірпігінді санайды, кірпігі саналған адам қазаға ұшырайды деп жориды.

230. Қазақта жаңа туған айға сәлем беретін әдет бар. Жазды күні айға сәлем берге жерінің шебін жұлып, үйге алыш келіп, отқа салады. Онысы — пәле-қазадан аман болайық дегені.

231. Қазақ ұғымында от — үйдің жарылқаушысы, шам-шырағы. Қазақ отты ерекше құрметтейді. Жаңа түскен келінді үйге кіргізгенде үлкен үйдегі отқа сәлем бергізеді. Одан кейін от басына төселген жұмсақ бөстекке (теріге) отырғызады. Онысы — оттай жайнап тұр, терідей жұмсақ бол дегені.

232. Жаңа түскен келін отқа сәлем бергенде: «От-ана, Май-ана, жарылқа!» деп тілеу тілейді. Басқа әйелдер отқа май құйып, алақандарын кыздырып алыш, келіннің бетін алайды. Бұл — келіннің жүзі жылы, дидары ыстық болсын, тіл-көз тимесін дегені.

233. Наурыз күні кетік ыдыстарды пайдаланбай тастайды. «Жаңа күн — жаңа өмір, жаңа жыл» деп біледі. Бұл күні кетік ыдыспен ас ішсе — көне пәле, көне сүрдек қалады, жаңа күннің жаңа ырысын көре алмаймыз деп жориды.

234. Бірге туған бауырына, қарындасына қатты ашуланған кісі екі қолынен екі бүйірін таянып, көзін шарт жұмып тұра қалса, ашуы басылады, көңілі сабасына түседі деп жориды. Қазақ «Ашу — дүшпан, ақыл — дос» дейді.

235. Екі қабат әйел «ұл табамын» десе, еркектің қару-жарагын, шалбарын басына жастанып жатады. Ал қыз тапқысы келсе — қызыл ала шыт, әйелдің көйлегі, жүзік, сырға, алқа, маржан білезік, моншақ жастанады.

236. Ағайынды кісілер араздасып қалса, басқа бір туысы ақ дастарханына шақырып, дәм сыйлап, татуластырады. Кейде аразасқандар бірін-бірі шақырып, дәм береді. Онысы — түгі жығылып жүрсін, таспен ұрғанды аспен ұр деп үйғарғаны.

237. Сұраған кісіге инені ұшығымен бермейді. Ұшық — қастыққа, өштікке, араздыққа ұрындырады деп жориды. Инені қайтарғанда да иесіне ұшықсыз қайтарады. Қолға бермей, жерге тастайды. Бұл — иненің шаншуы жерде қалсын дегені.

238. Торқалы тойдың, өлім-қазаның ас-сұы елге үлестіріледі. Бұл — береке сақталсын, дәм-тұз таусылмасын, қазан қаңсымасын дегені.

239. Адамның, малдың құлағына ауызды тақап тұрып айқайламайды. Құлақтың пердесі жарылып, саңырау боп қалады, мыйға зақым келеді деп жорылады.

240. Ұйықтап жатқан адамды айқайлап не қатты жұлқып оятпайды. «Ұйқынды қый, құдай ондай гөр, қызы үйқысын бер» деп, ақырын жұмсақ ұнмен атын үш рет атайды. Ұйқыдағы кісі оянып, көзін ашқанда, орныңнан тұр дейді. Айқайлап, жұлқылап ояту — жүйкені тітіркендіріп, ызаландырады деп жориды.

241. Тұнде жатқан төсегінді таңтертең өзін жина. Жиналмай, қалған көрпе-жастықтың ішіне сайтан кіріп алады да, адамға жамандық тілейді. Жиналмаған төсек-орын жаугершілікті де еске түсіреді. Төсектің жиналмауы — әйелге де сын. «Салпы етек, салақ, бос әйел» деген қаңқу сөз тарайды. Сөзге іліккен әйелдің үйінен құт қашады деп үйғарылады.

242. Қамшы, садақ, жебе, тағы басқа қару-жарақты сыйлағанда беретін кісінің қолына ұстаптай, жерге тастайды. Онысы — қоллдың қатты-жұмсақтығы немесе береке бірге кетпесін, ұшығы жерде болсын дегені. Ауыр салмақты жер ғана көтереді деп ырымдағаны.

243. Қазакта қыздардың кіндігін көрсетіп жүргуге тыйым салынады, деп жаман ырымға жориды. Абыройы ашылып, ары төгіледі, бағы таяды, кіндігі кірлеп, шайтан ұялайды, іш кірне ауруына шалдығып, өміріне қатер төнеді деп үйғарады.

244. Емшекте баласы бар әйел жалаңбас отырып, бала емізбейді, орамал салып алуға тиіс. Жалаңбас болса, қайызғағын шайтан баланың ауызына салып жібереді, бала есейгенде мәңгүрт болады, анадан безеді, басына шығып, аяқ асты етеді деп біледі.

245. Қазақта әйел еркектің алдында төсін ашып, жарқыратып отырмайды. Бұлай істесе, сұқ көз қадалады, тіл тиеді. Соның салдарынан төсі қарайады, омырауы іседі. Тас емшек болып, омырауынан сұт қашады. Сұт болмаған соң, құт та болмайды, құшағы сұық, бауыры тас болады деп жориды.

246. Ішіп отырған шай не, ас төгілсе: «Бисмиллә, бисмиллә, бисмиллә» деп үш рет айту керек. Өйтпесе асқазанға ас байланады десе, кейде ас шашлып-төгілсе той болады деп те жориды.

247. Үлкен кісілердің киім-кешегін көзі тірі кезіндс жасы кішілер кимеуі керек. Бұлай істесе, тез өліп қалады, өмір-жасы қысқарады.

248. Қыздар өзінен жасы үлкен адамға немесе жігітерге қарап тілін шығарып, жалақтатпайды. Бұл әдепсіздікке жатады. Ал, кейін тапқан баласы сақау болады деп ырымдайды.

249. Әйел кісі итке тас лақтырмайды. Бұлай істесе құт қашады. Ит — жеті қазынаның бірі, шамданады. Әйел қолының берекесі қашады, ырысы кетеді деп ырымдалады.

250. Бас киімді кез келген жерге тастай салуға болмайды, биікке іліп қою керек. Әсіресс, құйрық қойып отыратын жерге қоймау қажет. Себебі, бастан бақ таяды, бас ауруына тап болады. Бас айналып, тіл байланып, иман қашады. Адамның басынан қадірлі, ақылынан қасиетті ештеңе жок.

251. Киіп жүрген бас киімді сыйға немесе кие тұруға бермейді. Себебі, бастан бақ кетеді, соры қайнайды. Сыйлыққа жаңа бас киім беру керек. Бұл басты қастерлегендік.

252. Ерекк әйелдің киімін кимейді, жаулығын салмайды. Өйтсе, еркектігі сөнеді, рухы жасиды, өсекші болып кетеді.

253. Жас келіншек еліріп, желігіп, желпініп жүрмеуі керек. Бұлай істесе баласы желіккіш болады. Толғағы ауыр болады, өзі де құтырып кетуі ықтимал деп жорылады.

254. Насыбай атқанды құдай атады. Демі сасып, дерті асқынып, қойнындағы жары жиркенеді. Мерез ұрпақ туады. Кем иек, кетік тіс, есалан бала опа қылмайды деп ырымдалады.

255. Әйелдер ер адамға қарсы қарап жүрелеп отырмайды. Абыройы ашылады деп жорылады.

256. Тұн ішінде қазаға көніл айтпайды. Бұлай істесе өлім көбейеді деп жориды.

257. Әйел мал бауыздамайды. Басқа амал болмаған жағдайда тіреуішке мініп тұрып бауыздайды. Өйткені, әйел мал бауыздағанда сескенеді. Сескеніп бауыздаған малдың еті мәкіру саналады.

258. Әйел ат тағаламайды. Әйелдің қолы жеңіл, ат жазым болады деп жориды.

259. Әйел пышақ қайрамайды, жаниды. Пышақ қайраса еркегінің сағы сынады деп жорылады.

260. Ұстаның төс теміріне отыруға болмайды. Онда ұстаның қолы тарылады. Оттыңған кісі дертке шалдығады деп жориды.

261. Оттың орнына отыруға болмайды. Оттың киесі ұрады. Ақыры отқа өртеніп өледі деп ырымдалады.

262. Отты және оттың басын сабамайды. Бұлай істелсе — үй-ішінің құты қашады, шаңырақтың оты өшеді деп жориды.

263. Ереккісі әйелдің іш киімін жумайды. Бұлай істесе — сағы сынаады, кір суындаі көңілін кір және нас басады деп тыйым салады.

264. Әйел биязы, сырпайы, жібектей есіліп тұруы керек. Үй-ішінің мүлкін, ыдыс-аяқты салдырлатпауы қажет. Адам тамақ ішетін ыдысты «ит аяқ» деп атамайды. Бұлай атаса — ыдыстың ырысы қашады, адамның дәм-тұзы төгіледі.

265. Әйел еш уақытта еріне қол жұмсамауы керек. Құш көрсетіп, таяқпен сабамайды немесе таяқ ала жүгіріп, сес көрсетпеуі тиіс. Ұрысқанда тілдеп, бетінс түкірмейді. Бұлай істеген әйелдің ақ некесі бұзылады, өзінен-өзі талақ болады деп есептейді.

266. Өлген адамды қабырға қою үшін үйден шығарарда бас жағымен есіктен шығарады. Дән түйген ақ орамалды басынан айналдырып алып қалады. Мұнысы — әруақ үйден дәмін біржола үзіп кетсін дегені.

267. Өлген адамның қайыр-садақасына малдан басқа бидай да береді. Онысы — артындағы ұрпағы бидайдай жайқалып өссін дегені.

268. Малды бауыздар алдында басын құбылаға қаратып тұрын, бата жасайды. «Бұйыртып жегіз» деп тілек айтады. Онысы — малдың еті дәмді, адал болсын дегені.

269. Малдың басын үйіткенде алдымен бауыздау жағынан бастап үйтеді. Бұл — пышақтың жүзіндегі қылау өртенсін дегені.

270. Жолаушылап жүрерде, бір жұмыспен жолға шыққанда үйдегі қаптың, сандықтың ауызын ашып кетеді. Онысы — жол ашық болсын дегені.

271. Адам кайтыс болған күннің түнінде туыстары, ауылдастары жиналып, мәйітті күзетеді. Онысы — егер адам талып қалған болса, тіріледі деп үмітпен күткені. Өлген адам аруланып, ақыретке оралғанға дейін сайтан аралап немесе мәйітті перілер ұрлап кетпесін деп сақтанғаны.

272. Сый табақпен екі кәрі жілік бірге тартылса, қонақ қуанады. Жол оң болады деп жориды. Байлық, бақ қонады деп иланады. Жіліктерді еттен тазалап мұжып, өзі алып кетеді де, үйінің босағасына іліп қояды.

273. Қамшыны ұстап, төрге шықпайды, Бұл — ағайындар араздасып, дауласқан жағдайда жасалатын қылыш. Жақсылық нышаны емес.

274. Жолдың үстіне күл төгуге тыйым салынады. Күн батқаннан кейін сыртқа күл шығарып төкпейді. Жолға күл төккеннің жолы кесіледі, осы жолмен жүргендерге дерт жабысады. Күн батқан соң күл төксе — адамға ұшық жабысады.

275. Қандай жағдай болса да таңдай қақпайды, орынсыз таңырқамайды. Жөнсіз есіркемейді. Адамды есіркеу — құдайдың ғана ісі. Бұл адам баласының қолынан келмейді.

276. Соғым сойған күні тоқпан жілік асылады. Үйдегілер етті тоя жейді. Бұл тоқшылық, молшылық болсын деген ниетпен білдіреді.

277. Адам қайтыс болған соң, мәйіт көмілмей тұрганда, көп жылауға болмайды. Көп жыласа көрі көз жасына толып кетеді деп жориды.

278. Дәретке отырғанда сейлесу — әдепсіздік. Сондай қалыпта сәлем беруге де тыйым салынады. Тек түзге отырып болған соң ғана қолын жуып барып сөйлеседі, сәлем береді.

279. Мал төлдеп жатқан кезде сақал, мұрт, шаш алуға тыйым салынады. Өйткені төл шала туады, дертке шалдығады деп жорылады.

280. Қазақтың үлкен кісілері балаларына құстардың жұмыртқасына тиіспеуді, балапаның өлтірмеуді тапсырып, міндеттеп отырады. Бұлай істесе — құстың қарғысына ұшырайды деп сенеді.

281. Егер біреу байқамай, абайсызда адамның дайрағын басып кетсе, басқалар оны олжаға батады деп сенеді.

282. Сыпыртқының ұш жағын жоғары қаратып қоймайды. Бұл Көк тәңірін шамдантады, жын шаңыраққа шығып алады деп жорығаны.

283. Жас балалы әйел дәметеді деп, бұл үйге кіретін кісі тағам, дәм ала келеді. Дәм етіп қалса омырауы іседі, сүті тартылады деп ырымдайды. Емшекте баласы бар әйелдің омырауы іссе бір қарт ана жаңа піскен ыстық нанды қойнына тығып келіп сонымен аластайды.

284. Баланың қарын шашын алған соң, тастай салмай, сақтап қояды. Бала қырқынан шыққанша, жеті ай толғанша әлсіз болады. Сондықтан бір тал шашын тастамай, сақтау керек деп біледі.

285. Бала тісегенде түскен тісін шидің арасына тастайды. Бұл — қайта өскен тісінің түбі берік болсын дегені.

286. Баланы сұндетке отырғызғанда сертпені тастамай, киіз үйдің құрулы тұрған шидің басына іліп қояды. Бұл — бала ержетіп, отау тіккенде босағасы берік болсын деген ниеті.

287. Дастанхан басында, кісі көп жерде керілмейді және адамға қарсы қарап тұрып керілуге дс болмайды. Бұл қылық тосаттан болатын өлінің елесі саналады.

288. Ат үстінде тұрып шіренбейді. Бұлай істей — әулекіліктің, дарақылықтың белгісі деп біледі жұрт.

289. Тойы жасалып, үйінен ұзатылып шығарылған қыз кетіп бара жатқанда артына бұрылып қарамайды. Бұлай істесе — некесі бұзылады, күйеуімен отаспай, үйіне қайтып келеді деп жорылады.

290. Күйеу жігіт қалыңдығын ұзатып алып кететін жолы етегінен басып, шапанын алып қалады. Мұнысы — күйеу ескі тонын шешіп тастап, жаңа киім кисін, өмірі ажарлы болсын дегені.

291. Қыз бен жігіт алғаш қосылған тұні жігіт жеңгесіне жолдық береді. Өйткені жеңгесі төсек салып, жайлы жатуларын тілейді. Қыздың пәктігіне қуә болады, кірді де өзі жуады. Бұл — өмірлік адалдық нысаны саналады.

292. Келін барған жерінде алғаш үйге кіргенде босағаға соғылмай кіруі керек. Енесі қарсы алып, мандайынан сүйеді, ілесіп келгендерге көрімдік береді. Келін босағаға соғылып қалса — үйдің берекесі қашады, келін баянды болмайды деп жориды.

293. Түйе мойнын созып жіберіп, басын жерге салып жатса, ұзак жол немесе көш басталады деп үйғарылады.

294. Аптаның сейсенбі, жұма күндері қазакта жолға шықпайды, ағаш кеспейді. Ал, жолға шығу қажет болған жағдайда бір затты не ақшаны (жеті, он жеті, қырық теңге) жолға тастайды.

295. Қой топалаң дертіне шалдықса — аршаны өртеп аластайды немесе елсіз тұзге айдал тастайды, қасқыр шапса топалаң айығады деп сенеді.

296. Қоралы қойға қасқыр шапса, көк бөрінің аузы тиді, Көк төңірі қолдайды, мал өсіп, жан аман болады деп жориды.

297. Тұыс-тұғанға, ағайын-бауырга, дос-жаранға үш, бес, жеті санымен құрт, бауырсақ, шелпекті сыбаға ретінде бермейді.

Осы санмен тек садақа ғана беріледі.

298. Түйенің ішінде аруананы соғымға соймайды. Егер соғымға соятын болса, бұл әuletten күш-қуат, негізгі мейір кетеді деп ырымдайды.

299. Хайуандарды, аңды, малды адамдай көру парыз саналады. Жүрегі кірді, қара ниеттер ғана бұлай істей алмайды. Бұл міндетті өтемегендерде адамдық қасиет жойылады.

300. Жаңа туған айды алғаш көргенде тізерлеп отырып, үш рет еңкейіп мінәжэт етеді де, сол тізе бүккен жерінің шебін жұлдып, отқа тастайды. Бұл — әuletім оттай қаулап өсе берсін дегені.

301. Аспандағы жұлдыз әрбір адам жанының бейнесі саналады. Бір жұлдыз ағып түссе — бір жан үзілді деп нанады.

302. Табиғаттың ерекше, тосын құбылыстары құдірет саналған. Топырақ үйілген төбешіктер, құла тұздегі жалғыз ағаш, бұтақтары тарбиып өскен бұталардың өнген жері қасиетті делінеді. Сол жерлерге түнейді, шүберек байлайды. Әулие көмілген жерлерге мал сойып, тілеу тілейді.

303. Құлын, қозы-лақ байланып, көгенделетін желі арқанды аттамайды. Желінің киесі атып, шарапаты шайылады деп жориды.

304. Арқан-жіп ескен кезде жасөспірім балалардың керілген жіптің астынан өтуіне тыйым салынады. Бойы өспей тапал болып қалады деп жориды.

305. Арқан-жіп ескенде кейбірінің жібі ширамай, селкеу қалса, жұбайы болбыр, бос белбеу — бата тірсек болады деп ырымдайды.

306. Жылқышы ұстайтын құрықтан, балта мен бақанның үстінен аттауға болмайды. «Бақан аттаған байымайды, балта аттаған жарымайды» деген сенім бар.

307. Қазақ тұнде айдалада жайылып жүрген жалғыз сиыр көрінсе, қамшымен сабайды. Себебі, тұнде сиырды жын-шайтан мініп жүреді деп нанады.

308. Жал-құйрығының арасында шоқ-шоқ ақ қылы бар жылқы құтты саналады. Ол сатылмайды, біреуге берілмейді. Себебі, сол малмен бірге құт-береке кетеді.

309. Қазақ көкек құсына тиіспейді. Аңыз бойынша көкек адам екен. Бір ауылға күйеу келіп жатады. Аяқ астынан аты жоғалады. Қалыңдықтың сіңілісі жездесінің атын тауып әкелуге шығады. Бір аяғына өзінің етігін, бір аяғына асығып жүріп жездесінің етігін киіп алады. Сол күз айдалада көкек құсқа айналып кетеді. Көкектің бір аяғы қызыл, бір аяғы көк болатыны содан екен. Ат ізден шығын, жоғалған қыздан пайда болған көкек те аты жоқ құс аталады. Киелі құс санатына жатады. Көкек қонған ағаштың бұтағын сындырып алыш, майы мол болады деген ұғыммен іркітке салады.

310. «Айналмақ» деген өзін-өзі садақа етіп, құрбандыққа қиятын ырым екен. Өзін біреудің жолына құрбан еткісі келген кісі ауырып жатқан науқасты үш айналып шығуы керек. Қазақтың жақсы көрген адамын «айналайын» деп айтатыны осыдан шықкан.

311. Торга түсіп немесе үйге бекіліп қалған құстры ұстаган соң, басынан үш мәрте айналдырып, босатып жіберу керек. Бұл пәлекет сол құспен бірге ұшын кетсін деген ниетті білдіреді.

312. Қазақта жанып тұрған отқа май тастап, соның лапылына қарап болашақты болжайтын ырым бар. Май тасталған оттың жалыны ашық түсте болса — жақсылықтың нышаны. Оттың жалыны қара қошқыл болса — жамандықтың белгісі.

313. Қазақ ішінде жауырынға қарап болашақты, тұрмыс-тіршілік ағысын, жақсылық пен жамандық нышанын болжайтын да ырым бар. Жауырынды тіс тигізбей тақырлап, таза мужу керек. Тіс тиген жауырын сөйлемейді деп иланады.

314. Ұлыстың ұлы күнінде, торқалы тойда, қаралы қазада жеті казынаның бірі қара қазанда ас пісіріледі. Қара қазанда пісірілген ас ел бірлігін сақтайтын деп ырымдайды.

315. Бейуақытта үйге шам жағып қою керек. Себебі, бұл кезде де караңғыны жамылып жүретін шайтан оттан, жарықтан сескенеді, үйге кіре алмайды деп жориды.

316. Көкпарға тарту үшін қазақта тек қана ешкі түлігі беріледі. Қара ешкі — қыс бейнесі есептелінеді. Бата жасап сойылып, додаға салуға тапсырылады. Осы қымыл арқылы тіршілік қымылы басталатын көктемеге құрмет көрсетіледі, жаңа құн құттықталады.

317. Емшектегі баланың аузынан қалған тамақты әкесіне жегізбейді. Себебі, бұл асқа емшек сүті араласады. Баланың әкесі әйелінің сүтін емгендей болады деп жориды.

318. Екі кісі қатар тұрып бір жерге дәрет сындырмайды. Онда нәсіп, тұқым бұзылады, қан сескенеді деп ырымдалады.

319. Өлген кісінің иман киізі қырқына дейін таза жерде сақталуы керек. Өйткені, қырқы берілгенше, әруақ дәметіп, өзінің үйінс келіп жүреді, лас киізді көріп, ренжімесін деп жориды.

320. Жерік болған әйел жерік асын жеуі керек. Жерігі қанбаған әйелдің баласы су ауыз болып туылады, ондай бала суайт болады деп ырымдалады.

321. Бозбала төрге шығып алыш етпегінен жатпайды. Бұлай істеген балаға «Әкең өліп, бауырынды жерге төсеп жатырсың ба?» деп, қатал ескерту жасайды үлкен кіслер.

322. Таңертеңгі асты төкпей, шайқалтпай, аса жайдары кейінте, ашық-жарқын ішу керек. Бұл таңғы рызық, шашылмауы керек деген сенімді білдіреді.

323. Адамның қызыл меңі көп болса қызы, қара меңі көп болса ұлы көп болады деп жориды.

324. Үйге түйе сүйкенсе — көші-қон болады. Үй жығылып, жүк тенделеді деп жорылады.

325. Малдың мезгілсіз қашқаннан кейін туган төлін қазақта малдың иесі малданбайды, басқа бір күйі нашар кісіге садақа ретінде береді.

326. Ордалы жыланның маңына жақындаپ барып, жұғысуға болмайды. Өйткені, қазақтар перілер жылан бейнесіне еніп, топтасып жүреді деп нанады.

327. Жараланған жыртқыш аңға жуысуға болмайды. Жолбарыс, аю, қасқыр жараланған кезде бүкіл дүниені талқандағысы келіп, кектеніп, қаһарланады. Қазақ қаһарлануды ең үлкен қырсық санайды.

328. Құн батып, ымырт үйірілгенде, жалғыз қалып төбе басын сақтамайды. Бұлай істесе — төбе басында жалғыз қалады деп жорылады.

329. Ит шөп жесе — жақсылыққа жорылады. «Ілгері басқанның иті оттайды, кері кеткеннің келіні ұрлық жасайды» деп үйғарады қазақ баласы.

330. Пышақты пышаққа жанымайды. Бұл қылыш жаман әрекеттің нышаны. Елдің берекесін қашыратын соғыс болады деп жориды.

331. Ешкінің құйыршығын, сирағын, қойдың құйымшағын ойнау үшін балаға бермейді. Бұл заттармен ойнаған бала тұштақай, тұрақсыз болады деп жорылады.

332. Итті үйге кіргізіп, төрге шығармайды. Ас ішіп отырғанда есіктен сығалатпайды. Иттің демі лас, асты былғайды деп есептейді.

333. Менсіз қап-қара малды аса сыйлы қонаққа соймайды. Тұнжыр тұс тұңғиыққа бастайды деп ырымдайды. Союға тұра келген жағдайда, мүйізіне, мойнына ен байлап барып сояды. Бұл ақ тілек қабыл болсын деген ниет белгісі.

334. Көші-қон жүк артылып жатқанда, жұмыс үстінде жүк артушылар көп сөйлеуге болмайды. Бұлай істесе, қимылдың арты керіске айналып кетеді деп ырымдайды.

335. Жүк артылып болып, көш жылжыған кезде көшті аталар мен әжелер бастайды. Жастар мен орта жастағылар соларға ілеседі. Үлкен кісілер тай-құнанға мініп шапқылап жүрген балаларға ұзағынан сүйіндірсін деп тілейді.

336. Көш бастауға тиісті кісілердің он екі мүшесі бүтін болуы керек. Кемтар адамдарға бұл міндет жүктелмейді. Дені сау адам бастаған елдің жолы деп ырымдалады.

337. Мешітке имам сайлаған кезде де он екі мүшесі бүтін, дені сау, ақыл-есі дұрыс адам таңдалады. Ақылды, иманжұзді адам оқиған дұғаның сауабы мол деп жориды.

338. Ел жайлауға шыққан соң желі тартып, алғаш бие байлаған кезде үйірдің бастаушысы – айғырдың сауырына май жағылады. Бұл үйірдің төлі көбейсін деген тілеудің ырымы.

339. Ұзақ ауырып, айықпаған кісінің дертін ешкінің серкесіне көшіретін де ырым бар. Дұға оқып, ауруды серкеге көшірерде, науқас адамды үш рет айналдырып шыққан соң, мал ішіне қоя береді.

350. Ішкісі келмеген жағдайда «асыңа разымын» деп ықылас білдіреді. «Ас — адамның арқауы» саналады. Асты жамандаған аштан өледі деп жориды.

351. Жана тұған нәрестені құттықтап, шашу алып барғанда шикі етті қоспау керек. Шикі ет өлімнің нышаны, жаман ырым.

352. Көшкен кезде жүртқа бір құшақ отын тастан кетеді. Жүрт, қоныс құры қалмағанына қуанады деп жориды. Жүрт қуармай жатады деп сенеді.

353. Бір үйде қонақ болып отырған кісі сол үйдің қазан-ошағына араласпауы тиіс. Өйткені, бөтен, үйренбекен кісіден үйдің берекесі үркеді деп жорылады.

354. Қазақ баласы үйдің ішінде төрге қарап тұрып керілмейді. Төсек кермейді. Шаңыраққа, керегеге асылмайды. Бұлай істесе үйдің киесі атып, дертке шалдығады деп ырымдайды.

355. Дастанханға нанды теріс қаратып, төңкеріп қоймайды. Оң қояды. Нанды жалғыз қолмен жерге басып тұрып сындырмау керек. Оң қолмен алып, сол қолмен ұстап тұрып сындырып жейді. Саусағы тиген бір жапырақ нанды тауысуы керек. Өйтпесе, несібе шала қалады деп жорылады.

356. Алдыға қойылған асты қастерлеу керек. Табақпен ас келгенде өзінің алдынан ғана алуға тиіс. Басқалардың алдына қол созбайды. Бұлай істеу — ырыздыққа таласқандық болады. Адамның өзіне бұйырған ас — құдайдың берген ырыздығы саналады.

357. Есінегенде ауызды аңқайтып ашпай, оң қолдың сыртымен қалқалап жабу керек. Аңқайған ашық ауызға сайтан түкіреді деп жориды. Бұл қылышқа әдепсіздік саналады.

358. Бейтаныс екі кісі жол үстінде кездесіп, бірімен-бірі тез шүйіркелесіп кетсе, жұлдыздары жарасқан деп саналады. Біріне-бірі жұғыса алмай, мәміледе болса, жұлдызы қарсы тұр деп үйфарылады.

359. Ақ болып ауырған малды қасқырдың бас сүйегімен қағып ұшықтайты. Бұнымен қасқырдың киесі дертті қуады деп сенеді.

360. Қазақ ұл баланы тұқым жалғайтын, үйдің отын сөндірмейтін мұрагер санайды. Соңдықған бұған ерекше мән береді. Бір үйде ылғи қыз бала туыла берсе, соңғы туылған қызға «Ұлбосын», «Жаңылсын» деген сияқты ат қояды. Бұл — енді бала ұл болсын деген үмітпен ырымдалады.

361. Мал төлдеп жатқанда, балалардың асық ойнауына тыйым салынады. Өйткені, асық ойнағанда сақп мен кенейлерді соғыстырып, шықылдаған дыбыс шығарады. Міне, осы дыбыс мал киесін ызаландырады, төл шығын болады деп ырымдалады.

362. Асқа пісрілген жауырынды мұжып болған соң, соған қарап жол ашатын салт бар. Бұл салтты әйел кісінің жасауына болмайды.

363. Қазақ ырымдағанда да, баласына жаман ат қоймайды. Өссін, көбейсін деген мағынадағы атауларды таңдайды да, Тоқтасын. Өскенбай, Қөпбосын деп қояды.

364. Балаға ат қою қазақта кілең тілекпен, үмітпен астасып жатады, «Нұрсұлтан» атаса, жүзінде нұры жайнасын, дархан сұлтан болады. «Дінмұхамед» десе, дін қолдаған иман жүзді адам болады деп ырымдайды.

365. Балаға қойылған кейбір атты өте ауыр деп сезінетін жай да бар. Мысалы: «Мұхамет» аталған бала балиғатқа толғанша «Ахмет», «Мұқан», «Мұқаш» деген секілді жанама аттарды қолданады. Бұл баланың өмір-жасы ұзақ болсын дегені.

366. Қазақ баласына сұлу, ажарлы болсын деген тілекпен ырым етіп: Айнұр, Айгүл, Күннұр, Жұлдыз, Шолпан деп ат қояды.

367. Қазақ асқан еттің көбігін екі рет алады. Алдыңғысы — қанды көбік, екіншісі — ашты көбік деп аталады. Көбігін алмай жеген ет мәкүрік болады. ауру жабысады деп жориды.

368. Қазақ алыстан келген жолаушыны, қонақты, ағайындарын, қандас бауырларын «Қырықтың бірі Қыдыр, Мыңың бірі Уәлі» деп ырымдап, төрге отырғызады. Дастарханға бата жасатады.

369. Қазақта: «Көсені үйге кіргізбе, бөксесін жерге тигізбе» деген сөз бар. «Көседен көсеу де қалмайды» деп ырымдайды да, көсе отырған жерден бір шым-шым топырақты алып, далаға «Тфу-тфу» деп шашып жібереді.

370. «Алапесті үйге кіргізбе, құйрығын жерге тигізбе» дейді. Алапес, қазақ ұғымында, ем қонбайтын дерт. Ниеті бұзық, пиғылы тар адамдарды да алапес деп жек көреді.

371. Қазақ «Құлғанаға жолама, құлғанаға жоласаң, қу жаның одан қала ма» деп, осы бір қатерлі дерттен сақтандырады. Дерттің жүқпауын ырым етеді.

372. Құмалақ салғанда, құмалақ басын (ырымдап бергенді) қолға алмайды. Онысы құмалақ ақ сөйлесін дегені.

373. Қазақ «Сүйелдің козылы қойлық жаны бар» дейді. Қара сүйел елеусіз сырқат, өздігінен ұшып кетеді. Ал ақ сүйелді елеусіз қалдыруға болмайды. Садақасы - қозылы қойлық. Адам жанына, мал басының шығынына көрінеді деп секемденеді.

374. Қазақ Тәуетті ұстап алып, алғашқы шыққан сүйелді тістетіп, қайта қоя береді. Сонда сүйел толық жазылады деп біледі.

375. Күйеу жігіттің «есік ашар» дәстүрі орындалған соң, қыз ағасының үйінде өлі-тіріге арнап күйеу жігіт алып келген серке не ерек қой сойылады да, әруақтарға арналады. Ауыл ақсақалдары шақырылып, табак тартылады. Бата сұралады. Өлі-тіріге сойылған малдың етінен қалыңдық дәм татпауға тиіс. Халық сенімі бойынша: дәм татса, қыз ауруға шалдығады.

376. «Қалыңсыз қыз болса да, кәдесіз қыз болмайды» дейді. Ырымы жасалмай ұзатылған қызды, оны алған күйеу жігітті ананың ақ сүті, атаниң ары мен көрі атады деп ырымдайды.

377. Отау үйдің тұс киізін үйдің тек он жағына ғана құрады. Сол жағына құрса неке баянсыз болады деп жориды.

378. Шөп тістеп жүргүгे болмайды. Шимен тіс шұқымайды. Бұлай істесе тіс қақсайды. Ауыз ойылады. Езуге ауыздық түседі.

379. Жылқыны «талағың тұскір», сиырды «қарасан болғыр», қойды «топалаң келгір», ешкіні «кебенек келгір» деп зілмен қарғауға болмайды. Бұлай істесе мал иесі шамданады. Мал ішіне жылауық қаптайды.

380. Тіліне теріскең шыққан адамға әртүрлі жан-жануарларды атап, бұл дерптің солардың артынан кетсін десе, теріскең шамданып, ұшып кетеді деп жориды.

381. Құмырсқалар күндіз илеуіне асығыс кіріп жатса, ауа райы бұзылады деп ұйғарады.

382. Баланың төбесіндегі орайы екеу болса, ұл балаға — екі рет үйленеді немесе қыз балаға — екі рет тұрмысқа шығады деп жориды.

383. Шөбересінің алақанына су құйып ішкен қарт жұмаққа барады деп ырымдайды.

384. Сәби өзінің нәжісін өзі жесе, жоғалған нәрсені тапқыш болады деп нанады.

385. Бала көк жөтелмен ауырса, көк ат мінген жолаушының жолын тосып «Көлденең көк атты, көкжөтелдің емі не» деп сұрайды. Ол қандай ем айтса, соны ауру балаға қолданса шипа болады дейді.

386 Күйеуге шықпаған қыздар жігіттің қолынан шәй, ас қүйдірып ішпейді. Күйеуге шықпай қаламыз деп ырымдайды.

387. Қой қотыр шыққан балаға сойған малдың көзінің сүйн жақса, жазылады деп есептейді.

388 Сәби бала ішегін тартса — жаманшылық болады деп ырымдайды

389 Сәбидің тілі мезгілінде шықпаса нағашысының үйіне апарып, қой сойдырып, соның тоқ ішегін мойнына байлап береді. Сонда баланың тілі шығады деп жориды.

390 Сәби алақанын шапалақтаса — қуанышты хабар келеді деп ырымдайды.

391 Есіктің тұтқасын жуған сумен көз тиген баланың бетін, екі қолының алақанын, екі аяғының табанын жуса көз сұғы қайтады деп жориды.

392 Қыз-келіншектер қара орамалды басына салмайды. Қара киім — қайғының белгісі деп ырымдалады.

393. Үйге кісі сыртын қаратып кіrmейді Ырыс шашылады деп есептейді.

394. Құмыраның, торсықтың аузынан су ішпейді. Қалған суға дем тиеді. Егер ауру адамның демі тисе, кейінгі су ішкен адам ауру болады деп жориды.

395. Өзен сүйн төніп, етбетінен жатып су ішпейді. Сұға кетесін, не су мақұлығы жүғады, не асқазан ауруына, өңеш қабынуына жолығады деп жориды.

396. Үйге келген қонаққа үйдей өкпенді айтпа дейді. Бұлай істесе құт қашады, қонақ шамданады Үрзық ашынады, береке-бірлік бұзылады деп үйғарылады.

397. Ыстық асты, шәйді, тағамды үрлеуге болмайды. Суығанша, ыстығы басылғанша шыдау керек. Үрлеп ішкен ас мәкүрік саналады. Ол асқазанға дерт болып, байланады деп есептеледі.

398. Бүркіт бағылатын үйге жын-шайтан жоламайды. Қыранның ісі теріс пигылдылардың делебесін басады.

399 Еліңнің патшасын, өз балаңды, өз жұбайынды қарғасаң тіліне күйе жағып қарға. Қарғысың күйеде қалсын. Патшага, балаға, жұбайыңа жуымасын деп те ырымдалады.

400. Қандай үйге кіргенде де, мейлі адам болсын, болмасын сәлем беріп кіру керек. Себебі, үйдің төрінде Қызыр Пайғамбар отыруы мүмкін. Сол риза болады. Үйге береке кіреді. Амандық сақталады. Жамандық болмайды деп ырымдалады.

401. Жылқыны басқа бір алыс жерге апарғанда бұрынғы тұрған қорасындағы тезегінен ала жүріп, шым-шымдап жемге қосып береді. Сонда жылқы жат жерге тез үйренеді. Және бұрынғы жерді аңсан, қашпайды деп есептейді.

402. Адам кіндік қаны тамған ата жұртынан басқа жаққа қоныс аударып барғанда сол жерге бірден үйрене алмайды. Жат жердің сүйе, ауасы жақпайды деп кіндік қаны тамған жерден топырақ ала кетеді де, барған жерінде суға шомылдырып ішіседі. Сонда жат жерге тез бауыр басып кетеді деп үйғарады.

403. Пұшпағы қанамаған бедеу әйел қоныс аударып, жат жердің сүйн ішсе, екі қабат болып, бала көтереді деп те жориды.

404. Жаңа тұскен келін бірер жыл бала көтермесе, нағашы жұртының баласын қойнына алып жатады. Сонда бала көтереді деп ырымдайды.

405. Жас шопан қайын жұртының ауылына барғанда қойды мойнынан ұстап, жетелеп барса, ит үрмейді. «Сағындым қыздың қойнын, жетелеген қойдың мойнын» деген өлең осындай ырымға орай айтылған.

406. Ұзатылып бара жатқан қыз өзінің сіңлісіне немесе құрбы қызына басына киіп жүрген бөркін береді. Онысы артта қалған қыздардың жолы ашылсын, жолы ақ әрі оң болсын, отырып қалмасын дегені.

407. Ит жонынан тұлесе, қыс жақсы болады деп жориды. Бауырынан тұлесе, қыс аяғы ұзаққа созылады деп нанады.

408. Ит жатып үрсе, өлім-жітім көп болады, апат туылады, ханды қара басады, жол ауыр болады деп жорып, ақсарыбас сойып, алладан мейір-шапағат тілейді.

409. Ойнап жүрген балалар екі тымақты үсті-үстіне қабаттап кисе, екі қатын алады деп жориды.

410. Сапарда кетіп бара жатқанда жолды кес-кестеп жылан өтсе, оны қуып жүріп өлтіреді. Өлтіре алмай адасып қалса, саусағының біреуіне ине шаншып, қан шығарады да, жолдың жағасына тамызып кетеді. Онысы құрбандық бергені. Жылан сол қанды жалайды да, адамға қастығынан қайтады.

411. Жолаушылар алыс сапарға беттегенде атына мінген сәтінде аты құрсінсе немесе есінеле жол болмайды деп ырымдап, сол күні жолға шықпай, атты босатып қоя береді. Одан кейін басқа ат мінеді.

412. Аттарының жалын он жағына қарай жығылып жатса, оны мінген кісінің жолы болады деп жориды.

413. Ат жер тарпып тұрса, жақсы жолды көксегені. Алыс сапар басталады. Мұны жылқы жер көксеп тұр деп жақсылықта жориды.

414. Қазақта бала туганда да жасалатын ырым көп. Біреу балаға құлыш атап, «Бәсіре» берсе, құлышында қастерлеп, бала аман болсын, жасқа толсын деп соймайды және сатпайды. Біреуге бермейді. Өйткені, ол баланың дүние есігін аша салып алған өз несібесі, құт деп нанады. Оны біреуге берсе, бала есейгенде қолына құт қонбай кедей болады деп жориды.

415. Көктемде көк мойын ұзақ қарға алдымен келсе, қыс аяғы құсқа болады. Сары ала қаз келсе, қыс аяғы ұзақ болады деп есептейді.

416. Біреудің тамақ ішкен ыдысының сарқытын балаға бергізбейді. Өтірікші, өсекші болады. Ауру жабысады деп сенеді.

417. Қазақ салтында ерлі-зайыпты адамдардың ортасына есі кеткен отырады деп жұбайларды бөліп отырғызбайды.

418. Жыңғылмен атты қамшыламайды, Малды не адамды ұрмайды. Жыңғыл — тікенді бұға. Онымен үрса мал да, адам да ұшынады деп үйғарады.

419. Қазақ жазғытұрым алғаш жауған жаңбырды «Алланың нұры» деп басын тосады. Онысы ала жаздай басы ауырмайды, басына бақ қонады дегені.

420. Жаңа тұскен келін күйеуі бір жаққа кеткенде орын ауыстырып жатуға тұра келсе, өзінін некелі төсегін құр тастамайды. Жастық астына балта, пышақ секілді заттарды қойып қояды. Онысы — иен қалған төсекте жын-шайтан ойнамасын дегені.

421. Бейіт топырағын сәндемейді. Табиғи калпында жатқанын, көгеріп өсімдік өсіп түрғанын ұнатады. Бейіттен бір шым-шым топырақ алып, тастайды. Бейітті айналмайды.

422. Атпен келе жатқан адам бейіттің қасынан шауып өтпейді. Қайта іштей дүға оқып, әруаққа сыйынады. Оң аяғын үзенгіден шығарып, «Киямет жақын, қиямет жақын» деп тәубә етеді, әйтпесе әруақ атады деп нанады.

423. Қазақ қарттары екі кабат әйелге қай аяғын алдымен басар еken деп қарайды. Егер оң аяғымен табалдырықтан бұрын аттап кірсе — ұл туады. Сол аяғымен кірсе - қыз туады деп жориды.

424. Қазақ құдалыққа барғанда немесе сапарға, жолға шыққанда шұнақ түйеге жүк артпайды. Жол болмайды, пәле ұшырайды деп жориды.

425. Қазақта ер азаматтар босанған әйелге сойылған қалжаның етін жемейді. Онда әйелі ылғи қыз табады. Шашы түсіп қалады деп үйғарады.

426. Кешке жақын жайылған кірлер жиналады. Даға түнетіп қалдырмайды. Себебі, киім иесіне бұйырмай қалады. Түнде жаңбыр жауса не боран соқса, былғанады.

427. Қазақ жолаушылап жолға шығар алдында үйіндегі кішкене балаға аяғынды көтерші дейді. Егер бала оң аяғын көтерсе, жол болады еken деп қуанады. Сол аяғын көтерсе, жол теріс деп жолға шықпайды.

428. Қазақ от шашпайды. Ыстық күлді төкпейді. От шашса өрт шығады, күл тексе, бұрқырап көзді қармайды. Сөйтіп, ойды адастырады деп жориды.

429. Қазақ торғайдың және басқа құстардың жұмыртқасын шақпайды. Бұлай істесе бетке секпіл түседі деп ырымдайды. Құстар қарғайды деп те нанады. Мәселен, торғай аузынан былайша қарғайды еken:

Торғай деген атым бар,
Бір жапырақ етім бар.
Жұмыртқамды шаққандар
Әкең жауға кетсін де,
Шешең өліп жетім қал!..

430. Қазақ ай толып, дөп-дөңгелек болып туғанда да сәлем береді. Айға қарап тілек айтып, бет сипайды. Онысы көңіл айдай жарық болсын, сөзім айдай толсын дегені.

431. Қазақ үйде, дастархан басында сасық жел шығармайды. Қақырып, түкірмейді. Олай етсе бақ қашады, ас айниды деп сескенеді.

432. Қазақта шалбардың бауын кісіге қарап тұрып байламайды.
Жүріп бара жатып та олай істеуге тыйым салады. Бұл қылық
әдепсіздік, жөн білмегендік саналады.

433. Қазақта басқа кісілерге қаратып аяқ киім шешпейді.
Әйелдерге көбінесе тасаланып тұрып шешінеді.

434. Үйіне келген жауды «Алдыңа келсе, атанның құнын кеш»
деп құдасындағы қутеді. «Таспен ұрғанды аспен ұр» деп сый көрсетеді.

435. Науқастанған адам әбден әлсіреп, өлім қаліне жеткенде,
ағайын-туыстарын жинап, арызdasады. Бірінен-бірі кешірім сұрасады.
Алым-берім қарыздары болса, қайтаруды тапсырады. Ұрық-жұрағаты
бұл істерді өсиет деп біледі. Өлетін адамның әрқандай тілегі, «Ақтық
дем» есептеліп, ол бұлжытпай орындалады.

436. Өлген адамның қасында күзетіп ақсақал қариялар оған иман
тілейді. Бетін жабады. Көзін жұмғызады. Үйдің он жағына салып
қояды. Басын солтүстікке, бетін құбылаға қаратып, шалқасынан
жатқызады. Үстіндегі киімдерін шешіп алады да, денесін ақ
шүберекпен жауып қояды. Олай етпесе әруақ разы болмайды деп
нанады.

437. Өлген адамның жаназасына шақыра барған кісі жаяу болсын,
атты болсын басқалардың үйіне кірмейді. Далада тұрып жәй-
жапсарды айтады. Егер шөлдеп тұрса, сұраған сузынын сыртта ішеді.
Үйге кірсе сол үйден өлім шығады деп ырымдайды.

438. Қыста жаңбыр жауса жер сілкінеді. Жер астынан айдахар
шығады деп нанады.

439. Жазда, яғни жазғытұрым ақ жауын жауса құт қүйды, құт
қүйды, жер иіп, егін мол өнім береді деп жақсылыққа жориды.

440. Қысты күні кемпір қосақ көрінсе жыл құтты, ел тынышты,
мал төлді, өнім мол, тіршілік жәйдары болады дейді.

441. Күзде ағаш жапырағы көк қалпында түссе, сол жылды жастар
қызыл қырғынға ұшырайды деп жориды.

442. Тұн ішінде қарыз сұрамайды. Тұн зауал уақыты, Қарыз сұрау
— жан сұрағанмен бірдей деп нанады.

443. Қорылдап үйіктап жатқан адамға пышақ оқтаса, қорылы
басылады. Буындырған шайтан пышақтан қорқады деп нанады.

444. Сақал мен шашты жұлмайды. Құлакты созбайды. Көзді
ақшырандатпайды. Бұл жамандық. Нәубетке, зұлымдыққа ұшыратады
деп ырымдайды.

445. Жаңа киім-кешекті бисмилла деп киеді. Өйтпей, базардан
әкелген беті үйге қоя салса, тұнде шайтан киіп ойнайды. Шайтан
киген киім адамға бұйырмайды деп жориды.

446. Ботаға, тайға, құлынға қонырау тағады. Бұл — қасқыр
жемеуі, жоғалмауы, көз тимеуі үшін жасаған жоралғы.

447. Біреуді сыртынан ғайбат қып отырып, сол кісінің үйіне бара қалса, үш рет аузын шайқап, тәуба айтып барып, асқа отыру керек. Өйтпесе — ішкен асы арам болады.

448. Сапардағы жолаушылар жапан далаға тұннесе, атының шылбырын сүйретіп қояды. Шылбыры сүйретіліп жүрген атқа қасқыр шаппайды. Өйткені, қасқырдың ала жіп аттамайтын серті бар.

449. Аңшылар далаға тұннесе өзі жатқан жерді айналдыра сыйып қойып жатады. Шенберге бәле-қаза, жыртқыш аң жоламайды деп үйгарарады.

450. Біреумен дауласқанда сұқ саусақты шығарма. «Иман саусақ» деп аталады. Қастерлеу керек.

451. Адамдар ит дайрағын көргенде үш рет «тфу-тфу-тфу» деп түкіріп өтеді. Өйтпесе нас басады деп жориды.

452. Қабактың үстіндегі қастың арасынан оқшау шыққан ұзын жуан әрі жалғыз тал қылды жұлып алады да үш рет түкіріп, табанымен басады. Онысы тіл-көзден, пәле-жаладан қақсын, өз басымен кетсін дегені.

453. Қамшының сабы сынса — қатын өледі. Пышақ сабы сынса — қүйеу өледі деп ырымдайды.

454. Сырттан келген адам босағаға ат байламайды. Егер ат байласа — ондай адамды ниеті бұзық, жау екен деп есептейді.

455. Қазақта бала ата-анаына қол жұмсамайды. Егер қол жұмсаса құдай атып, жер жұтады деп жориды.

456. Қазақ баласы ата-анаына тіл тигізбеуі керек. Бұлай істесе қара тас жалап, тілің тасқа тисін деп қан шығарарады.

457. Қазақ баласы албаты ант ішпейді. «Адал болсаң ант ішпе» деп біледі. Ант ішіп, ант бұзғаннан асқан жамандық жоқ деп иланады.

458. Қазақ құда түсіп, құйрық бауыр жескен соң, құда түскен қыз жатқа кетпейді. Үәде бұзылса, дау туады. Ел жауығады. Арты пәлеге айналады деп тыйым салады.

459. Қазақ ұрлық жасамайды. Бұлай істесе — қол-аяғың сынады, қара басып, кемтар болады деп нанады.

460. Қазақ өлген адамды жоқтап жылағанда, әйел заты шашын жайып жіберіп жыласа — ішіндегі шер тарқайды деп сенеді.

461. Қазалы күндері өлімге келген ауыл адамдары қызыл-жасыл киім кимейді. Әйелдер жалтырауық бұйымдар тағынбайды. Бұл торқалы той емес. Қаралы өлімді құрметтеу керек.

462. Өлген ер адамның сүйегіне ерлер тұседі. Әйел адамның сүйегіне әйелдер тұседі.

463. Мәйітті үйден шығарып, қабір басына қарай алып жүргенде әйел адам бармайды. Үйде қалады. Келесі күннен бастап баруына

болады. Эйел — ана. Сондықтан оның жүрегі сұымасын, өмірден түңілмесін дегені.

464. Қазақ мәйітті қабіріне кірген соң басын құбылаға қаратып жатқызады. Жанама қабірдің аузы жабылмай тұрып, жиналғандар бір-бір шым-шым топырақ салады. Онысы көптен бұйырған топырақ деген ізгі ниеті.

465. Қазақтың қарттары көзі тірісінде өз қабірін қаздырып қояды. Жанақымды тас құмы жоқ керіш жерден таңдал, бес адам олай-бұлай аунап, жататындаған етіп қаздырады. Онысы Алланың бергеніне де, алғанына да разылығын мойындауы. Ақырет түніне иман келтіргені.

466. Қабір басынан қайтқан мәйіт жерлеушілер үйге келгеннен кейін беті-қолын жуады. Онысы — бақи дүниеге аттанған адамды шығарып салған адамдар ол дүниенің есігін көргендіктен, бетін жуып, пәни дүниеге оралуы.

467. Өлген адамды жерлеген соң молда құран оқиды. Жасы келген адам болса, бейіт басында тәбәрік ретінде жыртады. Онысы — өлген қарттың жасын берсін, арты той болсын дегені.

468. Қабір талқысына, төрт бұрышына төрт ұсақ мал атайды. Оны жетім-жесір, кәріп-қасір, кем-кетік, жоқ-жітік адамдарға береді. Онысы — төрт құбыласы тең болсын дегені.

469. Баланың тілі шығып, есі кіре бастаған кезде, ауылдың ақсақалын шақырып, баладан: «Өлең аласың ба, көген аласың ба?» деп сұратады. Сонда бала: «Көген аламын» десе - малшы болады. «Өлең аламын» десе — ақын болады деп жориды.

470. Ас-тұзды төгіп-шашпайды. Кесірлі кесапат сөздерді айтпайды. Нан тептілік істемейді. Бұл — ашаршылықтар тартпасқа, тоқшылық қадіріне жетеді дегені.

471. Өзен жағасынан тоған қазып, жаңа тоғанға алғаш су салғанда тоған жағасынан түйе айтып соятын ырым бар. Онысы — ақ түйенің қарны жарылғандай той болсын. Ел тоқшылық өмір кешсін. Тоған киесі разы болсын дегені.

472. Жел иесі — Мырқайдар. Қара тұман бұлтты айдар дейтін ырым бар. Қырман соғып, дәнді жерге ұшырып, тазартқанда жел иесі Майдаға сыйынады. Мұнысы — дән көп болсын, қауыз топан аз болсын, Майда ие қолдай гөр дегені.

473. Қазақта қой қырқын, жұн сабаған және киіз басқан кезде жел соқса, жұнді ұшырып кетеді деп екі тал шиді яки шөмшекті айқастырып, жұнмен байлап қояды. Онысы — жел шамынан сақтану.

474. Мал төлдеп жатқанда кереге басына, бақанға, қойдың құйрығына қызыл шүберек байлап іліп қояды. Оны елдің көзі төлге түспей, құйрыққа түссін дегені.

475. Өлгөн кісінің фидиясына мал, ақша бергеннен басқа бидай да береді. Бұл абзал саналады. Онысы — кейінгі ұрпағы егіндей көгеріп жайқалсын дегені.

476. Қазақ, жер бетін тоқсан тоғыз түрлі пәле қаптағанда заман ақыр болады деп жориды.

477. Жүкті әйел толғатқан кезде сол үйдегі киіп жүрген қызы бала көйлегінің етегін жыртып қояды. Ұл бала киген шалбардың балағын сөгеді. Онысы — толғақ жеңілдесін, баланың беті тез ашылсын дегені. Толғатып жатқан әйелді құзетіп отырған әйелдерден біреу сыртқа шықса, қолжаулығын немесе бір тал түймесін үзіп алып қалады. Онысы толғақ ілесіп кетпесін дегені.

478. Шелектегі суды биікке шығарып қоймайды. Сол үйдегі әйел жүкті болса «Су егіз болады» деп жориды.

479. Қасқырдың бас сүйегі мен жыланның бас сүйегін алып, жағын мықтап таңған соң, сандыққа сақтап қояды. Сонда малды қасқыр жемейді. Адамды және малды жылан шақпайды деп жориды.

480. Дәретке кетіп бара жатқан кісіге қол беріп амандаспайды. Бойында мәжісі бар деп ырымдайды.

481. Балалардың ит болып үріп ойнауына тыйым салынады. Бұлай істесе ұрпақтың берекесі кетеді деп жориды.

Қайбарұлы А., Бопайұлы Б. Қазақ ырымдары. Казахские поверья. Алматы: Қазақ энциклопедиясы, 1998. 3-72 б.

ДАЛА ДАНАЛАРЫНЫҢ ШЫГАРМАШЫЛЫГЫНДАГЫ ЭТИКАЛЫҚ ЖӘНЕ ЭСТЕТИКАЛЫҚ АЙШЫҚТАРЫ

ҚОРҚЫТ АТА

Қорқыт Ата жырлары Сыр бойы оғыз-қыпшақтарының айтуымен VII-VIII ғасырларда-ақ ауызша таралған. Кейірінек хатқа түскен «Қорқыт Ата кітабының» 12 жырдан тұратын нұсқасы 1815 жылы Дрезден кітапханасынан табылған. Қорқыт айтқан нақыл сөздер қазақ мақал-мәтелдерінде, жекелеген жырларының тіркестері кейінгі қазақ жырауларының толғауларында сол қалпында сақталған. Сондай-ақ көптеген оқиғалары, айтылатын кейіпкерлері қазақ жыр, ертегілерінде кездеседі. Қорқыт Ата халқымыздың жыраулық, бақсылық, күй өнерінің атасы болып есептеледі.

Дерсе хан ұлы Бұқаш хан туралы жырдан үзінді

Жаздың салқын самалы,
Таң сәріден соққанда,
Қаба сақал бозторғай
Тамақ ізден даладан
Әндеріне басқанда:
Белдеуде тұрған бедеулер
Бірімен-бірі тілдесіп,
Кісінесіп жатқанда;
Бал арасы — ұзын мұрт
Ызыңдал ұшып ұядан,
Өрісіне шыққанда;
Ақ пен қара білініп,
Таң сазарып атқанда;
Қыз-қырқындар оянып,
Қыналап бетін боянып,
Сыбырласып, күлісіп,
Қызыққа әбден батқанда,
Биік таулар басынан
Күннің көзі корініп,
Сай мен сала керіліп,
Сылдырап сулар аққанда;
Оғыздардың жастары
Күреспекке қамданып,
Қыр басына тартқанда;
Қырық жігітін қасына ап,
Арғымағын қамшылап,
Аңға шықты Дирсе хан.

* * *

О, Дирсе хан, Дирсе хан,
Хан әкемнің күйеуі ең,
Ханым — ана тілеуі ең,
Атам мен анам қосқан соң,
От басының тіреуі ең.
Атадан туған тақ едің,
Мен өзіңе жақ едім,
Аман-есен келдің бе?
Қара жал қаба айғырға,
Таңертеңмен ер салып.
Аңға шықтың қамданып,
Тауларды кездің таң қалып,
Екеу едің кеткенде.
Жалғыз келдің жеткенде.
Жалғыз ұлым бар еді,
Қараңғы мынау дүниені,
Жарық еткен шам еді.
Сол балам қайда, көрдің бе?
Ақ сұтімді аялап,
Одан басқа емген бе?
Алдынан неге шықпайды?
Көзім неге шықпайды?
Асыл туған ақ денем
Жылан келіп шаққандай,
Ішім от бол жанады.
Жүргі күрғыр суынып,
Мазамды неге алады?
Өмірде көрген жалғызым,
Тауға біткен жалбызым.
Көрінбейді көзіме,
Құлағың сал сөзіме:
Жалғызым жарық көргендеге,
Қуарып жатқан қу дала
Ығысып аққан сел болды,
Қымыз деген сел болды,
Ет дегенің бел болды,
Дәуріштер беріп батасын.
Аш-жалаңаш бай болды,
Көп зарығып көрген соң,
Көңілім мениң жай болды.
Жалғызым жайын білдің бе?

Таудан құлап кетті ме?
Ажалы судан жетті ме?
Әлде арыстан, жолбарыс
Жемтік етіп жеді ме?
Гәуірлерге¹ тұтқын боп,
Зынданда күні өтті ме?

Қасы-көзі қылып,
Жатырмысын, құлыным?
Аш көзінді бір мезгіл,
Кеуденде болса шыбының?
Он екі мүшен мұз болып,
Тынды ма ақсан бұлағың?
Тәтті өмірің үзіліп,
Сөнді ме жанған шырағың?
Көзіңнен нұрың кетпепті,
Тірідейсің сен маған
Тал отындей шытынап,
Жанып келді сорлы анаң.
Тірлігінді білдіріп,
Жауап берші, жан балам.
Құрбандық болдым өзіңнен,
Айналайын көзіңнен,
Сенсіз маған күн қараң.
Ағысынды қалың су,
Гүлденіп өспей, қурап қал,
Адыра қалған қалың ну,
Маралдар қатып тас болсын.
Жүгіріп тауда жарысқан.
Баламды кім өлтірген?
Жолбарыс яки арыстан?
Мұндей халге қалайша
Душар болдың, жан балам?
Жолыңа басын құрбан ғып,
Қасыңа келді сорлы анаң.
Тіл шығаршы тебіреніп,
Куансын анаң аңыраған.

Қорқыттың нақыл сөздерінен

Ат тұяқты келеді,
Ақыл тілді келеді.

¹ Гәуір – кафир (қәпір) деген сөз. Түркі тайпалары солай атаған.

* * *

Су гүрілдеп, шұбыра тасығанымен
теңіз тола қоймайды.

* * *

Тәкаппарлықты тәңірім сүймес,
Көңілі пасық ерге дәulet бітпес.

* * *

Жат баласы саған жақсы болмайды ұл,
Жақсылықта көрдім демес сондай бір.

* * *

Тау тәбесі күл болмайды,
Күйеу бала ұл болмайды.

* * *

Ат шалдықпай жол білмес,
Қанжар тимей жау қайтпас.

* * *

Анасыз қыз ақылға жарымас,
Әкесіз ұл сыйға жарымас.

* * *

Алтын жүген кигізсің де
Тұлпар болмас қара есек,
Қамқадан тон жапқаныңмен,
Ханым болмас қара күн.

* * *

Жапалақ-жапалақ қар жауса да,
Жазға дейін жата алмас.

ӘБУ НАСЫР ЭЛ-ФАРАБИ

Бұқіл шығыс ғалымдары Аристотельден кейінгі екінші ұстазымыз деп таныған ұлы философ Әбу Насыр әл-Фараби Отырар қаласында дүниеге келген. Оқу-білім іздеумен сол кездегі Араб халифатындағы ірі білім орталықтарын аралаған. Сирияда, Шам шаһарында (Дамаск) қайтыс болған. Поэзияның табиғатын талдайтын трактат жазып, өлең де шығарған.

Қашықтасың туған жер — қалың елім,
Не бір жүйрік болдырып жарау деген.
Шаршадым мен, қанатым талды менің,
Шаңыт жолға сарылып қарауменен.

Кері оралмай жылдарым жатыр ағын,
Қасіреттің жасына көз жуындар.
О, жаратқан, көп неткен ақымағын,

Құм сықылды тез ысып, тез суынар.

Зиялы аз бір тұтам тіршілікте,
Әкімдікке құллісі жүгіреді.
Көкірекпен сезініп, құрсінші көп,
Жаным менің тұршігіп, туңіледі.

* * *

Бауырым, қанша сүйгенмен,
Өтеді өмір күйбенмен.
Шындыққа бас тік алаулап,
Пенделіктен бол аулақ.

Жататын дәйім жаңғырып,
Бұл ғұмыр емес мәңгілік.
Бейопа мына заманда,
Бақұл боп кетер адам да,
Жұрт кілең құнін көп қызық,
Жіберер зая өткізіп.

Қағаздың түсіп бетіне,
Сызықтай бейне тартылған.
Тап болып, жігр сарқылған,
Кездейсоқ өмір өтіне,
Қайыспай тұрса нар тұлған.

Сонда да беріп кетеміз,
Жүректің отын молында
Арманды аңсап өтеміз,
Біз ұлы мұрат жолында.

* * *

Қайтейін мен көкжиеқ көңілімді,
Келер қүнге үмітнен жол ашамын.
Қос шөлмекпен өткіздім өмірімді,
Соны медет етеді болашағым.

Бір шөлмекте көк сия толып тұрса,
Екіншіде — шарап бар жайы мәлім.
Данаңықты сиямен молықтырсам,
Шарабымен шерімнен айығамын.

* * *

Тамылжып бал тыныштық айналамнан,
Тылсым түнге құшағын жайғап далам,

Мен жатырмын, ұйқысыз жапа-жалғыз,
Жанымды ой жарығы аймалаған.

Аққан жүлдyz құласа кейде егер,
Сенің нұрлы бейнең бол кеудеме енер.
Әлдекайда ғайыптан ынтызар ғып,
Өміріме бір ғажап сәуле берер.

Үнің жетер жаңғырып жырақтан ең,
Сезініп мен демінді гүл атқанмен,
Оның өзі бір-ақ сот... содан кейін,
Мұнды әуенді жалғаймын бірақ та мен...

Тіршілікте құрыштай бол төзімді,
Сан мәртебе алдаса да өзінді.
Тағдырыңды еш уақытта жазғырма,
Тіпті кейде болса әзәзіл азғырған.

Өрге жүзген өнегелі ісімен,
Танда адал дос өз теңіңнің ішінен.
Жүргендер көп достық атын малданып,
Алайда тек қалма оған алданып.

Аударған А. Нысаналин

ЖУСІП БАЛАСАҒУНИ

Шамамен 1015 жылы Баласағұн қаласында туып, Түрік қағанатының орнына құрылған Қарахан мемлекетінің мәдени орталығы Қашқарда тұрған. «Құтты білік» дастанын, өзінің айтуы бойынша, он сегіз ай жазып, 54 жасында Қашқарда аяқтаған (1069). Дастан 85 тараудан тұрады.

Құдай кімге ақыл, ой, білім берсе,
Мың сан игілікке қол созады.

* * *

Білімді биік, ақылды ұлық деп есепте.
Бұл екеуі [Алланың] тандаулы құлдарын биікке шығарады.

* * *

Ақыл қайда болса, ұлықтық (сонда) болады.

* * *

Ақылды ұғады, білімді біледі.
Білімді, ұғымды тілегіне жетеді.

* * *

Білімсіз кісілердің барлығы — ауру,
Ауруды емдемесе, адам тез өледі.

* * *

Көрікті істердің барлығы да ақылменен істелген,
Бектер бұл дүниеде біліммен ерекше (сый-құрметке бөленген]

* * *

Ақыл мен білімнің тілмашы — тіл.
Ердің мерейін көтеретін жүйрік тілді біл.

* * *

Тіл кісінің абыройын арттырады, бақыт әпереді.
Тіл кісінің беделін түсіреді, басын жарады.

* * *

Мені тіл аса көп азапқа салды,
Басым кесілмес үшін тілімді кесейін.

* * *

Сөзінді күзет, басың кетпесін.
Тілінді күзет, тісің сынбасын.

* * *

Сен өзіңе есендік қаласаң,
Керегі жоқ созді тіліңнен шығарма.

* * *

Тауып сөйлеген сөз білгенге саналады,
Білімсіздің сөзі өзінің басын жейді.

* * *

Көп сөйлеме.
Аз сөйле бірер (ғана)
Және сөйлегеннен олжа таппадым.

* * *

Көп сөйлеме.
Аз сөйле бірер [ғана].
Мың сөздің түйінің бір сөзбен шеш.

* * *

Жігіттік кетеді, тіршілік өшеді,
Бұл тұс сияқты дүниеден өзің көзді ашып-жұмғанша көшесің.

ҚОЖА АХМЕТ ИАСАУИ

Қасиетті Түркістан топырағында туып, құллі Күншығыс елдері мұсылмандарының рухани көсеміне айналған Қожа Ахмет Иасауи бала кезінде ұстазы Арыстан бабтан сабак алады, кейін Бұхара қаласындағы Хамадани медресесінде оқиды. Мұны бітірген соң, өзі де сол білім ордасында шәкірт тәрбиелеген. Одан әрі қарай сопылық жолдың ашы-тұщысын татып, жеті ықылым жерлерді аралаған сапары

басталады. Он жеті жасында тұған мекеніне оралған ол Иасыға келіп қоныс тепкен. Алпыс үш жасында қылууетке түсіп, пәни дүниеден өз еркімен оқшауланып, әлемнің ақиқат сырына оймен үціледі. Сонда дүние салған. Оның басына 1397 жылы Әмір Темір Көрегеннің жарлығымен зәулім ескерткіш кесене орнатылды.

Қожа Ахметтің ақындығын төрткүл дүниеге танытқан ұлы шығармасы — «Диуани хикмет» («Данағың кітабы»). Бұл жырлар XII ғасырда оғыз-қыпшақ тілінде жазылған түркі халықтарының ортақ әдеби мұрасы саналады.

«ДИУАНИ ХИКМЕТ» КИТАБЫНАН

Әркім қашар махаббатсыз халықтан,
Жақсы-жайсан жүрмес оған жаршыға,
Күйіп-жанып, асық жолда зарықсан,
Сұхбан ием мейман қылар ғаршыда.

Алла сүйген болса құйген бибағын,
Хақ көрсетер, олла-білла, дидарын.
Қайда барса, тәпсілері жиганын
Ақ жолына шашулауды хош санар.

Айтсаң зікір Алла деп — нұр шашылды.
Албастыдан арашалап басынды,
Дерпті болсан, құрғатар көз жасынды,
Ондай құлды өзі тауып, дос санар.

Тұн баласы көкірегін өрт керіп,
Көзін ілмес ғашығы үшін серттеніп.
Еңіретер Құдай емсіз дерт беріп,
Мұнда ұлтан қып, ойда сұлтан тұтады.

Хаққа ғашық жатпайды үйқы қандырып,
Мақсатына жетсем деп ой дал қылып,
Қамын жемес қатын-бала, мал-мұлік,
Ысмағұлдай ғазиз басын жұтады.

Хақты тапты ол дуаналық жол бағып,
Нәпсіні ұрды Хақ қылышын қолға алыш,
Қайдада ашық сыр ақтарды толғанып,
Жомарт кісі — еш бүкпесі жоғында.

Шайықпын деп Хаққа қарсы шыққандар

Шалқақтаумен серік болмас Сұхбанға.
Құдайсызға ем-дауа жоқ, бұқсаң да —
Зындан қылар бұл дүниені момынға.

Ей, мұсылман, тағат қылсаң, танбағын,
Ғазиз жаның — аманаты Алланың.
Харамдықпен, ұқ, жиған мал-жалғанын,
Қарыш атты жылан қылар малынды.

Қайда Карун мал жинаудан талмаған?
Өсиет шашқан қайда Пірғауын һәм һаман?
Қайда Фархад, Шырын, Мәжнүн зарлаған?
Қаһарланса, жерге тығар жанынды!

Көрдің бе адам өлмей тірі қалғаның,
Білдің бе енді бұл пәнидің жалғаны?!
Дүние — талап, ризығы — алғаның,
Алла десен, көз жасы боп жауасын.

Ем табылmas ғашық дертке ексең де,
Іші-сырты жымысқыға бек сенбе.
Арың таза болса, жеңіс тек сенде.
Алла білер ғашық дерттің дауасын.

Шыққансиды жалған ғашық шыбыны,
Сырты жылмаң, іші арамдық жылымы.
Болмаған соң Құдай сүйер қылығы,
Сарсаң қылар махшар күні пасықты.

Тән тілінде, жан тілінде нәпсі бар,
Алланы ойлап, арды тыңдар жақсылар.
Ғұламаларға қызмет қып бақ сынар,
Сұлтан қылар халыққа сол ғашықты.

Гашық болсаң, асық болғын әманда,
Жатпай түнде, жалбарынған жан Алла,
Ақылың болса, сырынды айтпа наданға,
Нағыз дәруіш сиынады ішпенен.

Дәруішсің бе, тыңдал ұят әмірін,
Шын тағат қыл, көріп отыр Тәңірім.
Ел қыдырма болсаң, кетер қадірің,

Әділ патша арам жолға түспеген.

Ей, Жасаған, сол дәруішке пана бол,
Шын сүймесе, шыбын жанын ала бер.
Адасқанды өзің жолға сала гөр,
Құлдың үйін Қожам гүлзар етеді.

Дәруішпін деп жұрт алдында дәрпілдеп,
Жұз құбылып зыр жүгірер әркімге.
Құдай үшін құлдық ұрмай нарқың не,
Шын дәруіштің тау мен шөл ғой мекені.

Ғашық болсан, асық жолда құрбан бол,
Дидарды іздең, дүниеден бет бүрған бол,
Қайғы-дертке қайырымды нұрдан бол,
Қаза кезде қадір-құрмет ел қылар...

Аударған Е. Дүйсенбайұлы

СҮЛЕЙМЕН БАҚЫРҒАНИ

Түркістандық ақын, лақап аты – Хакім ата. Ол Қожа Ахмет Иасаудің жолын құған мұриті болған. Ұстазының ұлгісімен діни мазмұнда өлең кітабына жазған («Бақырғани кітабы» немесе «Ақырзаман кітабы»). Кітапта сопылық дәстүр дәріптеледі, адамгершілік, ғашықтық, білім, тағы басқа жайында дидактикалық өсиет өлеңдер бар. Діни аңыздардың желісімен сюжетті өлеңдер де жазған. Сөйтіп, түркі әдебиетінде XIII -XIV ғасырларда кең өріс алған, қазақтың кейінгі қиссашил ақындарының шығармашылығында дамытылған нәзирашылдық (бұрыннан белгілі сюжеттерді жаңғыртып жазу) үрдістің алғашқы бастауларына жол салған.

«БАҚЫРҒАНИ КІТАБЫНАН»

Жаратушы ие, қиямет күні
Мен күнәмді қайда қоямын?
Осы ах ұрған өкініш күні
Мен күнәмді қайда қоямын?
Таразысы мен көпірін құрса,
Айдаушылар әзір тұрса,
Не істегенімді сұраса,
Мен күнәмді қайда қоямын?
Пайғамбарлар дізерлеп отырып,
Бетін жерге баса қалса,
Баршасы өз [басын] ғана ойласа,

Мен күнәмді қайда қоямын?
Арасат [майданына] келтірсе,
Маған [күнәм жазылған] дәптерді берсе,
«Дауыстап оқы» деп бұйырса,
Мен күнәмді қайда қоямын?
Сенің жабық сарайында
Еш ғибадат қылмадым.
Сұрақ сұрағанда ойбайладым.
Мен күнәмді қайда қоямын?
Денемнің баршасы күнәһар
Менде я қайыр, я жақсылық [жоқ].
Осы халіммен кешірім бола ма?
Мен күнәмді қайда қоямын?
Халайықтың бірі дәруіш,
Бірі ғалым, бірі тақуа,
Бірі сопы, бірі пір
Мен күнәмді қайда қоямын?
Бірі ілімін аян етеді,
Бірі дәруіштігін баян етеді.
Құлшылық еткендер аман болады.
Мен күнәмді қайда қоямын?
Егер фазылыңменен сұрасаң,
Ғафу етсең [күнәмнан] құтыламын.
Ал егер әділшілікпен сұрасаң,
Мен күнәмді қайда қоямын?
Дүниені қуалап жүруші едім,
Жаратушы иеге деген құлшылығымды тастап.
Осы адасқанымды жөн біліп.
Мен күнәмді қайда қоямын?
Денемнен киімінді сыбырып алғанда,
Өлігінді тақтаға салғанда,
Басымнан суды құйғанда,
Мен күнәмді қайда қоямын?
Алла саған сыйынамын.
Дереу шапағат қылмасаң,
Мен күнәмді қайда қоямын?

* * *

Жан-тәніммен жинадым
Бұл дүниеде мал-мұлікті.
Ол мал-мұліктің ақыр соны
Ойран екенін білмедім.
Жиһаз, [тәтті] тағам іздедім,

Сауық-сайран, жан тыныштық жолында.
Әттең, бұл істердің бәрі
Шектеулі екенін білмедім.
Білместігімнен мен оны
Айлап, жылдап іздедім.
Тынбай, шаршамай,
Жылдам жүгірдім, пай-пай!
«Қап» дегізетін [жалғаншыға] өмірімді
Зая жұмсаппын, ойбай!
Қапы қалған басымның
Надан екенін білмедім.
Дүниенің мал-мұлқіне
Көңіл бөлген надан екен.
Оңбағандық пен пасықтықты істеген
Пірғауын мен һаман екен.
Рахат дүние дегеніңіз
Жан мен тәннің апаты екен.
Оның бауы мен бағы
Зындан екенін білмедім.
Салтанат, құрметпенен
Әр жерге барғаным, келгенім,
Хан, сұлтан, шонжарлардың
Алдында жүгіріп, желгенім,
Лауазымды залымдар әр сәт
Адал, әділ дегенім,
Бұтқа табынғанмен
Тең екенін білмедім.
Әуейі нәпсі үшін
Күні-түні жанымды қинағаным,
неше түрлі жиһазды
Жар салып жүріп жинағаным,
Осынша жылдар жеп-ішіп,
Сауық-сайран, жан-тыныштық қылғаным,
Баршасының азғырушы
Шайтан екенін білмедім.
Дүние мені алдады,
Қызылды-жасылды жадысымен.
Жезекшелер сияқты
Ерлерді сиқырлап аздыратын.
Маған уәде берді
Алтын, күміс, малыменен.
Оның барлық уәдесі

Жалған екенін білмедім.
Мешіттің жолын тастап,
Пасықханаға барғаным,
Данышпаннан қашып,
Наданға дос болғаным,
Дін ісін кейінге қалдырып,
Дүние үшін жаным салғаным,
Дін ислам ісіне
Нұқсан екенін білмедім.
Қанша пікір етсең дағы
Өлімге жоқ еш ылаж.
Барша туар өлмек үшін
Өлімге жоқ еш ылаж.
Жаһанда қанша жан болса,
Барлығы бұған қайран қалады.
Патша да, кедей де (жермен) жексен болады.
Өлімге жоқ еш ылаж.
Пайғамбар келеді, өмір сүреді,
Дүниеден көшеді.
Жан шырағын өшіреді.
Өлімге жоқ еш ылаж.
Қорғаны қат-қат темірден
Дарбазасы болаттан болса да,
Баршасын жайпап өтеді.
Өлімге жоқ еш ылаж.
Өлім қанатынды қайырап.
Тұысқан-тұганынан айырап.
Ақырғы ісің осындай болар.
Өлімге жоқ еш ылаж.
Бишара кедей Шамшаддин
Тобаға келіп жыла.
Тұр орныңын! Белінді байла!
Өлімге жоқ еш ылаж.

КЕТЕҰҒА

— Теңіз бастан бұлғанды,
Кім тұндырап, а ханым?!

Терек тұптен жығылды,
Кім түрғызар, а ханым?!

— Теңіз бастан бұлғанса,
Тұндырап ұлым Жошы-дүр!

Терек түптен жығылса,
Тұрғызар ұлым Жошы-дүр!

— Ақсақ құлан шошыған,
Таудан төмен жосыған.
Балаң өлді — Жошы хан!
Нанбайсың ба осыған?!

Арымайтын семіз жоқ,
Құрымайтын теңіз жоқ!
Құрымайтын теңіз жоқ,
Өзіне берсін денсаулық!

— Құлынын алған құландай
Құлыннынан айрылдым!
Айрылысқан аққудай
Ер ұлымнан айрылдым!

ҚАЗТУҒАН

Алаң да алаң, алаң жұрт,
Ақала ордам қонғап жұрт,
Атамыз біздің бұ Сүйініш
Күйеу болып барған жұрт,
Анамыз біздің Бозтуған
Келіншек болып түскен жұрт,
Қарғадай мынау Қазтуған батыр тұған жұрт,
Кіндігімді кескен жұрт,
Кір-қоңымды жуған жұрт,
Қарағайдан садақ будырып,
Қылшанымды сары жұн оқقا толтырып,
Жанға сақтау болған жұрт.
Салп-салпыншақ анау үш өзен,
Салуалы менім ордам қонған жер,
Жабағылы жас тайлақ
Жардай атан болған жер,
Жатып қалың бір тоқты
Жайылдып — мың қой болған жер!
Жарлысы мен байы тен,
Жабысы мен тайы тен,
Жары менен сайы тен,
Ботташығы бұзаудай,

Боз сазаны тоқтыдай,
Балығы тайдай тулаған,
Бақасы қойдай шулаған,
Шырмауығы шөккен түйе таптырмас,
Балығы көлге жылқы жаптырмас,
Бақасы мен шаяны
Кежідегі адамға
Тұн ұйқысын таптырмас.
Қайран менің Еділім,
Мен салмадым, сен салдың!
Қайырлы болсын сіздерге
Менен қалған мынау Еділ жұрт!..

ДОСПАМБЕТ

Айнала бұлақ басы Тен,
Азаулының Стамбұлдан несі кем?!

Азаулының Аймадет Ер Доспамбет ағайын
Хан ұлынан несі жоқ,
Би ұлынан несі кем?!

Тәңірінің өзі берген күнінде
Хан ұлынан артық еді менім несібем!

Азаулыда аға болған ерлер коп сді,
Әйтсе де алмаға ат байлағаны жоқ еді!

Сере, сере, сере қар,
Асты кілең, ұсті мұз,
Күн-тұн қатса жібімес.

Мен көлікке қосымды артқанмын,
Көмбідей ару жаларға
Күректей мұзды тоңдырып,
Кірмембес ауыр қолға бас болып,
Күніреніп күн түбіне жортқанмын!

Дүниенің басы сайран, түбі ойран,
Озар сойды бұ дүние
Азаулының Аймадет Ер Доспамбет ағадан.

Ағарып атқан таңдай деп,
Шолпанды шыққан күндей деп,
Май қаңбақта ағалардың аты жусап жатыр деп,
Ақ шандақты құрып қойған шатыр деп,
Жазыда көп-ақ жортқан екенбіз —

Арғымақтың талдай мойнын талдырып,
Үйде қалған арудың
Ал иіндігін аудырып.

Арғымаққа оқ тиді
Қыл майқанның түбінен.
Аймадетке оқ тиді
Отыз екі омыртқаның буынынан.
Зырлап аққан қара қан
Тыйылмайды жонның уақ тамырдан.
Сақ етер тиді саныма,
Сақсырым толды қанымса.
Жара бір қатты, жан тәтті,
Жара аузына қан қатты.
Жарықшылар жоқ па екен
Жармай білте саларға?!
Жағдайсыз, жаман қалып барамын
Жанымда бір туғанның жоғынан!..

Қарағайлы көдік бойында
Қамшым қалды ойында:
Бұлдіргесі buquerque терісі,
Өрімі құнан білдің қайысы,
Шырмауығы алтын, сабы жез.
Бейазының бойында
Күзен, карсақ Жер ме екен?!

Алғаным Әли ағаның қызы еді.
Қас арудың өзі еді.
Мандайы күнге тимеген,
Желге шашын үрмеген.
Серпіліп адам бетін көрмеген,
Қалай күні кешті екен!
Қосақай, Қосай, Ер Досайдың анасы
Хан қызындаі сұлтанның
Айдындықтай ақ білегін жастанып.
Ерең үйін тіктіріп,
Омыраудағы он түймесін ағытып,
Кейінгі қалған көпекке
Қалай да белін шешті екен!..

Тоғай, тоғай, тоғай су,

Тоғай қондым, өкінбен.
Толғамалы ала балта қолға алып,
Топ бастидым, өкінбен.
Тобыршығы биік жай салып,
Дұспан аттым, өкінбен.
Тоғынды сарты нар жегіп.
Көш түзедім, өкінбен.
Ту құйрығы бір тұтам
Тұлпар міндім, өкінбен.
Туған айдай нұрланып,
Дұлыға кидім, өкінбен.
Зерлі орындық үстінде,
Ал шымылдық ішінде
Тұлымшағын тәгілтіп,
Ару сүйдім, өкінбен.
Бүгін, соңды өкінбен,
Өкінбестей болғанмын.
Ер Мамайдың алдында
Шаһид кештім, өкінбен!..

ШАЛКИЗ

Алаштан байтақ озбаса,
Арабыдан атты сайлап мінбен-ді!
Күлікке тастай болып тимесе,
Үстіме көбе сайлап кимен-ді!
Күмістен екі қолтық жоқ болса,
Сыпайшылық сүрмен-ді!
Алғаным ару болмаса,
Алдыма алып сүймен-ді!
Дұлығамның төбесі
Туған айдай болмаса,
Батыршылық сүрмен-ді!!

* * *

Жапырағы жасыл жаутерек
Жайқалмағы желден-дүр,
Шалулығы белден-дүр,
Төренің кежігуі елден-дүр,
Байлардың мақтанбағы малдан-дүр,
Ақ киіктің шабар жері майдан-дүр,
Кешу кешмек сайдан-дүр,
Батыр болмақ сойдан-дүр,

Жалаңаш барып жауға ти,
Тәнірі өзі біледі,
Ажалымыз қайдан-дүр!

Би Темірге айтқан бірінші толғауы

Аспанды бұлт құрсайды —
Күн жауарға ұқсайды.
Көлдерде қулар шулайды —
Көкшіліден ол айуан
Соққы жегенге ұқсайды.
Көп ішінде бір жалғыз
Көп мұнайып жылайды —
Күйбендескен көп жаман
Сөзі тигенге ұқсайды!
Алп, алп басқан, алп басқан
Арабы торым өзіңсін,
Жазылы, алтын, қол кескен
Алдаспаным өзіңсін!
Білерді білмес не демес,
Сұлтан ием, сен менің
Бармай тапқан Қағбамсың!
Алтынды кесе сары бал
Алсам, мен саған ұсынармын,
Тал мойныма қол артсан,
Күліктен бек ұнармын.
Көбен қеміз торыңмын,
Көп құлыңың бірімін —
Жақсыңдан мені кем көрдің,
Жаманыңмен тең көрдің.
Жақсыңдан мені кем көрсөң,
Жаманыңмен тең көрсөң,
Ұялы берікке қос артып,
Сен есенде, мен сауда
Ырысымды сындаїын,
Сегіз қыыр шартараптан іздермін!
Еділден аққан сызашық
Біз көргенде тебінгіге жетер-жетпес су еді
Телегейдей сайқалтып,
Жарқыраған беренді
Теңіз етсе, Тәнірі етті!
Жағасына қыршын біткен тал еді —

Жапырағын жайқалтып,
Терек етсе, Тәңірі етті!
Тебінгеннің астынан
Ала балта сұрысып,
Тепсінісіп келгенде
Тең атаның ұлы едің,
Дәреженді артық етсе, Тәңірі етті!
Тобылғының берегі
Иіл болып беріш бітсе,
Айбар болар терегі,
Атаның ұлы жақсыға
Малыңды бер де басың қос,
Бір күні болар керегі.
Бостаны бар-ды теректің,
Болаты бар-ды беректің,
Тұсындағы болған нартың қорлама,
Тұсындағы болған нартың қорласан,
Табылмас-ты керекте.
Айдын шүйсөң — тарлан шүй,
Көтерілген сона құтылmas.
Жауга кисең — берен ки,
Егеулеген болат өте алмас.
Есендікте малыңды бер де батыр жи,
Басыңда қыстау іс түссе,
Дұспанның қолы жете алмас!
Бар күшінді сынамай,
Балуандармен күреспе —
Таң боларсың әлемге,
Сөз боларсың құлемге.
Ақылсыз достыдан
Ақылды дұспан артық-ты,
Дұспаныңнан бір сақын.
Елі ішінде айқасып,
Ойнап жүрген достарыңнан мың сақын.
Жоғары қарап оқ атпа,
Жуық түсер қасыңа.
Жаманға сырыңды қосып сөз айтпа,
Күндердің күні болғанда,
Сол жаман айғақ болар басыңа.
Жақсы да келер бұқ көпке.
Жаман да келер бұқ көпке.
Түгел іс қойып болмас бір кепке.

Сен — алтынсың, мен — пұлмын,
Сен — жібексің, мен — жұнмін,
Сен — сұлтансың, мен — құлмын,
Сен — сұңқарсың, мен — кұмын,
Жемсауыңа келгенде,
Сұлтан ием, сом жүргім аяман!
Саған дұспан — маған жау,
Керекті құні алдында
Ғазизлеген сұлтан жаным аяман!!

Би Темірді хаж сапарынан тоқтатуға айтқаны

Қара бас құспен шалдырып,
Көк теңіздің үстінде
Көтеріп желкен аштырып,
Жұқ тиедің кемеге,
Ниет еттің Тәңірінің үйі Кебеге!
Жұқ тиесен, кетерсін,
Ниет етсең, жетерсін,
Жетсең, тауап етерсін, —
Етектеп жиган көп халқың,
Сұлтан ием, кімге асмар етерсін!..
Ашалай шалың ақталап,
Шемшірлігің ноқталап,
Шал сақалың жылаттың,
Атаңнан қалған көп халықты
Ер өзінден соңратын
Тек бір жардан құлattyң!
Қара басты ақ құспен
Кендір баулы ақ желкен
Көк теңізді жал толқынға жектірдің!
Қара сия, ақ қағаз
Дестіге өнер тәктірдің!
Бұ кеткеннен ұйтпасаң,
Ел, әйелің, сәбиң
Көзінің жасын тәктірдің,
Қабырғасын сөктірдің!
Едігеден туған ұғылдың
Мырзасы өзің болғансың,
Атан құмас бурасың,
Һәр ісінде тұрасың.
Ер өзінден соңратын

Емен салдай батар ол.
Алыс жерден мөһүлі шұбар хат келсе.
Күйбендескен көп жаман
Құлағын салып тұрар ол.
Ақ ала таудың алдында
Ақ ала жылқы жусайды.
Айналдырып қарасам,
Сол жылқының ішінде
Ат тапқандай бие жоқ.
Жолың да болсын, ау, ием,
Сен де кетіп барасың.
Енді өзінден соңратын
Жұртқа бір лайық ие жоқ.
Темір еді биіміз,
Теңіз еді халқымыз,
Тебірлерге қалғанда
Теңселер сойды ауыр ноғай жұртыңыз!
Соқса бір жілік сындырған,
Көк қоянның қос құлағын тұндырған,
Көгілдірдің жез қанатын сындырған,
Тегеурінді болат темірдің
Тегеуріні өзіңсің!
Айдынды көлге қас шауып,
Тоғызын соғып ұшырған
Қу сұлтаны саһарсың!
Саһарынды сайлап қаусырған
Боз сұңқарым өзіңсің!
Тебірдің жұртта не ісі бар,
Тепкісіздің сеніменен не ісі бар,
Сұлтан ием, жұрт иесі өзіңсің!
Соқса бір қурай сындырmas,
Құладын жаман қу алmas,
Құладын қудың теңі түгіл-ді, —
Тебіренсе ауыр жұртын тындырmas,
Тебір жаман жұрттың теңі түгіл-ді.
Тіленшіұғлы Шалқиң
Иесі би Темірдің тұсында
Бұлтқа жете жаздады бұ мүйіз.
Иесі би Темірден соңратын
Тұқылдықтан тарсылдал,
Үзілер болғай сол муйіз,
Әбсінде ғалым жидырып,

Ақ кітабын жайдырып,
Қайратымды білгейсің.
Ағбытпа, ханым, күннен соң,
Сіздің естен кеткенмен,
Біздің естен кеткен жоқ:
Қалмақтың Бөрі ханы келгенде,
Соқыр бурыл байталға
Сонда бір жайдақ мінгенсін...
Қалмақтың Бөрі ханы келгенде,
Қаланың қасы бұлгенде,
Хандар қалаға қылаған...

АҚТАМБЕРДІ

1

Күлдір де күлдір кісінетіп,
Күренді мінер ме екеміз?!
Күдеріден бау тағып,
Ақ кіреуке киер ме екеміз?!
Жағасы алтын, жеңі жез,
Шығыршығы торғай көз
Сауыт киер ме екеміз?!
Ор қояндай жүгінтіп,
Аш күзендей бүгілтіп,
Жолбарыстай шұбарды
Таңдал мінер ме екеміз?!
Сол шұбарға мінген соң,
Қоңыраулы найза қолға алып,
Қоңыр салқын төске алып,
Қол төңкерер ме екеміз?!
Жалаулы найза жанға алып,
Жау қашырап ма екеміз?!
Тобыршықты әндіген
Толтыра тартар ма екеміз?!
Тобылғы тұбі құралай,
Бытыратып атар ма екеміз!
Жарлауға біткен жапырақ —
Жамылсақ, тоңар ма екеміз?!
Жазыққа біткен бұлдірген —
Сұғынсақ, тояр ма екеміз!
Тобылғы сапты қамшы алып,
Тұмар мойын ат мініп,

Қоныс та қарар ма екеміз!
Ел жазылып жайлауда,
Жақсылар кеңес құрғанда,
Мұртымыз өрге шашылып,
Бұрын да сөйлер ме екеміз?!

2

От басар орны отаудай,
Қабыргасы халық орнаған жонсаудай,
Ор қояндай қабақты,
Қиған қамыс құлақты,
Сары мысықтай азұлы,
Саптыаяқтай ерінді,
Қидасын кәрі жілікті,
Омырауы есіктей,
Ойынды еті бесіктей,
Табаны жалпақ тарланды
Таңбалап мінер ме екеміз?!

Сол тарланға мінген сон,
Өзен де өзен, өзен су,
Әрлерде жортар ма екеміз?!

Аңдысын жүрген дұшпанның
Бұлттан шыққан ай бетті,
Мұнардан шыққан күн бетті,
Айттырса, бермес сұлуын
Аппақ қылышп мандайын,
Бұғақ қылышп тандайын,
Қылдырып қастарын,
Төгілдіріп шаштарын,
Күнінде аламанға
Тегін олжа қылар ма екеміз?!

3

Күлдір-күлдір кісінетіп,
Күренді мінер ме екеміз?!

Күдеріден бау тағып,
Қамқапты киер ме екеміз?!

Өзенге бие байлатып,
Төскейге орда орнатып,
Төрткілдеп ошақ қаздырып,
Төбел бие сойғызып,
Төменде бидің кеңесін

Біз де бір құрар ма екеміз?!

Құлаты тауға қол салып,

Садақтың оғын мол салып,

Бетпақтың ең бір шөлінен

Тетелеп жүріп жол салып,

Қолды бір бастар ма екеміз?!

Майданда дабыл қақтырып,

Ерлердің жолын аштырып,

Атасы басқа қалмақты

Жұртынан шауып бостырып,

Түйедегі наршасын,

Әлпештеген ханшасын

Ат артына мінгізіп,

Тегін бір олжа қылар ма екеміз?!

Кеуде бір жерді жол қылсам,

Шөлең бір жерді көл қылсам,

Құрап жанды көп жиып,

Өз алдына ел қылсам!

Асқар бір тауды жайласам,

Желілеп бие байласам,

Күнде жиын, күнде той,

Қыз-бозбала ойнатсам,

Тентегін түзеп байқа деп,

Ішінен биді сайлатсам,

Құлым бір ұлдай киінсе,

Көркемін көрген сүйінсе,

Атымтай Жомарт секілді

Атағым жұртқа білінсе!

Өзім бір бөлек жайласам,

Жігіттен нөкер сайласам,

Ойпаң жерге он отау.

Қыраң жерге қырық шатыр тігіп,

Қонағымды жайғасам!

Пышақтан малым кетпесе,

Қазаным оттан түспесе,

Ауылдан топыр үзілмей,

Ошақтың оты өшпесе.

Май жемесе қонағым,

Қан жемесе барагым,

Он кісіге жараса

Бір кісіге арнап тартқан табағым!

Халыққа атым білініп,

Шүлөнгір мырза атанаар ма екеміз?!

Төскейде кеңес топтанып,

Жақсылар үйде баптанып,

Нөкерлер жүрсе сап түзеп,

Қос-қосымен шаттанып.

Қиуадан ақыл алатын,

Қияннан айла табатын

Ерлерден салсам нөкерді

Дүшпаннан кекті алатын!

Жоны бір жалпақ жотадай,

Мойны бір жалпақ бұқадай,

Балуаннан нөкер барлатып,

Күреске салар ма екеміз?!

Артықша көзге көрініп,

Балуаным жықса таңлатып,

Алмасын арнап суарып,

Ақ сауыт соқса зергерім,

Таудағы сала бұғыны

Андып бір атса мергенім!

Көкорай көктем болғанда

Дауысы бар азандай,

Желіні бар қазандай,

Жаралы қудай ыңырантып,

Жарылған мұздай күңірентіп,

Қайрауықтың ашы күйіндей

Қайырып боздап күйлентіп,

Боталаған боз інген

Азан-қазан, уда-шу

О да бір алса мазамды-ай!

Алғайдың құба жонына

Жайылған қойым сыймаса,

Жұз бүркеншек, жұз қоспен

Қатар жүріп жинаса!

Көк алалы көп жылқы

Көлге бір түссе көз жетпей,

Санап санын алуға

Есебіне жан жетпей...

Беглерім мінсс шұбарын,

Жұлындаі қылып жаратып!

Елден елді аралап,

Тектіден текті саралап,

Беглердің қызын айттырсам,

Нұсқасын байқап шамалап —
Сынға толса сияғы,
Әлбеті шамның шырағы,
Мұхиттан сүзіп шығарған
Қымбатты гауһар бағасы.
Жұз нарға кілем жаптырып,
Қазақтан сәнін арттырып,
Ұзатып алсам сәнменен,
Көңлімді хош таптырып.
Бала берсе тезінен, —
Пірлердің бітсе демінен,
Шілтеннің тиіп шылауы,
Артылып туса өзімнен!
Осындай берген дәулетті
Көтеріп тұра алар ма екеміз?!

ҮМБЕТЕЙ

Қабырғасы сөгіліп,
Шапқанда батыр төгіліп:
Қаракерей Қабанбай,
Қанжығалы Бөгембай,
Сары, Баян мен Сағынбай
Қырмап па еді жауынды,
Қуантпап па еді қауымды,
Ұмыттың ба соны, Абылай!

Дүние кезек, Абылай!
Қаласың әлі-ақ сен былай!
Артыңдағы балаңа
Табылар батыр тағы да-ай!
Сондай ерлер көп тусын
Деп тілей бер, а Құдай!
Орта жүзде қатын көп,
Туатын кейін батыр көп,
Сол мұқатар жауды деп,
Елестер көзге сағымдай.

Ей, Абылай, Абылай,
Сөзімді тында тағы да-ай!
Өзінен біраз жасы үлкен,
Дөмпеш таудай басы үлкен,

Жасында болған сырласын,
Үлкен де болса құрдасын,
Сексеннен аса бергенде,
Қайрылмас қаза келгенде,
Батырың өлді — Бөгембай!

Иманын айтып өлерде,
Иекке жаны келгенде,
Сәлем айтты үш қайта,
Кеттім деп сізді көре алмай.
Батырды қолдан өткіздім,
Сәлемін міне жеткіздім.
Жыламай тыңда, Абылай,
Жараға жақсы қасқаар,
Ойбайлап жаман бас салар,
Көріспей айтты деменіз,
Осы еді біздің келген жай.
Көзіңің жасын тыя көр,
Жақсылық бата қыла көр.
Тағы да талай бақ берсін,
Балаңа алтын тақ берсін,
Бөгембайдай жас берсін,
Өлшеусіз мал мен бас берсін!
Бөгембай сынды батырдың
Береке берсін артына-ай,
Сабыр берсін халқына-ай.
Жасаған ие жар болып,
Бейіште нұры шалқығай!

**Екі-мыңжылдық дала жыры /Ред. Ә. Нисанбаев . Алматы:
Қазақ энциклопедиясы, 2000. – 113-191 бб.**

XIX-XX ГАСЫРЛАРДАГЫ ҚАЗАҚ ДУНИЕТАНЫМЫНДАГЫ ЭТИКАЛЫҚ ЖӘНЕ ЭСТЕТИКАЛЫҚ ҮРДІСТЕР

БҰҚАР ЖЫРАУ

Бірінші тілек тілеңіз:
Бір Аллаға жазбасқа.
Екінші тілек тілеңіз:
Өзәзіл, пасық¹, залымның
Тіліне еріп азбасқа.
Үшінші тілек тілеңіз:
Үшкілсіз көйлек кимеске.
Төртінші тілек тілеңіз:
Төрде төсек тартып жатпасқа.
Бесінші тілек тілеңіз:
Бес уақытқы бес намаз
Біреуі қаза қалмасқа.
Алтыншы тілек тілеңіз:
Алпыс қанат² ақ орда,
Ардақтаған аяулың
Күнінде ертең³ біреуге
Тегіннен-тегін олжа болмасқа.
Жетінші тілек тілеңіз:
Желкілдеген ту келіп,
Жер қайысқан қол келіп,
Сонан сасып тұрмасқа.
Сегізінші тілек тілеңіз:
Сегіз қыыр шартарап
Жер тұлданып тұрмасқа.
Тоғызыншы тілек тілеңіз:
Төреңіз тақтан таймасқа,
Тоқсандағы қарт бабаң
Топқа жаяу бармасқа.
Оныншы тілек тілеңіз:
Он ай сені көтерген,
Омыртқасы үзілген,
Аязды күнде айналған,
Бұлтты күнде толғанған,
Тар құрсағын кеңіткен,
Тас емшегін жібіткен

¹ Пекин нұсқасы бойынша («Ана тілі», 12-шілде, 1990 жыл).

² Бұл да сонда.

³ Бұл да сонда.

Анаң бір аңырап қалмасқа.
Он бірінші тілек тілеңіз:
Он бармағы қыналы,
Омырауы жұпарлы,
Исі жұпар аңқыған,
Даусы қудай саңқыған,
Назыменен қүйдірген,
Қылығыменен сүйдірген,
Ардақтап жүрген бикешің
Жылай да жесір қалмасқа.

* * *

Ай, Абылай, Абылай!
Қатын алма қарадан,
Қара тумас сарадан.
Қатын алсаң қарадан,
Алды кетпес баладан,
Арты кетпес жаладан.
Қатын алма төреден,
Қатын алсаң төреден,
Еркегі болар жау жанды,
Ұрғашысы ер жанды,
Төре берер ұл туса,
Аузы кетпес парадан.
Мал жинасаң, қойдан жи,
Майы кетпес шарадан.
Ит жинасаң, сырттан жи,
Қойды бермес қорадан.
Аталаыдан би қойсан,
Адаспас жол мен жорадан.
Атасыздан би қойсан,
Босанбас аузы парадан.
Қалмаса қайнар азайып,
Аққан дария суалмас.
Қалмақтан алсаң бір зайдып,
Сүйегінді жоғалтпас.
Абылайымсың алқатқан,
Отының болсын жантактан,
Қатының болсын қалмақтан,
Қосының болсын қазақтан!
Сегіз қыыр шартараң,
Төрт құбыланды түгел қып,
Төрінде жатып салмақтан.

* * *

Он екі айда жаз келер,
Құс алдында қаз келер.
Айтып-айтпай немене,
Дәуреніңіз аз келер.
Сондай заман жеткенде
Шаңырағың тұл болар.
Еліңе қауіп төнгенде
Ата үрпағың құл болар.
Қараларың қас болар,
Қаскөйлерің бас болар.
Өзі сары, көзі көк,
Орыстар келер ғалым боп.
Әулиедей көрінер,
Діндәрінің аты — поп.
Поптары болар сазандай,
Кітабы болар қазандай.
Ақыретке барғанда,
Ақсүйекті қор тұтқан,
Қараны онан зор тұтқан,
Орыстарды пір тұтқан,
Сорлы болған қазағым,
Тартарсың сонда жазанды-ай!

* * *

Қазақтың ханы Абылай,
Абылай ханым, бұл қалай?
Ақиықты аспанға
Ұшпастай ғып торлады.
Құлағанға ұқсайды
Қазақтың қамал-қорғаны.
Қайғырманың, ханзадам,
Айтпасыма болмады,
Батырың өтті — Бөгембай!

Киядан қиқу төгілсе,
Аттың басын тартпаған,
Қисапсыз қол көрінсе,
Қорқып жаудан қайтпаған,
Қазақ деген халқынан,
Батыр шыққан даңқынан,
Қарсыласқан асылдар
Қорғасындай балқыған,

Батырың өтті — Бөгембай!

Бұтақты мүйіз бұғысы
Саласында жайылған,
Мылтық атқан мергені
Киігін қойдай қайырған,
Құланы құлындай тулаған,
Тұлкісі иттей шулаған,
Қыс қыстайтын жерінді
Аң етімен тау қылған,
Батырың өтті — Бөгембай!

Асу салған тас бұзып Тарбағатай белінен,
Қол қондырған қос тігіп
Бөрлі деген көлінен,
Қалмақты шапқан шулатып
Ақшәулінің өрінен,
Қоныс қылған найманға,
Бәрін қуып жерінен,
Батырың өтті — Бөгембай!
Қаракерей Қабанбай,
Қанжығалы Бөгембай,
Қаз дауысты Қазыбек,
Шақшақұлы Жәнібек —
Ормандай көп Орта жұз,
Сондан шыққан төрт тірек.
Тұғыр болған сол еді
Сіздей төре сұнқарға.
Жастық дәурен жалын-өрт
Басымыздан көшкен соң;
Айтуға бәрін әлім жоқ
Мезгіліміз жеткен соң!
Қатты тамақ шайнарға
Мен пақырда тіс бар ма?
Арыстан ем айбарлы,
Бұл күнде қуат, күш бар ма?!

* * *

Көкшетаудан салдырған
Қара үңгір жолдары.
Сабантаудан жиылып,
Бес сан болды қолдары.
Өзің қонған Көкшетау,

Кәпір қала салды, ойла.
Жарқақ деген жерлерге
Шашылып шеті барды, ойла.
Атбасар мен Қалқотан
Балығы тәтті су еді,
Өнебойын шандып ап,
Сүзекісін салысты, ойла.
Қарқаралы деген тауларға
Қарқарасын шанышты, ойла.
Бетеге мен көденің
Берекесі қашты, ойла.
Көкмұрын деген жерлерге
Қыстауын сонан соқты, ойла.
Жылқының суат сұына
Шошқасын әкеп төкті, ойла.
Ұлытау шеті Созақтан,
Созақтан бергі жерлерден
Көкорай шалғын көре алмай,
Шұбырып қазақ кетті, ойла.
Нұраның бойы Ақмола,
Есілде бар Қараөткел,
Екі өткелдің аузынан
Тас қорғанды салды, ойла.
Баянаула, Қызылтау,
Оны да кәпір алды, ойла.

.....
Шұршітпенен құлақтас,
Қырғызбенен жұбаптас.
Ортасында ұйлығып,
Кетпейін десе, жері тар,
Кетейін десе, алды-артын
Қоршап бір алған кәуір бар.
Ұйлыққан қойдай қамалып,
Бүйірінен шаншу қадалып,
Сорлы бір қазақ қалды, ойла!

ШАЛ АҚЫН

Пасыл да пасыл, пасылман,
Жақсыға сырым жасырман,
Жаманға сірә бас ұрман,
Мен — бір шапқан жүйрік ат,
Бір желіксем, басылман.

Өттің бір, дүние, өттің-ай,
Теңселе басып кеттің-ай.
Мен — бір жүрген жорға тай,
Жылжи да басып кеттім-ай.

Домбыра қолда қарағай,
Қолға да оны алған соң,
Әріден бері салам-ай.
Жоғары мен тәменге,
Ылди менен өренге
Даңқым кеткен баламын.
Шын ажалым жеткен соң,
Сызықтан мәлім өткен соң,
Айтпасам да, жарандар,
Мен де бір күн өлем-ай.

Түйе деген бір мал бар,
Тамағы тойса, көп кетер.
Қас жаманның белгісі —
Жиын-тойға барғанда
Тамағына өкпе етер,
Өкпелейім деп кетер.
Нәпсің бір көкжал бөрідей,
Иманың бағлан қозыдай, —
Егер тыю салмасаң,
Иманыңды жеп кетер.

Ел, елдетер, елдетер,
Ашылған тұман желдетер,
Жақсылардың алдында
Біразырақ сөйлесем,
Онан да менің нем кетер?!

Өлгеннен соң басыңда
Топырақ үйіп белгі етер.
Белгі еткеннің белгісі —
Көміп бір тастап ел кетер.

Қайырсақ та сазда өтер,
Қаңқылдаған қаз да өтер,
Үш ай тоқсан жаз да өтер,
Ақ бетіне қан құйған,

Орамалын дәл қүйған,
Ерініне бал қүйған
Қылышты туған қыз да өтер.
Домбыра қолда қарағай,
Қолға да оны алған соң,
Жүйрік туған ағаңыз
Арыдан бері тербетер.
Базарға барсаң, бақ білер,
Базардағы беренниң
Әр бағасын сарт білер,
Откен менен кеткенді
Көп жасаған қарт білер,
Жолдың алыс-жұығын
Белі де жуан ат білер.
Біреуді жақсы демесен,
Біреуді жаман демесен,
Бұл дүниеден өткен соң,
Шын дүниеге жеткен соң,
Кетеріп көрге салған соң,
Көр қараңғы болған соң,

.....
.....
Кімнің жақсы, жаманың
Бір жаратқан Хақ білер...

* * *

Бұл өлім қайда жоқ?
Жарқыраған айда жоқ,
Күркіреген күнде жоқ,
Өтері өтіп кеткен соң,
Мың теңгелік қайғыдан
Бір теңгелік пайда жоқ.

* * *

Өлімнен құтылмассың қашсан-дағы,
Атадан арыстан туып ассаң-дағы,
Алладан шыныменен жарлық келсе,
Жұлдыз да жерге түсер аспандағы.

Жігіттер, гибадат қыл, маған нансаң,
Намаз оқы, Алланы ойыңа алсаң.
Қырық жыл қашқан ажалдан Қорқыт та өлген,
Түбінде сөз сенікі, өлмей қалсаң.

Кәрі өлсе, соққан дауыл тынғандай-ақ,
Жас өлсе, бәйтерегің сынғандай-ақ.
Жігіттер, жас кезінде тәубаға кел,
Ажал деген көзді ашып-жұмғандай-ақ.

МАХАМБЕТ

Ереуіл атқа ер салмай,
Егеулі найза қолға алмай,
Енку-еңку жер шалмай,
Қоңыр салқын төске алмай,
Тебінгі терге шірімей,
Терлігі майдай ерімей,
Алты малта ас болмай,
Өзіннен туған жас бала
Сақалы шығып жат болмай,
Ат үстінде күн көрмей,
Ашаршылық шөл көрмей,
Өзегі талып ет жемей,
Ер төсектен безінбей,
Ұлы түске ұрынбай,
Тұн қатып жүріп тұс қашпай,
Тебінті теріс тағынбай,
Темір қазық жастанбай,
Қу толағай бастанбай,
Ерлердің ісі бітер ме?!

Тарланым

Таудан мұнартып ұшып тарланым!
Саған ұсынсам — қолым жетер ме,
Арызым айтсам — өтер ме?
Арыстаным, көп болды-ау
Саған да менін арманым!
Кермиғым, кербезім,
Керіскідей шандозым,
Құландай ацы дауыстым,
Құлжадай айбар мүйіздім,
Қырмызыдай ажарлым.
Хиуадай базарлым.
Теңіздей терең ақылдым,
Тебіренбес ауыр мінездім!
Садағына сары жебені салдырған,
Садағының кірісін

Сары алтынға малдырған.
Тереңнен көзін ойдырған,
Сұр жебелі оғына
Тауықтың жүнін қойдырған,
Мандайын сары сусар бөрік басқан,
Жауырынына қүшіген жүнді оқ шанышқан,
Айқайласа белдік байланған,
Астана жұртын айналған,
Атына тұрман болсам деп,
Жұртына құрбан болсам деп,
Адырнасын ала өгіздей мөніреткен.
Атқан оғы Еділ-Жайық тең өткен
Атқанын қардай боратқан.
Көк шыбығын қанды ауыздай жалатқан –
Арыстан еді-ау Исатай!
Бұл фәнидің жүзінде
Арыстан одан кім өткен?!

Мұнар күн

Мұнар да мұнар, мұнар күн,
Бұлттан шыққан шұбар күн,
Буыршын мұзға тайған күн,
Бура атанға шөккен күн!
Бұлықсып жүрген ерлерден
Бұрынғы бақыт тайған күн!
Қатарланған қара нар, —
Арқанын қызып алған күн,
Алма мойын аруды
Ат көтіне салған күн,
Бұландай ерді кескен күн,
Буулы тенді шешкен күн,
Сандық толы сары алтын
Сапырып судай шашқан күн!
Тұс қыла көр, Құдайым,
Біздей мейманасы тасқанға,
Біздің ер Исатай өлгсін күн —
Он сан байтақ бұлген күн!
Орта белін сырлаған
Оқ жаңбырдай жауған күн,
Оң қанатын теріс жайып,
Лашын қуға төнген күн!
Желпілдеген ала ту

Жиырылып ойға түскен күн!
Жез қарғылы құба арлан,
Жез қарғыдан айрылып,
Қорашыл төбет болған күн!
Аса шапқан құлаша ат
Зымырандай болған күн!
Арқаулының бойынан
Теріскең дауыл соққан күн!
Қас бәйтерек жығылып,
Жығылғаны естіліп,
Алыстағы дүшпанның
Қуанып көңілі тынған күн!

Баймагамбет сұлтанға айтқаны

I

Алай ма, сұлтан, алай ма!
Астыма мінген арғымақ
Аяңдай түсіп марай ма?
Арғымақ дейтін жығылар
Найза бойы жар келсе.
Жабыдайын жалтаңдаи,
Түсер жерін қарай ма?
Арғымақ атқа айдай таға қақтырса,
Кілегей катқан Еділдің
Көкше мұзынан таяр ма?!

II

Біз бір енеден бір едік,
Бір енеден екі едік.
Екеуіміз жүргенде,
Бір-бірімізге ес едік.
Бір енеден үш едік,
Үшеуіміз жүргенде,
Толып жатқан күш едік.
Бір енеден бес едік,
Бесеуіміз жүргенде,
Алашқа болман деуші едік.
Өтемістен туған он едік,

Онымыз атқа мінгендे,
Жер қайысқан қол едік.

III

Еділді көріп емсеген,
Жайықты көріп жемсеген,
Таудағы тарлан шұбар біз едік.
Исатайдың барында,
Қара қазан, сары бала
Қамы үшін қылыш сермедік.
Шабытымыз келгенде,
Ерегіскен дүшпанды
Шетінен сүйреп жеп едік.
Баста дәурен тұрганда,
Біздердағы, байеке,
Оза көшіп, кең жайлап,
Еркімен еркін жатқан ел едік.

IV

Еділ үшін егестік,
Тептер үшін тебістік,
Жайық үшін жандастық,
Қиғаш үшін қырылдық.
Тендікті малды бермедік,
Тендіксіз малға көнбедік.
Ханның кірген ақ орда
Бұзыны ойлап кеңестік.
Аламанға жел бердік,
Аса жұртты менгердік.
Қара қазақ баласын
Хан ұлына тенгердік.
Өздеріндей хандарды
Қабырғасын сөгілтіп,
Қабырғадан аққан қан
Ат баурына төгілтіп,
Әділ жаннан түнлітіп,
Ат көтіне өңгердік.

V

Кешегі Исатайдың барында,
Алақандай Нарынды
Басушы едім құлаштай.
Жәбір беріп, жала етсен,
Былғанған басым ласқа-ай!
Мен бір шарға ұстаған қара балта едім,

Шабуын таптай кетілдім,
Қайраса, тағы жетілдім.
Көрмес, келмес деп едім
Өз еркіммен бетінді-ай!
Есігіңің алдына
Ұрмай, соқпай келтірдің
(Арманың бар ма Құдайға)
Мынау Махамбет сынды «жетімді»-ай!

VI

Ханнан кегім ала алмай,
Арқаның алыс екі саласына барғанда,
Айдаһардай арбадың,
Арбадың да қалмадың.
Қайрат қылар ер біз болсақ,
Заманымда болған «сұлтаным»,
Бізді жіпсіз байладың.

VII

Еділ мен Жайық жер еді-ау,
Мекен еткен шаруага
Жағасы қорған жай еді-ау.
Жай-қоныстан айрылып,
Мен — бір қаңғып жүрген қараша.
Қайта-қайта іздетіп,
Менде қандай ауыр ақың бар еді-ау?!

VIII

Мен ақ сұнқар құстың сойы едім,
Шамырқансам, тағы кетермін?
Кетпей де нешік етермін?
Бұл барғаннан баармын,
Киядан орын алармын.
Өтініп алып от жақпан,
Дүшпанға қылыш ұрармын.
Жазға бір ай қалғанда,
Аласапыран болғанда,
Бөліне көшкен елінді
Бөрліккен қойдай қылармын.
Жарыла көшкен елінді
Жаралы қойдай қылармын.
Мен кеткенмен, тек кетпен,
Сізден артық табармын.
Ашуыма көп тисең,
Өзекті жанға бір өлім,

Ордаңды талқан ғып шабармын!

IX

Беркініп садақ асынған,
Бірінде жауын қашырған,
Құйқылжыған құла жирен ат мінген,
Құйрық-жалын шарт түйген,
Мен — кескекті ердің сойымын,
Кескілеспей бір басылман.
Алдына келіп тұрмын деп,
Ар-намысым қашырман.
Сүйегім тұтам қалғанша,
Тартынбай сөйлер асылмын.
Ай, тақсыр-ау, ай, тақсыр,
Бойың жетпес биікпін,
Бұлтқа жетпей шарт сынбан!
Айта келген сөзім бар,
Не қылсаң да жасырман.
Шамдансан — шығар асаумын,
Шамырқансам — сынар болатпын,
Кәр қылады деп, тақсыр-ау,
Аяғыңа бас ұрман!
Байеке сұлтан ақсүйек,
Қыларың болса — қылып қал!
Күндердің күні болғанда,
Бас кесермін, жасырман.

X

Ай, тақсыр-ау, ай, тақсыр!
Боз орданы тіктім деп,
Боз ағашты жықтый деп,
«Ханым, ханым» дегенге,
Көтере берме бұтынды,
Көптіре берме ұртынды,
Күндердің күні болғанда,
Өзіңнен мықты жолықса,
Ту сыртыңнан жармай алар өтінді.
Тәуекел хаққа бел байлап,
Қималы найза өңгеріп,
Бозбалага жел беріп,
Атқа мініп шыққанда,
Зұлым төре, сенің де
Көрер едім көтінді!

ДУЛАТ БАБАТАЙҰЛЫ

Мөнірей жұртқа ой қайтты
Бұзауы өлген сиырдай.
Ләпсі — төбет қабаған:
Жемтік көрсе, тұра ма —
Ырылдар танау жиырмай,
Өзімнен өзім қызғанып,
Азын-аулақ жиганым
Өзіме де бұйырмай.

Күнәм — жойқын, тәубем — аз,
Тіршіліктен не таптым?
Дүние — жемтік, мен — төбет,
Соны бақпай, не бақтым?
Ырылдастып әркіммен,
Не қапқыздым, не қаптым...

* * *

Қыржын, қылжақ туысқан,
Қырт пен мылжың ағайын.
Бәрінен де дауасыз
Өсекті қайтіп бағайын?
Мақтан күйшіл бүркіттей
Бабын қалай табайын?
Жағымсыз сөз әркімге
Жұмсайтұғын малайым —
Бәрі тегін жер тезек,
Қайсысын таңдал алайын? —
Асыл сөзден бұл кетті.

Келемеж қылыш атасын,
Алмай ақыл батасын,
Мойнына алмай қатасын,
Шаруа десе — жиренде,
Өсек десе — сүйренде,
Қымыз андып қыдырып,
Бейпіл сөзге сыйдырып,
Жалаңдастып ұл кетті.

Ағайын араз мал үшін,
Андысып алды абысын,
Жаттай болыш танысын,

Қазақтан мұлде түңіліп,
Артына қарап үңіліп,
Қайран талай жыл кетті.
Аңдығаны жілік боп,
Тілегені бүлік боп,
Момынды сорып сұлік боп,
Адам дауға келгенде,
Жел жетпейтін күлік боп,
Қонақасы бермесе,
Ат-шапанға ілік боп,
Параны көзден би кетті.

Сөзден кетіп бәтуа,
Базынаң жүрмей татуға,
Аңдысып қуда сүйекпен,
Көтеріп тастап иекпен,
Қадір, қасиет, сый кетті.

Ескіден қалған бұрынғы
Бәтуалы ырымды,
Адаспастай даңғыл сол —
Қасым салған қасқа жол,
Шиырға салып із кетті.
Жақының, берсөң, жау болып,
Бермесөң, құрган ау болып,
Аяғы бәле дау болып,
Ұлгайып бәле қау болып,
Татқан дәм мен тұз кетті.

Күземе байтал кекілді,
Жетекшіл түйе секілді,
Шешесі айтса, кейін деп,
Женгесі айтса бейімдеп,
Дамбалын тастап қыз кетті.

Қонысына қона алмай,
Шаруалары оналмай,
Бай мен кедей аңдысып,
Арасынан жем тауып
Араласқан сан пысық —
Дөң асқан мал табылмай,
Ашылған етек жабылмай,

Біріне-бірі сеніспей,
Бет-бетімен ел кетті.

Дұрыс бастар басшы жок,
Әділетке шөлдettі.
Татуға өсек жүргізіп,
Бәленің отын өргізіп,
Қайран заман, аман бол,
Ер шөгіп, есер ержетті.

ШОРТАНБАЙ ҚАНАЙҰЛЫ

ЗАР ЗАМАН

Зар, зар заман, зар заман,
Зарлап өткен тар заман.
Төрт аяқты хайуан —
Бұл дүниенің жарығы.
Бағасы кеткен жігіттің
Бетінен алар зайдыбы.
Бір Алладан басқаның
Көп-ті қылған айыбы.
Кесапттың кесірі
Келе ме деп керт басқа,
Сол себептен қорқамын!

Әуелгі қорлар зор болды,
Сондағы зорлар қор болды.
Әуелгі барлар жоқ болды,
Сондағы жоқтар тоқ болды.
Жан білмейтін жамандар,
Жөн білмейтін надандар
Ел билеген бес болды.
Көтере алмай билігін,
Ұласқан ұлken кек болды.
Ниетіне қазақтың
Тым-ақ тәуір еп болды.
Заманақыр болар деп,
Сол себептен қорқамын!

Қыс көбейді — жаз аз боп,
Бай таусылды — мал аз боп.
Ағайынын көре алмай,

Атаға бала араз болп,
Қорлықпен өткен күніміз.
Кетер ме деп дініміз,
Сол себептен қорқамын.

Әр нәрсенің болжалы
Келе жатыр жақындалап.
Ағашты тауға үй салып,
Алды кәпір ақымдалап.
Елді еркіне қоймайды,
Буыршындақ тақымдалап.
Дуанбасы, болыс тұр
Орыстың сөзін макұлдалап.
Айтқан сөздің құны жоқ,
Құр жылайды қақылдалап.
Жарысқа кірген жақсылар,
Аша алмассың көзің деп,
Сол себептен қорқамын!
Елге егін жайылды,
Байға қоңсы жоламас.
Алдап-арбап жүрем деп,
Өзге тілеу сұрамас.
Арам сідік балаға
Атаның сөзі ұнамас.
Адам азар болар деп,
Сол себептен қорқамын!

Мынау ақыр заманда
Алуан-алуан жан шықты,
Арам, араз хан шықты,
Қайыры жоқ бай шықты.
Сауып ішер сүті жоқ,
Мініп көрер күші жоқ
Ақша деген мал шықты,
Кедей қайтіп күн көрер? —
Сол себептен қорқамын!

Келе жатыр жақындалап
Ай мен күннін арасы.
Танда мақшар болғанда,
Таразыны аударап
Залымның қылған күнәсі.

Тәуба, таупық келтірмес
Азған елдің молдасы.
Жаһаннам деген дозақта
Шайтан болар жолдасы.
Құбыласын білмей құл,
Сонда тартар жазасын.
Кешірмейді Құдайым
Бес намаздың қазасын.
Құрт-құмырсқа жиналып,
Кетірер оның мазасын.
Сақта, Құдай, сонан деп,
Сол себептен қорқамын!

* * *

Асылық, асқан заманда
Шөп сүйилды жердегі,
Құс таусылды көлдегі,
Бай таусылды елдегі...
Жақсылықтан түгім жоқ
Жан қуанып сүйінген.
Естігенің жамандық —
Жұрт жиылып бүлінген...
Шошқаның етін қақтаған,
Құбылаға бақпаған,
Атасының малындай
Арақты ас қып сақтаған —
Кәлимасыз кәпірге
Кіріптар қылдың, Құдіреттім!
Ал бұл зар заманың аяғы —
Заманың кетті баяғы.
Жанның жалғыз сүйініші —
Мал болып тұр тамағы.
Ықылас, ниет қалмады,
Үлкенге билік салмады.
Ұлықсыған ұл туып,
Бұлықсыған қыз туып,
Жан есінен адасты.
Жарысқа кірген жақсылар,
Жақынның деп жан тартпай,
Жаумен бірге таласты.
Аузына кәпір қаратты
Дін мұсылман алашты.
Дүниенің тұтқасы,

Ойлап тұрсам, мал екен,
Кәпір мен қазақ таласты.

Заман қайтіп оңалсын,
Адам қайтіп қуансын —
Жандарал болды ұлығын,
Майыр болды сыйынғаның!..
Кәпірдің көрдің піріндей,
Тілмаштың көрдің биіндей,
Дуандың көрдің үйіндей,
Абақтың тұр қасында
Қазылған қара көріндей!
Байлар ұрлық қылады,
Көзіне малы көрінбей.
Билер жейді параны
Сақтап қойған сүріндей.
Заманың түрі бұзылды
Текеметтің түріндей.
Ойлағаның жамандық
Жарадан аққан іріндей.
Жеті жұрт кешкен бұл жерден,
Сен тұрмайсың бүлінбей!
Қазақтың ұлы жиылыш,
Құдайыңа сиыныш,
Қондыгерге хат жазыш,
Кешіктірмей дат жазыш,
Өлместің енді қамын қыл,
Басың сотқа ілінбей!

* * *

Мына заман қай заман?
Азулыға бар заман,
Азусызға тар заман!
Тарлығының белгісі —
Бірін-бірі құндең,
Жай-жайына жүрмеген,
Жақсылар малдан түңілген,
Жамандар жаннан түңілген.
Мұның өзі зар заман!
Зарлығының белгісі —
Ұл сыйламас атасын.
Арам сідік болған соң,
Атасы бермес батасын.

Қазы, болыс қойыпты
Некесіз туған шатасын...
Қыз сыйламас енесін,
Арттырам деп егесіп,
Салыстырап денесін.
Пысықсыған немесі
Көзіңді ойып барады,
Күнде тесіп төбесін.
Ақсақалдан әл кетті,
Болмаса Тәңірім демесін...
Жас сыйламас ағасын,
Алып жыртты-ай жағасын!..
Асың жұқпас бойыңа,
Әр не түсер ойыңа.
Жалмауыз болды ұлығың,
Қазақ, сенің сорыңа!
Арқадан дәурен өткен соң,
Құғындал орыс жеткен соң,
Тіпті амал жоқ қазулы
Түспеске енді торына...
Кім мұсылман, кім кәпір —
Бір Аллаға аян-ды.
Пірлерден кетіп керемет,
Патшадан кетіп әділет,
Ақырзаман таянды!

* * *

Күйіп бір күймей, немене,
Құр қызды делебе.
Сақтасын жалғыз қайғыдан,
Көппен көрген — селебе.
Жылқың менен балаңды
Бір алған соң аузына,
Алмайды деген немене?!

Ұзын аққан Сарысу,
Жағасын жайлап көбеле.
Айдамай тұрып солдатқа,
Зар қылмай тұрып жалды атқа,
Жүйрік пенен жорғанды
Өзің бір мініп, жебеле.
Жалаңаш барып жауға шап,
Ажалдан бұрын өле ме!
Ноқталы басқа бір өлім,

Өлмей де адам жүре ме?
Қатын-бала қамы үшін
Қарсы шап та, мылтық құш,
Құр жабырқап жүдемеі

* * *

Еділді алып — елді алды,
Енді алмаған нең қалды?
Қараны санап — малды алды,
Қазаққа қамқор жанды алды.
Кетейін десен — жерің тар,
Кетпейін десен — кәпір бар...
Тілеуінді бермейді,
Көзіңің жасын имейді.
Азаматтар, жігіттер,
Айғыр айтып сойсан да,
Әуелгі заман келмейді.

* * *

Заман да заман, замана!
Асқар таудай әкеге
Ұл қышқырған замана.
Қылсаң жұмыс бітпейді,
Күн қысқарған замана.
Бай қайырып байланып,
Түн қысқарған замана.
Арғымақ ат тасырқап,
Тағалы болған замана.
Мәстек-жабы жалданып,
Бағалы болған замана.
Бұрынғы семіз арықтап,
Кенелі болған замана.
Кімде тамақ бар болса,
Дегені болған замана!..

ҚУДЕРІҚОЖА ҚӨШЕКҰЛЫ

Қарқаралы, Қазылтық

Найманда жүрттың ағасы,
Кіреуке тонның жағасы.
Ел жайлаудан келгенде
Көрініп тұрар обасы.
Аударыла шапса да,
Кетпейді екен күнінде

Артқы айылдың доғасы.
Майдай болып жүгатын
Малданған түрлі малдарға
Қорқылдақ көлдің қоғасы...
Қаласың енді, амал жоқ,
Жазылып құмар жайлаудан...
Бесқазылық, Ойтұндік,
Көрінер жерің бір күндік.
Күншілік жерден көрінген,
Көрінсе, көңілім сүйінген
Баянаула, Қазылық.
Жазғытұрым болғанда,
Бауырыңнан ел көшкенде,
Көштің жолы сүрлеу бол,
Қалушы еді қазылып.
Жаз жайлауға шыққанда,
Қонушы едік жазылып.
Қыс болғанда қонған тау,
Жаз болғанда көшкен тау.
Бәйбішелер отырып,
Сабаларын толтырып,
Нияздарын аштырып,
Наурыздама берген тау.
Басымнан малым кетпеген,
Үстімнен боран өтпеген,
Күніреніп дәурен сүрген тау.
Құтты, құтты, құтты тау,
Құт сан қара біткен тау.
Өмір бойы іздесем,
Табылmas сендей сүтті тау...
Жатып қалған жас қозы
Жайылып, қой болған тау.
Бағлан қозы қой болар,
Бірін сойса — той болар.
Сойғанының терісі
Жөнін білген шеберге
Бір өзі бір бой болар.
Илей білмес жаманға
Елі құрып кеткенде,
Ала шолақ иттерге
Көкпар болып тартылып,
Не зор мереке, той болар.

Қарқаралы, қайран тау,
Тиюші еді пайдаң, тау.
Пайдасының белгісі —
Үйімде тұрған үлгісі.
Үлгісінің белгісі:
Шаңырағым, уығым,
Адал бақан, сырғым,
Ат ұстайтын құрығым,
Аяғым мен табағым,
Отқа жағар дарағым,
Желі соғар тоқпағым,
Арбаға арыс белдігім,
Ел қыстауға келгенде,
Сиыр жатар шілігім,
Арқанды атқа кіселім,
Байлаулы атқа пішенім,
Сарымсақты, жуалым,
Жер біткеннің дуалым,
Ат жүре алмас аралдым,
Ішінде бұғы, маралдым!
Бұғы да марал жатқан жер,
Мергендер таңдап атқан жер,
Мерекеге батқан жер,
Артығын алып сатқан жер,
Бабам есіп-өнген жер,
Аруағым көмген жер!
Өрелерін сүйеніп,
Үзенгісін шіреніп,
Құлым шора болған тау.
Байтөбетім маңқылдан,
Байсал тауып үрген тау.
Балалы қаздай байпандан
Бәйбішелер жүрген тау.
Азаматым бас құрап,
Басында дәурен сұрген тау.
Жалғыз ауыл қонған тау,
Жайқалып ел болған тау.
Айдарлары желкілдеп,
Атам бала болған тау,
Әкем бір күйеу болған тау,
Шешем бір қелін болған тау.
Ақ бүркеншік салынып,

Ала берен киген тау.
Ағашың әйбат көрінген,
Жемісі жерге төгілген,
Жарықтығым, қайран тау.
Еш болмассың, ойран тау,
Жалғыз сиыр сауған тау.
Артық белгің сол еді,
Шілігің толған айран тау.
Баянаула, Қызылтау,
Бауыры толған бие бау...
Қарада құыс бастауым,
Белгілі еді қыстауым.
Қожыр да қожыр тастарың,
Көзімнен аққан жастарым.
Сабынды қопа қамысым.
Тамам бір жұртқа танысым...
Боранды малым ықпаған,
Үйімді дауыл жықпаған.
Шағыр бір жусан, изендім,
Сенен де кетіп күйзелдім.
Ат арқандар қазығым,
Балаларға азығым...
Он екі Қазылық, он түнек,
Маңырап жатқан қой түнек.

Есіл, Нұра — екі су,
Еңкейіп, онан бетін жу.
Бірің шекер, бірің бал,
Қайсы бірін айтайын,
Бетеге көде жарылса,
Шулап тұрған бәрің бал...
Қайран Есіл, Нұрамыз,
Қайда барып сиямыз?
Әлдилеген әлпешті,
Бұлдилеген болышты,
Қайда апарып қырамыз?!

Есіл, Нұра сазымыз,
Қаңқылдайды қазымыз,
Сыр, Қуаң деген жерлерге
Енді кетіп барамыз.
Барсақ тағы жүре алмай,
Шырқ айналып келерміз.

Түрлі-түрлі жібектей
Түйіні басқа жеріміз.
Тұлкі менен қарсақтай
Тұғі де басқа жеріміз.
Айдын шалқар көліміз,
Жағалай қонған еліміз,
Баса бір тартқан желіміз.
Сондай жерге қонғанда,
Көтерілген көңіліміз,
Кіруші еді бейіліміз.
Кетейін деп кетпедім,
Қалды-ау есіл жеріміз.
Ақ сақалды бабалар,
Ақ сүт берген аналар,
Таласып өскен женгелер,
Теңесіп өскен інілер,
Қожыр да қожыр тастарың,
Басыңа соққан достарым!
Соға тұрса дауылың,
Жауа тұрса жауының!
Күзгітүры болғанда,
Қаптай қонып алушы ек.
Жамайда жатқан көп аруақ,
Моланды елде көруші ек.
Жыл он екі ай болғанда,
Басыңа дұға беруші ек.
Бұ барғаннан келмесем,
Өз еркіммен жүрмесем,
Жебеп-желеп жүре гөр,
Арқада қалған аруақ!

СҮЙІНБАЙ АРОНҰЛЫ

Бөрілі менің байрағым

Бөрілі байрақ астында
Бөгеліп көрген жан емен.
Бөрідей жортып кеткенде,
Бөлініп қалған жан емен.

Бөрілі найза ұстаса,
Түйремей кеткен жан емен.
Бөрілі байрақ құласа,

Күйремей кеткен жан емен.

Жау тисе жапан далада,
Бөрілі найза атамыз,
Қарасайлап шабамыз,
Қызыл қанға батамыз.
Бөрілі байрақ астында
Ту түсіріп, жау алған
Қазыбек, Қастек атамыз.

Бөрілі байрақ көтерсе,
Жоқты жонып табамыз.
Бөрілі байрақ астында
Ту түсіріп, жау алған
Шапырашты батыр бабамыз.

Бөрі басы — ұраным,
Бөрілі менің байрағым.
Бөрілі байрақ көтерсе,
Қозып кетер қайдағым.

Датқаларға

Ат құйрығын бұлаған,
Қол жеткен жерін сұраған,
Егескен жауы жылаған,
Қызыл тілін безеген,
Найзасын тасқа тежеген,
Тұлпар мініп, ту алған —
Мен Қарасай ұлымын.
Беліне садақ байланып,
Алмас қылыш асынған,
Арыстан болған жасынан,
Қол үзілмей қасынан,
Дұлыға кетпей басынан,
Құрсанған жаудың әскерін
Қуып еді Қарасай
Жоңғардың қақпа тасынан.
Атамекен жері үшін
Дұшпанды сөйтіп қашырған.
Пенде болған көп қалмақ,
Қарасайды көргенде,
Құлдық ұрып бас ұрған.

Қарасай тартып жебесін.
Жай оғындај жайнатып,
Дұшпанның ойған төбесін,
Гүрзісін көкке ойнатып,
Өлігіне толтырған
Жонғардың биік белесін.

Үш жүздің басы бірігіп,
Көктобеде ту тікті.
Абылайды хан сайлап,
Қалмаққа тиді айғайлап.
Датқалар, несін сұрайсың,
Қарасай мен Сұраншы
Өтіп еді-ау едді ойлап...

Заманында датқалар,
Ұрты кеуіп, мақтанар.
Пайда тапса дау-шардан,
Шоқтығына дақ салар.
Екі ауылды егер ғып,
Қолтығына шоқ салар.
Басындағы дәүлетін
Бір күн болмай ақтарар.
Елге жақпас қылышы—
Бұл заманың ұлығы
Параменен мал жиып,
Бойынан асқан былышы.
Оязға қайтсем жағам деп,
Үзілер болды жұлышы.

Өз елін өзі қарақтап,
Ебі келсе, тамақтап,
Кең ақтарған корқаудай
Датқалар жүр жалақтап...
Қайран қазақ қор болды-ау
Құр бекерге далақтап.

Жақсы менен жаманың айырмасы

Ер жігіт ел-жүртүнің қаласындаі,
Жақсы әйел әмме жүрттың анасындаі.
Жақсыға ешкімнің де жаттығы жоқ,

Көреді бәрін де өз баласындай.

Жақсы жігіт сөзіне сақ тұрады
Қыранның қырдан байқар баласындай
Жақсы парқы жаманмен бірдей емес,

Жақсының сөзін әркім пайдаланар
Миуалы алма-өріктің ағашындай.
Жамандар қекірегі көр, көзі соқыр.
Жүрер жолдан талтұсте адасып-ай!

Нышаны кем болса да адамдықтың,
Әркім жүр жақсымын деп таласып-ай.
Жамандар өтірікші, есегі көп,
Ел-жұрттың іріткі салар арасына-ай.

Жалған сөзбен бықсытар ел арасын
Жанбай қалған ағаштың шаласындай.
Соқтығып әркімге бір ұрынады
Сиырдың тентек болған танасындай.
Сондай жанның ешкімге сүйкімі жоқ
Жылқының қотыр болған аласындай.

Жақсы адам елдің ерке серкесіндей,
Халқының қалың жұнді көрпесіндей.
Жақсы болар баланың жүзі жылы
Орыстың күймей піскен бөлкесіндей.

Жақсының айтқан сөзі тиянақты
Түйенің аумайтұғын өркешіндей.
Жақсыға үлкен-кіші бәрі жақсы
Жасынан бірге өсken еркесіндей.

Жақсы кісі көрінер жыл құсындай,
Жаман адам балтаның ұңғысындай.
«Олақтан салақ жаман» деген мақал,
Жамандар түзей алmas тұрмысын-ай.

Жақсы адам жатты да жақын етер
Беттескен екі таудың түрғысындай.
Жамандар өсек-аяң айтып жүрер,
Өзінің білмегенсіп қылмысын-ай!

Ту алып жауға шықсаң сен

Ей, Сұраншы, Саурық!
Қоқанның қолы мықты деп,
Жатырмысың жабығып?!

Тілеуқабылдың қос шалы
Жылап келді сабылып.
Дулат елі қалыпты.
Сарыкемерде шабылып,
Ей, Сұраншы, Саурық!
Қоқанның қолы қаптады,
Қасиетті жерімді
Тозаң қылып таптады.
Қыспакта қалған елің бар,
Құтылар жолды таппады.
Құдияр хан қағынып,
Қыз-қатын болды баққаны.
Қатын, бала, қарындас
Жауға пенде болғанда,
Сары қымызды сапырып,
Батырдың қалай жатқаны?!

Ей, Сұраншы, Саурық!
Қоқанның қолы көп болды
Жетісуда жатқалы,
Бар жақсыны талап жеп,
Сүбене қолы батқалы.
Бейсенбі күні бесінде,
Гизрат күні кешінде,
Қордайдың биік төсінде,
Қоқанның ханы Құдияр
Зорлық қып алған көп малды
Әндіжанға айдатты.
Қол-аяғын кісендеп,
Көнбекен ерді байлапты.
Қауызын әлі жармаған
Сұлуларды зорлапты.
Араша тұрар пенде жоқ,
Елінді сөйтіп қорлапты.
Ақтүяқ атқа мінесін,
Бүгін маған ересін.
Қаншама халқың ереді,

Оны да кейін көресің.
Ту алып жауға шықсаң сен,
Іледе жатқан жаныс пен
Шапырашты, көп дулат
Олар да атқа мінеді,
Өздеріндегі болған соң
Сұраншы, Саурық тірегі!

АБАЙ (ИБРАИМ) ҚҰНАНБАЙҰЛЫ

Қансонарда бүркітші шығады аңға

Қансонарда бүркітші шығады аңға,
Тастан тұлкі табылар аңдығанға.
Жақсы ат пеп тату жолдас бір ғанибет,
Ыңғайлы ықшам киім аңшы адамға.
Салаң етіп жолықса қайтқан ізі,
Сағадан сымпың қағып із шалғанда.
Бүркітші тау басында, қағушы ойда,
Іздің бетін түзетіп андағанда.
Томағасын тартқанда бір қырымнан,
Қыран құс көзі көріп самғағанда.
Төмен ұшсам, тұлкі өрлеп құтылар деп,
Қанды көз қайқаң қағып шықса аспанға,
Көре тұра қалады қашқан тұлкі,
Құтылмасын білген соң құр қашқанға.
Аузын ашып, қоқақтап, тісін қайрап,
О да талас қылады шыбын жанға.
Қызық көрер, көңілді болса аңшылар,
Шабар жерін қарамас жығылғанға.
Қырық пышақпен қыржындал тұрған тұлкі,
О да осал жау емес қыран паңға.
Сегіз найза қолында, көз аудармай,
Батыр да аял қылмайды ертең таңға.
Қанат, қүйрық сұылдап, ысқырады,
Көктен қыран сорғалап құйылғанда.
Жарқ-жүрк етіп екеуі айқасады,
Жеке батыр шыққандай қан майданға.
Біреуі — көк, біреуі — жер тағысы,
Адам үшін батысып қызыл қанға.
Қар — аппақ, бүркіт — қара, тұлкі — қызыл,
Ұқсайды қаса сұлу шомылғанға.
Қара шашын көтеріп екі шынтақ,

О да бұлк-бұлк етпей ме сипанғанда,
Аппақ ет, қып-қызыл бет, жап-жалаңаш,
Қара шаш қызыл жүзді жасырғанда.
Күйеуі ер, қалыңдығы сұлу болып,
Және ұқсар тар төсекте жолығысқанға.
Арт жағынан жаурыны бұлкілдейді,
Қыран бүктеп астына діл басқанда.
Құсы да, иесі де қоразданар,
Алпыс екі айлалы тұлкі алғанда.
«Үйірімен үш тоғыз» деп жымындал,
Жасы үлкені жанына байланғанда,
Сілке киіп тымақты, насыбайды
Бір атасың көңілің жайлланғанда.
Таудан жиде тергендей ала берсе,
Бір жасайсың, құмарың әр қанғанда.
Көкіректе жамандық еш ниет жоқ,
Аң болады кеңесің құс салғанда.
Ешкімге зияны жоқ, өзім көрген
Бір қызық ісім екен сүм жалғанда.
Көкірегі сезімді, көңілі ойлыға
Бәрі де анық тұрмай ма ойлағанда?
Ұқпассың үстірт қарап бұлғақтасаң,
Суретін көре алмассың көп бақпасаң.
Көлеңкесі түседі көкейіңе.
Әр сөзін бір ойланын салмақтасаң.
Мұны оқыса, жігіттер, аңшы оқысын,
Біле алмассың, құс салып дәм татпасаң.

Жаз

Жаздығұн шілде болғанда,
Көкорай шалғын бәйшешек
Ұзарып өсіп толғанда;
Күркіреп жатқан өзенге
Көшіп ауыл қонғанда;
Шүрқырап жатқан жылқының
Шалғыннан жоны қылтылдаپ,
Ат, айғырлар, биелер
Бүйірі шығып, ыңқылдаپ,
Суда тұрып шыбындал,
Күйрығымен шылпылдаپ,
Арасында құлын-тай
Айнала шауып бұлтылдаپ,

Жоғары-төмен үйрек-қаз
Ұшып тұрса сымпылдап,
Қыз-келіншек үй тігер,
Бұрала басып былқылдап,
Ақ білегін сыбанып,
Әзілдесіп сыңқылдап.
Мал ішінен айналып,
Көңілі жақсы жайланаң,
Бай да келер ауылға,
Аяңшылы жылпылдап.
Сабадан қымыз қүйдірып,
Ортасына қойдірып,
Жасы үлкендер бір бөлек
Кеңесіп, күліп сылқылдап,
Жалшы алдаған жас бала
Жағалайды шешесін:
«Ет әпер», — деп қыңқылдап,
Көлеңке қылыш басына,
Кілем төсеп астына,
Салтанатты байлардың
Самаурыны бұрқылдап.

Білімділер сөз айтса,
Бәйгі атындей аңқылдап,
Өзгелер басын изейді:
«Әрине», - деп макұлдап.
Ақ көйлекті, таяқты
Ақсақал шығар бір шеттен:
«Малынды әрі қайтар», — деп,
Малшыларға қаңқылдап.
Бай байғұсым десін деп,
Шақырып қымыз берсін деп,
Жарамсақсып, жалпылдап.

Шапандарын белсенген,
Асау мініп теңселген,
Жылқышылар кеп тұрса,
Таңертенен салпылдап;
Мылтық атқан, құс салған
Жас бозбала бір бөлек
Су жағалап қутындал.

Қайырып салған көк құсы
Көтеріле бергенде,
Қаз сыпырса жарқылдап —
Откен күннің бәрі ұмыт,
Қолдан келер қайрат жоқ,
Бағанағы байғұс шал
Ауылда тұрып құледі,
Қошемет қылыш қарқылдап.

* * *

Қалың елім қазағым, қайран жұртым,
Ұстарасыз аузыңа түсті мұртың.
Жақсы менен жаманды айырмадың,
Бірі қан, бірі май бол енді екі ұртың.
Бет бергенде шырайың сондай жақсы,
Қайдан ғана бұзылды сартша сыртың?
Ұқпайсың өз сезінен басқа сөзді,
Аузымен орақ орган өңкей қыртың.
Өзімдікі дей алмай өз малыңды,
Құндіз құлқің бұзылды, түнде ұйқың.
Көрсекұзар келеді байлауы жоқ —
Бір күн тыртың етеді, бір күн — бұртың.
Бас-басына би болған өңкей қиқым
Мінеки, бұзған жоқ па елдің сиқын?
Өздерінді түзелер дей алмаймын,
Өз қолыңнан кеткен соң енді өз ырқың.
Ағайын жоқ нәрседен етер бұртың,
Оның да алған жоқ па Құдай құлқын?
Бірлік жоқ, береке жоқ, шын пейіл жоқ,
Сапырылды байлығың, баққан жылқың.
Баста ми, қолда малға талас қылған—
Күш синасқан күнестік бұзды-ау шырқың.
Оңалмай, бойда жүрсе осы қырқың,
Әр жерде-ақ жазылмай ма, жаным, тырқың?
Қай жеріңнен көңілге қуат қылдық,
Қыр артылмас болған соң, мінсе, қырқың?
Тиянақсыз, байлаусыз байғұс қылпың,
Не түсер құр құлқіден жыртың-жыртың,
Ұғындыrap кісіге кез келгенде,
Пыш-пыш демей қала ма ол да астыртың?

* * *

Менсінбеуші ем наданды,
Ақылсыз деп қор тұтып.
Түзетпек едім заманды,
Өзімді тым-ақ зор тұтып.

Таппадым көмек өзіме,
Көп наданмен алысып.
Көнбеді ешкім сөзіме,
Әдетіне қарысып.

Жан шошырлық түрінде
Бәрі бірдей еліріп.
Ұстай алмадым бірін де,
Кекиді кейін шегініп.

Әринемен ел кетті,
Қоқиланды, мақтанды.
Қуат бітгі, күн өтті,
Жарылқа, құдай, жатқанды.

Мен — қажыған арықпын,
Қатын, бала қонағы.
Сендерге де қанықпын,
Жұртың анау баяғы.

Жарлы емеспін, зарлымын,
Оны да ойла толғанып.
Жұртым деуге арлымын,
Өзге жұрттан ұялып.

Барымта мен партия —
Бәрі мастық, жұрт құмар.
Сыпыра елірме, сұрқия,
Көп пияншік нені үғар?

Татулықты, тыныштықты
Қоңыр көрер, кем көрер.
Ұрлық пенен құлықты
Қызық көрер, өнді енер.

Мұнданай елден бойың тарт,
Мен қажыдым, сен қажы!

Айтып-айтып етті қарт,
Көнбеді жүрт, не ылажы?

* * *

Малға достың мұны жоқ малдан басқа.
Аларында шара жоқ алдамасқа.
Табысына табынып, қалтаң қағып,
Тойғанынан қалғанын берсе алашқа.

Мал жияды мақтанып білдірмекке,
Көзге шұқып, малменен күйдірмекке.
Өзі шошқа, өзгені ит деп ойлар,
Сорпа-сумен, сүйекпен сүйдірмекке.

Ақылды деп, арлы деп, ақ бейіл деп
Мақтамайды ешкімді бұл құнде көп.
Осы құнде мал қайда — бок ішінде,
Алтын алсаң, береді боғынан жеп.

Осыны оқып, ойлай бер, болсаң зерек,
Еңбекті сат, ар сатып неге керек?
Үш-ақ нәрсе адамның қасиеті:
Ыстық қайрат, нұрлы ақыл, жылы жүрек.

* * *

Адамның кейбір кездері
Көнідде алаң басылса,
Тәнірінің берген өнері
Көк бұлттан ашылса.

Сылдырлап өңкей келісім
Тас бұлақтың суындей,
Кірлеген жүрек өзі ішін
Тұра алмас өсте жуынбай.

Тәнірінің құні жарқырап,
Ұйқыдан көніл ашар көз.
Қуатты ойдан бас құрап,
Еркеленіп шыгар сөз.

Сонда ақын белін буынып,
Алды-артына қаранар.
Дүние кірін жуынып,
Көрініп ойға сөз салар.

Қыранша қарап қырымға,
Мұң мен зарды қолға алар.
Кектеніп надан зұлымға,
Шиыршық атар, толғанар.

Әділет пен ақылға
Сынатып көрген-білгенін,
Білдірер алыс, жақынға
Солардың сөйле дегенін.

Ызалы жүрек, долы қол,
Улы сия, аңы тіл
Не жазып кетсе, жайы сол,
Жек көрсөндер, өзің біл.

* * *

Көкала бұлт сөгіліп,
Күн жауады кей шақта.
Өне бойың егіліп,
Жас ағады аулақта.

Жауған күнмен жаңғырып,
Жер көгеріп, құш алар.
Аққан жасқа қаңғырып,
Бас ауырып, іш жанар.

* * *

Жүректе қайрат болмаса,
Үйқтаған ойды кім тұртпек?
Ақылға сәуле қонбаса,
Хайуанша жүріп күнелтпек.

Аспаса ақыл қайраттан,
Теренге бармас, ұстірттер.
Қартыңың ойы шау тартқан,
Әдеті жеңіп, күнгірттер.

Тән сүйгенін бермесе,
Жан шыдамас жаны ашып.
Бере берсөң, бер десе,
Үміт етер таласып.

Малда да бар жан мен тән,

Ақыл, сезім болмаса.
Тіршіліктің несі сән,
Тереңге бет қоймаса?

Атымды адам қойған соң,
Қайтіп надан болайын?
Халқым надан болған соң,
Қайда барып оңайын?!

* * *

Көлеңке басын ұзартып,
Алысты көзден жасырса;
Күнді уақыт қызартып,
Көк жиектен асырса;
Күңгірт көңілім сырласар
Сұрғылт тартқан бейуаққа.
Төмен қарап мұңдасар,
Ой жіберіп әр жаққа.

Өткен өмір – қу соқпақ,
Қыдырады талайды.
Кім алдады, кім тоқпақ
Салды, соны санайды.

Нені тапсанқ, оны тап,
Жарамайды керекке.
Өңкей уды жинап ап,
Себеді сорлы жүрекке.

Адасқан күшік секілді
Ұлып жұртқа қайтқан ой.
Өкінді, жолың бекінді,
Әуре болма, оны қой.

* * *

Тоты құс тұсті көбелек
Жаз сайларда гулемек.
Бәйшешек солмақ, күйремек,
Көбелек өлмек, сиремек.

Адамзатқа не керек:
Сүймек, сезбек, кейімек,
Харекет қылмақ, жүгірмек,
Ақылмен ойлап сөйлемек.

Әркімді заман сүйремек,
Заманды қай жан билемек?
Заманға жаман күйлемек,
Замана оны илемек.

* * *

Өлсем орным қара жер сыз болмай ма?
Откір тіл, бір ұляшақ қыз болмай ма?
Махаббат, ғадауатпен майдандасқан,
Қайран менің жүрегім мұз болмай ма?
Амалсыз тағдыр бір күн кез болмай ма?
Біреуге жай, біреуге тез болмай ма?
Асау жүрек аяғын шалыс басқан,
Жерін тауып артқыға сөз болмай ма?
Сонда жауап бере алмен мен бишара?
Сіздерге еркін тиер, байқап қара.
Екі күймек бір жанға әділет пе?
Қаны қара бір жанмын, жаны жара.
Жүргімнің түбіне терең бойла,
Мен бір жұмбақ адаммын, оны да ойла.
Соқтықпалы, соқпақсыз жерде өстім,
Мыңмен жалғыз алыстым, кінә қойма!
Жасымда албырт өстім, ойдан жырақ,
Айлаға, ашуға да жақтым шырақ.
Ерте ояндым, ойлдандым, жете алмадым,
Етекbastы көп көрдім елден бірақ.
Ой кіргелі тимеді ерік өзіме.
Сандалмамен күн кешкен түспе ізіме.
Өзі ермей, ерік бермей, жұрт қор етті,
Сен есірке, тыныш ұйқтат, бас сөзіме!
Ішім – толған у мен өрт, сыртым дүрдей,
Мен келмеске кетермін түк өндірмей.
Өлең шіркін - өсекші, жұртқа жаяр,
Сырымды тоқтатайын, айта бермей.

* * *

Есінде бар ма жас күнің,
Көкірегің толық, басың бос,
Қайғысыз, ойсыз, мас күнің?
Кімді көрсөң – бәрі дос.

Махаббат, қызық, мал мен бақ,
Көрінуші еді досқа ортақ.

Үміт жақын, көңіл ақ,
Болар ма сондай қызық шақ?

Құдай-ау, қайда сол жылдар,
Махаббат, қызық мол жылдар?!
Ақырын, ақырын шегініп,
Алыстап кетті-ау құрғырлар.

Жалынасың, бοқтайсың,
Сағынасың, жоқтайсың.
Махаббат кетті, дос кетті –
Жете алмайсың, тоқтайсың.

Көзіме жас бер, жылайын,
Шыдам бер, сабыр қылайын.
Жарлы болған жүрекке
Дая бер, жамап сынайын.

* * *

Желсіз тұнде жарық ай,
Сәулесі суда дірілдеп.
Ауылдың жаны терең сай,
Тасыған өзен күрілдеп.

Қалың ағаш жапырағы
Сыбырласып өзді-өзі,
Көрінбей жердің топырағы,
Құлпырған жасыл жер жүзі.

Тау жаңғырып, ән қосып
Үрген ит пен айтаққа,
Келмеп пе едің жол тосып,
Жолығуға аулаққа?

Тайманғамай. тамылжып,
Бір суынып, бір ысып,
Дем ала алмай дамыл қып,
Елең қағып, бос шошып,

Сөз айта алмай бөгеліп,
Дұрсіл қағып жүрегі,
Тұрман па еді сүйеніп,
Тамаққа кіріп иегі?!

* * *

Сұм дүние тонап жатыр, ісің бар ма?
Баяғы күш, баяғы түсің бар ма?
Алды үміт, арты өкініш алдамшы өмір,
Желігін жерге тықпас кісің бар ма?!

Дәмі қайтпас, бұзылmas тәтті бар ма?
Бір бес күннің орны жоқ аптығарға.
Қай қызығы татиды қу өмірдің
Татуды араз, жақынды жат қыларға?

Ет жүрексіз ерніңдің айтпа сөзін,
Тіл үйренген нәпсінің қу мінезін.
Тілде сүйек, ерінде жиек бар ма?
Шымылдық боп көрсетпес шыңың жүзін.

ШӘКЕРІМ ҚҰДАЙБЕРДІҰЛЫ

Жаз шығып, жаманшылық жоғалғанда,
Тал гүлден, шалғын өсіп оңалғанда,
Көлбендең, көкорайды күрілдетіп,
Орақшы пішен шауып, шөп алғанда;

Бұлдірген, қарақатты тереміз деп,
Қыз-келіншек сай-сайға жоғалғанда,
Аулақта құмарымды қандырам деп,
Асыға іздең баар со барғанда.

Оларға тал — шымылдық, шалғын — төсек,
Басына жастық қылар томардан да.
Көз тойып, көңіл толмақ пенdede жоқ,
Болады айрылған соң со да арманда.

Адамда, санай берсөң, көп арманда,
Мінсіз бак, сансыз дәүлет деп арманда.
Жанның бәрін жалмайтын күш те керек,
Айлакеске алдайтын еп арманда.

Ит пен қарға, шошқаға боқ арманда,
Мергенге тұзу мылтық, оқ арманда.
Тамақсыз, табысы доқ кәріптерге
Жалғыз құнгі қарынның тоғы арманда.

Жалаңашқа киімнің жоғы арманда,
Тоңғанға отын менен шоқ арманда.
Талап қылса, табылар соның бәрі,
Мал жаусын ба оларға жоғарыдан да?!

Жастық көксеп — кемпір мен шал арманда,
Өсіп үлкен бола алмай, бала арманда.
Еркектей еркін өмір сүрмедік деп,
Әйелдер де болады және арманда.

Тамам жанға бақ пенен мал арманда,
Ұрыға жүйрік аттың жалы арманда.
Жердің жүзін жесе де көзі тоймай,
Патшалар да болып жүр әлі арманда.

Кербезге киімінің сәні арманда,
Науқасқа жалғыз шыбын жаны арманда.
Кек құған кер, ызақор, құншілдерге
Жұтатын дүшпанының қаны арманда.

Бағаласам, адамның бәрі арманда,
Санай берсем, табылар сан арманда.
Өзі білмес, білгеннің тілін алmas, —
Анық ойлап қарасам, — әне арманда!
* * *

Көкіректе толған шер, көңіл қаяу,
Ермейсің деп елім жау, досым баяу.
Сүйер кісім, сүйенер жақынның жоқ.
Бір өзіңе сиындым, бар Құдай-ау.

Елге көнсем, ақ жолдан адасамын,
Көнбей жүрсем, көп итпен таласамын.
Тек отырсам, тепкілеп шыдатпайды,
Енді қайтіп бұл елмен жарасамын?

Бір момынның ұстасам тұзу ісін,
Жөндейін деп ғаріптің жөн жұмысын,
Ақтан безген ары жоқ өңкей залым
Арылдатып жабады ит пен құсын.

Көп төбетке жетеді қайдан күшім,

Құтқара алмай адалды, пысады ішім.
Қабағынды қаққанша қас болады
Жақыным деп болысып жүрген кісім.

Осы күнде арамның жолдасы мол,
Қу мен сұмды кім жиса — шын мықты сол.
Мақтан, атақ іздесең — құдайдан без,
Ардан күсіп, арамның біреуі бол.

Мұны қылсаң, боласың сен де мықты,
Қайдагы қу, алдампаз төрге шықты.
Ел ішінде сенен қор жан бола ма
Ұстаймын деп отырсаң адалдықты.

Елеуреген есірік елдің бәрі,
Өңкей батыр, пәлеқор жас пен кәрі.
Сені адам деп ескеріп кім елейді,
Құлап қалған қу молаң кімге дәрі!

Әрине, сен де бірге жүрсең еken,
Көтіңді ашып, көйлекті түрсең еken.
Абұйыр жоқ, сана жоқ, ақтан безіп,
Дамбал шеш ит зікірге кірсең еken.

Мен адалмын дегенге жолдас қайда,
Екі көзі төрт болып, қалар сайда.
Сырласы жоқ, сырласар жақыны жоқ,
Бар сүйеніш, үміті бір Құдайда.

* * *

Қабағынан қар жауған
Қараңғы бұлт жоғалды.
Қасқара алмай бет ауған
Қаһарлы жел де оңалды.
Көшейін деп қыбырлап,
Ел қыстаудан қозғалды —
Жаралы жүрек жыбырлап,
Жазылмай жалғыз сол қалды.
Қырдан ойға дүбірлеп,
Жас балалар шуласты.
Күншуақта күбірлеп,
Кемпір-шал да сырласты.
Қызы-бозбала бір бөлек,

Әзілдесіп дуласты —
Өліп қалған сүм жүрек
Оятсам да тұрмас-ты.

Бетіме жылы тиеді
Күнгейдегі күншуақ.
Жан жылыны сүйеді,
Жанға рақат осы уақ.
Өлі жердің сүйегін
Тірілті жайнап жапырақ —
Жаралы менің жүрегім,
Жайнай алмас сол бірақ.

Күн нұрымен көгеріп,
Жауқазын шықты жалбырап.
Жер жүзіне өң беріп,
Қызыл гүл бітті албырап.
Тоң еріді, қар кетіп,
Жан-жануар балбырап —
Қайғылы көңіл тырп етіп,
Қабағын ашпас салбырап.

Қолдағы малға төл еріп,
Жандыдан өсіп жан шықты.
Жаңадан Құдай жан беріп,
Неше түрлі мал шықты.
Қатып қалған желіннен
Қаймағы бар бал шықты —
Қайғылы біздің көңілден
Қайғырған сайын қан шықты.

Жер жүзіне нұр жауып,
Күн жылынды, шөп өсті.
Бие байлас, қой сауып,
Буаз малдан төл өсті,
Жанған оттай жалындап,
Жайлауга қарай ел көшті —
Жанбақ түгіл, жабырқап,
Жаралы жүрек қайта өшті.

АХМЕТ БАЙТҰРСЫНҰЛЫ

Қазақ салты

Қаз едік қатар ұшып қаңқылдаған,
Сахара-көлге қонып салқындаған.
Бір өртке қаудан шыққап душар болып,
Не қалды тәнімізде шарпылмаған?

Алаштың адамының бәрі мәлім:
Кім қалды таразыға тартылмаған?
Дегендер «мен жақсымын» толып жатыр
Жақсылық өз басынан артылмаған.

Тықылдаپ, құр пысықсып сойлейтін көп
Екпіндеп ұшқыр атша қарқындаған.
Бос белбеу, босаң туған бозбала көп
Киіздей шала басып қарпылмаған.

Еңкендең ет аңдыған шалдар да көп
Телміріп бір тойғанын ар қылмаған.
Ақ көніл, алаң-бұлаң адамдар көп
Есептеп азын көпке, аңқылдаған.

Қайырсыз неше сараң байлар да бар
Қайықтай толқындағы қалтылдаған.
Бәрінен тыныш ұйықтап жатқандар көп,
Үмтылып, талап ойлап талпынбаған.

Солардың қатарында біз де жүрміз,
Мәз болып құр түймеге жарқылдаған.
Не пайда өнерің мен біліміңен
Тиісті жерлеріне сарп ұрмаған?!

Бұл бір сөз қасірет етіп хатқа жазған,
Қалмаған түк қасиет, қазақ азған.
Байға — мал, оқығанға — шен мақсұт боп,
Ойлайтын жүрттың қамын адам аздан.

МИРЖАҚЫП ДУЛАТОВ

Қазақ халқының бұрынғы һәм бүгінгі хәлі
Міржақып, неге отырысың қалам тартпай,

Бәйге алмас болғанымен жүйрік шаппай?
Шаманды кәдәри хал көрсетсеңші,
Байғұс-ау, оянсаңшы, қарап жатпай.

Не пайда бір орыннан қозғалмайтын,
Тазармас қара су да жатқан ақпай.
Артықтан тағылым алып, кемге үйретпей,
Жүруің лайық па ғақыл таппай?

Сен неге бой көрсетпей, жасқанасың?
Тастаса көзің көрсін халық ұнатпай.
Бұл шақта сөз базары көтеріңкі,
Сынасай бақытыңды сен де баптай.

Бірде алып, бірде қалып жүрмес пе едің,
Сөзінді біреу сөгіп, біреу мақтай.
Бой тежеп, жүрексіну дұрыс емес,
Шашылған ризықты жүріп татпай.

Ниммәт тау кеседі деп мысалда бар,
Жігітке өнер қайда зейін артпай.
Талапты жаңа өспірім бағландар
Жүргүгел лайықты ғой атын ақтай.

Жігіттің несі жігіт босқа жүрген,
Қызметпен пайда беріп, халыққа жақпай,
«Бәсек бол, әсем болсан» деген жөнмен
Өнерін мұқтаждарға жүрсе сатпай.

Жан пида, малың тәрік болсын, жігіт,
Дін, милләт деген сөзді түр жәһидлай.
Мен кепіл сонда жаман болмасыңа,
Тұрмасам, қолыңды әкел, айтқан шартта-ай.

Адасып қарандыда сорлы қазак,
Ай тумай, күн һәм шықпай, түр таң атпай.
Сөндірмей жанған өртті көрген адам,
Қалайша тұру мүмкін жанға батпай?!

МАГЖАН ЖҰМАБАЕВ

Пайғамбар

Күнбатысты қараңғылық қаптаған,
Күні батып, жаңа таңы атпаған.
Тұнеріп жүр түннен туған перілер,
Тәңірісін табанына таптаған.

Күнбатысты қараңғылық таптаған,
Көгінде жоқ жалғыз жүлдіз батпаған.
Тұн баласы Тәңірісін өлтіріп,
Табынатын басқа Тәңірі таппаған.

Күнбатысты қараңғылық қаптаған,
Жалғыз жан жоқ қараңғыда лақпаған.
Білген емес — иман деген не нәрсе,
«Қарын» деген сөзді ғана жаттаған.

Тұн баласы... Тұн жолына түскен ол,
Сақаусың деп Мұса тілін кескен ол,
Тәңірінің сүйекті ұлы Айсаның
Тітіркенбей ұрттап қанын ішкен ол...

Тұн баласы тунерген тұн жамылған,
Аллаға емес, өзөзілге табынған.
Інжілді өртеп, табанға сап Құранды,
Әділдікті күткен ессіз қарыннан.

Тұн баласы өмірінде араз таңменен,
Қабыл ұлы ауызданған қанменен.
Табынатын құр денеге жануар,
Болған емес жұмысы оның жанменен.

Төгілмей ме кемерінен асқан су,
Өлтірмей ме жайылған соң күшті у!?
Тұн баласы түнеріп тұр өлгелі,
Көзіңді сал — күнбатыста қанды шу;

Көзге тұртсе көрінбейтін қара тұн,
Күнірене ме, күле ме әлде әлдекім?
Жылайды да, шулайды да ұлиды,
Бұл кім? Бұл ма — тұн баласы түссіз жын.

Қап-қара тұн. Тұн баласы күніренед,
Күніренумен бір-біріне үн беред.
Сөгінеді, сүрінеді, жығылад,
Қара тұнде көр көзімен не көред?

Қап-қара тұн. Шегір көзді жындар жүр.
Қап-қара тұн. Қайғы мен қан ойнап түр.
Қайғы менен қара қанда тұншығып,
Тұн баласы ауыр ойлар ойлап түр.

Қап-қара тұн. Уақыт ауыр өтеді,
Ой артынан ойлар келіп кетеді.
Тұн баласы көр көзінен жас төгіп,
Күншығыстан бір пайғамбар күтеді...

Қап-қара тұн. Қайғылы ауыр жер жыры,
Қап-қара тұн. Күніренеді тұн ұлы.
Күншығыста ақ алтын бір сзызық бар:
Мен келемін, мен пайғамбар — Күн ұлы.

Мені де, өлім, әлдиле

Қажыдым енді, күш бітті,
Көңілсіз, салқын, құн бұлтты,
Жел бұйығып тербелген,
Әлдекімнің өлгенін,
Оны қалай көмгенін
Әңгіме ғып күніренген.
Жел, күніренбе, жасың тый,
Өлім күйі — тәтті күй,
Балқиды жаным бұл күйге.
Мені де, өлім, әлдиле,
Әлдиле, өлім, әлдиле!..

Қара орманның шетінде,
Нағыз желдің өтінде
Өскен жалғыз жас қайың
Былқ-сылқ етіп билеген,
Сылдыр-сылдыр күйлеген,
Болсын онда не уайым?
Сол жас қайың құлапты,
Жанында жел жылапты,

Балқиды жаным бұл күйге.
Мені де, өлім, әлдиле...
Әлдиле, өлім, әлдиле!..

Жел құмменен көміпті,
Балқиды жаным бұл күйге.
Мені де, өлім, әлдиле...
Әлдиле, өлім, әлдиле!..

Бетінен алма қан тамған,
Тілінен тәтті бал тамған,
Бұйра толқын шашы бар,
Күлкісі — меруерт шашылған,
Өзі — гүл жаңа ашылған,
Дәл он бесте жасы бар
Сұлу көп жас төгіпті,
Тұншығып жасқа өліпті...
Балқиды жаным бұл күйге.
Мені де, өлім, әлдиле...
Әлдиле, өлім, әлдиле!..

Талпынған жаңа нәресте,
Ақ қанатты періште,
Былдырлаған бұлақтай,
Көрінген жанды құлдірген,
Жаңа піскен бұлдірген,
Балауса нәзік құрақтай —
Қайтыпты қозы көз тиіп,
Бетінен кейде жел сүйіп...
Балқиды жаным бұл күйге.
Мені де, өлім, әлдиле...
Әлдиле, өлім, әлдиле!..

Алыста айдын шалқыған,
Көбігі меруерт балқыған.
Сол айдынның астында
Бар екен алпыс ақ отау,
Алтын уық, жібек бау.
Бәрі он алты жасында,
Отау сайын толқын шаш,
Толқын шаштар жалаңаш...
Балқиды жаным бұл күйге.

Мені де, өлім, әлдиle...
Әлдиle, өлім, әлдиle!..

Жаңа біткен балдырган,
Сүйсе, мейір қандырган,
Айдынға барып түсіпті.
Отауларды аралап,
Жас жүрегін жарапалап,
Сұлуларды құшыпты.
Құшыпты да өліпті,
Жел толқыннан біліпті...
Балқиды жаным бұл күйге.
Мені де, өлім, әлдиle...
Әлдиle, өлім, әлдиle!..

Балдырганмен бастасып,
Сұлумен қол ұстасып,
Жас ұланмен жолдас боп,
Жас қайыңды қолға алыш,
Баланы сүйіп бір қаныш,
Жолаушымен мұндас боп,
Мен де тезірек өлейін,
Әлі жаспын демейін,
Балқиды жаным бұл күйге.
Мені де, өлім, әлдиde...
Әлдиle, өлім, әлдиle!..

Бетімнен тәтті бір сүйіп,
Алдыңа алшы әлдилеп,
Келші, өлім, тезірек.
Жан ұшудан тоқтады,
Жынданып енді соқпады
Кешегі асау жас жүрек.
Бетімнен тәтті бір сүйіп,
Алдыңа алшы әлдилеп...
Балқиды жаным бұл күйге.
Мені де, өлім, әлдиle...
Әлдиle, өлім, әлдиle!

Сүй, жан сәулем
Сүй, жан сәулем, тағы да сүй, тағы да!
Жылы, тәтті у тарады қаныма.

Бұл ләzzаттың бір минутын бермеймін
Патша тағы, бүкіл дүние малына.

Құшақтатып нәзік талдай беліңнен,
Сүйгіз, сәулем, тәтті балдай тіліңнен.
Бой шымырлап, талықсиды жүрегім.
Балқып денем, барам еріп деміңнен.

Кір қойныма, қыпша белің бұралып,
Тарқат шашың, жатсын жібек оралып.
Жаным! Жаным! Тезірек тисін төске төс,
Көз жұмулы, жиі ыстық дем алып.

Шашың — қара, денең — ак бұлт, жүзің — Ай,
Тісің — меруерт, көзің, сәулем, құралай.
Ләzzат, рақат, бақыт — бәрі қойнында,
Сұрамаймын енді ұжмақ — жақсы жай!

Сүй, жан сәулем, тағы да сүй, тағы да!
Жылы, тәтті у тарады қаныма.
Жасағаннан бір-ақ нәрсе тілеймін:
Отпесе тұн, атпаса екен таңы да!

**Екі-мыңжылдық дала жыры /Ред. Ә. Нысанбаев . Алматы:
Қазақ энциклопедиясы, 2000. 309-346 бб.**

II. ҚАЗАҚ ЭТИКАСЫ

Әбдімәлік Нысанбаев, Зәуре Сәрсенбаева

ҚАЗАҚТАРДЫҢ ДӘСТҮРЛІ ЭТИКАСЫ

Азаматтық қоғам бірден жеке меншік институтының дамуы және индивидтер мүдделерінің өзара әрекеттері нәтижесінде қалыптаспайды. Субъективтік сипаттамаларды қабылдауға себебін тигізетін, меншік формаларының жеке тұлға құқықтары мен еркіндіктерінің либерализациясы қоғамның демократиялық жаңғыруының негізгі факторлары болып табылмайды, адамгершілік қатардағы факторлар одан да мәнділеу. Шынында да, оның негізінде экономикалық еркіндік пен азаматтардың іскерлік белсенділігі жататын нарық жүйесі, рухани мәдениеттің шектеуші күшінсіз, қоғамдық өмірді «бәрінің бәріне қарсы құресіне» айналдырып жіберуі мүмкін. «Құқықтық қоғам» деп аталатын, шындығында бәрі үшін ортақ мақсат, жалпыадамдық, корпоративтік және жеке мүдделер мен құндылықтардың үйлесуін жақтайтын, этиканың дүниетанымдық принциптеріне негізделген адамгершілік ұстанымдары арқылы «тұрақтанып» тұр. Тұтас халық пен дәуірдің құндылықтарын ашып көрсететін, адамгершілік әбмебаптары қоғамдық пен адамдықтың үйлесуінде құрастырылған.

Азаматтық қоғам топтық моральдың тұрақтылығына, қылыштың қоғамдық нормаларына, индивидуальды құндылықтарға қатынасқа мөлшерлес болып келеді. Соңдықтан, азаматтық ұстын мүмкіндігі туралы сұрақ тұлғаның құндылықтары және адамгершілік императивтері туралы сұраққа трансформацияланады. Соңғылардың мазмұны индивид субъектілігінің сипаты және типімен корреляцияланады. Индивидтің мағыналық өрісін адамның дүниедегі болмысының қайтадан өндөлген және синтезделген тәсілдері мен формалары құрастырады. Тұлға әлеуметте, өз «Менің» адамгершілік заңына еркін бағындыруға мүмкіндік беретін, өзіндік санадан басталады.

Әлеуметтік «ерітілген» тұлға сияқты, қоғамнан тыс та тұлға құлдырайтындықтан, тұлғаның қалыптасуы рухани мәдениеттің негізгі элементтерін (адамгершілік нормаларын, философиялық ақиқаттарды, діни идеяларды, ғылыми білімді, эстетикалық талғамды және т.б.) сіңіру арқылы әлеуметтік-мәдени құндылықтардың жоғарылауы заңына сай жүзеге асады, олардың қайта өндөлуімен, болмыс парадигмаларының ол үшін өмірлік маңыздыларының іске асқандарын ұғынумен ілесіп жүреді.

Осыған сәйкес, тұлға қалыптасуы адамгершілік таңдаудан, өз халқы рухани мұрасын, дәстүрлі этиканы ұғынудан басталады. Оның үстіне, таным процесінде қарама-қарсы бағыттанулардың қатар өмір сүруі айқындалады: бір құндылықтар әлеуметтік орталыққа бағдарлануға (даму процесінің түйіктануына және индивид тіршілігін әлеуметтік сақтау және нығайту міндеттеріне бағындыратын), басқалары - әмбебапты-тарихиға (әмбебап субъектілердің дамуын себептейтін) ие. Атап айтқанда, осымен дәстүрлі мәдениетте ашықтық пен жабықтықтың, әмбебаптылық пен түпкі, шектелген құндылықтардың қатар өмір сүруі түсіндіріледі.

Бұл бағыттануларды біз қазақ халқының рухани мұрасына, адамгершілік құндылықтарының қайнарларына – халықтың мақалмәтелдеріне, эпосқа назар аударғанда; ойшылдар мен философтардың, ақындардың шығармашылығын зерттегендеге көре аламыз. Бүкіл түсініктер және олар барлық жерде әмбебап сипатта болмады, кейде жақсылық пен жамандық туралы, прогресс туралы түсініктер де әлеуметтік интенциялармен тығыз байланыстырылғаны аңғартты.

Қазақтың дәстүрлі этикасының негіздерін ұғыну үшін ғарыштың тернарлық ұлгісі әлеуметтік айна екендігін, яғни, өз кезегінде, орталық шеңберді құрастыратын, үш горизонтальды буындарға бөлінушілікті ескеру маңызды [1]. (Галиев А.А. Традиционное мировоззрение казахов. Алматы, 1997). Дәстүрлі қазақ қоғамының құрылымы үш жүзді болып келді, әрбір жүз өзіне сай функцияларды атқаруға жауапты болды.

| Жүздер | Бірінші тектілік | Функциялар | Сыйлар, рәміздер |
|--------|------------------|--------------|--|
| Ұлы | Сол қанат | Экономикалық | Асатаяқ (билік рәмізі) |
| Орта | Орталық | Сакральды | Қалам (қасиетті мәтіндерге ие болу рәмізі) |
| Кіші | Оң қанат | Әскери | Найза (елді қорғау) |

Космологиялық көзқарастарға сай, діңгекпен құрастырылатын, орталық шеңбер әлеумет құрылымының бірлігін, тұтастығын және мәңгілігін рәміздейді. Қазақтардың артта қалғандығы және енжарлығы туралы кездесетін түсініктерден қылық бағдарларының жоқтығы шықпайды, қайта керісінше, көшпелі өмір салты мен қатал аяу-райы индивидтерді дербестікке мәжбүрлейді. Алайда, қасиетті тәртіпке қатыстырылған пен оны ұстап тұрудың маңыздылығы

әрекеттердің мақсаттары мен түпкі мағынасын айқындалп отырды, оның өмірлік табыстарының болашақтығын және тұлғалық бірегейлікке жете алуды себептеді.

Қазақтардың дәстүрлі этикасы тіршілік етушілер әлемі мен рухтар әлемінің шекараларының мөлдірлігі туралы космологиялық түсініктерге, өткеннің, қазіргінің, болашақтың байланысының органикалығы мен үздіксіздігі жөніндегі бейнелерге сүйенеді. Өлгендердің рухы біздерге әсер етеді, олардан тағдыр, сәттіліктер, сәтсіздіктер, апаттар тәуелді. Егер адам дұрыс және айтартылғанда төріс қылықтарға барса, олар қамқорлық жасай, көмектесе, қорғай, жазалай алады.

Осылай әруақтарға табыну пайда болды. Қайтыс болғандарды, жолы үлкендерді құрметтеу қазақ ділінің ажырамайтын белгілерін құрастырады.

Этикалық категориялардың мазмұндық жағына зороастризм, тәніршілдік, буддизм, суфизм, манихейшілдік, ислам көрнекі ықпалын тигізеді. Аспанға (Тәніріге) табыну жоғарылықты аңсауға ниеттендірді, адамды тәқаппар, ымыраласпайтын етіп баулыды, бодандық психологиямен сиыспайтын, ерлік философиясын ұстауға шақырады. Жер-Анаға (Тәнірі-Ұмай) табыну адам сенімін, туған жердің қасиеттілігін, рухтардың жебеушілігін нығайтты. Зороастрлық этикаға сай, үш ұстынды – ізгі ойлауды, ізгі сезді, ізгі әрекетті ұстанып жүрген қажетті. Жақсылық пен жамандықтың арасындағы таңдауды әркім тек өз игілігі үшін емес, бірақ сонымен бірге бүкіл әлемнің тағдырын шешу үшін жасайды.

Шаманизм – исламға дейінгі сенім, адамнан жер бетіндегі өмірде ар-ұят пен тұтастықты сақтауды талап етті. Егер исламда нақтылы адамдық өмір о дүниедегі өмірге ерекше тектегі дайындық болса, онда ежелгі қазақ үшін жердегі өмір шынайы болып табылады, сондықтан көшпелі сәттілікті жоғалтпау үшін, ауырып қалмау үшін «алдамшы» болғысы келмеді.

Қазақ руханилығының түйінделген бітімі Абай философиясы және ол жариялаған «Адам бол!» (яғни адамгершілік) ұстыны болып табылады. Абай бойынша «мұсылман болу» үш нәрсеге: Аллаға, адамзатқа, әділдікке деген «махаббатты» білдіреді. Исламның адамгершілік шеңберінде, адам бақытының мәнісін түсінуде дүниетанымдық әмбебаптар төрт негізгі ұстындарды - әділет, дәulet, ақыл, қанағатты қатаң сақтап журуге, келіп тіреледі.

Исламның тарауы барысында жақсылық пен жамандық туралы түсініктер түбегейлі өзгерді: жақсылық – бұл ислам қағидаларына қарсы келмейтіндер, ал жамандық – бұл соларға қайшылықта болатындар. Міне осы көзқарас тұғырынан адам қылықтары

бағаланады, және сондықтан кім болса да тағайындалған дәстүрлерді бұзыға, оларға қарсы тұруға батылдары, шамасы жете алмады.

Сонда да ислам дүниені түсіндіру мен қазақ моралының бірден-бір қайнары болып шықлады. Халық қашанда, оның негізінде дұрыс мағына мен ақылға сай әрекеттер жатқан, моральды жақтады.

Халық даналығы былай дейді: «Адам тегінен емес, ол тіршілігінің барысында бұзылады», ақылға сай өмір – бұл, оларды адам өзінде мәпелейтін және соларға сай қылыққа баратын, ізгіліктердің жиынтығы. Оның үстіне адамнан тек дана сөйлеу емес, бірақ ең алдымен практикалық істер талап етіледі. Адамның абырайлығы оның сыртқы белгілерімен емес, ал сол немесе басқа жағдаятта қалай пайымдайтынымен, қандай қылықтарға баратынымен бағаланады.

«Егер жақсының ізімен жүрсөң, аңсағаныңа жетесің, егер жаманды қайталасаң, ұтты болып қаласың».

Адам бақыты¹ материалдық дәuletтің жай-күйімен емес (дегенмен қайсыбір дәрежеде ол да маңызды), ал адам жанының байлығымен және адамгершілік істерімен анықталады. «Кім пайымшыл және кішіпейіл, ары таза және әділ болса, кім өзінде ізгіліктерді мәпелесе, тек сол бақытқа жете алады». Исламның әйелге деген ұстанымдары қазақ қоғамында терең ұялаңбады, онда ана-әйелге, қорғаушыға, отбасы сүйенішіне деген ізгілікпен қарау тұрақтады.

Моральдық құқықтар мен міндеттер сапасында орын алған, салттар мен дәстүрлерді билеуші топ өз мұқтаждарына пайдаланады. Ерекше әлеуметтік топ – билер – халық салттарының сақтаушылары және білгірлері болып есептелді. Оларға әрекет етуші нормаларды анықтауда және тағайындауда шешуші орын берілді, мүліктік, отбасылық-некелік таластарды шешуде өтімді сөз солардікі болды. Олардың шешімдеріне, дәстүр-салттарына іс жүзінде кәдімгі-құқықтық нормалар күші берілді. XVI ғасырдан бастап кәдімгі қазақ құқығы² деп аталатындар – «Қасым ханның қасқа жолы», «Есім ханның ескі жолы», «Тәуке ханның Жеті жарғысы» - кең тарады. Рұлық бастама ұстыны – руластарының іс-әрекеті үшін ұжымдық жауапкершілік және руласты өлтіргені үшін қанды кек, ежелгі кодификацияландырылған кәдімдік құқықтан («Жаса») өз бастауын алады. Ұлы қазақ ағартушысы, Ш.Ш. Уәлиханов кәдімгі қазақ құқығының демократиялық бастауларын атап өтеді, олар – жариялышық, рұлық ынтымақтастық, қарапайымдылық, сот процесінің бәсекелестігі, оған жақтар өкілдерінің қатысуы; қоғамдық

¹ Қар.: Уразбеков А. Этическая мысль в Казахстане. Алматы, 1992.

² Қар.: Проблемы казахского обычного права. Алматы, 1989.

пікір қуатын пайдалану; бостандығынан айыру, қапасқа қамау сияқты репрессиялық шаралардың жоқтығы¹.

Шынында да, қазақтың дәстүрлі этикасы бодандық пен конформизмге негізделмеген, ол өзіне еркіндік сүйгіш дәстүрлерді, демократияшылдықты енгізді. Бұл дәстүрлер хан сайлау ресімінде көрініс табады. Соңғы болып, қасиетті харизмалық сапаларға ие индивид; халық тағдыры, игілігі және гүлденеудің үшін өзіне жауапкерлікті қабылдайтын көшбасшы сайланады. Ал сонымен бірге өз пікірін жеткізу және лайық еместердің бетіне сын айтуға құқын заңдастыратын, айтыс сияқты, ауызекі халық шығармашылығында да осылай болды.

Дәстүрлі қоғамдағы кәдімгі құқықтың қуатын Ш.Ш. Уәлиханов әлеуметтік-мәдени тамырланумен түсіндіреді, себебі «ол көбірек белгілі болғандай, оның бұл заны қаншама жетілмеген болып көрінгенімен, ол бүкіл бірге алынған басқа заңнамаларға қарағанда, түсініктілеу және айқындау болып көрінуге міндettі, төлтума зан болғандықтан халық үшін ол жақсы»².

Айтпақшы, Гегельдің құқық философиясында, шынайы адамгершілік абстрактылық және объективті құқықтың, абстрактылық және субъективті моральдың қосындысы емес деп, аталып өтеді. Егер балықтарды алтын аквариумға орналастырғаннан, олар алтын болып кетпейтіні сияқты, адамдар да, оларға заңдар сыртқы түрімен, өзінің жеке руханилығындағы емес түрде ендірілген, сол заңдардан әдепті болып кетпейді.

Гегель бойынша, «Мемлекет азаматы» болу заңмен рухани қосылуды білдіреді. Алайда заңды орындау ғана азамат болып қалыптасу үшін жеткіліксіз, заңдардың рухани, мәдени құбылыс, игілік ретінде қабылдануы маңызды.

Қазақтың кәдімгі құқығының әсерлілігі, әлеуметтік-мәдени процестермен тұтасуымен бірге, «ар-ұят мәдениетінің», яғни бүкіл рудың алдында бетсіз болып қалудан қауіптенудің, ру алдындағы жауапкершілік пен өзіндік жетілуді себептеген, төлтума мәдени-психологиялық тетіктің өмір сүруімен түсіндіріледі.

Бүгінгі күн шындықтарына қайтып келейік. Қалыптасып келе жатқан плюралистік қоғамның этикасы тұлға автономдығының өсуші дәрежесінен қашан индивид тек мемлекет жағынан әсерді қабылдаушы объект болуды қойып, әлеуметтік өзара қатынастардың субъектісі бола бастайтын, үлкен еркіндік пен

¹ Кар.: Проблемы казахского обычного права. Алматы, 1989; Валиханов Ч.Ч. Собр. соч. в 5 т. Алма-Ата, 1985. Т.4. С. 94.

² Валиханов Ч.Ч. Собр. соч. в 5 т. Алма-Ата, 1985. Т.4. С. 94.

индивидуалдандырылған көп өлшемділікке ие болатын, адамның көп өлшемділігінен шығуы керек.

Қазіргі индивид тұлғалық бірегейлікке жету үшін сакральды бірлікке енді ұмтылмайды. Ол көпті немесе азды қоршағандардан, қоғам жағынан бақылаудан азат. Индивидтің моральдық құндылықтарының қайнарлары да өзгерді – олар енді тек сенім бойынша қабылданбайды, қоғамдық бақылау формалары өзіндік тәртіппен ауыстырылады, дәстүрлі институциональдық моральдан тұлғалық этикаға өту жүріп жатыр. Мифологиялық сананың, бейрационализмнің бұғауларынан босай келе, түсініктер мен қылықтар да рационалдандырылып келеді.

Қазіргі азаматтық қоғамды талдау оның қажетті әлеуметтік-мәдени және бір уақытта нарықтық модустары рационализм, теңдік, pragmatism, дербестілік, жауаптылық, ашықтық және т.б. болып табылатындығын көрсете алады. Өркениеттік сипаттағы бірқатар себептер бойынша аталған модустар қазақстандық қоғам шындығында ұлттық ділді, дәстүрлі этиканы қайсыбір трансформациялаусыз бұтақтана алмайды. Терең әлеуметтік-мәдени түп-негіздерде ұяланған, көрінбейтін кедергілерді әлеуметтік-орталықтық ұлгілер кездестіре бастайды. Солай, рационализм тұрғындардың мұсылмандық бөлігіне жат емес. Бірақ ол батыстық рационализмнен мәнді ерекшеленеді, себебі рационализмнің бұл типі өзінде көбірек тұйықталған, өз мақсаты ретінде рас білім мен ақиқатқа жетуді қоймайды, ал, керісінше, интуициялық-мистикалық танымға қызығушылық байқатады, интуицияға, субъективтік сезімталдыққа артықшылық танытады. Осыдан міндетті түрде болып жатқаның ақиқаттығы субъективті түрде көрінеді. Тек құдайылық белгімен таңбаланған, білім ғана абсолютті ақиқат ретінде мойындалады. Сондықтан европалықтардың көзге анықты ұстануы мұсылмандармен күйбең тіршілік, болып жатқанда құдайылықты көре алмау ретінде бағаланды. Және «рационалды еңбек» ұғымы мұсылман мәдениетіне жат еді.

Ұлттық ділдегі рулық бастамалардың басымдылығы еркін индивидуалдық әрекет жолында тежеуіш болып шықты. Дегенмен көшпелі өмір салты өз жеткіліктігін дамытуға себебін тигізгенімен, бірақ әрбір көшпелі өз өмірінің мағынасын қасиеттіге қызмет етуден көрді, осымен оның өз еркімен руга қызмет етуі түсіндіріледі. Рудан қуылу ғарыштан, Құдайдан аластатылумен бірдей деп бағаланды, масқара болып есептелді. Көшпелі-малшының еңбегі белгілі бір кәсіппен шектелген еңбек емес еді, өйткені бұл өмір салты кәсіби іс ретінде қабылданбады. Құрметте еңбектің өзі емес, ал олар оның иесіне беретін, мал және сол артықшылықтар болды. Байлыққа ие

булу дұрыс қылышы үшін берілетін Аруактардың қамқорлығы ретінде бағаланды.

Бұгін «жаңа қазақтар» да, рационалды еңбек пен еңбек этикасына қарағанда, байлық рәміздерін жоғары бағалайды. Арғы тектердің жебеуші қамқорлығына сенеді, «өлі риза болмай, тірі байымайды» деген дәстүрлі нақыл сөздерді ұстанады.

Жалпы мейрамшыл көңіл-күй қазақ ділінің ерекшелігі болып табылады. Соңғы еңбек ету, әскери күндерден және мейрамдардан жинақталады. Тойлар бар әлем тәртібін қасиеттендірді, өмір сүріп тұрған құрылышты бекітті, иерархиялық қатынастардан (ақсүйек - қарасүйек) және тәуелділіктерден, тыйымдар мен нормалардан уақытша еркіндік енгізді. Бұл тойлар ахуалынсыз тіршілік толымсыз болды және жалпылықтың, азаттықтың, теңдіктің және молшылықтың утопиялық патшалығы халықтың мейрамдау күндері салтанат құрмас еді¹. Еңбектің әлсіз мамандануы және бөлінуі, соңғысын өмір салтымен теңестіру еңбек этикасының пайда болуына кедергі қызметін атқарды.

Еңбек этикасының маңызды элементі ынтымақтастық болып табылады.

Дәстүрлі қазақ қоғамында хан бір өзінде демеуші, жұмыс беруші, әкім, сот төресі, әскери басшы тұлғаларын біріктірді. Оған деген сенімділік, іскерлік әріптестік немесе ынтымақтастық қатынастарында емес, ал туысқандық немесе харизмаға негізделген, жеке тәуелділік қатынастарында құрылды. Ынтымақтасу формасы тәуелділік сипатына ие және нақтылы болды, яғни белгілі бір дәстүрлер мен жағдаяттарға байланыстырылды.

Кеңес Одағы кезеңінде бірдейлендіру мен абстрактылы субъектілердің жалған субъектившілдігі орын алды. Тең құқылы субъектілердің ынтымақтасуы ретіндегі шынайы колектившілдік іскерлік әріптестікке, жауапты әрі мұдделі өзара қарым-қатынасқа жол ашады. Демократияшылдық, әділдік, теңдік сияқты басқа әлеуметтік-мәдени модустарға келсек, онда олар этикалық категориялардың мазмұнын қиып өтеді, бірақ тағы да еркіндіктің батыстық түсінігінен өз айырмашылықтарына ие болады.

Дәстүршіл түсінікте еркіндік ережесіз ойын, стихия, ретсіздік, жігер іспеттес болып келеді. Онда бір-біріне және әлеуметтік ұжымдарға, әлеуметтік тәртіптің ұстап тұрушы негізі ретінде, қалыпты қылыш туралы түсінік жоқ. Батыстық түсінікте еркіндік әлеуметтік ұжымдардың сапасымен, әлеуметтік тәртіпті ұйымдастырудың ұстымымен, әлеуметке қатысты құқықпен, жауаптылық және міндеттілікпен т.т. теңестіріледі.

¹ Бахтин М.М. Творчество Франсуа Рабле и народная культура... М., 1990. С. 14.

Қоғамның артушы үзіктілігі және субъектілердің автономдығы кейбіреулерде нарық экономикасы мен азаматтық қоғам этикасының арасындағы сәйкестілікке, өзара сенімділікті сақтауға деген күмән туындайды. Бірақ нарық экономикасы мен этиканы бір-біріне қарама-қарсы қою бізді тек тіршілік ету шектеріне жақындалады. Бұгін ортақ мақсаттарды, индивидуалды мен қоғамдықтың үйлесуін, колективтік ақыл мен жігерді қалыптастыру және дамыту мәселелерін ойластыру маңызды. Бұл қалыптасып келе жатқан азаматтық қоғам, негізінен, әлеуметтік-орталықтың құндылықтарға (әлеуметтік-мәдени және нарықтың модустар) емес, ал әмбебаптыларға бағдарлану керек дегенді білдіреді. Демократиялық қоғам ұстымдарына өзіміздің бағытталатындығымызды жариялай отырып, біз индивидуализмге, рационализмге, ынтымақтастыққа және т.б. бағдарлануға тиісті емесіз, ал бұл модустарда адамдық индивидтердің, қашан, мысалы, жеке индивидтердің рационализмі адамгершілік заңына қайшы келіп, басқалардың еркіндігін шектейтін жағдайдан арылып, әмбебап субъектілер бола бастауының, дамуының әмбебап-тарихи мүмкіндіктерін қарастыруымыз керек. Сонда жоғары құндылық табыс емес, карьера емес, ал адам Тұлғасы мен Абыройлығы бола бастайды.

Аталған модустар, конфессиональдық нормалар мен міндеттер, салықтар, этикалық талаптар сияқты, сынақтан өткен әлеуметтік-мәдени тетіктермен жетуге болатын, индивидуальдық пен қоғамдық мүдделердің үйлесуінде құрылған.

Батыстық үлгідегі индивидуализм жалпы қамтушы емес: ол қалай ішкі өзіндік реттіеу болсын, солай сыртқы әлеуметтік-мәдени тетіктермен болсын, ретке келтіріледі және түзетіліп отырады, бұл әлеуметтік модустарды механикалық түрде ендірудің мүмкін еместігін және рухани-адамгершілік өсу ортақ мақсаттар мен сенімсіз сананы планеталық ақыл идеясына дейін кеңейтусіз мүмкін еместігін күеландырады.

Қазақ дәстүрлі дуниетанымының семантикалық өзегі, ол «өмірлік күш». «ұрықтандыруши бастама», «тіршілік потенциясы» ретінде түсіндірілетін, ал сонымен бірге «байлықпен», «молшылықпен», «игілікпен», «үлеспен», «тағдырмен» байланысты бақытпен бірге қарастырылатын, түйінді «құт» ұғымы болып табылады. Бұл ұғым онтологияны, антропологияны және әлеуметтік философияны тұтас біріктіреді, дәстүрлі қазақ мәдениеті шындығының мәндік рәмізшілдігін көрсетіп береді. Онда, утилитарлы, прагматикалық пайдалануға жетіп тірелетін, «қарапайым заттар» орын алмайды, бірақ адамды қоршап тұрғанның және оған қызмет ететіннің бәрі, өзінің екіжақты сипаттылығын аңғартады: бүкіл табиғи объектілер, тұрмыс нәрселері, үй, киім, тағам тек қана утилитарлы функцияларды

орындал қоймай, сонымен бірге түсініктемені талап ететін рәміздер және трансцендентті, көрінбейтін әлемге бірге қатыстылықты ғана білдіріп қоймай, адамдардың байланыстары мен қатынастарын олардың жынысына, жасына, туысқандық дәрежесіне, байлығына, шыққан тегіне сәйкес ұйымдастыратын және корреляциялайтын әлеуметтік кодтар болып табылады.

«Құт» ең алдымен өмірлік күшті, оның алға жылжуға қабілеттілігін білдіреді. Дәстүрлі дүниетаным үшін адам, өсімдік, жануар бір-бірімен туысқан және табиғатқа тән және онымен туындастылатын, тірінің түрлі формаларын бітімдейді. Тірінің көңіл күйі, рухани және құндылық анықтамалардың негізі бола түрып, олар адамның дүниеге қатынасын сипаттайды. Сондықтан рәсімдердің басты идеясы – жоғары құндылықты, адам өмірін қабылдап алу. Салт-ғұрыптар шектерінде дәстүрлі драма, табиғатпен қосылу ойналады. Өмірді қайтадан шығару барлық денгейлерінде тойлар мен шамандық қамданулардың басты тақырыбы болып табылады. Өнімділік пен туудың құпиясы дәстүрлі мәдениеттің түйінін құрастырады. Табиғаттан қабылдап алынған, бірінші сый болып тіршілік сыйы, құт, тірі жан есептеледі. Бұл өмірлік күштің рәмізі таудың төбесіндегі сұт көлі, Тіршілік пен Өнімділіктің орталығы болып табылады. Сұт сондықтан – жай ғана тағам емес, бірақ айрықша семиотикалық статусқа ие; сұтті ұйытатынды шет жерлікке беруге тыйым салынған, ол ру тіршілігінің қуатты рәмізі, сұтті қонаққа құйып беруге болмайды.

Ендеше, табиғи өнімділік идеясы дәстүрлі түркілік дүниетаным үшін әмбебап болып табылады және бүкіл салттық фольклорды кесіп өтеді. Түркі дискурсының онтологиясы «әмір мен өнімділіктің» семиотикалық коды кілтінде оқылады.

Бұл кілттің көмегімен түркілердің үй-тұрағын, адамның үстінен төңкеріліп тасталған, аспан шеңберін өзімен көрсететін, киіз үйдің семантикалық қеңістігін түсіндірмелеп беруге болады¹. Киіз үйдің бүкіл нүктелері мен сегменттері, бақыт және игілік ретінде түсінілетін «құт» рәмізі тұрғысынан қатаң регламенттелген. Түйінді орынға орталықтағы ошақ жатады. Отбасының жойылуы ошақтың сөнуімен теңестірілді. Сондықтан күлді араластыруға, ошаққа су құюға, одан тамыздық алуға және отты шығаруға тыйым салынды, әйтпесе отбасын бақытсыздықтар күтіп тұрады. Үйдегі отбасы иесінің орны биліктің рәмізі, жолбарыс, ал әйелдікі – «қоян», «бағынуды білдіру» деп аталды. Жастар, «құс» деп аталатын орында жайғасады.

¹ Қар.: Традиционное мировоззрение тюрков южной Сибири. Пространство и время. Вещий Мир. Новосибирск, 1988. С. 117.

Герменевтикалық метод дәстүрлі мәдениеттегі тамақтану жүйесінің рәміздік функцияларын ашуға және ас қабылдау кезіндегі қонақтарды орналастыру тәртібін (қойдың басын ұлестіре бөлу және «құлақтарды», «таңдайды», «көздерді» әлеуметтік рөлдер және жас ерекшеліктеріне сай тарату), жыныспен, жаспен, әлеуметтік статуспен байланысты тұлғааралық қатынастардың күрделі суреттемесін аштын, рәсімдік әрекеттердің белгілі бір кешені ретінде «оқып шығуға» мүмкін береді. Тамақтану жүйесінің рәсімдік, сакральдық, этнобелгілеуші функциялары туралы айтуға болады. Жеке тақырып – көшпелі шаруашылықтың кезеңдерімен ілесіп жүретін, белгілі бір өмірлік циклдер және ғұрыптармен байланысты, дәстүрлі киім семантикасы. «Жас сыныптары» институты онда бөлініп көрсетілетін, жас рәміздерінің жүйесі де «құт» ұғымы тұғырынан түсіндіріледі. Өмірлік күштің, өнімділіктің түйіні ретінде орта жас алынады, ал сонда қария мен нәресте өзінің семиотикалық статусында жақындастылады. Қария – жай ғана жас емес, ол антивалентті әлеуметтік функцияны білдіреді: әрекет кең мәтінінен шыға отырып, ол толымсыздық таңбаларымен белгіленеді, бірақ сол уақытта, арғы тектер мен аруақтар әлеміне жақындей келе, оған ерекше құрмет көрсетіледі.

Бақыт дәстүрлі мәдениетте қашанда өнімділікпен, құтпен, некемен байланысты қарастырылады. Өнімділік иғіліктің, сәттіліктің, бақыттың кепілі болды, сондықтан, жыныстық потенция тұлғалық абырой мен әлеуметтік беделдің белгісі ретінде түсіндіріледі, ал ең нашарлар болып бедеу әйел мен үйленбейтін ерекек есептелді. Гендерлік тақырып дәстүрлік дүниеге қатынаста ерекше орын алды. Бұл қоғамда орталық фигура болып қашан да ерекек саналды. Бірақ сол уақытта еркектің салиқалығы мен іске қабілеттілігі, оның әйелге қатынасына тәуелді қойылды. «Адам болу» отбасы болуды, өз жануясын құруды білдіру. Әйелдің жердің туыннатушы функциясына жақындығы, жасампаздық пен бақыттың иегері екендігі айрықша аталаған етті. Көптеген түркілік мәндерде Жер беті әйел тәнімен салыстырылады. Неке, адам өміріндегі ең маңызды оқиғалардың бірі бола келіп, болмыстың қасиетті өрісімен қарым-қатынаста болады.

Дәстүрлі қоғамда әлеуметтік байланыс, ең алдымен, қандық-туысқандық, табиғи, өмірлік болып келді. Ру, бай заттық және таңбалық бітімделуі бар, көпжоспарлы ұйым ретінде көрініс табады. Туысқандық қатынастардың күрделі нақтылы және рәміздік жүйесі, онда дәстүр тікелей қарым-қатынас тәсілі ретінде, арғы тектердің тірілердің арасында бірге болуы ретінде қабылданатын, әлеуметтік ортаға адамның бейімделу тетіктерін анықтады. Ру, мүшелерінің

тұастығы және бөліктерінің бірлігі бола отырып, ерекше «мифорәсімдік» өмірбаянға ие, әлдебір қоғамдастықты құрастырады.

Рудың өзіндік санасы, «аруақ», «қыдыр», «ырым» сияқты¹, сондай ұғымдармен құралады. Аруақтар бұлар ата-бабалар рухы. Көшпелілердің түсінігі бойынша, әрбір адам балаларына мұра етіп тек өз киіз үйін, байланыстарын, лайықты есімін ғана емес, бірақ сонымен бірге олардың тағдырына ықпалын тигізетін, сол арқылы ол тірілердің арасында қала беретін, өз аруағын да қалдырады. Егер ол абырайлы адам болса, оның рухы, оларды қын сәттерде қолай отырып, балалары мен немерелерінің тағдырына игі өсер ететін болады. Егер адам, керісінше, дұрыс өмір сүрмесе, онда оның аруағы осындай көмегін тигізе алмайды және оның үстіне, жаңа бәлелер мен қасіреттерді әкеле алады.

Дәстүрлі дүниетанымның бұл ерекшелігі қазақ фольклорында көрініс тапқан. Солай, «Алпамыс» эпосында былай делінеді: «Алпамыстың бірінші шабуылынан кейін, жонғарлар батырдың жалғыз келгенін көреді және күш жұмсамай-ақ оны оқтың астына алуды шешеді. Және бүкіл жонғарлар садақтарын тартады және Алпасмысқа атылған мындаған жебелер, оған тіпті сызат қалдырмай, оның тәнінен кері құлап жатады. Мәселе Алпамыстың ұрыс алдында жауынгерлер жебеушісі Файып ерен Қырық-шілтеннен қорғау өтінуінде тұр, және сол, қара тұмандай орала келіп, байқатпай аспаннан түсіп, жас батырды өз қанатының астына алады»².

Қарама-қарсы мысал – «Қызы-Жібек» поэмасындағы Төлегеннің тағдыры. Өз қалыңдығының артынан сапарға аттана отырып, Төлеген әке батасын алмады, оны аруақтар қорғамайды және сондықтан ол махаббаттың орнына Қособа көлінің маңында өз ажалын кездестіреді.

Сол уақытта эпос кейіпкерлері – бұлар жеке таңдау мен өз тағдырына құқы бар тұлғалар, жеке-даралар. Қорқыт-Ата, Қобыланды мен Алпамыс батырлар, бірін-бірі сүйетін Қозы Көрпеш пен Баян Сұлулар тап осындайлар.

Дәстүрлі дүниетанымның маңызды ұғымына «Қыдыр» да жатады. «Қыдыр» - бұл бүкіл тілектерді орындауға қабілетті, сәттілік, байлық, денсаулық әкеле алатын, жаратылыстан тыс жан. Бірақ «Қыдыр» қашанда бишара, қария, үйсіз қаңғырушы кейіпінде көрінеді. Және ешкім, ол шын қайыршы ма, әлде құдіретті рух па екендігін, біле алмайды. Қаңғып жүрген қырықтың бірі – «Қыдыр», бірақ олардың бәріне көмектесу және рахымдылық таныту қажет.

¹ Қар.: Абдильдин Ж.М., Абдильдина Р. Великая степь и мировосприятие традиционного казаха//Евразийское сообщество. 1997, №3. С. 13-14.

² Алпамыс – батыр //Казахский героический эпос в прозаическом пересказе А.Сейдимбека. Алма-Ата, 1981. С. 15.

Солай, Абайдың «Масғұт» поэмасында қаһарман, оған бұзакы тиісіп жатқан, кедей шалға риясыз қөмегін береді.

«Қыдыр» туралы түсініктен шығатын басқа тағы бір бейне бар – ол, оның таңдаулылығын белгілей отырып, адам алақанына қонатын, бақыт құсы. Солай, Бұқар жырау Абылай-ханның ұлы жолын оның осындай бақыт құсымен кездесуімен түсіндіреді:

Бақыт құсы басына сенің қонды,
Қыдыр – байлыштың қамқоршысы саған келді,
Және бақыт үйінде сенің қонды.

Ш.Уәлиханов өзінің «Қыргыздардағы шамандықтың іздері» атты еңбегінде дәстүрлі дүниетанымның тағы бір ұғымын – бақытсыздықтың алдын алу мақсатындағы белгілі бір әрекеттерді жасауды, ырымдарды – талқылайды. Солай, «әлдекімге көйлегін қалдыра отырып, бір түйемесін немесе байлауын өзінде қалдырады... ешқашан табындағы басты жануарды – «құтты» саптайды, себебі бұл жағдайда игілік, яғни мал, бұл отбасында азаймайды»¹.

Байлық та өз мағынасын айрықша семиотикалық қеңмәтінде айқындаиды. Байлықта адамның тұлғалық сапалары мен артықшылықтары көрініс табады. Ол таңдаулылықты таңбалайды. Байлыққа деген осындай құрмет «бай» сөзінің этимологиясында білдіріледі. Ол байлық иесі және сол уақытта лайықты, құрметті, сыйлы дегенді көрсетеді.

Көшпелі мәдениетті, құндылық-мағыналық бірлікке ие төлтума мәтін ретінде, ендеши, көрсетуге болады. Құрастырушы идея сапасында, «құт» - «ұрықтандырушы бастама», «өмір потенциясы», «бақыт», «молшылық», «игілік» - ұғымымен байланысты, құрделі идеологиялық кешен қаастырылады. Дәстүрлі мәдениеттің дүниетанымдық әмбебаптарына тым жақын болып келетін, қазақ философиясы, экзистенциалдық сипатын жоғалтпайды, бірақ сол уақытта мәдениет өрісімен толық теңестірілмейді. Философия түсіндірудің айрықша қызметін атқарады, ол бірінші кезекте герменевтика, дәстүрлі мәдениеттің құрделі мәтінін ашу болып табылады.

Түркі философиясының шыны ұлы ойшыл Абайдың шығармашылығы болып табылады. Дүниежүзілік дәрежедегі мәдениеттің басқа да құбылыстары сияқты, оның философиясы түрлі тұғырлардан түсіндіріле алады және міне бұл түсіндірулерде Абайдың рухани мұрасы өзінің болмыстырылғын тек сақтап қоймай, сонымен бірге оны көбейте түседі. Абайды, ол қазақ халқы үшін құндылықтардың жаңа жүйесін ашқан, бірінші рет білімді адам болмысының ұстynosын ретінде негізденген және оны даму ұстynosымен

¹ Валиханов Ч. Собр. соч. в 5 т. Т. 4. С. 62.

байланыстырған, ағартушы ретінде сипаттау белгілі. Бүкіл дала бойында оның «Адам бол!» деген ұраны дауылдан өтті. Соңғы уақытта Абай шығармашылығының экзистенциалдық сипаты туралы идеялар да айтылып жүр: өзінің атақты «Қара сезінде» ол болмыстың мәндік қабаттарын өзінің қайғы мен бақытқа толы өмірлік тәжірибесі арқылы ашады. Бізге солай көрінетін, бірегей тұтас мәтін ретінде түсінілетін, қазақтың дәстүрлі мәдениетіне Абай герменевтикалық түсіндіру береді. Осындағы өнімді тәсіл Абай философиясының ұлттық төлтумалығын айқындағы алады, бұл оның мұрасын дүниежүзілік мәдениет кең мәтінінде айрықша маңызды етеді. Абай – «адам - әлем» қатынасының тұтастығына негізделген, қазақ ділінің көрсеткіші. Осында – ерекше тұлғалық тип те, ақыл мен жүректің арасындағы айырылудың жоқтығы да, жүрекпен ойлау шеберлігі де тұр. Жүрекпен ойлау дағдылығын қалыптастыру – XXI ғасырдың маңызды міндеті. Абай бәрінен көп жалқаулық пен надандықты жек көреді. Ол ағартушылыққа, ғылымдардың негіздерін оқып-үйренуге шақырады. Бірақ ол сол уақытта, ар-ұят және жүрек жарығынан ажыраған, ғылымның қауіптілігі туралы да ескертеді. Оның ұстыны – ақылды жүрек немесе арлы ақыл. «Кімде махабbat пен әділлілік сезімі билік жүргізсе – сол дана, сол білімді»¹.

Біз осында, ол «адам - әлем» тұтас қатынасын қалпына келтіруге ұмтылған, «әлемнің ішкілігі» және «Dasein» терминдерін енгізген, М. Хайдеггердің фундаментальдық онтологиясы идеяларымен тура паралельдер жүргізуге болады. Қазіргі әлемде, дейді М. Хайдеггер, барлық алыстар мен қашықтар қысқарады. Бірақ жақындаі келе, заттар бізден алыстай береді. Олар «заттануын» қояды, өйткені адам оларды тек пайдаланғысы, тұтынғысы келеді. Әлемді қабылдау тұтастығы жоғалады. Хайдеггер және Абай оны «ақылды жүрек» деп атайды, дүниені солай түсінуді батыс адамына қайтарғысы келеді. Қашан біз әлдекімге сүы бар тостағанды ұсынғанда, онда «ұсынылып тұрған суда қайнар да тұр. Қайнарда жартас орын алады, онда – жердің қараңғы мұлгіген құнары өзіне жауын мен аспан шығын қабылдан тұр. Қайнар сүйнде аспан мен жердің некесі қылған»². Батыс өркениеті құтқарылуын Хайдеггер Шығыстың бай рухани тәжірибесіне назар аударумен байланыстырады.

Егер қазіргі XX ғасырдың батыс философиясы, дүниеге тұтастық қатынасқа бағытталған, жаңа онтологияның қалыптасу қажеттілігін сезінсе, онда қазақ халқы бұл тұтас дүниені түсінуді өзінің дәстүрлі мәдениетінде, атақты ақын-жырауларының шығармашылығында сақтады. Және тіпті сонда, қашан ресми идеология өз догмаларын

¹ Абай. Слова назидания. С. 90.

² Хайдеггер М. Время и бытие. М., 1993. С. 320.

танып келгенде, қазақтардың ішкі өмірі олардың дәстүрлі дүниетанымымен айқындалып келді. Дүниеге қатынастың осындай типі, жаңа мыңжылдыққа аяқ басқан, адамзаттың тұтас дүниетанымын қалыптастыру деуірінде өзекті болып шықты. Мыңжылдықтар аралығында өсіп-жетіліп келе жатқан, тұтас дүниетанымның маңызды көрінісіне қазақ философиясы жатады.

**Нысанбаев А., Сарсенбаева З. О традиционной этике казахов.
Алматы: Институт философии и политологии МОН РК.
1997. С. 3-20**

Әбдімәлік Нысанбаев, Төлеуғазы Әбжанов

АДАМГЕРШІЛІК ТУРАЛЫ ПАЙЫМДАР

Ғалымжан. Адамгершілік адамзат қоғамының даму тарихы арқылы қалыптасып, әрбір дәуірдің өзіндік қайшылықтарымен біте қайнасып, жетіледі. Сондықтан да адамгершілік мәнін абстрактылы түрде қарап, оны адамдардың табиғатымен, биологиялық ерекшелігімен ғана байланыстыруға болмайды.

Әрине адамзат тарихында пайда болған адамгершілікке байланысты көптеген категориялар — жомарттық, батылдық, шыншылдық, бақұмарлық, сырттайыгершілік, әділдік пен достық, ар мен намыс тағы басқалары сонау көне дәуірден басталып, күні бүгінге дейін өз маңызын жоғалтпаған. Сондай-ақ адамзаттың, әрбір адамның ішкі рухани адамгершілік дүниесінің негізгі формалары — үміт, сенім және махаббат үнемі даму үстінде.

Дегенмен, бұл адамгершілік категорияларына әрбір қоғам өзінің даму процесінде оның мазмұнына көптеген өзгерістер енгізіп отырды. Айталық көне грек дәуіріндегі адамгершілік категориялары сол қоғамдагы тарихы, әлеуметтік, экономикалық процеске тығыз байланысты болып, сол заманың негізгі қозғаушы күші — құлдарды ешбір ойбыл, философ, жазушы, тарихшы, тағы басқалары адам деп есептемеді. Сөйтіп, ол қоғамдағы қалыптасқан моральдық, адамгершілік категориялардың құлдарға ешқандай қатысы жоқ болып шықты. Одан кейінгі орта ғасырлық дәуірде де адамгершілік проблемалар дін жолымен шешіліп, құдай туралы идеологияның қолында болып, адамдарды бағындырудың құралына айналды. Ал капиталистік қоғам барлық қатынастарды заттық қатынастар арқылы шешпекші болғандықтан адамның өзі мен күші сатылатын товарға айналғандықтан адамзат қалыптастырған моральдық адамгершілік категориялар қайшылыққа ұшырады, қанаушы таптың қолындағы рухани құралдарға айналды.

Асан. Біздің еліміздегі орын алған жатсыну процесіне байланысты мораль мен адамгершілік құны түсे бастады ғой. Қазір кейбір жастардың арасында адалдық, шыншылдық, ар-ұят, ұждан жауапкершілігі, сыйластық, тағы басқалары өзінің мазмұнынан айрылып, кейде жай бос сөз, кейде күлкіге айналып кетті ғой?

Үсен. Ол рас шынында да осы адамзаттың рухани азығы болып келген адамгершілік пен моральдың қазіргі күндердегі маңызы төмендеп барады. Сондықтан да осы адамгершіліктің қалыптасуының тарихи жолдарына қысқаша көз жүгіртейікші. Өйткені онсыз адамгершілік пен моральді, оның қазіргі ролін түсіну қынға соғады.

Ғалымжан. Үсен дұрыс айтасын. Өуелі тарихи шолу жасасақ адамгершілік пен мораль мәні де ашылатын шығар.

Адамгершілік пен моральдің шығуы қоғамдық қатынастармен тығыз байланысты екені сіздерге түсінікті. Бірақ, қоғамдық қатынастар әр дәуірде әр түрлі ғой. Дегенмен сонау құлдық қоғамдық формацияның өзінде де жалпы адамзатқа тән, оның өмір суру жағдайына лайықты моральдық, адамгершілік принциптері қалыптаса бастады. Сондықтан да осы көне заманың өзінде де адамның қарым-қатынасының негізінде туған адамгершілік принциптері қоғам өмірімен байланысты болды. Орта ғасырлық дәуірдегі моральдық, адамгершілік принциптер дін мен шіркеудің идеологиялық құралына айналса да өмір шындығынан алшақ кете алмады. Сондықтан да діни идеология адамгершілік проблемаларымен біте қайнасып жатты.

Ұзақ жылдар бойы (тіпті жетпіс жылдан астам) біздің еліміздегі дінге, оның идеологиясына карсы құрестің негізінде дін мен имандылық арасындағы айырмашылықтардың жігін аша алмай, сайып келгенде жаңа заманың өзіне тән дәстүрі мен әдет-ғұрыптарын, салт-санасын қалыптастыра алмай, адамдарымыздың ішкі рухани дүниесін босаңсызып жібердік. Әрине, орта ғасырдағы дін мен біте қайнаскан моральды, оның кодексін сынауга қазір әркім батылдана кіріседі. Бірақ, оның негізі неде, оның орнына нендей принципті ұсынамыз, ол жағы белгісіз. Олай болса орта ғасыр дәуіріндегі рухани адамгершілік принциптерін әлі де болса толық зерттеуіміз, өзімізге қажетті жақтарын пайдалануымыз керек.

Бірақ, мораль мен адамгершіліктің қалыптасуы орта ғасырлық дәуірден өтіп, капитализмнің өрлеу заманына тап болды. Осы буржуазиялық қоғамның адамгершілік пен моральдық принциптеріне сын көзімен қараған немістің классикалық философиясының өкілдері өз тарапынан осы мәселелер жөнінде келелі пікірлер айтты. Енді осы мәселені ортаға салайық.

Асан. Бұл мәселеге ерекше мән берген И. Кант өзінің «Практикалық ақыл-ойға сын» деген шығармасында мораль мен әдет-ғұрыптың борыш пен ынталықтың, ақыл-ой мен сезімнің арасындағы қайшылықтарды атап көрсетті. Сондықтан да Канттың мораль туралы пікірлері күні бүгінгे дейін өте маңызды. Ол моральды адамзаттың мәдениетіне жатқызып, оның екінші адамдандырылған табиғатты тудыратынын атап көрсетті. Мораль индивидтің өзара қоғамдық қатынасынан келіп шығатын процесс. Мораль жеке адамның қоғамда өмір сүре алатын, басқалармен үйлесімді қарым-қатынаста бола алатын қабілеті. Мораль адамдардың ішкі дүниесінің көрінісі, олардың практикалық өмірдегі бейнесін жасаудағы іс-әрекеті. Сондай-ақ, мораль адамдардың қатынасынан туатын идеалды түрде

өмір сүретін объективті, жалпы маңызды, әрі қажетті адамгершіліктің жиынтығы. Сонымен қатар мораль өзінің мәні жағынан жеке дара мен рулықтың, адам мен адамзаттың арасындағы ізгілік ережелерінің жиынтығы. Осы жиынтық арқылы әр адам өзінің адамдық қасиеттерін қалыптастырып дамыта алады.

Үсен. Бір сөзбен айтқанда Кант адамгершілікті моральға бағындырыды, содан алып келіп шығарды десеңізші?

Асан. Иә, оның моральдық принциптері өзінің сыншылдығымен ескі, қатып семіп қалған қағидаларды батыл ысырып тастауымен бағалы.

Үсен. Ал, Гегель болса мораль мен адагершілікті бір-бірінен бөліп алып қарайды. Ол көбінесе адамгершілікке назар аударып, оның мәнін ашуға ұмтылады. Адамгершілік қоғамның әдет-құрыптарымен ғасырларға созылған дағдылы дәстүрлерімен тығыз байланысты. Ол жеке индивидке сыртқы дүние сияқты болса да, сайып келгенде онымен бірдей қоян қолтық косыла кетеді. Ал мораль болса адамның ішкі сенімділігі, рухани қуәлевдіруі. Шынында да адамгершілікке ие болған адам сыншылдықтың не түрлі тексерулерінен өткен жөн.

Адамгершілік адамдардың практикалық өмірінен келіп шыққан әдет-ғұрып, дәстүрлерді тудырып, солармен сәйкес келеді. Ал мораль болса шындыққа қарама-қарсы, теріс қарым-қатынаста пайда болады және субъективті түрдегі міндеттенушіліктен келіп шығады. Сондықтан да адамгершілік қоғамдық мораль деп қарауға да болады. Өйткені ол адамның, қоғамдық ортасы (отбасы, мемлекет) негізінде туындаиды. Мораль керісінше адамгершіліктің жекелеген жақтары сияқты. Ол жеке адамның өзіндік бағалы идеясынан келіп шығады.

Асан. Сонда Гегель керісінше моральды адамгершілікке, тәуелді етіп, содан туындағып отыр ғой?

Үсен. Әрине, негізінде адамгершілік моральдан гөрі жоғары тұрады ғой.

Асан. Қалайша? Оны әлі ойлау керек.

Ғалымжан. Сіздердің бағанадан бергі Кант пен Гегель туралы айтқан пікірлеріңіз оқулықтар мен кейбір монографияларда кездеседі. Ал, шындығында мына мәселені ойланайық. Қазір ғой, мораль мен адамгершілікті бөліп алып қарай ма, әлде оларды бірге деп есептей ме?

Асан. Меніңшe олар бірге, біте қайнасқан. Өйткені қай жерге барсаң да мораль, мораль деп қақсан жатқаны. Сондағы айтайын дегені адамгершілік. Кейде адамды жұмысқа алғанда, оған мінездеме бергенде «моральдық жағынан ұстамды» деп жазамыз. Ол адамның қандай екенінде біздің жұмысымыз жоқ. Сондықтан да бұл категориялық ұғымның мазмұны ішкі жағынан жалаңаштанып,

сыртқы, сөз бейнесі ретінде ғана қалады. Соның тармақтарын білесіндер ме?

Үсен. Жоқ, есімде ештеңе қалмапты.

Асан. Міне, осындай кодекстің кесірінен мораль адамдардың ішкі дүниесінің көрнекті белгісі болудың орнына елдің ат тонын ала қашатын құбыжығына айналды. Қазір үй ішінде ата-анасты ұрысқан бала: «Маган мораль оқымаңыз» деп шыға келеді. Сасып қалған ата-ана: «Жоға, жоқ мен мораль оқымаймын» деп ақтала бастайды.

Үсен. Міне осыдан келіп «моральдандыру» деген жат сөз, ұғым пайда болды емес пе? Мораль десе төбе шашымыз тік тұратын дәрежеге жеттік.

Асан. Дұрыс айтасың. Адамдар моральдан қашты, оны өздері әңгіме кезінде қолданбаға тырысты. Мұндай теріс көзқарас қайдан пайда болды? Меніңше бар пәле тәрбиеде жатыр. Алдымен отбасында одан соң балалар бақшасында тәрбие мәселесін моральды ұғындырудан, соны насиҳаттаудан бастаған дұрыс. Бірақ, мораль жалаң болғандықтан, құнделікті өмірмен, практикамен, қоғамдық қызметпен байланыспағандықтан, жастар бүкіл моральдық қағидалардан соңғы кездері безіп кетті ғой.

Әрине, бұған тоқыраушылық жылдарағы өмірдің екпінді дамуына төтеп бере алмай, іске алғысыз болған моральдық кодекстер жауапты. Өйткені, олар өмір қайшылығына тап болды. Сондықтан моральдық принциптер, керісінше әсер етіп «қадам бол», деген жақсы ниет арамзалардың шығуына, «еңбек ет», деген қағида арамтамақтардың кең өріс алуына жағдай жасады.

Үсен. Иә, солай болды ғой. Мұның барлығын біз өмірде біле тұрып, білмеген боламыз. Сөйтіп біз адамгершілік принциптерінде аяқта таптадық. Адамгершілікке тәрбиелейтін отбасы өз міндетін балалар бақшасы мен мектепке жүктеп, ал олар болса керісінше барлық мәселені отбасына қарай артып, екі ортада жастарымыз далада калды. Сонау ананың ақ сүтімен басталатын адамгершілік принциптері қазір көптеген отбасында балалар бақшасы мен мектептерде әлі де толық қалыптаспаған.

Ғалымжан. Мұның барлығы дұрыс, бұл жерде ешбір дау жоқ. Бірақ мәселе тек сынап-мінеуде ғана емес, қазіргі қоғамды ең алдымен адамгершілікке бай етіп қайта құру болып отыр ғой. Осы мәселенің түйіні кайда жатыр?

Асан. Ол үшін моральды Кант айтқандай өте маңызды фактор деп, адамның ішкі дүниесінің шешуші түйіні деп терең түсінуіміз керек. Үйде де, түзде де, балалар бақшасында да, мектепте де, — барлық жерлерде жаттап алған моральдық қағидаларды қақсап айта бермей, сөзден іске көшіп, өмірдің өз дамуынан шыққан процестерді

моральдық негізде бағалауымыз керек. Өйткені сан ғасырлар бойы қалыптасқан адамзаттың мәдениеті бойынша моральдық қасиеттерді де кеңінен сақтаған. Соларды ұғынып, түсініп қана қоймай, оларды өмірдің өзіне пайдалану қажет. Әрине ғасырлар бойы жинақтаған моральдық ережелер бар. Оларды да адамдардың арасындағы қатынастар арқылы қарап, бағалаپ, негізгі мәнге айналдырған дұрыс. Сонда ғана адам мен адамзаттың біртұтас рухани мұрагерлігі қалыптасып, қоғамның шын моральдық негізде дамуына жол ашылады.

Үсен. Әрине адамгершілік принциптерінсіз мораль алысқа бара алмайды. Қазір біз ұзақ жылдар бойы дамымай жоғалуға айналған әрбір ұлттың, әсіресе қазақ халқының әдет-ғұрпын, салт-санасын, дәстүрін, тағы басқа ерекшеліктерін қайтадан жандандыруға кірістік. Өйткені қазіргі жастар өзінің ұлтын, оның даму ерекшелігін, оның бойындағы адамгершілік қасиеттерін түсіне алмай жүр. Бұл жағынан алғанда мораль адамгершілікке кемектесуі қажет. Сонда ғана мораль адамгершіліктен келіп шығады. Сонау көне грек заманындағы Сократ әуелі адамгершілікті қарапайым, адамдар арасында қатынастардан шығатынын терең ойлармен түсіндіре келіп, моральға тіреледі. Одан соң ол мораль адамның бойындағы негізгі байлық екенін көрсете отырып, қайтадан оны адамгершілікпен ұштастыруды.

Кейде мораль дегеніміз сыртқы көрініс, этикаға, формаға қалай жүріп тұрудың, адамның өзін өзі қалай ұстаудың ережелеріне айналып, ал адамгершілік деген ешбір түсініксіз абстрактылы бірденеге ұқсайды. Сондықтан да моральды жеке адамға, адамдарға тән десек, адамгершілік бүкіл адамзаттың, қоғамның бойындағы асыл қасиет деп есептеп, екеуінің арасындағы органикалық, гармониялық үйлесімділігін көре білуіміз керек.

Ғалымжан. Мұның бәрі өте дұрыс айтылған пікірлер. Бірақ сіздер Кант пен Гегельдің айналасынан шыға алмай жүрсіздер. Мәселе осы ойшылдардың пікірлерінде қажетті нәр, дән жоқ деген тұжырымда емес. Олардың сол данышпандық ойларының қалай жүзеге асырылып келе жатқандығында болып отыр. Ол үшін әуелі маркстік-лениндік позицияға түсіп, немістің классикалық философиясының тар өрістілігін қалайша жеңіп шығуы керек екендігін ұғынуымыз керек.

Марксизм мораль мен адамгершілік мәселелерін алдымен адамдардың арасындағы өндірістік практикалық қатынастардың тірі арқауына әкеліп кіргізеді. Сондықтан да әрбір қоғаммен әрбір тап осы ұғымдарға өзінің әлеуметтік мазмұнын енгізіп, үнемі өзгертіп отырады. Ал енді адамдардың арасындағы әлеуметтік, саяси-экономикалық қатынас қоғамның өндіріс қатынастарынан келіп

шығатыны сіздерге белгілі. Қоғамдық өмірдің өндірісімен ұдайы өндіруі екі жақты процесс. Ф. Энгельстің тілімен айтқанда «тіршіліктің өзін өндірудің және ұдайы өндіріп отырудың» екі жағы бар. «Бір жағынан — тіршілік заттары» тاماқ, киім-кешек, түрғын үй, және осыған керекті құралдар өндіру; екінші жағынан — адамдардың өзін өндіру, үрпақтың жалғасуы» (К. Маркс, Ф. Энгельс. Таңдамалы шығармалар. II том, 210 бет).

Олай болса мораль мен адамгершілік осы процестің екі жағымен де тығыз байланысты. Адамдар өздерінің болмысын, тұрмыс жағдайын, тіршілік заттарын өндіргенде өзара өндірістік қатынаста болады. Сол қоғамдық қатынастардың негізінде адамдардың арасындағы бір бірін түсінушілік, бір-біріне деген ілтиpat, бірін бірі сыйлаушылық, тағы басқа да қатынастар әуелі ғасырлар бойы орын алғып келген моральдық принциптер негізінде құрылды. Одан соң әрбір адамның өзіндік ерекшелігі мен бойындағы қасиеті, басқаларға деген қатынасы, оның отбасымен өткен ортадан алған тәрбиесінің айнасы ретінде не күнгірттеніп, не жарқырай көрінеді. Осындай моральдық қатынастар өндіріске де әсер етпей коймайды. Шығарылған өнімнің сандық жағымен бірге сапасының бар екені бәрімізге мәлім. Ендеше сапа осы адамгершілік қасиеттерінің ерекше көріністерінің бірі десек қателеспеген болар едік. Өйткені жұмысқа, өндіріс процесіне жауапсыз, немікүрайлы қарау, қалай болса солай атқару өнімнің сапасын көрсетеді. Екінші жағынан, мораль мен адамгершіліктің «адамның өзін өндіруге», үрпақ жалғастыруға тікелей қатысы бар. Біздің еліміздегі адамдардың әсіресе жастардың жоғары білім алудың қатары, өнегелі, тәрбиелі, адамгершілігі зор болғаны бірінші орында тұрғаны жөн.

Омар ақсақал. Дұрыс айтасың қарағым. Қазір екінің бірі оқу оқып, жоғары білім алатын дәрежеге жеттік қой. Бірақ солардың ішінде оқығаны көп те, тоқығаны шамалы болып тұр-ау. Әсіресе жоғары білімді, тіпті ғалым иесі немесе мекеменің басшысы, тағы басқалары өзіннәң адамға деген қарым-қатынасынан-ақ «әй мынау ешбір тәрбие алмаған қу-ау, шіренуін қарашы», деп ойлайсың. Олардың кейбіреулері өзінмен тіл қатысып сөйлеспейді де. Олар өздерінің атқаратын жұмысын басқа біреуге, көмекшілерге аудара салады. «Адамды түсінен танығанша ісінен таны» деген осы-ау. «Әй, қайтейін, кайсыбірін айтайын» депті баяғыда біреу. Сол айтқандай бұл өнегесіздіктің қайсын айтып тауысасың? Өркен жайып барады ғой бұл құрғыр бетін аулақ қылсын?

Асан. Осының бәрі жастайынан берілетін тәрбиеден. «Ұяда не көрсөң, ұшқанда соны ілерсің» дейді халық мәтелі. Тәлім-тәрбие болмаған жерде адамгершілік қайдан қалыптасады? Австриялық

жазушы С. Цвейгтің «Жозеф Фүш» деген кітабында атақты қолбасшы Наполеонның дөрекі мінезінің бір көрінісі бар. Сол туралы: «Осындай ұлы адамның осыншама жаман тәрбие алғаны қандай өкінішті» деп министр Талейран императордың бетіне тіке сарт еткізіп айтты емес пе?! (Стефан Цвейг. Собрание сочинений в семи томах. Том четвертый. М. 1963. стр. 530).

Үсен. Сонда тәлім-тәрбиемен кім айналысуы керек?

Асан. Ең алдымен отбасында! Өйткені тәлім-тәрбиенің ананың ақ сүтімен қоса берілетіні бәрімізге белгілі ғой.

Ғалымжан. Эрине, тәрбие өсіресе адамгершілік, оның алғашқы нәрі отбасында берілуге тиіс. «Адам тәрбиесі ол туысымен басталады» деді француз философи Ж. Ж. Руссо. Шынында да адамгершілік ананың ақ сүтімен келіп, адамның әрі қарай жетілуіне үлкен негіз болады. Бірақ, осы ананың ақ сүтімен келген адамгершілік ақиқатын көп жерде көре алмай жүрміз-ау. Менің есіме атақты жазушы В. Распутиннің көрнекті ойы тұсті. Ол өзінің сөзінде, егер біздің заманымызда жас Пушкин өмір сүріп, бірақ ол ардақты құтушісі — Арина Радионовнаның өлең-жырларынан, ертегілері мен әндерінен нәр алып тәрбиеленбесе, көрісінше ол сахнадағы күні-түні ән айтатын жалба-жұлба киімді актрисаның барылдаған даусын естісе, онда ол Пушкин емес, Данtes болып өсер еді» — депті.

Жазушының бұл сөзінде терең шындық жатыр. Қазіргі жастардың көбі дерлік шет ел эстрадасы, музыкасы, ансамбльдері, тағы басқаларымен тым әуестеніп, өзінін халқының, ұлтының, елінің музыкасын, өнерін, мәдениетін білмей, оларды білейінші деп ұмтылмай-ақ өсіп келеді. Міне, қорқынышты нәрсе осы!

Асан. Эрине, бұл жастардың өз мәдениетімен әдебиетіне, сонымен қатар өткен тарихына немікұрайды қараушылықты тудырды. Ал, өз тарихын білмеушіліктен өткен сорақылық бар дейсің бе? Адамгершілік әрбір халықтың аса бай рухани қазынасымен тығыз байланысты.

Үсен. Шынында да Оралхан Бекеев ағайдың «Атау кере» повесіндегі бір кейіпкер осы мәселе жөнінде былай дейді: «Біз күні бүгінге дейін ұлттық адамгершілік, бет-бейнесі мен болмысын, келбеті мен лайықтылығын анықтай алмай жүрміз. Өсіресе қазақтардың ...ұлтымыздың ар-ұждандық идеалын білмейміз».

Ғалымжан. Шынында да біз өз дәстүріміз бен әдет-ғұрпымыздан айрылып, құр алақан қала жаздадық. Оған не себеп болғанын сіздер жақсы білесіздер.

Асан. Оған себеп болған сталинизм, хрущевизм және брежневизм тоқырау заманындағы жағдайлар мен содан келіп шыққан идеологияшылдық процесі. Идеологияшылдықтың кең өріс алғандығы

сонша тіпті осы жоғалтқан мәдениетіміз бен әдет-ғұрып, салт-санамыздың орнына «интернационализм» деген даурықпа ұран шықты.

Үсен. Интернационализм жалпы адамзаттың өзара бірлік қатынасының ең жоғарғы белгісі ғой.

Асан. Әрине ол дұрыс. Бұл сөздің мағынасы өте терен жатыр. Бірақ осы ұғымның әбден сілікпесін шығара пайдаланып, қисыны келсе де келмесе де интернационализм деп, кім ұлты үшін жаны ашып, халқы үшін қабыргасы қайыса, мәселе қозғаса оны ұлтшылдық дедік-ау.

Үсен. Интернационализм әрине ұлт мұддесін; оның мәдениеті мен әдет-ғұрпышын, салт-санасын жоққа шығармай, қайта оларды бойына терендептіп сініре береді. Бірақ ең жаман нәрсе біз интернационализм деп басқа жақтан, буржуазиялық батыстан келген көптеген келеңсіз нәрселерді үйрендік-ау деймін.

Асан. Дәл солай. Тағы да Оралхан ағаға жүгінейік. Оның жоғарыда аты аталған повесінде мына сөздер адамды ойлантады: «Ішімдікке салыну, ана тілінен жеріну, дәстүр мен салтты саудалауға солай... үйретеді, үйренеді».

Үсен. Өз ұлттымыздың ана тілін, дәстүрін, өнері мен салт-санасын білмеген соң басқа ұлттың модаға айналған жөн-жобасын қабылдау әдетке айналып барады. Біздің құрбы жастарымыз жаман, тәрбиеден тыс нәрселерді көп үйренеді. Еліктеушілік — жігерлі еріктен айырушылықтың бір түрі емес пе?!

Омар ақсақал. Ғасырлар бойы қалыптасып келген атабабамыздың әдет-ғұрпышын, салт-санасын жаңаша жаңа өмірге сәйкес неге жандандырмасқа. Әрине, ондай салт-саналардың озығы да тозығы да бар. Бізге керегі сол озығы, күні бүгінге дейін сақталып келген қажетті жақтары емес пе?

Алдымен, меніңше, барлық халықтарға тән адамгершіліктің жалпы өрнектері — адамды сыйлау, ең алдымен үлкенді, қарияны, елге еңбегі сіңген қадірлі адамдарды сый-құрметке бөлеу. «Үлкенге құрмет, кішіге ізет» демей ме халқымыз. Сонда ол адамдар өзінің қызметінің жемісін көріп, өмірге риза болып, болашақ ұрпаққа сенім арта қарап еді ғой.

Ал қазір шет елдерден бе, әлде өзіміздегі басқа халықтардан үйрендік пе оны құдай білсін, о алла тілімізде айтуға келмей түр, «қарттар үйі» деген сүмдық сөз шықты. Әрине, үлкен-үлкен қалаларда жетім-жесір, панаңыз, ешбір ағайын туысқаны жоқ (қазақта ағайын туысқаны, жамағайыны жоқ дегенге кім сенсін, қарға тамырлы қазақ емес пе?!) қарттарды мүмкін осында әкеліп, орналастыруға болатын шығар? Әй, қайдам? Ал бала-шағасы бар, немерелері жүргіріп жүрген

қария әжелер мен ақсақалдарды әкеліп, осы үйге тастап кету қандай қиямет! Ондай қатыгез адамдарға болашақ ұрпақ қарғыс жаудырудан басқа не айтар дейсің?! Әлгі айналып кетейін Алтынбек Қоразбаевтың «Қара кемпір», «Қара шал», «Қара бала» деген әндері іші-бауырыңызды елжірете езгілеп, не түрлі сұмдық, адамгершіліктен безген жанның бейнесін көз алдымызға әкеледі.

Асан. Ойбай, ата ондай без-бүйрек, тас бауыр жандар көп-ақ қой, қазір. Олар өз ұлттымызды да жиленіп барады.

Омар ақсақал. О, тоба-ай десенізші. Бұрын-сонды біздің қазағымыздың тарихында да жантүршігерлік соғыстар, қан төгістер, бір бірінен өш алу, қаталдық болған шығар. Ал енді мына біздің заманымыз болашаққа ұмтылып, еңбек етіп жатқанда, осындай үлкен адамдарға, қарттарға деген қатыгездік пен қиянатшылық тарихымызда ешбір болмаған еді ғой. Сонау көне заманнан бері қариялар, қарт адамдар дастарқанымыздың сыйлы қонағы болып, төрімізден орын алушы еді. Кімнен ғана үйрендік еken осы қатыгездікті?

Асан. Ақсақал біз бір жағынан әрине осыған үйрендік те, үйретті де ғой, мына қиуы қашқан дүние!

Ғалымжан. Дегенмен тәрбиеде көп мән жатқанын ұмытпауымыз керек. Балалардың өсуіне, олардың рухани түрде жетілуіне, адамгершіліктің қалыптасуына көңіл бөлмеген соң олар тасбауыр, менменшіл, қайырымсыз боп өседі. Әрине өміріміздің жоғарыда айтқандай жат қылыштары біздің жастарымызға үлкен әсер етті. Дегенмен адамның өзіндік тәрбие алу, даму процесін ұмытпайық. Атақты кеңес педагогы Василий Александрович Сухомлинский осы тәрбие туралы былай деді емес пе: «Тасбауыршылық адамдарға немқұрайды қарауды, ал немқұрайлышы — менмендікті, менмендік — қатыгездікті тудырады».

Омар ақсақал. Мәселе үлкенді сыйлау, ештемені білмей жатталған көрсөкүрлілік емес, қайта ол адамдардың ақыл-өсіетін, сөздерін еске сақтап, тәлім-тәрбие алу, олардың өмір жолын әрі қарай жалғастыру.

Ал енді балаларды, жастарды қай халық болмасын ерекше сүйіп, құрметтеп, мәпелеп өсіруге тырысады. Мұнда да адамгершілікке байланысты көптеген жайлар бар. Алдымен жастарды, балаларды еркелетіп, мәпелеп «құлышым», «шыбышым», «ботам» дей отырып, оларға қатал да болып, тәртіпке шақырып, жаман әдет-ғұрыптардан жирендіріп отыру керек. Баяғыда «ұры» деген сөз өте қорқынышты, өте ауыр сөз болатын. Ұрлығы ашылып қалған адам не өте қатты жазаланып, не ауыр ар таразысынан өтетін. Ал қазір ұрлық деген көбейіп кетті. Жолда жатқан нәрсені іле кету былай тұрсын, үйлерді, мекемелерді тонау, әсіресе, жастар жағынан, әдетке айналып бара ма

деймін? Кейде осы мәселені «Бізде дүние әлі жетіспейді, адамдардың еңбекақысы әлі аз» деп тұсіндірмекші болғанына қайран қаласың. Соңда немене бұл тонай беруге ұлықсат деген сөз бе?

Баяғыда ананың ақ сүтіне аузы тиген балаға «ешкімнің ала жібін аттаң басушы болма!» деп үйретпеуші ме еді, құдайым-ау. Айтайық әз Тәуекенің жеті жарғысында осы ұрлыққа қарсы, адамгершілікті тәрбиелеу туралы мәселелер көп айтылды емес пе? Соның бір-екеуін еске түсіре кетейік:

3-жарғы «Мемлекет ішінде жазықсыз кісі өлтіргендер өлім жазасына бұйырылсын!»

4-жарғы «Өзге біреудің әйелімен зинақорлық жасап, ақ некені бұзушыларға өлім жазасы бұйырылсын!»

5-жарғы «Өреде тұрған тұсаулы жүрген сайгұлік атты ұрлаган кісіге өлім жазасы бұйырылсын!»

Міне, аса қatal болса да бірақ әділ заңның өткен заманындағы бейнесі осындай. Яғни «Ар жанға, жан тәнге батады» деген осы!

Адамгершіліктің тағы бір көрінісі біздің тарағымыздан жастарға деген қатынасымыздың қате қалыптасуынан болып отыр-ау деймін. Біз балаларды, жастарды тым өбектеп, асыра бағалап, нақты түрде оларды өзіндік даму ерекшелігін бағдарлай алмаймыз. Осындай «тәрбие, алған жастар кейін келе ата-анасының мойнынан қартайғанша түспейді. Ондай балалар ата-анасын сыйламайды да, келешекте күтпейді, тіпті бара-bara өзімізге масыл болмасын деп олардан құтылуға тырысады.

Әрине, балаға жөнсіз қatal болып, ұрсу-жеку, олардың жер-жербірлеріне жете кемсіту де жақсылыққа әкеле бермейді. Ондай орынсыз жәбір көрген жастар, қауіпті жолға түсіп кетуі де мүмкін.

Дегенмен жастарға әдет-ғұрып сақтау керек-ақ. Олар ғасырлар бойы халқымыз қадірлеп келген асыл қазынасы — адамгершілікті игеру қажет. Мәселен, сый-құрметті көрсету ғана емес, ізеттілік те кейде әрбір жастың киім-киісіне, өнер-бойын ұқыпты ұстап, әрбір істе ізгілікті болуына қарап отырып, оның ішкі дүниесіне де көз жүгіртуге болады.

Асан. Яғни атақты немістің ақыны әрі драматургы Ф. Шиллер айтқандай: «Адам өз ісімен танылады» ғой!

Ар деген сөзден шығады біздің өткен өмір тарихымыз біздің арымыз. Арымыз таза болса тарихымызда таза. Бірақ тарихымыздың ұзақ жылдар бойы орын алып келген қиянат пен ауыр зардалтар халқымыздың адамгершілік сана-сезімін ойсыратып жіберді ме деймін? Өйткені сонау жетпіс жылғы тарихымыздың өзі идеологияшылдықтың құрсауында болып, ресми түрде өмір сүрді ғой. Ал сонау ғасырларға созылып, мындаған жылдарды қамтыған тарих

жөнінде ештеңе айта алмайтын жағдайға жеттік. Тарих және оны зерттеу белгілі бір адамдардың қолжаулығына айналды. Енді ғана тарихымызды ластаған идеологиялық процестерден тазартуға, олай болса арымызды да тазалауға мүмкіндік туды. Дегенмен әлі де толық тазалыққа жетуге әкімшілік-әміршілік жүйе бөгет жасап келеді.

Үсен. Е, қайдам? Арымыз толығынан тазарды деген сөздің өзі іске асар қояр ма екен? Өйткені, қазір кейбір адамдардың адамгершіліктен жатсынып бара жатқанын көріп отырмыз фой. Ондай мәңгүртке айналған адамға не істей аласың? Онда ешбір парасаттық қасиеті қалмаған — ол үшін ар-намыс, ұлттық сана-сезім бос сөз, адамгершіліктің барлық жағынан жүрдай болған. Абайдың тілімен айтқанда «сабырсыз, арсыз, еріншек, көрсекқызызар, жалмауызға» не істейсің? Әлде Ш. Айтматовтың «Жан пида» романындағы Базарбайды «сен бұл дүниеде өмір сүрге татымайсың» деп өз қолымен атып тастаған Бостон сияқты іс-әрекет жасау керек пе? Ол да табыла кеткен ақыл емес. Өйткені мұндай іс-әрекеттен соң Бостонның қандай жағдайға ұшырағанын Шыңғыс ағамыз былай деп суреттейді: «Мына адамдардың жүзіне қарап, Бостон кенет өзінің әлдебір сзызықтан өтіп, өзгелерден мүлде бөлініп қалғанын сезді... Қазір олардың жүзіне қарап, жатсынуды, жатырқауды байқады. Сонда барып енді өзі бұл адамдарға мәңгі мүлде жат екенин ұқты. Өмір бақи бұлар оны көріп білмегендей жат. Егер өліп қалып, көрден қайтадан тіріліп келсе, жүрт қандай шошыр еді, қазіргі халі де сондай» (Шыңғыс Айтматов. «Жан пида». Роман. Алматы. «Жалын» 1988. 475 бет).

Міне адамгершілік үшін күрескен адамның жағдайы осындай. Адамдықтан безген «өзі де ит» адамды заңсыз әркім өзінше жазалауға тиіс емес. Бірақ ондай «ит адамға» жазалайтын заң біздің конституциямызда жоқ. Жатсыну деген процестің диалектикалық арақатынасы осындай.

Асан. Ал адамгершіліктен босап шығып, еркіндік алыш ар мен намысты аяққа басып жүргендерге не істеу керек? Олар үшін адамгершілік принциптерінің бәрі де бос сөз. Дүниедегі ең мықты — ақша мен дүние-мұлік. Ал басқаларын, оның ішінде адамгершілік қасиеттерінде сатып алуға болады. Тек бар, бай болу керек! Олардың ойынша бай болсаң, тіпті Қарабай болсаң да ештеме етпейді.

Омар ақсақал. Астапыралла! Қарабай несі, ойбай! Қазақ қазақ болғалы байлықты дәріпте, оның иесі болған дүниеқоңыз Қарабай сияқты жанды адамның қатарына қосып, көрген жоқ. Ол адамзат тарихындағы азғындықтың, қорқаулықтың, қанағатсыздықтың, сарандықтың, қатыгездіктің, адамгершіліктен жүрдай болып малмен бірге малға айналған сүмның бейнесі емес пе? Сан ғасырлар бойы

халқымыз сол есімнен жиіркеніп келді ғой?! Жоқ, жоқ! Бізге Қарабайдың керегі жоқ!

Ғалымжан. Иә, қазіргі заманда тіпті жеке меншікке кең өріс ашып, сауда саттыққа жол берсек, байлықтың көзін ашып ерікке бастасақ та Қарабайды бүтінгі таңда қажет-ақ деп айту — саяси соқырлық болар еді.

Сонымен қатар қазіргі қайта құру дәуірі кеңінен көтеріп отырған — демократияландыру, жариялыштық, бюрократизмге қарсы қарес, ұлтаралық қатынастардың мәселелері ең алдымен адамгершіліктің санасынан өтуге тиіс. Әйтпесе осы келелі проблемалар бос сөздердің тасқынына үшырап, өзінен өзі жойылып кетеді.

Әсіресе бюрократизмге қарсы қарес әлі де мардымсыз. Әміршілік-әкімшілік жүйенің қоғамымызға бойлап енгендігі сонша, одан құтылу, оның көзін жою оңайға түспейді. Олай болса теріс моральмен әбден жарақтанып алған бюрократизм оқ өтпейтін берік қамал сияқты, қанша сынасақ та мұрты қисаяр емес. Бұл жүйенің түрі өзгергенмен мазмұны сол қалпында. Халыққа, қоғамға оның зияны үлкен. Ұлтаралық қатынастар туралы мәселені өздерің де жақсы білесіңдер. Бұл шиеленіскең ауыр жағдайға, азамат соғысының хаупіне жақындал кеп тұрған мәселе. Ендеше оны адамгершілік принциптері арқылы ғана шешуге болады. Басқа жол жоқ....

Асан. Осы жоғарыда айтылған жаулар, пәлелер бір уақытта құрып кетті емес пе? Сонда олардың қайта туып жанданғаны ма?

Ғалымжан. Иә, жоғарыда айтылған адамгершіліктің қас жаулары әр уақытта өмір сүріп келеді. Олардың қоғамдық, экономикалық, саяси-әлеуметтік, идеологиялық дағдарысына байланысты ерекше көрініп қалатын кездер болады. Міне қазіргі қоғамның өз арын тазалау кезеңінде бұл жаулардың адамгершілікке қарсы барынша қареске шығуы да занды нәрсе сияқты.

Сонымен адамгершілік дегеніміз не болды?

Асан. Адамгершілік қоғамдағы ресми дамудың ең жоғарғы кезеңі деуге болады. Қандай қоғамда болмасын әуелі оның адамгершіліктегі жеткен шыңымен бағалағанымыз дұрыс шығар?!

Үсен. Мұндай ойды толығынан қостауға болады. Әйткені адамгершілік деген ойлау процесі мен ақыл-ойдың диалектикалық өзара бірлігі. Себебі біздің санамыз ақыл-оймен тығыз байланысты ғой. Ал бұл екеуінің диалектикалық арақатынасы, екеуінің де мәнінің ашылуы тек адамгершілік арқылы ғана бола алатын процесс.

ТҮЙН

Ғалымжан. Омеке, бағанадан бергі айтылған әңгімелердің басы-қасында болып, өз ойларыңызды да ортага салдыңыз. «Тоқсан ауыз

сөздің тобықтай түйінің» енді сізден тындасақ. Мен сізге ұлықсат болса бірер сұрақ қояйын деп едім.

Омар ақсақал. Егер жауап берे алсам, жаксы болар еді?

Ғалымжан. Біз ой-сана, білім, ақыл туралы пікір алыстық. Бұл мәселелер бір жағынан философиялық көне заманнан бері қарай адамзаттың көкейінде кең орын алып келеді. Ал екінші жағынан, күні бүгінге дейін оның ашылмаған қырлары мен сырлары жеткілікті екен.

Сіздің ойыңызша сана халқымыздың өмірінде қандай орын алды, сол туралы не дер едіңіз?

Омар ақсақал. Ой-сана біздің халқымыздың өмірінде (басқа ұлттарда да солай болар) үлкен орын алды және де әлі де маңызды. Басымыздан кешірген қылыш-қылыш кезеңдерді, ауыртпашылықтар мен не түрлі қырғын апаттарды халқымыз санасында сақтап келді ғой. Оны жазушылар мен көптеген зергер ойшылдар өз шығармаларына арқау етті. Біздің санамыз әрдайым еркіндік аңсаған сана болды ғой. Ол қалай да еркіндікке жетуге ұмтылды және жетті де. Оған айқын айғақ ретінде таяуда ғана кейінгі ұрпаққа таныс бола бастаған Шәкірім, Мағжан, Ахмет, Жұсіпбек, тағы басқаларының есімдері мен үзақ жылдар бойы торға қамалған ой сезімдері.

Бірақ қарағым-ай қазіргі кезеңде санамыздың өзі бірте-бірте «қасіреттің» құшағына кіріп бара жатқан жоқ па?

Ғалымжан. Ақсақал «қасірет» деген ауыр сөз ғой? Ол сонау 1932 жылғы ашаршылық пен Ұлы Отан соғысынан кейін, айтылмай кетіп еді?!

Омар ақсақал. Е! қарағым, Семей мен Ақтөбедегі тарсылдатып жарып жатқан сынау орындары қасірет емей немене? Ал бір уақытта шортаны аттай тулап, шағаласы мен үйрек-құсы шулап жатқан Аралымыздың тартылып бара жатқаны, одан ұшқан ақ тозаң тұздардың балаға да, анаға да, барлық адамдарға ауру таратып жатқаны қасірет емей немене? Дүние жүзіне даңқы жайылған, кеңдігі мен кеңділігі адам баласын таңқалдырған Балқашымыздың екі жақты қыспаққа ұшырап, жер бетінен жойылып бара жатқаны қасірет емей немене? Өз мекенінде, өз жерінде орын таба алмай, халқымыздың шұбап жүргені, қала мен аудан орталықтарының табиғаты жағынан бүлініп, енді қоныс болудан қалып бара жатқаны қасірет емей немене?

Ғалымжан. Жеке адамның өміріндегі қасірет әкелетін не жаман?

Омар ақсақал. Е, қарағым, өсек пен төсек қой!

Ғалымжан. Онда ақымақтық деген не болды, ақсақал?

Омар ақсақал. Бастаған істі аяқтамай, не орта жолда қалдырып тастанап кету!

Ғалымжан. Онда біздің 70 жылдан астам уақыт бойы істеген ісіміздің аяқталмай калғанын не деуге болады?

Омар ақсақал. Оны сіздер білесіздер, оқыған ғалым адамсыздар ғой?! Оны да ақтап, «дәләлдейтін» оқымыстылар табылар?!

Ғалымжан. Сіздер балаларыңыз бен немерелеріңізге «оқындар, әйтпесе надан боласындар» — деп үйретесіздер ғой?! Сол оқығандық ақылдылыққа әкеле бермейтінін жаңа талқыладық емес пе?! Оған қалай қарайсыз?

Омар ақсақал. Тұсіндім сұрағынды, қарағым! Заманына қарай ағымы, толқыны емес пе?! Көптің ойы осыған қарай ауып кетті ғой, оған не істейміз? Бірақ оқығаннан гөрі тоқыған ата-баба дәстүрімен оның өткен жолына көбірек үңілу, содан сабақ алу дұрыс қой?!

Ғалымжан. Ата-баба жолын игеруден әлі де қалып бара жатырмыз ғой, ақсақал?!

Омар ақсақал. Онда зауал келді десеңші — артың қараңғы, алдың — терең жар, енді қайда барып оңасын?

Ғалымжан. Адамдық пен надандықтың арасы қанша?

Омар ақсақал. Әрі қашық, әрі өте жақын. Көне замандағы даналар айтты емес пе? Егер надан өзінің надандығын білсе, ол ақылды болатын көрінеді.

Ғалымжан. Онда өнегесіздік надандықтың негізгі белгісі болғаны ғой?!

Омар ақсақал. Дұрыс айтасың, қарағым! Өнегесіздік жайлаған жерде адамдыққа жол жоқ!

Ғалымжан. Е, кең дүние тарылып, қуырыла бастады десеңізші?!

Омар ақсақал. Иә шырағым, заман құрылып болды ғой. Ізгіліктен ізде қалмай жүрмese жақсы болар еді?!

Ғалымжан. Адамның бойындағы ең жаман қасиет қандай дейсіз?

Омар ақсақал. Меніңше, ұстамсыздық!

Ғалымжан. Тәрбиедегі ең жаман не?

Омар ақсақал. Қатыгездік!

Ғалымжан. Онда қоғамымыздың жөнді өркендей алмағаны ғой?

Омар ақсақал. Мүмкін. Мен кейінгі балалардан, жастардан қорқамын. Олар тым қатыгез болып адамгершіліктен безіп бара жатқан сияқты.

Ғалымжан. Онда тәрбиедегі ең жақсы не болды?

Омар ақсақал. Мейірімділік!

Ғалымжан. Адамның бойындағы жазылмайтын кесел не?

Омар ақсақал. Күншілдік. Өсіресе біздің халқымыздың өмірінде ол едәуір орын алып келді ғой?!

Ғалымжан. Жан азабы дегеніміз не?

Омар ақсақал. Қайғы! Одан өткен азап, одан өткен тозақ бар ма?!

Ғалымжан. Жан рақаты дегеніміз не болды?

Омар ақсақал. Арманың орындалуы! Одан өткен жұмақ пен рахат бар ма?!

Ғалымжан. Ондай болса неден сақтану керек?

Омар ақсақал. Есі шыққан есерден, тосыннан келген кеселден!

Ғалымжан. Енді тілектеріңіз қандай?

Омар ақсақал. Айта бер, қарағым!

Ғалымжан. Қарияларға не тілер едіңіз?

Омар ақсақал. Өмірде ешкімге керексіз болып қалмаңдар!

Ғалымжан. Еркектерге ше?

Омар ақсақал. Дүние мен өмірдің тұтқасы екендіктерінді ұмытпаңдар — дер едім.

Ғалымжан. Әйелдерге қандай тілек айтасыз?

Омар ақсақал. Ана деген қасиетті есімді әрдайым ардақтап қастерлей біліндер!

Ғалымжан. Балаларға не дейсіз?

Омар ақсақал. Қарттарға қарап өз өмірлеріңің мән-жайын түсінуге ұмтылыңдар!

Ғалымжан. Бүкіл адам баласына не тілегіңіз бар, ақсақал?

Омар ақсақал. Ой, қарағым-ай, қандағы жоқты тауып алдың ғой. Бүкіл адам баласына тілек айтатын мен кіммін, мұншама?

Ғалымжан. Дегенмен?

Омар ақсақал. Қоймадың ғой, қарағым. О, адамзат! Адам деген ардақты атты ұмытпа, қадірле, әрі терең түсін — дер едім!

**Нысанбаев Ә., Әбжанов Т. Ой. Ақыл. Адамгершілік.
Алматы: Білім, 1994. 93-109 бб.**

ҚАЗАҚ ЭТИКАСЫ ҚАЛЫПТАСУЫ МЕН ДАМУЫ ҮРДІСТЕРІ

Архаикалық қауым әдептік реттеуі басым қоғамға айналуы үшін бірнеше сатылардан өтуі қажет. Осы жөнінде әдебиетте әдептің қалыптасуындағы үш саты аталып өтіледі: 1) Культ (табыну) сатысы. Бұл сатыда жеке адам табиғаттан да, қауымнан да ажырамаған, “Біз” феномені үстемдік етеді. 2) Мәдениет сатысы. Бұл сатыда әдеп, құқық, өркениет қалыптаса бастайды. Жеке адам тарихи өзгерістердің басты күшіне айналады. 3) Өлеуметтік сатысы. Бұл сатыда жеке адамның құқықтарын қастерлеу және келісімділік негізінде азаматтық қоғам (адамдық қауымдастық) қалыптасады¹.

Біз бұл мақалада “әдептік реттеу” түсінігін адамдық ынтымақтастық пен бірегейленудің, адамдардың бірлесе өмір сұруінің ерекше формасы ретінде қолданамыз. Кезінде Э. Дюргейм адамдық қауымдасудың органикалық түрі туралы арнаулы пікір айтқан. Ол мұндай тұтастықты биологиялық организммен салыстырады: онда барлық мүшелер бір-біріне ұқсамайды, бірақ барлығы бірігіп организмнің өмір сұруін қамтамасыз етеді. Органикалық ынтымақтастықтың әлеуметтік-мәдени негізінде әдеп, тұлғалық еркіндік, мұдделер келісімі және заң жатады. Осындай тұлға жалпы келісімге негізделген императивтер аймағында еркін әрекет ете алады. Бұл қоғамның жетекші принципі – дараашылдық. Ф. Хайек те қазіргі кезде “капитализм” мен “социализм” деген атаулардың ескіргенін және бүгінгі адамдар бірлігін “адамдық қауымдасу мен ынтымақтастықтың кеңейтілген тәртібі” деп атау керек деген.

Архаикалық тобыр мен адамдық қауымның арақатынасы жөнінде әдебиетте сан алуан көзқарас бар. Адамдық және әлеуметтік құрылымдарды еңбек теориясымен түсіндіретін марксистік ілімдерде шаруашылық колективтері мен туысқандық қауым біртекtes болып келеді деген қағида басшылыққа алынады. Алайда этнографиялық деректер бұл көзқарасқа күмән келтіреді. Қазіргі этнологиялық зерттеулер антропоидтардағы топтар мен гоминиттердің ілкі топтарының арасында ұқсастық барлығын дәлелдейді (экзогамия, иерархиялық құрылым, реттеу, т.т.). Жыныстық қатынастарды реттеу алғашқы қауымдық бірлестіктердің (отбасы, ру, тайпа, т.т.) пайда болуының маңызды факторына жатады. Басқаша айтқанда, тобырдан жеке индивид емес, қауымдық құрылымдар бөлініп шықты.

Алғашқы қауымдық мәдениеттер (аңшылық-көшпелік және екінші көшпелік – номадизм) пайда мен табыс табу принципінде емес,

¹ Габитов Т.Х. Этика юриста. – Алматы: Данекер, 1999. С. 6.

керісінше, “сый экономикасына” негізделген. Қонақжайлық осының бір көрінісі болып табылады. Табиғи ресурстар қауымының меншігі болып табылғандықтан эгоистік мұдде қалыптаса алмайды. Егер патриархалдық бастауларға сүйенетін отбасында индивидуализм үstem болса, Бахофен ашқан “Аналық құқықта” қауымшылдық пен жалпылық алдыңғы қатарға шығады. Алғашқы адамдық бірлестіктер элитарлық емес, қайта эгалитарлық негізде пайда болады¹. Тұысқандық қауымда руластар арасындағы кикілжіндер ақсақалдарының араласуымен шешіліп отырған. Қазіргі кең тараған айтыс бір замандарда адамдар немесе олардың топтары арасындағы қайшылықтарды шешүге бағытталған.

Өз тарихымыздан, минорат салтының көшпелі қауымда адамгершілік принциптерінің жоғары деңгейінің дәлелі екендігі туралы еске салғымыз келеді. Әр түрлі себептермен әкесінен айырылған кіші ұл осы “алтын мұра” арқылы аяғына тұра алады және қара шаңырақты бекім ұстай алады. Әрине адамның материалдық болмысынан туатын әлеуметтік-мәдени факторлар тұлғалық дербестіліктің қалыптасуына үлкен әсер еткенін бекерге шығара алмаймыз. Шынында да еңбектің бөлінісі, меншіктік қатынастардың дамуы, әлеуметтік байланыстардың күрделенуі өзіне-өзі жауапты дербес адамды тарих сахынасына шығара алады. Алайда, қоғамдағы бірінші әлеуметтік бөлініс - жыныстық бөлініс екендігін естен шығармау қажет. гендерлік қатынастардың дамуы тұлғалық мәдениеттің қалыптасуында әлеуметтік-экономикалық факторлардан кем рөл атқарған жоқ. Сол себепті қазақтың және оның арғы тектерінің әдеп мәдениетін сипаттағанда тек “патриномиялық ру” төңірегінде айнала беру жеткіліксіз. Қазақ мәдениеті тарихын зерттеушілер еуразиялық далада матриархат ұзақ ғасырлар бойы қоғамдасудың басты түрі болды дейді. Археологиялық деректер балалардың аналарының қасында жерленгенін дәлелдеуде.

Енді осы қауымнан алғашқы дараланып шыққан феномендерге этикалық талдау берейік. Алғашқы қоғамдастықтарда тұтастықтың басымдылығы жөніндегі пайымдау дұрыс болғанымен, бұл тұтастықты не механикалық агрегат, не биологиялық популяция, не көпмүшелі организм ретінде қарастырған дұрыс емес. Адамдық колективті (тіпті, қоңыс аударушы ежелгі аңшылар мен терімшілердің өзінде) жекелік қасиеттерін жоғалтпаған адамдар бірлестігі құрастырады. Осының бір дәлелі — субъективтік жаны жоқ адамдардың о бастан болмағандығы.

Архаикалық көшпелілер мәдениетін зерттеушілер қауымнан алғашқы дараланған адамдар ретінде ру басыларды, ақсақалдарды,

¹ Фромм Э. Анатомия человеческой деструктивности. – М.: Аст- Атд, 1998. – 672 б. С. 192.

батырды, абыз, бек, көсемдері, сәуегейлерді, т.т. атап өтеді. Бұл сипаттағы ру басылар адамдық ынтымастықтың қауымдық тәртібін жүзеге асырушыларға жатады. Ру басылардың «билігін шын мәнісінде бағындыруши қатынастардан тумайды. Ру басы мен кейінгі қазақ қоғамындағы билердің арасында түбегейлі айырмашылықтар бар. Ежелгі мәдениет контекстінде ру басылардың төмендегідей ерекшеліктерін атап өтуге болады. Біріншіден, ауызекі ақпараттық беріліс жағдайында ру басылар ең тәжірибелі, көпті көрген және көпті түйген, осының нәтижесінде руластарының арасынан дараланып шыққан. Екіншіден, ру басының белгі мен беделі сакралды (қасиетті) сипатта тиянақталған.

Осы туралы толығырақ тоқталып өткен этнограф Е. Тұрсынов ру басыларының қауымнан дараланған және бұл екінші мифологизациялану нәтижесінде жүзеге аса бастады дейді. Әлеуметтік жіктері ажыратылмаған қоғамда адамдық қарым-қатынастар дәстүр, рәсім (ритуал) және мифтік сананың қауымда шексіз үстемдік етуімен реттеліп отырды. Алғашқы фратрияларда (жыныстық қатынастары шектелген тотемдік топтарда) дәстүр рәсімдерін коллектив мүшелерінің барлығы орындалған және білген. Кейін дуалдық (қосбайланыстық) фратриялардың әлеуметтік өмірі күрделенген жағдайда осы топтардағы ең беделді адамдар өкілеттік функцияға ие болып, бүкіл рудың атынан әр түрлі сайысқа түсे алатын болған.

Ру басылардың сакральдық билігі тек олардың қоғамдағы орнын фетиштендірумен қатар, туысқандық қауымға тән тотемдік сенімдермен де нығайтылған. Арғы тек (totem) тек қауым-фратрияны ғана емес, сонымен бірге бүкіл ұлысты біріктіретін магиялық бейнеге жатады. Жаңа тас дәуірінен бастап ру басылар басқа қауымдастарынан бөліне бастайды және бұл олардың ритуалдық дәнекершілер қызметінен де туады. Әдетте, ақсақалдар дәстүр-рәсімдердің тасадағы мазмұнын терең менгергендіктен басқа қандастарының арасында киелі адамдарға айналады. Егер әскери демократия батырлардың дараланып шығуына әсер етсе, ілкі тектерді антропоморфтандыру ру басыларының мәдени функцияларын күрделендірді. Осы кезенде адам мен дүниенің жаратылуы туралы этнологиялық, ру мен тайпаның арғы тектен бергі тарихын баяндайтын генеалогиялық, мифтер мен арғы аталардың ерлігін жырлайтын поэтика қалыптасады.

Ру басыларының қауымнан дараланып бөлінуінің тағы бір әлеуметтік-мәдени негізіне көшпелі қауымдағы ақсақалдардың билігі (геронтократия) жатады. Бұл әлеуметтік құрылым қауымдық меншік шытынап, негізгі тіршілік құралдарына (көшпелілерде – малға)

индивидуалдық меншік пайда бола бастаған кезде өз нышанын береді. Патриархаттың матриархатты ауыстыруы нәтижесінде еркектердің рөлі бірінші орынға шығады және ру басылар, көсемдер, әскер басылар, т.т. олардың арасынан таңдалып алынады. Шын мәнісіндегі әлеуметтік мұралану тек аталық құқықта жүзеге аса алады. Э. Фроммның пікірін қайталасақ, аналық қоғам қауымшылдықтың тірегі болса, аталық қоғам тарихтағы индивидуалдандыру үдерісін бастап берді. Патриархалдық қатынастар геронтократия мен арға текті әсіреуге сүйенди.

Жоғары келтірілген аңыздардан алғашқы қоғамдастықтарда жеке билік тек сакральды, дәстүр мен салттық сананың күші арқылы бекітілетінін көреміз. Әрине, ата-бабалар қыын-қыстауда арқа сүйетін тірек бола алады. Бірақ, оларға сай құрмет көрсете алмаған жағдайда арғы тектер кесірлі күштерге де айналып кетуі мүмкін. Сол себепті ата-бабалар культі жіктеле басталған қауым ынтымактастығын сақтайтын басты фактор еді.

Исламды қабылдағанға дейінгі түрік көшпелілерінде “басқарушы” топтың әлеуметтік орны арнаулы дәстүр мен салттық сананың бақылауында болды. Бұл дәстүр көптеген жағдайда хандар мен бектердің билігін қауым мұдделері тұрғысынан шектеуге бағытталған. Сол себепті осы әдептік тұтастыққа қатысты автаркия мен деспотия туралы айту орынсыз. Мысалы, қытай тарихшылары көшпелі түрік иеліктерінде хан мен бектердің қатардағы тайпаластарынан артықшылығы аз екенін және соғыс жағдайындаған олардың билігінің артатындығын атап өтеді¹. Зерттеушілер көшпелі мемлекеттерде “хан талау” деген дәстүрдің болғанын айтып өтеді. Бұл бір сипатта Дж. Фрезер мен З. Фрейд еңбектерінде кездесетін архаикалық “көсемді құрбандыққа шалу” сарынымен ұқсас келеді. Аталған үрдіс қазақ хандығында да сақталып келген. Мысалы, Орынбор губернаторы Ваконскийдің мына бір күелігі бар: “Күшті ру басылары немесе топтасқан барымташылар ханға бағынбақ түгіл, оның малын тартып алады”². Тағы бір күелік: Әбілхайыр хан Ресейге бодандыққа ену туралы келісімге келгеннен кейін, ел жиыны оны өлім жазасына бұйырады және сонда бұл үкімді Барак сұлтан жүзеге асырады². Ш.Уәлиханов та осы сипатта өз дәлелін келтіреді. “Қазақтың ешқандай ханы Абылайға дейін шексіз билікке ие болған жоқ. Ол бірінші болып өз кеңестерімен хан билігін тежеп келген күшті ру басылары мен сұлтандарды бағындырды, тек халық

¹ Артықбаев Ж. Қазақ этнографиясы: Этнос және қоғам. XVIII ғ. – Караганды: ҚМУ, 1995. 168 б.

² Сонда, 169 б.

жынының ғана шешімімен берілетін өлім жазасын өзі бұйыруға мүмкіндік алды”¹.

Бумын, Еstemі, Білге, Күлтегін, Тоқыкөк қағандар “елдік” принципін басшылыққа алып, мәдени тұтастықта түрік халқы үшін басты қауіп табғаштан (Қытайдан) келеді дейді. Табғаштар жібек маталарымен қоса өздерінің өмір салтын, діні мен ділін арамызда таратып, тубінде түріктерді бодандандыруды көксейді. Сол себепті ішкі бірлікті нығайту қажет. Біз, әрине, мәдени қаһармандар ретіндегі елбасылардың орны мен қызметін әсірлеуден аулақпыз. Біорталыққа бағындырылған биліктің жеткіліксіздігі ру-тайпалық сепаратизмді өршілендіріп жіберуі мүмкін. Бұл жағдайда, Л. Гумилев айтқан, түрік тайпаларының тарихи қарғысы – рулар қақтығысы орын алды.

Қазақтың және оның арғы аталарының қоғамындағы әлеуметтік жіктер мен топтардың қарым-қатынасын марксизм түрғысынан “қанау”, “феодализм” деп сипаттаудың ауылы шындықтан алыс. Өйткені туысқандық қатынастарға негізделген көшпелі қауымда құндылықтар да басқаша сипатта болды. Осы жөнінде белгілі түріктанушы Мұрад Аджи былай дейді: “Далалықтарда зат емес, керісінше әрекет пен руханият құндылық қасиеттеріне ие болды. Шығыс мәдениеті мен шығыс дүниетанымы ең алдымен материалдық негіздерге емес, керісінше руханиятқа табылған. Сылдырмақ алтындар – бос нәрсенің сыртынан ғана жылтырауы. Ат – алтыннан да жоғары бағаланған. Тағы қылыш пен садақ. Далалыққа үш тілек қасиетті болып табылған. Біріншісі – ат ерттеп міну, Екіншісі – ет жеу. Үшіншісі – әйел алу. Шығыс мәдениетін бойына сіңірген шығыс адамының психологиясы руханияттың материалдықтан басымдығы қағидасымен қалыптасқан. Бұл өте маңызды жағдай және ол көптеген тарихи оқиғалардың, тіпті адамдардың трагедияларын түсінуге мүмкіндік береді”².

Әрине экономикалық стимулдардың төмендігінің көшпелілер үшін теріс әсері де жеткілікті: еңбек өнімділігінің бір қалыптылығы және техникалық инновациялардың жоқтығы. Бұл көшпелі қауымның батыстық, ресейлік және қытайлық экспансияға қарап тұра алмауына әкелді.

Арнаулы зерттеулерде көшпелі қауымдағы әлеуметтік теңсіздікті кемітіп, адамдық ынтымастықты арттыратын этикалық тетіктер аталып өтеді. Мысалы, қазақтың құқық мәдениеті тарихын зерттеудегі Сәкен Өзбекұлы Абайдың Шар съезі Ережелерін талдай келе, “сойыс, қонақ асын бермеген адамға ат-шапаннан түйе құнына дейін айып

¹ Ұәлиханов Ш. Аблай // Собр соч. В 5 т. т.4. – Алма-Ата: Каз. Энцик., 1985. 115-116 бб.

² Төрт би төрөнің зан-ереже түзімдері. Абақ Керей шежіресі /Дайындаған Қайрат Фабитханұлы. – Алматы, КАУ- архив, 1994. 71 б.

салынады” дейді¹. Қазақ даласын көп зерттеген И. Георги мынандай қуәлік келтірген: “...Қазақ байлары нашарларына мал бөліп береді, ал олар оның қарымтасына ырза болып өзінің қамқоршысының малына көз қырын салып жүреді. Егер кімде-кімнің табыны көбейіп кетсе, бұл Алланың ырзығы деп кедей адамдарға мал бөледі. Егер жаңағы мал иесінің болашақта ырзығы толмай жүрсе, мал алғандар еш міндет өтемейді, ал егер жұттан малы қырылса, не ұрлап әкетсе, шауып алса, не басқа бір қырсықтан малынан айырылса, бұрын ол ырза қылған адамдар өзінің жасаған жәрдемі арқылы өз малын мәңгілік қылып жібереді”². Осындай дәстүрлердің қатырында шүлең тарту (байлықтың бір бөлігін кемтар, бишара, науқас, жетім-жесірге таратып беру), қызыл көтеру (мертіккен малды 12 мүшеге бөліп сатып алып, құнын мал иесіне беру), жылу (кенеттен кедейлікке ұшыраған адамға рулық тегін көмек беру) т.т. атап өткен жөн. Олардың мәдени негізінде қонақжайлышық жатыр. Бұл феномен туралы қазақ әдебі тарихына қатысты еңбектердің көпшілігінде нақтылы деректер келтіріледі. Біз қонақжайлышықтың аңыздық, сакральды тұрғыдан әдеп пен әдет нормасы ретінде көрсетілгеніне назар аударамыз. Мысалы, Алаша хан өз байлығын үш ұлына бөліп беріп, былай деген еken: “Көшпелі өмірдің жағдайларына байланысты сендердің өмірлерін отырықшылықтан бөлек болғандықтан да оның саудасы мен базарынан әр жолаушы, қайда барса да өзіне белгілі ақыға жатар орын табады: сендердің араларында осындай ынғайлышықтың жоқтығына байланысты тараған ұрпақтарыңа, олардың бір-біріне қатынас жасауы қыынға түседі, себебі, сендер жарты күндік жолға өз қойларынды, ал одан алыс шыққанда тіптен алып жүрмейсіндер ғой, міне сондықтан менің сендерге айтатын мәңгілік өсиетім: бір-бірлеріңе барғанда тамақ үшін ақы алмандар, бір-бірлеріңе үнемі қонаққа шақырылғандай болындар, соның нәтижесінде бір-біріне қонақ асы беретін құқықты немесе ақы төлемей жататын орын және тамақ беруді пайдаланындар – осыған менен қалған байлықтың төртінші бөлігін алып, оны тек өз меншіктерің деп санамай, жалпы бөлінбейтін игілік, ғасырға кеткен енші деп танындар”³.

Әрине, миф мен аңызда қауымдық ынтымақтастық қерағар жақтарынан арылып, мұрат тұтатын қоғам ретінде суреттелген. Егер тарихи сананың шежірешілдік пен мифтік санадан айырмашылығын ескерсек, онда көшпелі қауымда “элитарлық” тұлғалармен қатар қауымға жатпайтын құлдар мен өздерін қауымнан аластағандардың

¹ Төрт би төренің зан-ереже түзімдері. Абак Керей шежіресі /Дайындаған Қайрат Фабитханұлы. – Алматы, КАУ- архив, 1994. 74 б.

² Артықбаев Ж. Қазақ этнографиясы: Этнос және қоғам. XVIII ғ. – Қарағанды: ҚМУ, 1995. 68 б.

³ Төрт би төренің зан-ереже түзімдері. Абак Керей шежіресі /Дайындаған Қайрат Фабитханұлы. – Алматы, КАУ- архив, 1994. 73 б.

болғанын ескерген қажет. Эдеп пен әдеп аймағынан өздерін тыс қойған адамдардың болғаны ежелгі мәдени мәтіндерде бейнеленген “Қой үстінде бозторғай жұмыртқалаған”, әсіреленген әлеуметтік мәдени тұтастықта ағайын арасындағы келеңсіздіктер мен араздықтар, қатігездік пен күш көрсетудің кейбір көріністері әдейі көмескіленген. Талас пен тартыс, ішкі қайшылықтар мүліктік теңсіздіктен және адам еркіндігін шектеуден туады (бұл тек марксистік қағида емес, оның әмбебапты сипаты да бар).

Көшпелі қауымдастықта жеке-дара моральдық қасиет жоғары бағаланған. Мәдени қаһарман көлеңкеде емес, тіршілік майданында толыққанды өмір сүріп, бұл дүниеден өкінбей өткен. Дәстүрлі қазақ қоғамындағы тұлғаны “Шығыста тек енжар, еріктілігі шектелген, жасампаздыққа бара алмайтын, мұлгіген адамдарды кездестіреміз” деушілер ақиқаттан алыс. Тұлға топ бастаған, жауды қайтарған, ару сүйген, өзін елі мен мұраты жолында құрбандыққа шалуға да дайын. Осындағы даралану эгоцентризмге емес, керісінше интерсубъектілікке сүйенеді. Батырлық рухпен қуатталған жырау үшін тек көвшіліктің мұддесін білу және қорғау маңызды емес. Ол колективтік ұмтылыстың бір мүшесі де емес. Оған сана мен ерік дербестілігі тән. Сондықтан жауаптылықты да өзіне ала алады.

Дәстүрлі қазақ мәдениетіндегі тұлғалық дараашылдық мұсылмандық ділдегі, әсіресе, араб-парсы әрекеттілік аймағындағы адамдық болмыс ерекшеліктерінен басқаша негіздерге сүйенеді. Кейбір белгілері бойынша оны Нара дәуіріндегі синтоистік (аруақтар мен табиғатқа табыну) дәстүрімен салыстыруға болады. Егер мұсылмандық дәстүрде адам өзінің пендешілдігінен арылып, жаратушыға жақындауы қажет деп есептеп, фәни дүниеден бақиға өтуге дайындалуы міндет болса, қазақ ақын-жыраулары осы дүниеде толыққанды өмір сұруге шақырады. Шалқиіз жыраудың Би Темірді қажылық сапарынан тоқтатуға айтқаны:

“Ай, хан ием, сұраймын:
Тәңірінің үйі Кебені
Ибраһим Халил Алла жасапты,
Ғазырейіл – жан алмауға қасап-ты.
Жығылғанды тұрғызысан,
Жылағанды жуатсаң,
Қисайғанды түзетсең,
Тәңірің үйі Бәйтольла,
Сұлтан ием, қарсы алдында жасапты!”¹.

Ру, қауым, тайпа, жұз – дәстүрлі көвшелілік әдептің іргетасы болғандығы даусыз. “У ішсең де, руыңмен іш” дейді халық мақалы.

¹ Шу батыр // Екі мың жылдық даала жыры. – Алматы: Қазақциклопедия., 2000. 129 б.

Қазақтың дәстүрлі рулық қоғамы тұысқандық қатынастарға негізделгені де белгілі. Ш.Уалиханов атап өткендей, жүз бен жүздің, жүз ішіндегі рулардың бір бірімен арасындағы қатынас нағыз тұғыз тұысқандыққа сәйкес, ал рулардың өз жүзіне деген қатынасы баланың әкеге, үлкен жүздің аға руына көзқарасы жиеннің нағашысына қатынасындей. Әрине, рулық адамның классикалық көшпелілік қоғамдағы оң құндылықтары туралы жеткілікті жазылған. Алайда, бір жағдайда ескеру қажет. Қауым жеке тұлғаны, кісіні емес, алдымен тұтастықты қайталауға ұмтылады. Бұл тұлғалық енжарлықтың бір себебі де болып табылады¹. Қазақтың бір мақалы “Женім жаман болса, жағам жақсы, өзім жаман болсам, ағам жақсы” дейді. Мақалды екі түрлі түсіндіруге болады. Бірінші жағынан, арқа сүйетін тұлғаның болуы қалыптасып келе жатқан жас өркен үшін маңызды.

Қауымшылдық құндылығы тек тікелей отбасылық негіздерге сүйенуден ғана емес, сонымен бірге аталас-руластарымен бір болумен айшықталады. Шалқиіз жыраудан бір үзінді келтірейік:

“Атаның ұлы жақсыға
Малыңды бер де, басың қос,
Бір құні болар керегі.
Бостаны бар-ды теректің,
Болаты бар-ды беректің,
Тұсындағы болған нартың қорлама,
Тұсындағы болған нартың қорласаң,
Табылмас-ты керекте”².

Қазақтың дәстүрлі әдебіндегі қауымдық арналардың басымдылығы туралы аз жазылып жүрген жоқ және оған деректерді де біршама келтіруге болады. Осы түсінік туралы біз өз назарымызды даралық пен қауымдылықтың қазақ қоғамындағы тоғысқан ұғым-бейнелеріне аудармақпыш.

Жоғары кісілік қасиеттер жеке адамдағы өрісі тар өзімшілдікten арылуға мүмкіндік береді. “Адам өзін-өзі тану жолына түспей, өзінің ішкі дүниесін толық түсінбей, мәңгілік құндылықтарды танып білмей, өмірде тыныштық таба алмайды. Нағыз өмірге мәңгілік құндылықтарды игеру, эгоистік “Мен”-нен мәңгілік “Мен”-ге көшу арқылы ғана қол жеткізуғе болады, ал бұл өзгеріс рухани даму жеке адам өмірінің негізгі мазмұнына айналғанда ғана мүмкін. Бұл қағида ханға да, қараға да ортақ бұлжымас қағида. Мәселе ханның тағында емес, оның ар-ұятында, адамшылдығы мен руханилығында”³, — дейді Г. Нұрышева. Дәстүрлі рухани қазақ мәдениетінде кісі бірден дайын

¹ Бурбаев Т. Ұлы менталитеті. – Алматы: Елорда, 2001. 42 б.

² Наурызбаева А.Б. Гуманистический дискурс западной культуры. – Алматы: КазНУ, 2001. 22, 356.

³ Нұрышева Г. Адам өмірінің философиялық мәні. — Алматы; 2001. 143 б.

күйінде дүниеге келе салатын кейіпкер ретінде емес, құрделі қалыптасу сатыларынан өтетін адам түрінде бейнеленеді. Тұысқандық қауымда адамдық ересектену кластары /сатылары/ мәдени мазмұны мен арнаулы функциялардың субъектілері негізінде жіктеледі.

Адамның кіслік ер жетуіндегі мәдени кластарды (нәресте, бала, жігіт, жігіт ағасы (отағасы), қария) тек биологиялық немесе табиғи факторлармен түсіндіру сынаржақтылыққа жатады.

Адамның ересектенуі мәдени үдеріске жатады және онда даралану мен қауымдасу бірге жүреді. Әрбір мәдени ғұмырлық топқа әртүрлі әлеуметтік талаптар қойылады. Зерттеушілер дәстүрлі қазақ мәдениетінде ересектену кластарының Африка және Полинезия сияқты аймақтардағыдан катал кәсіби шектелмегенін атап өтеді. Мысалы, Шығыс Африкада жас мөлшеріне қарай жіктелу еңбектің және жауынгерлік функцияларының қоғамдық жолмен бөлінуінің негізгі тәсілі болды: шәкірттер, кіші жауынгерлер, аға жауынгерлер, басқарушылар, ақсақалдар кеңесі. Бұл жүйеде бір топтан екінші топқа өту арнаулы сынақтар мен инициациялық рәсімдер арқылы жүргізілген. Қоғамда жеке-дара әлеуметтік-экономикалық құрылымдар пайда болған соң колективтік жауаптылық кластарының рөлі кеміп кетті және тек тарихи, мәдени құндылық ретінде сақталады. Соңғы қағида, әсіресе, генотиптік және геронтократиялық белгілері басым дәстүрлі қазақ қоғамына сәйкес келеді. Өйткені ержету кезендері қазақ қоғамында кәсіби салаға тікелей әсер етеді. Жалшының баласы қанша тырысқанымен құдай белгілеген несібесінен шыға алмайды. “Аузы қисық болса да, бай баласы сөйлесің” дейді қазақтың нақыл сөзінде. Сол себепті ержету сатылары дәстүрлі қазақ қауымында негізінен рәміздік мағынаға ие болды. Кісінің қалыптасуындағы жас мөлшерінің әсері эпос пен ақылжыраулар шығармаларында да көркем суреттелген. Бұл жерде мифтік сана мен эпикалық санадағы есесі айырмашылықтарын ескерген жөн. Көне эпос пен батырлық ертегілерде қаһарман (мәдени кейіпкер) таңғажайып жағдайда дүниеге келеді.

Сонымен бірге дәстүрлі қазақ қоғамында шектеусіз геронтократиялық билік үстемдік етті дегенге де байыппен қарау қажет. Қазақ қауымында ақсақалдардың рөлі ерекше болды. Алайда олардың билігінде әдептік-мәдени негіздер басым еді. Ақсақал атану көп жағдайда жасқа қарамай, әлеуметтік статуспен әйгіленіп отырады. Осыны қазақтың “көп жасағанан сұрама, көп көргеннен сұра” деген мақалынан да аңғаруға болады¹. Оған қоса енші бөлініп бергеннен кейін қазақ қауымында “ортақ меншік” деген болған және ол “қонақ

¹ Артықбаев Ж. Қазақ этнографиясы: Этнос және қоғам. XVIII ғ. – Қарағанды: КМУ, 1995. 134 б.

кәдесімен” қоса әлеуметтік әділеттілікті көздеген. Жесір мен жетімнің ол “бастапқы капиталы” іспеттес болған.

Қазақтың дәстүрлі әдеп мәдениетінде туысқандық құрылымдармен қатар, тікелей қандастық байланысы жоқ жеке адамдарды қауым құрамына қосуға мүмкіндік беретін “анда”, “тамыр”, дос сияқты статустық ұғымдар болған. Осы жөнінде тарихшы-этнограф Ж. Артықов былай дейді: “Құрдастық сияқты анда да бөтен ру, алыс ұлыс, басқа жүздің адамдарын бір-бірімен жақындастырады. Тіпті кейде бөтен елдің, өзге этностың кірмелері де қазақ арасынан анда тауып ел қатарына қосылып кетеді. “Құрдас”, “тамыр”, “дос”, “жолдас”, “андалар” нағыз туыстардан да шынайы жақын болады. Анда адамдар сенікі-менікі демейді, бір-бірінің бетін қайырмайды. Анда тәртібі алыс руларды, елдерді бір-бірімен туыстастырып, қоғамдық құрылымның берік негізіне өз үлесін қосады. Сонымен қатар қазақ ішінде жан дос, дос, тамыр сияқты әріптес, замандас адамдардың бір-бірімен тіл табысып, көңіл жақындастырып, араласуына мүмкіндік беретін дәстүрлі институттар бар. Жалпы қоғамдық араластық процесінде олардың тигізер ықпалы зор”¹.

Қазақтың дәстүрлі әдебіндегі индивидуалдық және қауымдық факторлардың арақатынасын қарастырғанда, оларды органикалық тұтастық немесе адамдық ынтымақтасудың көшпелілік тәртібі деп анықтауға болады. Хандық дәүірде бұл тәртіп қазақ қоғамының болмыс бітіміне сәйкес болғанымен, кейінгі трансформацияларда өзінің үйлесімдіруші функцияларынан айырылып қалды. Өйткені XVIII ғасырдан бастап қазақтың әлеуметтік мәдениеті ішкі қисындылықтан гөрі сыртқы әсерлер ықпалымен түбегейлі өзгерістерге ұшырады. Бұл әсерлер (Ресей отаршылдылығы, Қытай мен Орта Азия мемлекеттерінің экспансиясы, жонғар шапқыншылығы) қазақтың әлеуметтік мәдениетін шайқалтып жіберді.

Атамекенниң тарылуы қазақтың кісілік негіздерін шайқалттын, жаугершілік пен отаршылық әсерінен өрістеген теріс қылыштардың көбеюіне әкелді. Біз бұл жерде бодандық психологиядан тарайтын жасқаншақтық, үрей, жағымпаздық, ұлт мұддесін сату сияқты құбылыстарды айтып отырмыз. Қауымшыл кісінің (ынтымақтастық құндылығы мағынасында) орнын “пысық” пен “масыл” басты. Қазіргі замандағы әдеп пен мәдениеттен тыс пысықтар (“крутоілар”) мен альпсатарлық “масыл буржуазиямен” оларды салыстыруға болады.

¹ Артықбаев Ж. Қазақ этнографиясы: Этнос және қоғам. XVIII ғ. – Қарағанды: КМУ, 1995. 152 б.

Бодандық адамның типтік ерекшеліктерін XIX ғасырда өмір сүрген қазақ ақындары көркем суреттеген. Мысалы, Дулат Бабатайұлы бодан пысықтарды былай шеңейді:

Майырдың алса бұйрығын,
Борбайға қысып құйрығын,
Ел пысығы жортады-ай.
Өзі елді қорқытып,
Онан өзі қорқады-ай,
Алдында түсіп топаңдай.
Жарлылардың торпағы,
Бір торпаққа он болып
Пысықтардың ортағы,
Қара шығын алымы –
Бай-кедейге бірдей бол
Шаңыраққа салығы,
Ел ұйытқысы шайқалып,
Төгіліп судай аққандай¹.

Дәстүрлі әдептен айырылу тек отаршыл әкімшілікпен байланысты “жана қазақтарды” ғана емес, оған қоса бұрынғы дәстүрлі тұлғалардың болмысын құлазытып жіберді. Дулат ақыннан тағы бір үзінді келтірейік:

Мынау азған заманда
Қарасы – антқор, ханы – арам;
Батыры көксер бас аман;
Қырсыға туды қыз балаң;
Нары – жалқау, кер табан;
Құсы – күйшіл, ат – шабан;
Жырғалаң жоқ, жобалаң,
Ебі кеткен ел болды².

Қазақ мәдениетіндегі қауымдық ынтымақтастықтың шайқалып, кісілік қасиеттер өрістей алмай, теріс қалықтардың көбейгенін тек сыртқы факторлармен түсіндіру біржақтылыққа жатады. Тарихта мынандай бір қағида бар: өзі бодандыққа көнгісі келмеген елді ешкім бағындыра алмайды. Мысалы, палестиналықтарды Израил қаншама қысқанымен, олар ел азаттығы үшін күресін тоқтатқан жоқ. Керісінше, Саддам Хусейіннің авторитарлық билігі уақытында моральдық төмендеген халық, АҚШ сол режимді құлата сала мұражайларды тоңай бастады.

Отарлық қысым жағдайындағы қазақ мәдениетінде тұлғалық пен қауымдық ынтымақтастықты, ел мен ер абыроны және намысын

¹ Шу батыр // Екі мың жылдық дағы жыры. – Алматы: Қазэнциклопедия., 2000. 176 б.

² Соңда, 158 б.

қорғауға бағытталған үдерістер де болды. Тарихшылар атап көрсеткендей, отарлық езгіге қарсы құрес қазақ мәдениеті өрісінде бірнеше дараланған кісілік типтердің қалыптасуына себеп болды. А. Сейдімбек отаршылдарға қарсы 300-ге жуық көтерілістер мен қақтығыстардың болғанын атап өтеді¹. Құлдықты көтермейтін тәкаппар ерлер мен осы түйікқа тірелген жағдайдан шығу үшін жол іздеген ел даналарын жаңа мәдени қаһармандар деп қарастыруға болады. Сондай тұлғалардың бірі – Мұрат Мөңкеұлы еді. Ә. Қодар атап өткендей, Дулат пен Шортанбай сияқты Мұрат сатқын қандастарын әшкерелеп, азаттық туын жеке-дара көтеру арқылы желбіретті. Отарлық езгімен бірге келген орыстандыру саясатының халықтың адамгершілік қасиеттерін жүрдай еткендігіне налыған ақын “қоңсыдан туып би болған”, “қара кісі хан болған”, “асылзада баласының құл болып”, “асылсыз баласының ақшасына сүйеніп пұл болғанын” батыл сынайды. Оның пікірінше, халықты текті тұқымнан шыққандар ғана басқаруы тиіс, “құлдан туған төрені, ақсүйектер ұлы деп”, оған ел тізгінін ұстau “адыра қалғыр заманының белгісіне” жатады. “Діні басқалардың ел билеуін” бар пәленің бастауы деп есептеген Мұрат ақын, бекерден-бекер жылай бермей, “кейінгі туған бала үшін”, кейінгі ұрпақтың “сауабы үшін”, “күндердің күні болғанда, обалы маған” болмас үшін “дулығалы қара нарларды” атқа қонуға шақырады². Осындай ерлердің арасында Кенесары хан ерекше орын алады. Абылайдың немересі Кене хан ұлт азаттығы үшін қурестің рәміздік тұлғасына айналды. Нысанбай жырау ол туралы мынадай жолдарын қалдырған:

Қоғамы күшті ер еді,
Киімді бала тудырған.
Ықпалы жүрген ер еді,
Алтынды қылыш будырған,
Абылайлатып ат қойып,
Дұспанды көрсे қудырған –
Көп сарғайтып келмestей,
Кене хан, саған не болды?!...
Кенесары кеткен соң,
Иесіз қалды тағымыз.
Бұлбұлдай сайрап жүр едік,
Байланды тіл мен жағымыз.
Азғанымыз емес пе,
Қойшыдан сынды сағымыз.

¹ Сейдімбек А. Қазақ әлемі. – Алматы: Санат, 1997. 440 б.

² Мухамедов М., Сатершинов Б., Сырымбетұлы Б. Саяси-құқықтық ілімдер тарихы. – Қызылорда., 2002. 222-223 бб.

Артында қалған жетім ел,
Келіспей кетті сәніміз.
Ақырында, әлеумет,
Осындай болды халіміз¹.

Нысанбай жыраудың жолдарында қазақтың әдептік мәдениетіне тән, кейін жиі және орынсыз қолданудан инфляцияға ұшыраған “қофам” ұғымының жасампаз мағынасына назар аудару қажет. Оған қоса тұлғасыздандырылған қофам жетім елге айналып кетеді деген де ой айтылады. Бұл қалыпқа түспеу үшін қинала жүріп, күйзелісті басыңнан өткізіп, одан арылып, бодан адам санасынан шығу қажет делінеді.

Қазақтың әдеп жүйелеріне арналған еңбектерде XVII-XVIII ғасырлардың түйіскен шенінде қазақ халқының бірлігі ойдағыдай болмағаны расталады, оның тарихи себептері де жоқ емес. Көшпелі өркениет кезінде қазақ сай-саланы паналады, өзен-көл жағасын жағалады. Жер дауы, жесір дауы, барымта мен қарымта қазақ еліне маза бермеді. Қазақтың саяси ынтымағының әлсіз болғандығының тағы бір себебі рулық, тайпалық өмір кешуінде еді. Көшпелі өркениет кезінде ел билеу жүйесінің рулық, тайпалық болып бөлінгені оны одан әрі зандаудыра түсті. Орта ғасыр кезеңінде қазақтың этно-териториялық бірлестік ретінде қалыптасуы, табиғи географиялық жағынан көшпелі өмір қараеті, ру-тайпалық қатынастар халқымыздың жан дүниесіне өз әсерін тигізеді деу қателік болар еді². Төле би, Қазыбек би, Әйтеке би, Сырым Датұлы, т.т. сияқты тұлғаларды халық өз дәүірінде елін, жерін шапқыншы жаудан қорғап қалу, халықтың бірлігін, ынтымағын нығайту, адамгершілік, парасаттылық, ата-баба намысын, дәстүр-салтын сақтау жолында зор еңбек сіңірген, әлеуметтік ақыл-кеңес берген билердің биі, көсем би деп қадір тұтады.

Қазақ халқының бұл қадірменді билері ел басында күн туған қынышылық кездерінде, ел жиналған айт, той тұсында, жер дауы, жесір дауы, барымта дауы көтерілген жерлерде ауыл ақсақалдарымен кеңесіп, ел тағдырын бірге шешісіп келген. Кейде ауыл ақсақалдары, билері бір шешімге келе алмай қалғанда ортадан билік айтып дауды тындырып отырған³. Алайда отарлық әлеуметтік құрылымда қазақ биінің қофамдық қызметі кейін орыс әкімшілігі тарарапынан “болыс”, “старшина”, “ояз”, “аудармашы”, “писарь” сияқты функционерлермен ығыстырылған. Билік айту мен әкімшілік басқарудың арасында түбегейлі айырмашылықтар бар. Біздің зерттеу тақырыбымызға

¹ Шу батыр // Екі мың жылдық дала жыры. – Алматы: Қазэнциклопедия., 2000. 172-173 бб.

² Қосжанов А.С. Сырым бидін күкілің шешімдері. – Қарағанды: ҚарМУ, 1996. 45 б.

³ Соңда, 41 б.

қатысты мынандай тұжырым айтуға болса: болыс әкімшілдік тұлға болса, онда би – мәдени тұлға. Өйткені бидің билігі сөз (шешендік өнер) қасиеттілігіне жүгінетін ынтымақтастықтың қауымдық тәртібіне негізделгенін мына мақалдардан көруге болады; “Бір ғылымнан басқаның бәрі тұл”, “Жүртпен бірге өзінді қоса алдасып, салпылдап сағым құған бойынша епті ме?” (Абай). Ұлыс билері көпшілікке бағыну керек деген тәлім айтпаған. Бұл саясат қана, ол ғылыммен үш қайнаса сорпасы қосылмайды. Би төбеде қаралуға тиісті мәселелер қаралып болып, шешілетін мәселелер шешімін тапқан соң дәстүрлі ойын-сауық думаны өткізілетін. Бұл ойындар ақақу-сықақу деп аталатын¹. Этнографиялық деректер билердің көріпкелдікпен айналысқанын да дәлелдейді. “Мысалы: тұс жору, тұс – көрінген елес, оның қандай мәнісі бар екенін шамалау – жору делінеді. Жора – халық пікірін жинаушы билер. Би – би төбеге әр рудан сайланған алқалар. Халықтың қақ ортасында жұмыс жүргізушілер. Халық пікірін бас алқаға жеткізушілер. Халықтың қандай ой-пікірі, жағдайы бар, оны ары дамытудың немесе нашар жағдайларды болдырмаудың жолдары, бұрынғы заң ережелердің өмірге сәйкеспейтін, өзгертуге қажетті тұстары талқыланды. Демек, би – би жиынның баратын, онда ру атынан сөз алатын адамға жатады. Мәселе талқылауға қатысып, пікір білдіретін кісі, жиында қабылданған заң-ереже, қағида, жөн-жолдарды қайтып халыққа жеткізуші және соны іске асырып орындаушы. Халыққа басшылық етуші. Халықтың өз ішінен тапқырлығымен, шешендігімен, әділдігімен қатарынан озған, сынақтан өткен адам”². Қазақтың дәстүрлі қауымдық мәдениетіндегі әлеуметтік-мәдени тұлғалар мен құрылымдарды кейінгі өзгерген формалармен теңестіріп, басқа мәдени контекстіде алған дұрыс емес. Мысалы, “барымта” тұсінігін алайық. Көшпелшілік шаруашылық-мәдени тип күйзеліске ұшыраған жағдайда барымтада деструкциялық мақсаттар басым болған. Дәстүрлі қазақ қоғамындағы оның мәнісі басқа еді. Құқықтың әдебиетте оны әдет құқығының нормасы ретінде қарастырады: “Барымтаның алуан түрлі себептері бар. Біреудің ақ баталы жесірі яки некелі әйелі кетсе, біреу кісі өлтіріп, кісі өлтірген жағы тиісті құн төлеуден бас тартса, біреудің қорық жерінде малы жайылып, бұлдірсе; қыс қыстауына, жаз жайлауына біреулер рұқсатсыз қоңса; ортаға тұскен олжадан тиісті сыбаға берілмесе; тойға шақырылмай елеусіз қалдырылса; арнап келіп тұскен қонаққа тиісті қонақасы берілмесе т.б. салт-сана, әдет-ғұрып қағидалары бойынша барымталаушы ісі занды деп саналатын. Әсіресе, кісі өлімі үстінде

¹ Хасенов Ж. Ұлыс еліндегі әкімшілік жүйесінің құрылымы // ҚР Әділет министрлігінің хабаршысы – 1996. — № 4. 47 б.

² Сонда, 48 б.

тиесілі құны мөлшерінде барымталап, мал қуып алса да ерсі болмайтын. Оның әлі де болса шексіз, ретсіз қолданылуына Тәуке бірталай тыйым салды”¹. Ресей империясы құрамына енгеннен кейін және дәстүрлі әлеуметтік реттеу өзгергеннен соң барымта бастапқы мағынасын жойып, заңсыздық аймағына кетті. Әрине, өзгерген заман жағдайында ескі әлеуметтік құрылымдарды қайтадан қалпына келтіруге шақырудың теріс жақтары айтпаса да түсінікті.

Өзгерістер жағдайында қазақтың әдеп мәдениетін трансформациялауға шақырған тұлғалар ағартушылар болды. Ұбырай Алтынсариннің мына жолдарында бұл ой анық айтылып тұр:

Желкілдеп шыққан көк шөптей
Жас өспірім достарым,
Қатарың кетті-ау алысқа-ай,
Ұмтылыңыз қалыспай.
Біз надан боп өсірдік
Иектегі сақалды.
“Өнер – жігіт көркі” деп
Ескермедік мақалды...
Біз болмасақ, сіз барсыз,
Үміт еткен, достарым
Сіздерге бердім батамды².

Қазақстандағы Ресей империясының отаршылдық саясаты халықты рухани жағынан күйизеліске ұшыратты, оның діні мен діліне, әдебіне, әдет-ғұрпына, салт-дәстүріне нұқсан келтірді. Халықтың тәуелсіздіктен айырылып, бодан болуынан ұлттық мінезде ұнамсыз қылыштар көбейе түсіп, жасқаншақтық, “құлдық психология” пайда бола бастады. Қазақ елі осындай тұйыққа тіреліп, одан қалай шығуды білмей, болашағын ойлап, қабырғасы қайысқан кезде халқымыздың Шоқан, Ұбырай, Абай сынды асыл перзенттері ұлттық әдеп жүйесінің күрделі мәселелерін шешуге ұмтылды. Абай әдеп тақырыбын қозғағанда иман мәселесіне көп көңіл аударады және оны арлылық пен ұяттың баламалары ретінде түсіндіреді. Абай өз халқының бойындағы кіслік қасиеттермен қатар, теріс қылыштарды да қatal сынға алады:

Өсек, өтірік, мақтаншак,
Еріншек, бекер мал шашпақ..,—

деген өлең жолдарында Абайдың сынни этикасы көрініс тауып тұр. Хакім 34-ші қара сөзінде “Адам баласына адам баласының бәрі — дос», - дейді. Абай қазақ этикасының түбегейлі ұстанымы — “Адам болу» талап-мұратын жоғары деңгейге қойды. Абайдың тағдыры

¹ Косжанов А.С. Сырым бидін күкілшық шешімдері. — Қарағанды: ҚарМУ, 1996. 40 б.

² Шу батыр // Екі мың жылдық даала жыры. — Алматы: Қазэнциклопедия., 2000. 224 б.

метрополия айқындалап берген жолдан басқаша болып шықты. Ол бодандық адамдық тип шеңберінен шығуға талпыныс жатады. Абай орыс білімі мен ислам дінінің қазақ қабылдаған құндылықтарын тоғыстыруға үмтүлды және осы негізде заман талаптарына сай қазақ адамын қалыптастыруға шақырды. Абай тұлғасыздандырылған еуропалық білім жүйесінің қазақ қоғамына сәйкес келмейтіндігін анық түсінді және “Адам болуды“ негізгі бағдар ретінде қабылдады. Бұрынғы ислам арқылы келген шығыстық “кемел адам” ілімін Абай дәстүрлі көшпелілік кісілік қасиеттермен және еуропалық (ресейлік) біліммен органикалық турде қосуға үмтүлды. Сол себепті ол Ақыл, Жүрек және Еріктің бірлігіне шақырды. Абай Алланы жеке-дара жүрекпен қабылдайтын соғылық бағытқа жақын келді. Қазақ адамына мұсылмандық отарлық жағдайда өзіндік менді сақтайтын күш ретінде ұсынылады:

Махаббатпен жаратқан адамзатты,
Сен де сүй, ол алланы жаннан тәтті.
Адамзаттың бәрін сүй бауырым деп,
Және қақ жолы осы деп әділетті.
Руза, намаз, зекет, хаж – талассыз іс,
Жақсы болсан, жақсы тұт бәрін тегіс¹.

Абай бойынша, Алланы сую адамды суюге жеткізеді. Адамды Алла табигатқа жақын етіп жаратқан. “Адамды жаратушы, – дейді ақын, – әуелі көзді көрсін деп беріпті, егер көз жоқ болса, дүниедегі көрікті нәрселердің көркінен қайтып ләzzат алар едік? Ол көз нәзіктігінен керегіне қарай ашып, жауып тұруы үшін қабақ беріпті. Желден, ұшқыннан қаға беріс болу үшін кірпік беріпті. Маңдай теріні көзден қорғап тұруға керек болғандықтан, басқа тағы керегі бар қылып қас беріпті. Құлақ болмаса, не қоныр, не құнгір дауыс, жақсы үн, күй, ән - ешбірінен ләzzат ала алмас едік. Мұрын иіс білмесе, дүниеде болған жақсы иіске ғашық болмақ, жаман иістен қашық болмақтық қолымыздан келмес еді. Таңдай, тіл дәм білмесе, дүниеде не тәтті, не дәмдінің қайсысынан ләzzат алар едік? Бұлардың бәрі біздің пайдамыз емес пе?”². Яғни, Абай табигатпен үйлесімді адамды мұрат тұтқан дәстүрлі қазақ мәдениетінің ұстанымдарын қолдап шығады. Бірінші бөлімде Абайдың “Мен” және “менікінің” арасындағы айырмашылықты руханилықпен түсіндіретіні туралы жазып өткенбіз. Жалпы руханилыққа ден қою шығыстық және көшпелі өркениеттің айшықты белгісіне жатады. Абай да осы принципті басшылыққа алады. “Жас бала да, – дейді Абай, – анадан

¹ Құнанбаев Абай (Ибраһим). Шығармаларының екі томдық жиынтығы. 1 том. – Алматы: Фылым, 1977. 304 б.

² Соңда, 304 б.

туғанда екі түрлі мінезбен туады: біреуі – ішсем, жесем, ұйықтасам деп тұрады. Бұлар тәннің құмары. Біреуі – білсем еken, көрсем еken, үйренсем еken демелік. Мұның бәрі – жан құмары” (Абай. Шығармалары. 2 т. – 154 б.). Дуалы ауызды Абай үшін та біткен қасиет (жан құмары) – жибилиде, ал жүре біткен білім (тән құмары) – кәсіби. “Ақыл, ғылым бұлар – кәсіби. Көзбен көріп, құлақпен естіп, қолмен ұстап, тілмен татып, мұрынмен иіскеpt тыстағы дүниеден хабар алады. Ол хабарлардың ұнамдасы ұнамды қалпымен, ұнамсызы ұнамсыз қалпымен әрнешік өз суретімен көңілге түседі. Ол көңілге түсіруші бағанағы бес нәрседен өткен соң, оларды жайғастырып көңілге суреттемек. Ол – жанның жибили қуаты дүр”¹. Тәнді жаннан жоғары қоюшылық пен дешілдікке жатады. Пен дешілдік тобырлық белгілері басым көвшілікке бас иеді. Олар “ұзақтай шулайды, қарғадай барқылдайды, ауылдағы боктықтан ұзамайды”. Пенде кіслік қасиеттерін азайтып, хайуан малдан артығы шамалы болып қалады”².

Қазақ этикасын кәсіби деңгейге көтерген ұлы тұлға — Шәкәрім. Ол өзінің “Үш анық” атты еңбегінде этиканы “ар ілімі” деп атап, әдептанудың көптеген мәселелерін теориялық тұрғыдан талдады. Шәкәрім ар-ојдан о дүниеде де бар және осыған сену имандылықтың түп-қазығын құрастырады дейді. “Егер бір адам жанның өлген соңғы өмірі мен ұждан соның азығы екеніне әбден нанса, оның жүрегін еш нәрсе қарайта алмайды. Адам атаулыны бір бауырдай қылып, екі өмірді де жақсылықпен өмір сүргізетін жалғыз жол осы мұсылман жолы сияқты”, - дейді ғұлама. Ал әдеп жолы дегеніміз адам баласына пайда тигізу, жақсылық ету деп түсіндіреді. Ол үшін адам өз бойындағы кемшиліктерден арыла білуі керек, сөйтіп өз ар-ојданына кір келтірмейтіндей өмір сүруі қажет. Ар-ојданың мазмұнын нысан, қанағат, тәубе, әділет, намыс құрайды деп түсінетін ойшыл олардың мазмұнын кіслік қасиеттермен байланыстырады:

Кісіге адамшылық неге керек,
Адамдық — өзге айуаннан артық демек.
Ит талаған тәбеттей қалай дейсін,
Аямай әл келгенін жұлып жемек (Шығармалары. – Алматы: Жазушы, 1988).

ХХ ғасырдың басында қазақтың дәстүрлі әдеп мәдениетін өзгерту қажеттігін мойындаған мынадай бағыттар қалыптасқан:

1. Түркиядағы “Танзимат” және Ресейдегі милләтшілдік пен жәдидшілдік идеялары ықпалымен дамыған діни-реформистік ағым (М.-Ж. Көпееев, F. Қарааш, Г. Мұсағали, А. Әділбайұлы, Ә. Кердері т.т.) Жәдидшілдік атауын қазақ тіліне “жанару, елдікті сактау үшін жаңа

¹ әл-Фараби. Философиялық тракттар. – Алматы: Фылым, 1973. 222 б.

² Абай. Қара сез. Поэмалар. – Алматы: Ел, 1992. 22 б.

бағытты ұстау” деп аударуға болады. Осы бағыттың бір өкілі, ақын Гүмар Қараш былай деген :

Надан шейх діннің соры, күннің соры,
Бір қашпа, надан шейхтан мың кері қаш.
Құран – шам, ақыл - басшы, ғылым - құрал,
Құралсыз шекпе сапар, жолың болмас!
Айырылма жатсан-тұрсаң Құранды ұста,
Жол бастар қарандыда ол бір компас”¹.

Бұл бағыт қазақ топырағында жаңа мағынадағы «мұсылманшыл қазақ әдебін» қалыптастыруға ұмтылды.

2. “Түрікшілдік бағыт” (М. Шоқай, М. Жұмабаев, Т. Рысқұлов, М. Ходжаев т.т.)

Бұл бағыттың өкілдері түркілік өркениет тұтастығы контекстінде қазақ адебін қалыптастыруға шақырды. Бұл типтің басты ерекшеліктеріне тарихи сананы түркілік тұтастық идеясы негізінде жаңғырту, тәніршілдік, Батыс пен Шығыстан даралану, қазақ халқы түріктің қара шаңырағының иегері деп мойындау, т.т. жатады. Осы бағыттың басты ерекшеліктері М. Жұмабаевтың “Пайғамбар” өлеңінде көрнекті суреттелген.

Ерте күнде отты қүннен Гүн туған,
Отты Гүннен от боп ойнап мен туғам,
Жұзімді де, қызық қара көзімді
Туа сала жалынменен мен жуғам.
Қайғыланба, соқыр сорлы, шекпе зар,
Мен – Күн ұлы, көзімде күн нұры бар.
Мен келемін, мен келемін, мен келемін –
Күннен туған, Гүннен туған пайғамбар.
Соқыр сорлы, көрмейме әлде көзің көр?
Күншығыстан таң келеді, енді көр.
Жердің жүзін қараңғылық қаптаған,
Жер жүзіне нұр беремін, Күн берем!”².

XX ғасырдың басында қазақ қоғамында қалыптасқан келесі бағытқа реформашыл либерал-демократтық сипаттағы тұлғалар жапады және олар Алаш ұлттық қозғалысын дүниеге әкелді (А. Байтұрсынов, Ә. Бекейханов, М. Дулатов, Ж. Аймауытов т.т.).

Ә. Қодар Алаш қозғалысының руханият саласында үш тенденциясы болды дейді: а) ағартушылық (А. Бекейханов, А. Байтұрсынов, М. Дулатов); ә) көшпелі әлеммен ностальгиялық қоштасу

¹ Қамзабекұлы Д. Алаш және әдебиет. - Астана: Фолиант, 2002. 63-64 бб.

² Шу батыр // Екі мың жылдық даала жыры. – Алматы: Қазэнциклопедия., 2000. 331 б.

(Ж Аймауытов, М. Әуезов); б) жаңа ұлттық мифтік шығармашылық (М. Жұмабаев)¹.

Әдеп пен мәдениетке Алаш қозғалысының өкілдері ұлттық мұdde тұрғысынан қарады. Алдымен олар большевизм ұсынған таптық принципті бекерге шығарды және “қазақта тап жоқ” деді.

Мысалы 1919 жылы Мәскеуде жарияланған А. Байтұрсыновтың “Революция және қазақтар” атты мақаласында қазақ қауымының мұддесін білдіретін жазушы қалай болу керек деген сұраққа жауапты былай топтастыруға болады:

«Алаш жазушысы бауырмал, қазақшыл, ұлтшыл. Өйткені жүрттың теңсіздігі осы қасиетті талап етеді».

“Қазақ азamatтары мәдениет жігін жою жолындағы жұмысқа күшін, ісін сарп ету керек. Басқалармен мәдениеті теңеліп, жарыса-жармаса күнелтүге қазақ жеткен күні қазақтың қасындағылары қыңсылауды қояды”.

“Мәдениет алға басу тіршілік ісі шеберленуімен, сана-саңылауы күшеюімен болады. Тіршілік ісінен шыққан шеберлікті - өнер дейміз, сана-саңылау күшінен шыққан білімді - ғылым дейміз. Бұл екеуі де үйренумен табылатын нәрсе”.

“Оқу ісі сабактас әдебиетпен: оку әдебиетті күшитеді, әдебиет оқуды күшитеді”.

“Қалам қайратккерлерінің жұмысы - әдебиет, әдебиетсіз окуда қуаттану жоқ, оқусыз мәдениетте қуаттану жоқ, мәдениет қуаттанбай қазаққа қорлықтан, зорлықтан құтылу жоқ”.

“Азаттық асылы - мәдениетте, мәдениет күшеюінің тетігі – оқу мен әдебиетте”.

7. “Жазушыларымыз бытыранды болмай, ұйымдасып, бірлесіп іс істесе, бәлкім істері берекелі, өнімді болар”².

Алаш қозғалысы ұсынған қазақ әлеуметтік мәдениетін реформалау жобалары тоталитарлық мәдениетте жүзеге аспай қалғаны белгілі.

Кеңес Одағы кезіндегі әдеп ахуалын тікелей қарастырудан бұрын тоталитарлық қофамның моральдық негіздеріне қысқаша тоқталып өтейік. Бірішіден, адамзат тарихындағы барлық қофамдарды қауымдасу негіздері бойынша екі түрге (ынтымақтастықтың келісімді тәртібі және күш көрсетуге сүйенетін тәртіп) бөлуге болады. Егер біріншісін – тұлғаорталықтың қофам десек, екіншісі – жүйеорталықтың әлеуметтік құрылымға жатады. екіншісіне жасандылық тән, сондықтан оны “құрылыш” (улгі бойынша жасалған) деп атайды. Осы жүйеорталықтың әлеуметтік қауымдасудың қисынды

¹ Қараш Ф. Замана. – Алматы: Ғылым, 1994. 142 б.

² Қодар А. Очерки по истории казахской литературы. – Алматы: Золотой век, 1999. С. 267-268.

шегіне жеткен түрін тоталитаризм деп атайды. Фашистік тоталитарлық мемлекеттің негізін қалаушылардың бірі Б. Муссолини оған мынадай сипаттама береді: “Бәрі мемлекет үшін, мемлекеттен өзге және қарсы ештеңе болмауы керек”, тоталитаризмнің Ресей большевиктері жүзеге асырган сталинистік партия-мемлекет үлгісі жеке адам түгіл бүкіл қоғамнан жатсынған және қоғамды басып тастаған.

Көпшілік әдебиетте кеңестік тоталитаризм мен К. Маркс ұсынған “Қоғамды колективистік рухта қайта құру” феномендері жи шатастырылады. Бұл К. Маркс еңбектерімен сырттай таныс болудан шығады. К. Маркс өзінің “1844 жылғы экономикалық және философиялық қолжазбаларында” қоғамдық дамудың мақсаты “еркін индивидуалдық” деген және колективті жан-жақты дамыған индивидтердің ассоциацияланған бірлестігі деп түсіндірген. Неміс ойшылы “тұрпайы коммунизмді” қatal сынға алған. Эрине, марксизм классиктерінде дара адамдардың қауымдасуының орнына тап күресін, пролетариат диктатурасын ұсыну сияқты қазіргі заман тұрғысынан теріс пікірлер де кездеседі. Большевиктер орта ғасырлардағы схоластар Аристотельге қалай қараса, Маркс мұрасына да солай қарады. Жасампаз идеялар жасырылып, конъюктуралық ұстанымдар бірінші қатарға қойылды. Сол себепті ресейлік марксизм шегіне жеткен антигуманизмге (Альтюссер) айналды. Қазіргі телесериалдарға ұқсас айтқанда, Ресейде мутацияға ұшыраған марксизм жеңіп шықты. Пролетариат диктатурасының атын жамылған партия көсемдері мен бюрократиясының диктатурасы өмірге келді. Кейін бұл жүйе әлем халқының үштен бірін қамтыды және бекерден бекер ол “лагерь” деп аталған жоқ. Лагерьде моральдық еркіндік пен ынтымақтасқан қауым туралы сөз қозғау артық.

Коммунада бәрі араның ұясындағыдай: аналық ара, жұмысшы – солдаттар, қуылған және аластатылған дарашылдар. “Коллектив мұддесі жеке адам мұддесінен жоғары қойылады” және ауыстырылмайтын адам болмайды. Сталинге жазған хатында Ф. Раскольников “Сіз адамды жек көретін социализмді жақтайсыз” деген еken. Тек бір ғана адам еркін бола алады. Ол – харизматикалық көсем. Шын мағынасында ол - Әзәзіл. Жеке адам мемлекеттік машинаның тетігі ғана. Ең жақсы мінездеме –“революция солдаты”.

XX ғасырда мемлекеттік емес қауымдасу ұжымдарының барлығы азаматтық қоғамның белгісі деп есептелген. Ұлы Инквизитор билеген жүйеде еркін адамдық қауымдасуға орын жоқ. Әсіре-Мен жеке Менді толық бақылауға алады. Қазақ этикасы Кеңес өкіметі тұсында қайшылықты жағдайда дамыды. Социалистік құрылыш қазақы әдеп пен мінез-құлыш жүйесіне теріс әсерлерін тигізді. Кең-байтақ жерді

иемденіп келген көшпелілер табиғатынан ер мінезді, бостандық пен еркіндікті қастерлеген, өр тұлғалы қайсар халық еді. Тоталитарлық жүйе “жылқы мінезді” халықты момын “қой мінездіге” айналдырды. Шолақ белсенділер, “пысықтар”, “шаш ал десе, бас алуға” дайын тұратындар пайда болды. “Адам — адамға дос, бауыр”, “Барлық адам тең құқықты” деп ұрандатқанымен, қолында билігі барлардың арасында екіжүзділік, озбырлық, тамыр-тансыстық, жүгенсіздік, парапорлық өріс алды. “Ортақ мұдде жеке адам мұддесінен жоғары” деген ұран адам еріктілігіне нұқсан келтірді, “қуыршақ адамдарды” көбейтті. Әкімшіл-әміршіл жүйе ескінің қалдықтарымен құресуді желеу етіп, халықтың ғасырлар бойы қалыптасқан әдеп құндылықтарын жойып жіберуге барынша тырысты. “Малым — жанымның садағасы, жаным — арымның садағасы” деп келген халықтың ішінен сан мындаған мәңгүрттер шықты. Осы талдауды қазақтың дәстүрлі әдептік мәдениеті заман талаптарына сай инновацияларға икемді еді ме? — деген сұрақ төңірегінде аяқтайық. Себебі бұл ұлттың болашағына байланысты мәселеге жатады. XIX ғасырдың ортасында Шоқан Уәлиханов қазақтардың ұлттық дәстүрге деген тұрақтылығына назар аударады: «Қазақ өздерінің көне аңыздары мен наным-сенімдерін қайран қаларлық тазалықты сақтай білген. Одан да өткен ғажабы сол, байтақ даланың әр шалғайындағы әсіресе өлең-жырлар еш өзгеріссіз, бір қолдан шыққандай қайталанатынын қайтерсіз. Көшпелі сауатсыз ордадағы ауызша тараған осынау үлгілердің бір-бірінен қылдай ауытқымайтыны адам айтса нанғысыз қасиет, алайда күмән келтіруге болмайтын шындық».

Тоталитарлық қоғамдағы адамдық даралықтың шектелуі Кеңес Одағында қатал бақылауға қарамастан жеке дара тұлғалар қатарынан наразылық тудырып, қарсылық қозғалысын дүниеге әкелді. Олардың арасында зиялыш қауымның еркін ойларын, катокомбалық өнер мен тұлғааралық қарым-қатынаста өрістеген саяси анекдоттарды, диссиденттер әрекеттерін атап өтуге болады.

Тоталитарлық құрылым идеологтарының терминін қолдансақ, онда адам үшін құрес “мәдениет майданында” да жүріп жатты. Социалистік қоғамда ресми функционерлер (“шолақ белсенділер”) мәдениетті идеологиялық құбылыс деп түсініп, абстракты “коммунистік тұлға” дегенді тәрбиелеу құралы ретінде насиҳаттады. Мәдени қаһармандар “ак” пен “қызыл” саяси жіктемесі бойынша “үstem тап өкілдері” мен “еңбекшілер мұдделерін қорғаушылар” болып жасанды екі топқа бөлінді. 50-і жылдардың ортасына дейін Абайдың өзі патриархалды-феодалдық тұлға деңгейінен шықпай қалды. Дегуманизацияға ұшыраған социалистік қауымды сол себепті “тарихи қателік” деп бағалаудың негізі бар.

Енді тоталитарлық қоғамдағы қазақтың әдеп мәдениетіне тікелей көшсек, онда мынадай үрдістерге назар аударған жөн:

Кеңес Одағының басқа да халықтарындағы сияқты қазақтың төлтума мәдениетіндегі дәстүрлі әдептің ғасырлар бойы қалыптасқан тетіктері шайқалып, аномиялық жағдай мен тұлғасыздандырылу өрістеді. Қ. Әбішевтің тілімімен айтқанда, қазақтың әдебі жатболмыста әрекет етті.

Тоталитарлық қоғамдағы дәстүрлі қауымдасу мен даралану нормаларын өзгерту қүш көрсету мен жасанды схемалардың тар шеңберлері арқылы жүргізілді. Осы жөнінде Елбасының “Тарих толқынында” атты кітабында мынадай ой айтылады: “Олардың түпкі негізінде кез келген тоталитарлық доктринаның жан түршіктіретін табиғи және тарихи кінараты – адамның жеке басы мен адамдар қауымының кез келген жоспар бойынша ондауға да жондауға да бола береді дейтін түсінік жатады. Өзгені былай қойғанда, мындаған жылдар бойы жинақталған қазынаны тас-талқан қылыш қиратып, “жасаймыз жаңа дүние” дейтін тоталитаризмнің ең танымал гимнінің өзі-ақ осыған айқын дәлел”¹.

Тоталитаризм дәстүрлі қазақ қоғамында қалыптасқан қазақ адамын “Мен” дегізерлік әдептік қасиеттерінің тарихи құндылықтарына (еркіндік, азаттық, қонақжайлыштық, мәмілелік, тәубешілдік, қауымдық ынтымақтастық, үлкенді сыйлау, т.т.) орасан зор нүқсан келтірді. Әдептік сана әлеуметтік-таптық санамен ауыстырылды. Халық ғасырлар бойы құрмет тұтып келген хандар, билер, шонжарлар, батырлар, діни әулиелер, т.т. (Абылай, Кенесары, Алаша хан, Жәнібек, Қасым, Қазыбек би, Төле би, Айтеке би, Иасауи, Қорқыт т.б.) нигилистік деструкцияға ұшырады. Елбасы кітабынан осы туралы тағы бір үзінді келтірейік: “Тоталитаризмнің өзге бір “тамаша формуласы” - ұлттық сананы әлеуметтік-топтық санамен алмастыру. Сонда ұлттық сананы тастай қып бекітетін үйіткynы қалай ірітпек керек? Мұның бірден-бір тәсілі - ұлттық тұластықтың орнына топтасқан тобырды әкеліп қою. Жағдайдың насырға шапқандығы сондай, осы күнгі баз біреулердің өзі ата-тегін “заңгердің баласынан” бермен қарай тартатынын еске түсіретін еді. Ұлттық санасезімді талқандаудың қосымша тетіктері ретінде неше түрлі мифтер мен жағымсыз үлгі өнегелер іске қосылды”².

4. Тоталитаризм уақытында қазақтың тек әдептік қауымдасу негіздері ғана емес, оған қоса кіслік даралану типтері мен мендік сана- сезімінде теріс қылыштар көбейіп кетті. Бұл мәселені философ Ғарифолла Есім өзінің “Сана болмысы: Саясат пен мәдениет туралы

¹ Назарбаев Н.Ә. Тарих толқынында. – Алматы: Атамұра, 1999. 225 б.

² Сонда, 230 б.

ойлар” кітабында арнаулы қарастырады. Автордың пікірі бойынша, Абай сынаған “пысықтар” Кеңес заманында шолақ белсенділер болып шығады. “Желтоқсан оқиғасынан кейін де осындай “пысықтар” өрбіп шыға келмеді ме? Абай айтқандай, атым шығып қалсын деп, пысық журналистер, ғалымдар, партия, совет қызметкерлері халықты қуырып жібере жаздады. Олар халықтың жанды жерлері – тіліне, ұлттық мектептеіне, тарихына, өніп-өсіп келе жатқан студенттерге ауыз салды емес пе? Сол “пысықтар” қазір пәс болып, беттері қайтып қалғанымен, орайы келсе тағы да “көктеп шыға келуі әбден ықтимал”¹. XX ғасырдағы қазақ қоғамында рушылдықтың қозып кетуі де, дейді ғалым, осы “пысықтар” мен “шолақ белсенділердің” эгоистік пиғылынан туады. Бұл құбылысты жасырын түрде қазақтарды бір-біріне айдан салу үшін әкімшіл жүйе де қолданған. Мысалы, басқарушылардың әр жүзден болуын ескеріп отыру. Гарифолла Есімнің сараптауы бойынша, “шолақ белсенділіктің” теориялық негізі - ұлттық мұдде мен таптық мұддені шатастыру². Мемлекеттік “казармада” адамның тектілігі оның шыққан әлеуметтік тобымен айқындалады. Анкеталарда “әке-шешем жұмысшы болды” деп жазуға көп адамдар ынталанған.

Тоталитарлық қоғамдағы әдептік мәдениеттің органикалық формаларының бұзылуы туралы көп дәлелдер мен деректер келтіруге болады. Алайда жағдайды қара бояумен суреттей беру де сыңаржақтылыққа жатады. Жоғарыда аталып өткендей, тоталитаризм “қазақ адамын” мүлдем өз ыңғайына көндіріп, орындаушы мәңгүртке айналдыра алмады. Осыған дәлелдер мен мысалдарды көптеп келтіруге болады.

Қатал сынға ұшыраған қазақтың әдептік-мәдени құрылымдары (қауымдық және тұлғалық деңгейде де) өзіне тән ынтымақтастық, кісілік пен сұхбатшылдық құндылықтарын сақтап қалды. Оны бірнеше себептермен түсіндіруге болады.

Біріншіден, Қазақстанда индустрIALIZАЦИЯ жүргізіліп, қалалардағы тұрғындардың саны артқанымен қазақтардың басым көпшілігі ауыл-селода қоныстанды. Нақтылы тарихи жағдайда, осы кеңестік 70 жылдың ішінде қазақтың төлтума мәдениеті ауыл-селоларда өз бітімін сақтай алды, маргиналдыққа кем ұшырады, дүбารалық қатынастар аздау болды. Қысқаша айтқанда, ауыл тоталитарлық қоғамда да қазақ әдеп мәдениеті үшін ұйытқы болды. Қазіргі қазақ зиялышарының басым көпшілігі ауылдан шыққандар.

Екіншіден, Кеңес Одағында жүргізілген мәдени революцияның жағымды жақтары да болды. Жалпы сауаттылықтың қалыптасуы мен

¹ Есім F. Сана болмысы: Мәдениет пен саясат туралы ойлар. – Алматы: Эксито-Верена, 1994. 10 б.

² Соңда, 22 б.

білім-ғылым ордаларының ашылуы, ұлттық кадрларды дайындау қоғамның мәдени деңгейін көтерді. Көзі ашық қазақ зиялыштары тоталитарлық бақылау жағдайының өзінде қазақтың әлеуметтік мәдениетін жетілдіруге үлкен қызмет атқарды. Мысалы Қ. Кеменгерұлы: “Бұқарашиб орыс қиялиларының жеке дара ұстаған жалпы бақыт-махаббатына көтермеші болмай, таза Жапония жолымен жүріп, бірлік-берекеден айырылмай, ұлтшылдықты сақтау керек¹, – деді. Тағы бір ескеретін жәйт: коммунистер өзінің Батысқа қарсы текетіресінде Шығысқа иек артқысы келді. Қазақ зиялыштары осы ұстанымды пайдаланып, жалпы Шығыстың (соның ішінде - қазақтың) азаттығын армандады. Мысалы, кеңесшіл деп аталатын Сәкен Сейфуллиннің өзі “Күн Шығыстан атады!” деді.

Шын мәнісінде, 1991 жылдан Қазақстан үшін Күн атып, тәуелсіздік заманы келді. Қазіргі постиндустриалдық қоғамда әдел негіздері: тұлға мен қауымның, әлеуметтік тұтастықтардың арасалмағы түбөгейлі өзгерістерге ұшырады. Ақпараттық қоғамда Екінші дүниежүзілік соғыстан кейін даралану (индивидуализация) үдерістері бұрын-сонды болмаған қарқынға ие бола бастады. Жаңа әлеуметтік жағдайда колектившілдіктің бұрынғы формалары (социализм, корпоративтік құрылымдар, аграрлық мәдениеттен қалған қауымшылдық, т.т.) өздерінің нормативтік мүмкіндіктерінен айырылып, тарихи шектілігін анық аңғартты.

Индивидуалдану жағдайындағы теңсіздік таптық сипатынан айырылып, тұлғалық белсенділік пен жасампаздыққа негізделе бастады. Марксизм тілімен айтқанда, тапсыз капитализм орнықты. Индивид әлеуметтік реттелген қатынастар аймағынан шығып, өзі өз өмірін айқындаудың орталығына айнала бастады.

Постиндустриалдық қоғамда тек аумақты әлеуметтік құрылымдар ғана емес, сонымен бірге бұрынғы қоғамдардың ұясы – отбасы да күрделі өзгерістерге ұшырап кетті. Жеке-дара амбициялар қалыптасқан отбасылық тұрақтылықты шайқалтып жіберді, “келісімді некелер” көбейе бастады, гендерлік қатынастар бірінші орынға шықты. Басқаша айтқанда, даралану үдерістері өздерінің құндылы нәтижелерімен (еркіндік, шығармашылық, жасампаздық, таңдау, т.т.) қоса дәстүрден арылған, индивидуалдандырылған мәдени кеңістікте жаңа қайшылықтар мен ауытқуларды тудыра бастады.

Индивидуалдандырылған мәдени-әлеуметтік бірлестіктің өзіндік санасына постмодернизм жатады. Өйткені соңғының негізгі принципі – орталықтандырудан бас тарту. Соңғы жылдары постмодернизм жан-жақты талқыланды және арнаулы әдебиет те жеткілікті. Бұл мәдени феноменді тұра мағынасында “модерннен кейінгі” деп қабылдасақ,

¹ Қодар А. Очерки по истории казахской литературы. – Алматы: Золотой век, 1999. С. 381.

онда одан капитализм мен социализмнің теке-тіресінен кейін қалыптасқан өркениеттілік үлгісін аңғаруға болады. Енді постсоциалистік әлемдік тәртіп американдық үлгінің толық жеңісін білдіреді деп жариялаушыларды да тудырды. Ф. Фукуяма өзінің атышулы “Тарихтың ақыры?” атты еңбегінде енді батыстық либерализмге ашқандай балама жол жоқ, ол түбекейлі жеңіске жетті деді¹. Алайда қазіргі тарих либерализмнің жеңіске жетуіне құмән да келтіруге негіз бола алды. Біз бұл жерде қазіргі көпполярлық әлемдегі үлттық және діни қақтығыстардың белең алып кеткендігін еске салып отырымыз. Қанша ма жеке адам құқықтарын қорғаймыз деп жар салғанымен (либерализмнің басты қағидасы), қазіргі посткапиталистік (немесе постсоциалистік) билеушілер жаңа империалистік әлемдік тәртіпті орнатқысы келді. Бұған АҚШ-тың халықаралық терроризмді құртамыз деп Ауғанстан мен Иракты жаулап алуы да мысал болады. Баяғы “ақ нәсілдік адамның тарихи мисиясы” және “төменгі нәсілдерді өркениеттендіру қажеттілігі” теориясымақтары еріксіз еске түседі.

XX ғасырда бірнеше жаңа мифтер өрістеді. Солардың біріне мұқтаждықтан арылған, тұлғалық қатынастар құқықпен үйлесімді реттелген мұрат қоғам туралы утопия жатады. Бұл утопияның марксистік және жаңа либералдық үлгілері бар. Соңғысын Ф. Фукуяма тарихтан кейінгі қоғамда идеология да, философия да, қақтығыс пен мұдделер күресі де жоқ бірлестік деп суреттеді².

Алайда қазіргі өркениеттілік бағдарларын объективтік талдау аталған “жерүйіктың” әлі алыс екендігін көрсетеді. Базистік мұқтаждықтарды өтеу мүмкіндігі мұдделер қақтығысын шеше алмайды. Адамның әдептік тұлғалық қасиеттері жетілгенімен, олар жеке адамның бірлесе, қауымдаса өмір сұруге ұмтылысын бекерге шығара алмайды. Егер “Мен” тек өзім үшін ғана өмір сұрсем және ешкімге керегім болмаса, онда менің өзімнің де қажетім жоқ.

Таптық қоғамның қозғаушы бір факторына аштықтан қорқу жатса, онда жаңа ақпараттық қоғамда тұлғалық таңдау алдында үрейлену пайда болды. Осы жөнінде У. Бек – адам қаншама бай тұтынушы қоғамда өмір сүргенімен, болашағы жөніндегі қорқыныштан арылмайды дейді³.

Осы үдерістің көптеген себептерінің арасында шектеусіз даралану ерекше орын алады. Бұл шектеусіз даралану батыстық ойшылдар арасында, мифологиялық реттелген қоғамның ақыры келді деген ілімдерді дүниеге әкелді. Бірақ индустріалдық өркениеттің

¹ Бек У. Философия истории. //Антология. С. 290.

² Сонда, 310 б.

³ Сонда, 63 б.

реттелген құрылымдарынан құтыла бастаған жеке адам жаңа әлеуметтік тұтастықтардың құрсауына түседі. Гипершындық бұрынғы материалды немесе субъективті шындықтан да адам тіршілігін шектеп тастанады. Көптеген батыс ойшылдары осы жаңа жағдайда “қаупі мол өркениет” қалыптасты дейді. Олардың арасында экологиялық, тар мамандану, денсаулық, жаңа кедейшілік қауіптерін атап өткен жөн. Басқаша айтқанда, шексіз даралану әлеуметтік қауіпті өркениет үлгісін тудырады. Рухани өмірді айтқанда тұтынушылық қатынастар, құнсыздану мен жатсыну шегінен шығып кетеді. Индивидуалдандырылған қоғамда жатсыну жеке адамның өзіндік тағдырынан туғандай болып көрінеді. Бәріне “өзім кінәлімін” деген принцип А. Камю суреттеген адамдық шарасыздыққа әкелуі әбден мүмкін.

Адам мен әлеуметтік тұтастықтың арасындағы мәдени үйлесімділіктің бұзылуынан туған құнсыздану мен жатсынудың жаңа формалары Қазақстан сияқты жаңа қалыптастып келе жатқан қоғамдарда ерекше байқалады. Бұл мәселе енді ғана теориялық талдаудың объектісіне айналып келе жатқандықтан, ғылыми және көпшілік әдебиеттегі кейбір қозқарастарға салыстырмалы сараптау беріп, сосын өз тұғырнамамызды анықтайық.

Бұл мәселені басқаша қарастыратын позициялар да жеткілікті. Әсіресе, этноцентристік дүниетанымда жекешілдік, Меншілдік ұлт мұддесінде қарсы келеді деген ой айтылады. Қазақ ұлтының жалғыз мемлекетінде бірегейлену этникалық деңгейінде өту керек делінеді. “Ең алдымен, бірегейлену процесіндегі ұйтқы ұлт – мына біздер, қазақтар өзімізге жүктелген күрделі де жауапты міндептің салмағын толық сезімге алмай отырмыз. Өз елімізде отырып, атамекенімізге өзге отандастарымызды бауырға тарта қамқорлық жасаудың орнына, жетімдіктің зары өтіп кеткен бала тәрізді жеке мұддеміздің аясынан шыға алмай, айналамыздың бәріне өгейлене қараймыз. Бізге салса, “ақша бөлмейтін тас сараң үкімет те өгей”, “жиналыш ап өзге тілде сөйлейтін парламент мүшелері де өгей”, “өз өнерпаздарынан гөрі жат елдің әншілерін жарылқауға құмар кәсіпкерлер де өгей”¹.

Алайда, ұлттық бірегейлену абстрактылы ұран болып қалмауы керек. Ұлттың өзі адамдық Мен төңірегінде заман талаптарына сай модернизацияға ұшырап отыруы қажет. Мысалы, Орталық Азияның постсоциалистік ұлттарын нақтылы алсақ, онда олардың капиталистік те, социалистік те, демократиялық та, монархиялық та тәжірибелері жоқ екендігіне көз жеткізу қын емес. Басқаша айтқанда, патриархалды-рулық өзіндік сана мен тоталитарлық құрылымдардың тарихи тұйыққа апарып тірейтіні сөзсіз. Әрине, жоғарыдағы ойларды

¹ Нысанбаев Ә. Адам және ашық қоғам. - Алматы: Қаз. энцикл., 1998. 69 б.

тек оппозицияның өкілдері ғана емес, сонымен бірге ресми билікті жақтаушылар да айтады. Қазақстан сияқты өтпелі қоғамда азаматтық құрылымдар бірден пісіп-жетіле салмайды. Мәселе, мемлекеттің бағыты туралы болып отыр. Айталық Қазақстан Президенті индивидуализмге негізделген қоғамды орнатуды елдің мақсаты дейді. 2030 Стратегиясында: “Қоғаммыздығы өзгерістер ықпалымен, өзіміз көбіне оны түйсіне де бермей, құндылықтардың сапалық түрғыдағы өзге жүйесі мен адамдық қарым-қатынастардың жаңа түріне дағдылана отырып, өзіміз де түгел өзгердік, – қысқасы біз азаттық алдық. Мемлекеттік-ұжымдық дүниетанымың жекешіл дербес дүниетанымына ауысу біздің өміріміздің әрбір қырын өзгерту”¹. Жоғарыда аталып өткендей, жекешіл дүниетанымды орнықты ету орасан зор талпыныс пен ерікті қажет етеді. Осы мәселенің мәдени жақтарына назар аударайық.

Утопиялық колективизм мен бұрмаланған жекешілдіктен басқа Мендік сезім өркениеттілік құндылықтарымен үйлесімді тоғысқан қоғамға ету күрделі үдеріске жатады. Мәселенің әлеуметтік-мәдени маңызды қырына өтпелі қоғамдағы таратылған (кейде жойылған) әлеуметтік құрылымдардың орнында қайтадан құрастырылған жаңа қоғамдастықтар мен адамдық бірлестіктерді сараптау жатады. Жаңа қоғамдастықтар адамның индивидуалдық табигатына сәйкес ұйымдастырылуы қажет. Марксизмнің қоғамдық адам жобасының жүзеге аспау себебі осы ілімді дәйектің жүргізуі емес. Мәселе индивидуализм мен колLECTИZMді бір-біріне қарсы қоюда да емес. Шын мәніндегі жекешілдік эгоизм мен альтруизмді де, сұхбат пен ынтымақтасты да, мораль мен құқықты да бекерге шығармайды. Индивидуализм тұлғасыздандырылған әлеуметтік жүйелермен үйлеспегенімен, мәдени архетиптерге (“коллективтік бейсанылық негіздер”), ұлттық діл мен рухка, комплиментарлық бірегейленуге әр уақытта сүйенеді. Сол себепті әрбір жеке адамға ұлттық тарих пен мәдени мұра, мифтер мен аңыздар, батырлық жырлар т.т. аудай қажет.

Орталықсыздандыру (постмодерндік) мәдениетінде басқарушы және бақылаушы орталықтардың құрсауынан босаған индивид үшін таңдау мүмкіндігі ұлтайды. Потенциалды трансформацияның нәтижесінде және бұрынғы мұраттардың жоғалуы жеке тұлғаны, бір жағынан, белсенділікке, алға ұмтылуға, жасампаздыққа жетелесе, екінші жағынан, өз мүмкіндіктерін дұрыс бағаламауы арқылы енжарлыққа, сенімсіздікке, түнілуге, қоғамға жат қылықтарға апаруы мүмкін. Өтпелі мәдениетке тән тұлға мен қоғамдастықтардың аралық жағдайын білдіретін қалыпты маргиналдану деп атайды. Бұл ұфым

¹ Нысанбаев Ә. Адам және ашық қоғам. - Алматы: Қаз. энцикл., 1998.11-12 бб.

тікелей мәдениетке қатысты болғандықтан оған арнаулы тоқталайық. “Мәдениеттану сөздігінде” аталған феноменге мынандай анықтама беріледі: “Маргиналдық (лат. Marginali — шет, жиектегі, шекарадағы) — қоғамдағы әртүрлі процесстердің нәтижесінде (көші-қон, этномәдени әрекеттестіктер, қоғамдық жүйелердің модернизациялануы және басқа) пайда болатын, өзге мәдениет. Маргинал — дәстүрлер мен нанымдарды иеленуші бола тұра бөтен мәдени құндылықтар мен әлеуметтік рөлдерді менгеруге мәжбүр, аралық, шекаралық әлеуметтік топтардың мәдени құндылықтары, дәстүрлі нанымдары, бағдарлары және тұрмыс салттарының, басқа да элементтерінің конгломераты. “Маргиналды тұлға” ұғымын 1920 жылдары өздері үшін жаңа урбанистік тұрмыс қалпына бейімделуге мәжбүр жағдайға тап болған иммиграттардың мәдени статусы мен сана-сезімін белгілеу үшін Р.Парк ұсынды”¹.

Сонымен, маргиналдық шекаралық әдептік-мәдени кеңістіктегі ауытқушы адамдарға жатады. Олар бұрынғы құндылық аймағынан шығып қалғанымен, жаңа топтың құрамына да ене алмай қалды. Эрине, маргиналдықтың жағымды жақтары да бар: инновацияшылдық, мобиЛЬДІК, ашықтық, т.т. Алайда, марганиналдану, З.Фрейд тілімен айтқанда, Мен және Идеал-Меннің арасындағы үйлесімсіздіктен туындайды. Мысалы, Қазақстан жүргізілген реформалардың нәтижесінде бұрынғы мемлекеттік меншікпен байланысты адамдар (инженерлер, жобалау институтының қызметкерлері, зоотехниктер мен агрономдар, т.т.) маргиналдану процесіне ұшыраған. Осы жөнінде ғалым-социологтар мынандай қорытындыға келеді: “Әлеуметтік маргиналдау адамның әлеуметтік тек не өзін бір топпен бірдей санауы туралы ойларын өзгерте отырып, әлеуметтік институттарының функцияларын шатастырды, ірі және шағын әлеуметтік топтардың әлеуметтік позициясын өзгертуі, жаңа әлеуметтік топтарды дүниеге келтірді. Қазіргі қазақстандық қоғамда адамның өзін бір топпен бірдей санауы дағдарысқа ұшыратуда. Өзінің қай топқа жататыны туралы ойламайтын, не оған бейтарап қарайтын адамдар тобы көбеюде. Бұл мағынада дүние макро деңгейде ғана емес, микро байланыстар деңгейінен де топқа өзін мүше санау қатынасын бұзды. Э. Гидденстің айтуынша, ”өзін сол топпен бірдей санау субъектінің әлеуметтік қатынастар мен байланыстарға қосылуының бірден-бір тәсілі болып саналады, ал бұл процестің күйреуі қазіргі қоғамның автономизациялануын сипаттайды”².

¹ Мәдениеттану сөздігі/ Құлсариеva A. ж.т. б. – Алматы: Сорос қоры, 2001.168-169 бб.

² Әжепов M., Садырова M. Қоғамның әлеуметтік құрылымы. – Алматы: Қазақ университеті, 2002. 91 б.

Қазіргі қазақстандық әдеп мәдениетінде басқа да қайшылықтар мен қындықтар жеткілікті. Алдымен көзге түсे�тіні – адамгершілік мәдениеттің төмендеуі. Егер тоталитарлық жүйеде қоғам мемлекет ішіндегі бағынышты тетікке айналса, онда көптеген посткеңестік елдерде қоғамдық құрылымдар мұлдем елеңбей қалды: бір жағынан, өзінің мәнді белгілері бойынша тұлғасыз көшілікке (масса) айналған халық бұқарасы бар. Екінші жағынан, жүйелер теориясы бойынша, құрылымы біртиптес тұтастық түбінде деградацияға ұшырайды. Әрине, Қазақстан және ТМД-ның басқа елдерінде жаңа әлеуметтік-мәдени құрылымдар қалыптасып жатты. Алайда олар билеуші топтың белсенділігіне қатысты болды. Халықтың онда ісі аз болды.

Халықтың бұқаралық мәдениеттің теріс жақтарын өз бойына жылдам сініріп алуының тарихи себептері бар. Біріншіден, еліміздің негізгі тұрғындары қазақтар мен орыстар ғасырлар бойы қауымшылдық ділде әрекет етті. Мысалы, Ресейдің “алтын ғасырындағы” соборлық идея жеке индивидтің ар-ожданы негізінде қоғамдасуын білдіреді. “У ішсөң де, руынмен іш” деген қазақтар менталитеті айтпаса да түсінікті. Жоғарыда дәстүрлі мәдениеттегі тұлға мен қауымның арақатынасы белгіленген. XX ғасырдың аяғында дейін ол өз тұрақтылығын сақтап келді. Социалистік құрылыштағы “коллектившілдік” турасынан алғанда қауымшылдықтың ерекше түріне жатады.

Бұл сипатта мына бір теориялық қағиданы ескеру қажет: қоғамдастық, қауым, неше түрлі коorporativtіkter (клан-ру, діни ұжымдар, отбасы, мамандық, спорттық бірлестіктер, клубтар, мұдделері құрылымдар, т.т.) адамдық келісімнің нәтижесінде өмірге келеді және оған тәуелді болып отырады. Сол себепті тұлғалық және әлеуметтік бірлестіктер тарихи-релятивтік болып келеді¹. Қоғамдастықтың относительдігі (салыстырмалылығы) әлеуметтік-мәдени феномендерінің де шарттылығын тудырады. Мысалы, КСРО тарағаннан кейін отарсыздану үдерістері әлемдік өркениеттіліктің басқа тарихи жағдайында өтіп жатыр. Өйткені XX ғасырдың 60-ы жылдарындағы отарсыздану Батыс метрополиясы емес, бұрынғы метрополияның үлкен болса да бөлігінде жүрді. Сол себепті этнократиялық ұстаным тарихи үдерістердің жалпы бағытына сәйкес келмейді, индивидуализмге негізделген қоғамды құру үшін батыстық немесе ресейлік құндылықтардан алшақтамай, қайта олармен ұлттық архетиптерді сақтай отыра конвергенцияға бару қажет.

Автордың жалпы шыншылдық тұғырнамасы шығармашылық сипатта болғанымен бір нәрсені естен шығармаған жөн: жетілген өркениеттерде этноцентризм өзінің позитивтік қуаттылығын

¹ Қодар А. “Мустанги и пони: поле десоциализации // Тамыр. – № 2 (4). - 2001.С.3.

жоғалтқанымен (мысалы, АҚШ-тың әлемдік қауымдастық пікірін ескермей, басқа елдердің ішкі істеріне араласуы), көптеген ғасырлар бойы отар болып келген елдердегі ұлтжандылықтың мәнісі мен табиғаты мүлдем басқа.

Сонда да Абай бастап берген өз қофамы мен адамы бойындағы теріс қасиеттерді объективті тұрғыдан сынау жағымды. Ол жағымсыз қатынастар мен қылықтардан арылуға себебін тигізе алады. Тек әмбебапты әділдік принципі бағыт беруші тетік қызметін атқарып отыруы қажет.

Индустриалдық және бұрмаланған тоталитарлық қофамдардың дағдарысыстанған және тұлғасыздандырылған әдептік құрылымдарды шекті. Оның негізінде өркениеттік дағдарыс жатыр. “Өркениет” термині бұл жерде адам мен қофамның барлық деңгейлерін біріктіре алатын құрылымды білдіріп тұр. Үшінші толқын көпшілікке арналмаған жоғары сапалы индивидуалдық құндылықтарды көздейді. Ұлтшылдық ескі индустріалдық қофамның туындысы. Ақпараттық өркениетте индивидуалдық құқық нормалары қофамдық мұдделерден жоғары қойылады. Ғаламдану ұлттық “шекараларды” бұзып отырады. Бұл жерде екі бағыттың құресі қазіргі әлемдік өркениеттердің қарым-қатынастарының мазмұнына айналды. Осы екі бағытқа ғаламдану мен ұлттық-мемлекеттік төлтумалықты сақтау жатады.

Бұл, әрине, тым “қоюланған” сценарий. Ғаламдану мен постиндустриалдық өркениеттің теріс жақтары жәнінде жеткілікті жазылған. Біздің назар аударатын мәселеміз: осы постиндустриалдық қофам ондағы тұлға әдебін қалай өзгерту? Басты жауап: Үшінші толқын мәдениет, құндылықтар мен моральды индивидуалданғырды¹. Орталық өзінің көптеген функцияларын шет аймақтарға бере бастады. Өйткені өзгермелі қоршаған ортада ақпарат орталыққа жеткенше ескіріп кетуі мүмкін. Тотальдық иерархиялық құрылымдар тиімді нәтижелерге жете алатын мобиЛЬДІК топтармен ауыстырыла бастады. Индивидуалистік мәдениет өндірістік-элеуметтік қатынастармен бірге білім беру саласын да қамти бастады. Бұрынғы мектептегі типтік бағдарламалар бойынша стандартты оқыту мен күнделікті қарадүрсің тексеру постиндустриалдық өркениет талаптарына сәйкес болмай шықты. Елдерді сандық өлшемдер бойынша салыстырудың орнына келген адамдық даму индексінің (білім деңгейі, өмір узақтығы, тіршілік сапасы) тиімділігі қанша болса, жалпыға бірдей білім берудің орнына мақсаттық, дара, арнаулы білім беру де сонша тиімді.

Бұқаралық емес мәдениетте азшылықтың рөлі ерекше артады. Үндемейтін көпшілік индустріалдық немесе тоталитарлық қофамдарға тән. Бір мақсатты көздеген миллиондар шектеусіз

¹ Центральное Азия и культура мира. – Бишкек. - № 1-2 (8-9), 2000. С.148

қиаратушы күшке, массаға айналып кетуі мүмкін. Егер осы миллиондар өздерінің индувидуалистік мақсаттарын жеке түсініп және осының негізінде үйлесімді әрекетке барса, онда біз орнықты дамитын өркениет үлгісін көреміз. Кейін тарихшылар жалпыға бірдей дауыс беруді және көпшілік мұддесін ескеруді архаикалық рудимент деп қарастыруы мүмкін¹.

Бір жағынан, маркстік философияда шынайы ұтымды нақтылы жалпылық деген ұғым бар. Оны тұтастықтың жеке ерекшеліктері айқындалған, көптүрліліктің бірлігі деп анықтауга болды. Саяси жағынан индивидуалдандырылған қоғамдағы демократия өкілеттік емес, тікелей қатысуши демократиямен ауысады. Егер сайлаған өкілдер біздің көзқарасымызды дәйекті жүргізе алмаса, онда өз көзқарасымызды өзіміз жүргізуіміз керек. Мысалы, “электрондық парламент” арқылы; Интернет жүйесін де естен шығармаған жөн. Мәселе қашанда орталықсыздандыру арқылы шешіле бермейді. Мәселені шешудің жолы – жауапкершілікті арттыруда. Экзистенциализмің терминімен айтқанда, кез келген адам барлығы үшін жауапты. Керісінше емес. Онда анонимді әдепсіз қоғам пайда болады.

Жоғарыда келтірілген қағидалар қазіргі өркениеттілік тенденцияларын сараптаудан алынған. Енді осы тенденциялар мен қазіргі Қазақстан шындығын салыстыра қарастырайық.

Осыдан бұрын аталып өткендегі, Қазақстандағы тоталитарлық жүйені қазіргі өркениеттілік үлгілерімен (нарық, азаматтық қоғам, демократия, т.т.) ауыстыру жергілікті элитаның белсенділігімен және қол жеткен тәуелсіздікті нығайту ұрандарымен жүргізілді.

Еркіндік пен теңдік арасындағы дисгармонияны болдырмау тұлғалық және әлеуметтік мәдени құндылықтардың арасындағы амбиваленттік қатынастарды уақытында айқындалап, нақтылы тарихи жағдайларды ескере отырып, үйлестіру шаралармен байланысты. Бұл жерде жалпы үлгі, схема жоқ. Сонда да әлемдік тәжірибелерден тағылым алған артықшылық болмайды. Мысалы, Латын Америкасында өткен рестратификация мен жекешелендіру элита мен халық бұқарасының арасында терең шатқалдың пайда болуына әкелді және көпшіліктегі сауатсыздық пен саяси мәдениеттің төмен деңгейі экстремизм мен терроризмің пайда болуына себептер болды. Осы сияқты құбылыстарды Ауғанстан сияқты мұсылман елдерінен де байқауға болады.

Егер Қазақстанда өтіп жатқан рестратификация мен десоциализация үдерістеріне назар аударсак, онда сол “латынамерикандық дамудың” жаңа түрлерін анғаруға болады.

¹ Центральное Азия и культура мира. – Бишкек. - № 1-2 (8-9), 2000. С.155.

Мысалы, соңғы жылдары бұқаралық ақпарат құралдарында (әсіресе, теледидарда) “зомби” туралы жиі айтылып жүр. Аталған ұғымның көркемдік, көпшілік мәдениетінде – табыстық-кассалық мағынасынан басқа рәміздік (символдық) мазмұны бар. “Тірі өлік” немесе зомби деп көптеген жағдайда рухани мәдениеттен тыс адамды айтады. Зомби тарихи-мәдени жадыдан тыс адам. Зомбиге жақын типтік ұғымға мәңгүрт жатады. Бұл Ш. Айтматовтың көрген бейнесі кейін әлеуметтік-мәдени рәмізге айналған. Осы ұғым жөнінде арнаулы талдау біршама жеткілікті болғандықтан, оның кейбір жақтарына ғана назар аударайық. Тәуелсіздік жылдарында рестратификация мен бірегейлену біздің елімізде этникалық доминанттар ықпалымен (тәуелсіздікті, егемендікті, жер мен ел тұтастығын сақтау, т.т.) жүргізілгенде қазір деңгеленіп, кейбір зерттеушілер қазақ мәдениетіндегі еki субэтнос (қазік тілді және орыс тілді қазактар) туралы жазып жүр. Біздің ойымызша, осындай бөліністің кейбір негіздері болғанымен қазіргі өркениеттілік үдерістері мен индивидуалданған қоғамда оның жасандылығы да айқын көрініс табады. Басқаша айтқанда, этности тілдік негіз бойынша жіктеу мәдениеттанулық у-хрония мен у-топияға жатады. Архаикалық және патриархалдық-кландық сананың белгілі бір өкілдері орыс тілді қазақ мәдениетінде мәңгүрттік белгілер бар дегенді де шығарады. Өйткені олар үшін рухани мәдениет қоршаған орта мен заман талаптарына оқшауландырылған мұражай сипаттас болып келеді¹. Бұл сана ежелгі туысқандық қатынастарды адамдық пен кісліктің жоғары үлгісі деп жариялады. Қазақстанда бұрын “ауыл - ұлт тірегі” деген тіркес “ұлтжанды” интелегенция өкілдері тарабынан жиі айтылады. Ауыл шаруашылығына жүргізілген деколлективизациядан соң оның да мәнділігі азайып, ауылды жаңғырту бағдарламасының жағымды мүмкіндіктері де бар екенін мойындау қажет. Қазіргі постмодерндік қоғамдастықта тұлғаның төмендегідей қасиеттері жоғары бағаланады: автономдық, атомарлық, жасампаздық, еркіндік, шығармашылық. Осындай дара тұлға үшін ең басты әдептік ұстын – “құлдық ділден” аралу. Ол “коллектившілдік нарциссизмнің” де мәнісін түсінеді². Орталықсыздандырылған дискурс постмодерндік әлеуметтік мәдениеттің басты белгісіне жатады. Адам – негізгі капиталға айналды және бұл жай айтыла салған сөз емес.

Философ Н.Садыков қазіргі Қазақстанда екі түрлі моральдық бағыттағы өркениетті құру бағдарламасы бар дейді, біріншісінің жасампаздық мүмкіндіктері төмен және архаистік санадан нәр алады. Оның басты сипаттарына жататындары:

¹ Қодар А. Казахстанская культура от миражей к реальности // Тамыр. – № 1 (2). - 2000. С. 7.

² Соңда, 7 б.

- ру-тайпалық және тоталитарлық инерция;
- мәдениетті пайдасы шамалы сала деп санау;
- “толымсыздық комплексі” немесе “ұлттық мания”;
- әлемдік өрекениеттік үлгілерімен салытырмалы зерттеулерден үрейлену;
- шындықты жасыру, жаңа мифтерді, репрессиялық сананы қалау¹.

Келесі бағдарлама әдептік мәдениетті заман талаптарына сай қалыптастыруға бағытталған:

- субъекторталық ұстаным;
- мәдениетті әмбебапты реттеуші тетік және сұхбат деп қарастыру;
- жеке адам санасына манапуляция жасауды тоқтату;
- XX ғасырдың бейбіт мәдениеті құндылықтарын (демократия, адам құқықтары, азаматтық қоғам, орнықты даму, толеранттылық, күш көрсетпеу т.т.) қабылдау².

¹ Садыков Н. Культурные смыслы культуры // Тамыр. –№ 1. 1999. С. 70.

² Бейбіт мәдениеті жолында /Нұржанов Б.Ф. , т.т. – Алматы: ҚазМУ, 2000. 100 б.

ҚАЗАҚ ФИЛОСОФИЯСЫНДАҒЫ АДАМНЫҢ ДУНИЕГЕ ЭТИКАЛЫҚ ҚАТЫНАСЫНЫҢ ЕРЕКШЕЛІКТЕРИ

Дүниетанымдық кеңмәтіндегі этикалық қарым-қатынастар, жалпы қазақ философиясындағыдай, жыраулар шығармашылығында адам және адамзат қоғамы үшін ең құнды қатынастар ретінде қарастырылады. Қазақ жырауларының тәртіпке этикалық көзқарас логикалық ойлаудан жоғарырақ дейтін ойлары бұл орайда өте түсінікті. Олардың ұғымында әлемнің әзотериялық бірлігі - әлемнің ең түпкі негізі – әлемнің бастамасы деп аталатынның жердегі өмірде шындыққа айналуы.

Осылайша дүниетанымдық kontekste этикалық қарым-қатынастар адам мен адамзат қоғамы үшін ең зор құндылыққа ие қарым-қатынастар ретінде қарастырылады. Олар адам дамуының мақсаттарынан және оның қоғамдағы мінез-құлықтарының өлшемдерінен гөрі ауқымдырақ нәрсені қамтиды және білдіреді, өйткені субъект мінез-құлқы оның дамуы мен өлшемдерінің мақсаттары, даму құралдары мен салдарлары сияқты рационалды сэттерден де тұрады. Этикалық салада субъектінің өздігінен қозғалуы және өздігінен дамуы шындығында бастапқы болып табылады. Ол Гегель философиясында классикалық түрде ашып көрсетілген. Рас, оның философиялық мұрасында субъект пен рух көбінесе объективтік дамудың заңдары арқылы көрсетілген.

Қазақ жырауларының дүниетанымында субъектінің өздігінен дамуы әзотериялық кеңістікпен байланыс арқылы ашылған. Субъектілік дамуда тек объектілік қана емес, әлдеқандай тылсымдық та бар, ол – субъектінің өзіне ұқсастар әлеміндегі еркі. Бұл орайда этикалық қарым-қатынастар адамның субъективтік әлемімен тікелей байланысатынына орай, бұндай субъективтік, және сонымен бір мезгілде объективтік этиканың негізгі объектісі моральдық сана, субъектінің өз мінез-құлқы мен іс-әрекеттері үлгісін саналы турде таңдауы болып табылатынына орай.

Жартылай көшпелі өркениетте әлемге қарым-қатынастар жүйесінде белгілі бір рухани тәртіп болды, қазіргі замандағы зерттеулерде оларды сыртқы мінез-құлықтың тар шеңберлері және дұрыс қарапайым ойлау дағдылары және үйғарымдар арқылы түсіндіру мен шектеу логикаға тіпті жат болар еді. Тіпті керісінше, жеке тұлғалардың немесе әлеуметтік топтардың мінез-құлықтары бұл жерде бір-бірімен өзара және қоршаған әлеммен қарым-қатынастың айрықша рухани кеңістігімен, медитациялардың, құдайға құлшылық

етумен толғаныстардың айрықша кеңістігімен толығады. Оған әзотериялық қарым-қатынастарды: субъективтік өзін тануды, импровизацияны, мистикалық тәжірибелерді, шамырқанған шабытты, ресми мораль мойындаған және мойындамаған әдеттен тыс және соған ұқсас құбылыстарды жүзеге асыру үшін қажет бос кеңістік ретінде анықтама беруге болар еді.

Бұл кеңістікте субъектінің бостандығы мен тәуелсіздігі тек өзін өзі жетілдіру, даму мен интуицияны жетілдіру арқылы әлемнің әзотериялық бірлігін түйсіну қабілеті арқылы, сидай-ақ ойдың өзіндік және әлеуметтік жетілу жолдарын жүзеге асыратын тұрақты жұмысы нәтижесінде ғана мүмкін болады.

XVIII–XIX ғғ. қазақ халқының көрнекті тұлғалары - жыраулары, билері және т.с.с. біршоғыр ой-өнер саңлақтары өздерінің мәдени, әлеуметтік, құқықтық және поэтикалық шығармашылығы арқылы осы текстес аса мол мұра қалдырыды.

Осылайша, “әтика” және “әтикалық қарым-қатынастар” ұғымдарын қазақ жырауларының шығармашылығына қатысты пайдаланар болсақ, “жақсылық” пен “жамандық” категориялары немесе “әлеуметтік заң” және “мінез-құлық ережелері” ұғымдарын мүмкіндік деңгейінен гөрі кеңірек мәнде ұғыну қажет. Сөз, біріншіден, бұл қарым-қатынастардың діни астары туралы және екіншіден, тұлғаның жеке және әлеуметтік әзотериялық мәнде өзін табуы мен өзін іске асыру турагы болып отыр.

XVIII–XIX ғғ. қазақ ойшылдарының бүтін нәрсе ретіндегі әлемнің мазмұны мен пішіні қатысты көзқарастары, қатаң сын тұрғысынан айтқанда, терең дүниетанымдық және логикалық мазмұнға ие, ол мазмұнның және қазіргі замандағы философияның онтологиялық мәселелерінің аясын кеңейтеді. Әлем мен адамның әзотериялық бірлігі, сондай-ақ бұл бірліктің қажеттігі де төмендегідей пікірлер арқылы дәлелденеді:

- егер субъективтік идеализм субъект өзінің қабілеттері арқылы өзі үшін объективтік әлем қалыптастырады деп сендірсе, ал объективтік идеализм Абсолют, Құдай материалдық әлемді жасайды деген және т.с.с. пікір ұстанса, жыраулар философиясында субъект сананың, еріктің, іс-әрекеттің, өмірлік қуаттың, сезімнің және т.б. иесі ретінде қарастырылады;

- субъект екінші және ол тек өзін қоршаған объективтік әлемді бейнелей алады деген пікірді ұстанатын материализмге қарама-қарсы субъектінің белсенділігі дәлелденеді. Мұндай ерекшелік натурфилософияда орын алады, онда субъект тіпті енжар;

- бұл сияқты пікірлердің кез келгені субъектіні дара бірдеме, жақсы жағдайда айрықша бірдеме ретінде түсінуге негізделген. Шын

мәнінде, құдай да діндегі жеке және еңжар материалдық табиғат түріндегі өзінің “өзгеше бірдемесін” жасаушы ретінде және толығуы үшін табиғи даму жетіспейтін Абсолют те осындаі;

- әрбір жеке индивид сонымен бірге өзі арқылы жалпыға ортақ заңды және әлдеқандай жалпыға ортақ қарым-қатынасты білдіретін бірдене;

- субъектінің өздігінен дамуы мен өзін-өзі табуы да осынау жалпыға ортақ қарым-қатынастың бейнеленуі;

- сонымен бір мезгілде бұл – адамның иррационалды бастамасы, оның еркінің, оның ой-өрісінің, сана-сезімінің, қуаныш - қайғысының, трансценденттік және субъективтік бастамаларының және қабілеттерінің иррационалдық негізі;

- барлық жеке субъектілер - әрқайсысы өзінің белгілі бір шамасына қарай өз бойына иррационалдылықты да, сондай-ақ жалпыға ортақты да сіңірушілер. Олардың әзотериялық бірлігі мен әлемнің әзотериялық бірлігі осында жатыр;

- әзотериялық бірліксіз, яғни жеке заттардың, объектілердің, және субъектілердің “бойындағы” жалпыға ортақтықсыз ешқандай – табиғи да, рухани да бірліктің болуы мүмкін емес. Сол арқылы жалпыға ортақтықтың, ерекшелік пен даралықтың имманенттік бірлігі пайда болады.

XVIII–XIX ғғ. өмір сүрген жыраулардың дүниетанымы түрі мен мазмұны бойынша шығыстың классикалық менталитетіне етене жақын. Бәрінен бұрын тұтастай қабылдау “архетипін” сактауы және білдіруі арқылы, оның үстіне олар жоғары мәдениетті идеологиялық, этикалық және эстетикалық феноменге дейін дамытты.

Архаикалық санада әлемді түйсінудің барлығын білдіретін жаппай бүтіндік сыртқы әсердің ықпалынсыз, ішкі себептер арқылы иррационалдық өзін-өзі сезінуді білдіру және сонымен бір мезгілде мәдени, моральдық, саяси және басқа (емшілік культі, шаманизм, көріпкелдік және басқа культтер) қарым-қатынастарды бейнелеу болды.

Қазақ ойшылдары, жыраулары идеялық-образдық және поэтикалық шығармашылығына тән құндылықтардың бірі олардың өз туындыларында дүниетанымның осында “аса зор” мінсіз түрін сақтай білгендігінде жатыр. Оның үстіне олар бұрынғы дәстүрлер рухын дамыттып қана қоймай, оны қазақ халқының болашағына да бағышталған мұлдем жаңа гуманистік, авторлық, жігерлі, ғибраттық, этикалық, идеологиялық және эстетикалық мазмұнымен толтыра білді.

Қазақ ойшылдарының, жырауларының қазақ халқы дүниетанымын қалыптастырудың бұдан маңыздылығы кем

соқпайтын жетістігі ретінде олардың философиялық және дүниетанымдық ақиқат іздеулерінде метафизикалық көзқарастардан өзге пансубъективизм, метасубъективизм де орын алғандығын есептеу қажет.

Мұндай философиялық көзқарас аясында ең бастысы әлемнің аса субъективтік бастамасы идеясы мен жалпыға ортақ заңдар шеңберіндегі субъективтік бірлік идеясы болды. Бұл көзқарас субъективтік әлемнің жалпыға ортақтығын, субъективтік заңдардың қолданбалылығын объективтік әлемге, заттарға, құбылыстарға телиді.

Философияда бұған рухы жағынан жақын эзотериялық бірлікті әр жағынан сипаттайтын пантеизм, панлогизм, панпсихизм, парапсихология және т.б. мектептер жақсы белгілі.

Қазақ ойшылдарының туындыларында бұл субъективтік негіз, біріншіден, айрықша бірдеме, жерге игілік немесе көктің қаһары, яғни тәнірілік билік, тәнірілік әманация (жер асты әлеміне аттану) жіберілетін қеңістік ретінде көрсетіледі. Адам бұл қеңістікте рухани, моральдық (мейірімді немесе қатыгез) тіршілік иесі болып табылады, ал заттар әр алуан заңдар мен қарым-қатынастардың негізін бойында сақтайды және өзі арқылы білдіреді.

Әлемнің көзге көрінбейтін субъективтік негізін ең дерексіз мағынада тірі немесе эзотериялық субстанция ретінде атауга болады.

Ей, айтшы, Алланы айт.
Аты жақсы құдайды айт.
Төрт шадияр, Мұстафа,
Мұсқап ашқан ғаламды айт.
Тәнірім сөзі бұрқанды айт.
Кәлим Алла - Құранды айт.
Тәнірім салса аузына,
Жан жолдасың иманды айт¹.

Бұл субстанцияны Аристотель “энтелехия”, Платон “әлемдік рух” деп атады. Көптеген көне ілімдерде, біздің пайымдауымызша, ол бірыңғай әлемнің субъективтік бастамасы ретінде ұғынылатын Логос ұғымымен белгілі бір дәрежеде байланысты. Оның объектілерге және объективтік әлемнің құбылыстарына шартты түрде қолданылуында И.Кант оны “өзіндік зат”, яғни, құбылыста берілмеген және түйсік арқылы сезілмейтін деп атады. Гегельде бұл – абсолюттік рух.

Экзистенциализм оны онтология шеңберіне, болмыс категориясының шекарасына көшіріп, экзистенция, Меннің субстанциясы немесе ең жоғары тұрган Мен деп атады. Даосизм

¹ Қазақ хандығы дәүіріндегі әдебиет. Алматы, “Ана тілі”, 1993, 101-б.

философиясында бұл субстанция “бос кеңістік” деп аталған, ежелгі материалистік ілімдерге бұл “праматерия” деген атауға ие болды. Ал диалектикалық материализмде ол екінші дәрежедегі категориялар қатарына қосылды. Бұл философиялық категориялар, бастапқы логикалық анықтамалар философия ғылымында ешқандай дамымады.

Жаңа заманнан бергі Батыс Еуропа философиялық мектебі ақылестің, ойлы адамның күшін паш етіп, аясында заттық, тәжірибелік сапаларды және қарым-қатынастарды талдау, рефлексия мүмкін болатын дәлелденетін категорияларды зерттеу жолымен жүрді.

Осылайша Батыс Еуропа философиясы мен ғылымында негізінен бірыңғай сезім мен тәжірибелік объективтік мәліметтеріне сүйенетін логицизм шеңберімен шектелген зерттелуші объектіні қарабайырландыру жолы таңдалған алды.

Еуропаның И.Кант секілді көрнекті ойшылдары, экзистенциализм мен иррационализмнің өкілдері, өздерінің рационализмнің тар өрістілігі жөніндегі сындарында бұл зерттеушілік бағытта айрықша философиялық көзқарастар ұсынды, бірақ олар бытыраңқы, тұтас емес әлемді көрсетті.

Қазақ жырауларының дүниетанымында әлем, ғарыш эзотериялық субстанцияның арқасында толысқан бүтіндікке, жоғарғы, орта және төменгі әлемдердің арасындағы байланысқа ие болады. Қазақ ойшылдарының поэтикалық мұрасында этикалық қарым-қатынастардың жаңа аспектісі, әлем мен адамның, олардың бірлігін және өзгешелігін түсінудің тарихи алғышарттарының бірі зерттелген. Сонымен біргі әлемнің мұншалықты аса зор, синтетикалық ұлгісі қазіргі заман ғылымынан логикалық танымның құралдарының бірі ретінде рационалдық ойлаудың да, интуицияның да басын қоса алатын айрықша әдістемелік, терең философиялық көзқарасты талап етеді.

Қазақ ойшылары “қоғам–адам” қарым-қатынасының идеялық, әлеуметтік және дүниетанымдық мазмұнына да маңызды үлес қосты. Қазақ жырауларының әлемдік суретінде этика мен этикалық көбінесе адамның сәулелендіруші енжар санасынан гөрі жігерлі, белсенді бастамасы ретінде түсіндіріледі.

Олар өздерінің замандастарына, мемлекет қайраткерлеріне, батырларға, хандарға, билерге, жауынгерлерге және жастарға еш уақытта маңызын жоғалтпайтын моральдық құндылықтарды бағалауға және сақтауға шақырып, сөз арнайды.

Жауынгер жыраулардың туындыларында өз ісінің актығын тек сөз жүзінде ғана емес, егер оппонент автордың адалдығына және ізгі ниетіне күмәнмен қарап, ұрысуға бел байласы, қолына қару алғып та дәлелдеуге дайындық аңгарылады.

Жыраулардың рухани және мәдени құндылықтары әлеуметтік өмір мен моральдық сананың жалпыға ортақ контексіне көпшілік мақұлдаған дәстүрлер мен жаңа көзқарастардың жаңашылдық бірлігі болып табылады. Олар өздерінің халқын діни және адамгершілік бастаулар мен дәстүрлерді маңызды, өмір сынанан өткен моральдық өлшемдер ретінде сақтауға шақырады. Жалпыға ортақтыққа қосылудың дара рухани құралы ретінде өзін-өзі жетілдіруге шақырады.

Көшпелі ер адамның өміріндегі ең басты әлеуметтік мақсаттардың бірі - қадірлі тұлғаға айналу, далалық әлеуметтік иерархияда лайықты орын алу. Жас жігіт, жас жауынгер өз алдына ізгі мақсаттар қоюға: Отанның сарбазы - қорғаушысы, дәuletті ер-қожайын болуға, және содан кейін мемлекеттік, тұрмыстық және отбасылық істерде данышпан басшыға және кеңесшіге айналуға міндетті. Жастарға үндеулерінде жыраулар осыған сәйкес ғибратты кеңестер айтады.

Қазақ жырауларының шығармашылық мұрасында қалдырылған рухани құндылықтар саласында, поэтикалық суреттерде адамның ойланып жасалған таңдауына негізгі акцент жасалады. Мінез-құлық пен әлеуметтік қарым-қатынастардың олар теріс деп есептейтін ерекшеліктері олардың туындыларында сыналады және рухтың әлсіздік танытуының белгісі ретінде бейнеленеді.

Бұл образдар мен суреттер әсерді ширата түсетін сияқты көрінетін арнайы тәсілдің көмегімен көрсетілген. Әлеуметтік өмірдің әр алуан ұнамсыз құбылыстары мен қасиеттері, ұнамсыз кейіпкерлер мен образдар, салыстырмалы түрде алғанда шағын сюжеттік көріністе бейнеленген. “Тығыздаудың” мұндай метафоралық тәсілін жыраулар жағымды қасиеттерді бейнелеуде де өте жиі пайдаланады. Ол оларға субъективтік түйсіну энергиясын арттыруға көмектеседі, көпшілікті субъективтік энергияны бейнелеп отырған суреттің фонындағы дербес бірдеме ретінде сезінуге мәжбүр етеді.

Ойластырылған адамгершілік таңдау жыраулардың өздері салған әлемнің поэтикалық суретіндегі ұғымдарында өз еркін субъективтінің рухани тәуелсіздігін оның өзінде, қофам өмірінде және қоршаған әлемде бейнеленген жалпыға ортақ қарым-қатынастарға жігерлі түрде талпынушылығын білдіру болып табылады. Мұндай пішінде адамгершілік таңдау этикалық анықтамаға дәлірек сәйкес келетін императив болып табылады. Бұл терминнің мағынасы дәл осы жағдайда кеңейтілді және біз өзіміз жоғарыда сүйенген эзотериялықты түсіндіруге түзету енгізу арқылы нақтыланды.

“Этикалық императивте” субъектілердің барлығының эзотериялық та, сондай-ақ ерік пен интуицияның иесі ретінде реалды

қарым-қатынастарындағы бірлігі сәулеленген. Адам сананың, рухтың, иерархиялық қеңістіктік статустың иесі, мақсаттар, іс-әрекеттер, мінез-құлдықтар және ең бастысы, рух арқылы өзін-өзі табу түрінде жүзеге асырылған жеке және әлеуметтік қарым-қатынастардың субъектісі ретінде ұғынылады.

Әлемді түгел көрсе де,
Алтын үйге кірсе де,
Аспанда жұлдыз аралап,
Ай нұрын ұстап мінсе де,
Қызыққа тоймас адамзат¹.

Этикалық императивті осылайша толық ұғыну XVIII–XIX ғғ. мәдени ахуалды тереңірек түсінуге көмектеседі. Түркі халықтарының көптеген көне культтері, рухани және әлеуметтік-тұрмыстық культтер, Шыңғыс ұрпақтарының иерархиялық культтері, исламның ықпалдары, исламның мистикалық бағыттары және басқа культтер далалық өмірдің рухани дүниесін толықтырды. Олар жиынтықталған түрде “адамзаттан жоғарғы” бастамалардың, өздерінің түпкі тектері көктің билеушісінен, аспаннан, әр түрлі тотемдік және анимистік символ – ата-бабалардан бастау алады деп санайтын әuletтердің әрқылы архетиптерін бейнеледі.

Рух пен қоғамдық сана қызметінің бұл жағы әлі күнге дейін толық зерттеле қойған жоқ, субъектілердің өздерін табуы - түсіндірілуі қын рухани қызмет. Қазақ және басқа халықтардың тарихында олар өзін тану, өздігінен даму арқылы білінеді. Танымның бұл түрінің жолында ең бастысы олардың өміріндегі өз орнын танып-білуі, сананы әлемнің абсолюттік бірлігі жүйесінің, “әлем–адам”, “қоғам–адам” және т.б. және т.с.с. қарым-қатынастар жүйесінің ішіне “орнату” процесі болып табылады. Сол сияқты адам қоғамының танымы жетілуі және практикасы процестеріндегі эзотериялық және реалды бастамалардың бірлігі мен дамуы да осында жатыр. Жыраулардың көзқарастары бойынша адам мен қоғам дамуының бұл жолында іс-әрекетке негізгі басшылықты этикалық императив пен тиісінше ыңғайластырылған интуиция атқаруы тиіс. XVIII–XIX ғғ. қазақ ойшылдарының ауызша және сонымен бірге музикалық мұрасы бірінші кезекте идеялық және образдық мазмұнға негізделетіні баршаға аян. Бұл туындылар олар Еуропа философтарының еңбектерінде логикалық дәлелдемелерге, логикалық пікірлерге, категориялар мен ұғымдарға құрылмаған. Көптеген зерттеушілер

¹ Қазақ хандығы дәүіріндегі әдебиет. Алматы, “Ана тілі”, 1993, 104-б.

бұдан қазақ жырауларының ойлау сипаты мен тәсіліне синкретизмнің жасаған ықпалын аңғаруы әділеттілікке жатады. Мұндай түсіндірумен сөз поэзияның олар пайдаланған дәстүрлі түрлері туралы болған жағдайда ғана келісуге болады.

Қазақ жыраулары туындыларындағы әлем құрылымдары, оларды негіздеу Шығыс және Батыс Еуропа философиясындағы осындай көзқарастардан өзгеше. Бұл айырмашылықтың мәні мынада жатыр. Еуропаның рационалды философиясы Аристотель заманынан бері танымның ойлаудың таза логикалық түрлері арқылы жүзеге асатын жолын таңдады. Оның көмегімен философтар негізінде ақыл-парасаттың, сол сияқты заттық, табиғи әлемнің түрлері мен мазмұнын анықтайды, олардың бірлігі мен зандарын, еркениеттің дамуындағы техногендік бағыттарды айқындайды. Логикалық ойлау адамның рухани және танымдық қабілеттері иерархиясында алғашқы орынды иеленеді. Образдардың рөлі бұл тұста ұғымдардың мазмұндық шеңбері енгізілген бағынышты, енжар фигуralар дәрежесіне дейін құлдыратылған. Образ мұндай түсіндіруде тек сәулелендіруші, енжар бірдене болып табылады.

Шығыстың философиялық дүниетанымы мен танымы арнасында іс басқаша сипат алады. Адамның субъективтік қабілеттерінің иерархиясында басым және негізгі рөлді интуициялық білім, әзотериялық кеңістік және олардың бірлігі атқарады. Субъективтік қабілеттер мен объективтік білімнің осы аймағын бұл жерде жалпыға ортақтықтар сапына қосады. Осыған орай шығыстың философиялық мектептерінің көпшілігінде логикалық ұғымдар мен образдар өзара теңестірілген және таным процесінде интеллектуалды бірін-бірі толықтыратын түрлер рөлін атқарады. Сондықтан бұл тұста адамгершілік көмекші ұғым немесе образдық емес, категорияның рөлінде көрінеді. Бұл категория адамгершілікті рух ретінде және әлемдік үйлесім бастауларының бірі ретінде айқындайды.

Сонымен бірге образдар шығыстық дүниетанымда екі түрге бөлінеді: бірінші қарапайым түрі – бұл сәулелендіруші, жинақтаушы образдар, ал, екінші, құрделі түрі – норма, аксиома ретінде қызмет атқаратын және рухты, жалпыға ортақтықтың мәнін білдіретін образдар.

Біздің ойымызша, образды рухани өлшем ретінде шығыстық ұғыну, істің шын мәнінде, ойшылдың интуициялық нұрлану сәтін сәулелендіру жөніндегі әрекеті болып табылады. Субъект санасының өзіне-өзі бүтін мен бөлшектің “архетипі” ретінде назар аударуы табылған жаңа арақатысты рухани өлшем ретінде бекіту сәті образ жалпыға ортақтықтың таңбасынан әлі арылмаған сәт болып табылады. Бұндай сәттерде ол, әлі де болса, жалпыға ортақтықтың сәйкестігі

жуықтау немесе алшақтау, “басылымы” болып табылады. Образдың өлшемдік мазмұны интуиция кеңістігінде және санада әрі қарай танудың құралы ретінде сақталады. Таным процесінің бұл аспектің ұғымдар мен образдарды өзара теңестіреді. Бұл тылсым сәт жаңа түрдің, жаңа білімнің, негізгі аксиоманың екі теңдігі, бірін-бірі толықтыратын жақтары болып табылады.

Ұғынудың кез келген образы белгілі әлемдік суреттен немесе әлем онтологиясынан шығады және таралады. Талданып отырған тарихи кезеңнің дәл өзінің жағдайлары мен оқиғалары ықпал жасамай тұра алмады. XV–XIX ғғ. аралағындағы кезеңде оларға төмендегілерді жатқызуға болады:

- қазақ халқының жат жерлік басқыншылармен аса ауыр күресте қорғаған аумақтық және экономикалық тәуелсіздігі;
- қазақ халқының жартылай көшпелі өркениетінің мәдени және рухани кеңістігінің дербестігі және салыстырмалы түрде өзімен-өзі болушылығы;
- көптеген көне түркі тайпаларының бір мемлекет туының астында бірлесіп өмір сүруі;
- мемлекет аясында бір статуспен бірігүе ұмтылған көптеген діни және әулеттік қульттердің бейбіт қатар өмір сүруі;
- ұлттық бірлікке жаппай ұмтылыс жағдайында қоғамның рухани иерархиясындағы орын үшін шиеленіскең бәсекелестік құрес;
- көшпелі адамның дүниетаным жүйесіндегі өзін-өзі тану және рухани өзін-өзі табу процесінде “жалпыға ортақтық – даралық” және “даралық – жалпыға ортақтық” қарым-қатынастарын іздеуге бағытталған санасты;
- жеке және топтық импровизацияның (айтыс), жеке поэтикалық және музыкалық шығармашылықтың дамыған түрлерінің кеңінен таралуы.

Бұл жағдайлар тарихтың субъектісі ретінде этностиң сана-сезімінің елеулі түрде өсуіне, оның дүниетанымында және ұлттық сана-сезімінде субъективтік фактордың күшеюіне, жеке адамның сана-сезімінің толысұына мүмкіндік ашты.

Қазақ жырауларының дүнияуи көзқарастары бұл сыртқы тарихи және ішкі рухани жағдайларға тірелмей тұра алмады. Таным мен ойлау процесіндегі басты тұлға ақиқатқа ұмтылған субъектінің өзі екені мойындалады. Адамның ойлау процесі барысында аксиома түрінде жаңа артықшылықтар мен басымдықтарды анықтауға рухани қабілеттілігінің маңыздылығы олардың түпкілікті білімге қол жеткізуінде емес, оның жетілуге және өздігінен жетілуге қабілеттілігінде жатыр.

Жыраулардың дүниетанымында адамгершілік – бұл әлеуметтік өмір аясында субъект іс-әрекеттерінің тек жеке бір түрін ғана бейнелейтін категория болып табылады. Олардың айтқан пікірлеріне, образдары мен идеяларына қарағанда, субъект жанының интуицияның нұрлану сәтінде қызмет етуіне мүмкіндік туғызатын, адамның оның барлық әлеуметтік байқалуларында, өз өмірінде қадір-құрметке лайықтылығын анықтайтын ең басты, белсенді жағдайларының бірі болып табылады. Олар үшін ең бастысы – адамгершілігі мол адамның есейе келе жеке тұлға, әзотериялық бірліктің субъектісі ретінде бұрынғыдан да гөрі қадір-құрмет көруге лайық бола түсетіндігі. Бұндай жағдайда ол әлеуметтік өмірде де үйлесімге қол жеткізуге мүмкіндік туғызады.

Адамның теріс пиғылдары бұған кедергі жасайды. Олар субъект бойында жалпыға ортақтықтың бұрмаланған, жалған бейнесі көрінуіне себепші болады. Бұл ондағы жалпыға ортақ қарым-қатынастар әлемнің әзотериялық бірлігінің үйлесімі принципіне қарама-қайшы келетін ішінана өзімшілдікпен алмастырылуына байланысты болады.

Біздің теориялық талдауымыз барысында оңай аңғарылатындей, қазақ ойшылдарының ойлау тәсілі жан-жақты еріктік бастамаға негізделген. Олардың түсінігі бойынша ерік - әлдеқандай жалпыға ортақтық, ейткені ерік субъективтік, сонымен бірге объективтік. Тәнір – аспан ретінде аспанның ерік немесе құдай, сондай-ақ қоғамдық: хан әuletінің, халықтың, әлеуметтік топтардың және т.с.с. еркі, сипаты болады. Олардың туындыларында ерік образдар мен кейіпкерлердің сипаты, қуаты және бірлігі, идеялық-көркемдік, танымдық және дүниетанымдық мазмұн мен кеңістіктің бүтіндігі, этикалық және рухани контекстер оған тәуелді болып тұратын басым фон ретінде көрсетілген.

Бұл тұста жыраулардың ойлауы ұғымдардың, образдардың, символдардың және жеке түсініктердің синкретизміне сүйенеді. Олардың барлығы жиынтықталған күйде айрықша бірлікті немесе бүтіндік тұрлерінің жүйесін құрайды. Сондықтан олар интуициямен және ойлаумен байланысты және мұнда бүтіндіктің дүниетаным аясындағы парадигмасы болып табылады.

Қазақ ойшылдары танымдық kontekste толық негізді түрде алдыңғы қатарға кез келген танымның субъективтік негізі ретіндегі этикалық максиманы шығарады. Бұл максима адамның жетілуі мен өзін-өзі жетілуі, өзін тануының құпиясы болып табылады, ал оның этикалық бастамасы, этикалық императиві осыдан шығады.

XVIII–XIX ғғ. қазақ ойшылдары этикалық императивінің одан бұрынғы барлық моральдық кодекстерден және әдет-ғұрыптардан

түбірлі айырмашылығы бар. Көшпелі қоғамда “қан орнына қан алу” күштінің күштің артық құқыққа ие болуы сияқты сарқыншақтар бой көрсетуімен қатар жауынгер жыраулар жауынгерлік рух пен ақылгөйдің, ұстаздың аса ізгі рухын бойына сінірген жаңа дүниетанымның иесі болып табылды.

Әскербасы жыраулар мен батырлар жаулардың жасақтарымен және өз айналасындағылардың сатқындығымен, зұлымдығымен күресте қазақтардың бақытына, әлеуметтік және түрмисстық әділеттілік мұратына қол жеткізуге ұмтылды. Олардың арнауларында, образдарында және символдарында адам қарым-қатынастарының рухани аспектісін дамытуға талпыныс аңгарылады. Олар докторлармен мінез-құлықтың қарабайырландырылған стереотиптеріне, адам қызметінің бағалануына қарсы болды.

Соғыстар, алауыздықтар және билік үшін қан төгіс күрестер заманында өмір сүрген жыраулардың ізгілігі қарапайым рецептер мен жобалар ұсынатын аңғырт ізгіліктен өзгеше. Олардың биік моральдық өмір салты мен мінез-құлықты есiet етуінің, соған үндеуінің негізінде тәнірілік көрегендікке, сенім, әлемнің, адамдардың және олардың іс-әрекеттерінің әзотериялық біrlігіне сену жатыр. Өздерінің ерліктерімен, қадір-құрметке лайықтылығымен және әлемдік, әлеуметтік және дара кесапатпен күресімен олар әзотериялық біrlіктің нығаюына мүмкіндік туғызады, өз отбасы мен атамекенін қорғайды. Және олардың игі идеялары мен образдарына орай тек осы жағдайда ғана олар өздерін “тәнір жақтан от ішіндегі ұшқынға” санай алады. Олардың көзқарастарының және әлемнің, қоғамның және адамның біrlігіне ұмтылыстарының өздеріне тәn ерекшеліктерін осыдан да аңғаруға болады.

Олардың көзқарастары бойынша, кемелденгендік, артықшылық - егер олар біr-bіrіne көмектесу, жетілу, әлеуметтік даму үшін және жамандықтың барлық түріне қарсы күреске қызмет ететін болса, адам өміріндегі аса қажетті нәрселер. Жетілудің түрі ретіндегі рухани артықшылыққа қол жеткізу үшін адамнан ізгілік, адамдар арасындағы біrlікті ұғыну, интуицияға ие болу және құдай санасына ерекше нұр құйғандар ғана байланыса алатын әзотериялық кеңістікті сергек түйсіну талап етіледі. Өздерінің идеялары мен шығармашылығы арқылы жыраулар Алланың ерекше нұрына бөлениген тұлғалардан өзгелерге беймәлім осынау тылсым мәнділікті мүмкіндігінше жалпы жүртшылық түсіне алатындау етуге ұмтылды.

Жалпылама сипаттама бергенде, қазақ ойшылдарының тылсым сырлы біlіmі мынаны біldіреді: кез келген танымның, ақиқатты іздеудің, іс-әрекеттің, мінез-құлық пен қылықтардың негізінде жалпыға ортақ қарым-қатынас жатады, атап айтқанда, субъектінің

бойында әлемнің күнделікті және әзотериялық бірлігі, яғни жалпыға ортақтық болады; оның игі мақсаты бұл бірлік пен өзін-өзі жетілдіруге аялы қарым-қатынас және мүмкіндігінше талпыну болып табылады.

Сондықтан:

- сенің өзіндегі және өзгелердегі жалпыға ортақтықты үнемі басшылыққа алу;
- жетілушілік және жалпыға ортақ зандылық ретінде интуицияны жетілдіру;
- кез келген артықшылықтың негізі мақсаты қайырымдылық болсын деп іс қимыл жаса;
- қоршаған ортамен бірлігінді негізге ала жақсылықтың жамандықтан, интуицияның (бүтіннің) бөлшектен басымдығын сақтай отырып іс-әрекет жаса;
- кез келген даралықтан жалпыға ортақтықтың, ақиқаттың өлшемін ізде, соған сәйкес іс-әрекет жаса;
- жетілу сен үшін де, барлығы үшін де, кездейсоқ жағдайларда да, кез-келген қарым-қатынаста да көрінетін, байқалатын етіп іс-әрекет жаса;
- моральдық сананың мақсаттары – даналық, ақиқат, адамның қадір-құрметке лайықтылығы және қоғамның ізгілікті ілгері басуышылығы;
- парасатты жауынгердің мақсаты – жамандықты жазалаудың негізі ретінде, өситет үшін, ру мен барлық халықтың бірлігі үшін және Отан үшін жалпыға ортақтыққа қосылу;
- сенің тағдырың - жалпыға ортақтықтар сапындағы сен жасаған тандаудың тек себебі ғана емес, сондай-ақ салдары да.

XVIII–XIX ғғ. қазақ жырауларының әлемді тану жөніндегі ұстанымдарында танымның жолдары мен білімнің ақиқаттығының маңызды принциптері анықталған. Білімнің ақиқаттығы зерттелетін заттың, кеңістіктің, уақыттың, мекеннің бірлігіне және ол байланысты болатын бір ғана қарым-қатынасқа ғана емес, сондай-ақ осы құрамадас бөліктердің субъективтік қабылдаудағы сапалық бірлігіне де тәуелді. Олардың барлығы бір мезгілде тек бір ғана интуициялық нұрлану актісінде байқалған, демек бір ғана жалпыға ортақ қарым-қатынас бүтін мен бөлшектің бір қарым-қатынасы арқылы қосылған жағдайда біріге алады. Керісінше жағдайда ақиқаттан алшақ ыдыраңқы, кірме құрамалар болып шығуы мүмкін. Бұл мәні жағынан әл-Фарабидің, жалпылама мазмұнда айтсақ, айтылғаның ақиқаттығына сену сонымен бірге ойшылдың беделіне сенуге негізделуі мүмкін дегенді білдіретін пікіріне жақынырақ.

Құнды қасиеттерге даналықты, шешендікті “сөз сарасын” жатқызатын қазақ жыраулары адам күші мен талантының пайдаланылатын негізгі саласы әлеуметтік өмір “істің логикасы” деп есептеді. Жыраулардың халық игілігі үшін атқарған ізгі қызметі нәтижесінде қол жеткізген қоғамдық дәрежесі олар үшін халықты ізгілікті өмір салтына басты талап ретінде шақыруын паш етуге қажетті бастау тірек қызметін орындайды. Жырау жетілушілікке, қазақтардың бірлігіне, адамның табиғатпен, әлеммен бірлігіне талпынудың этикалық принципіне негізделген ісі, ойлары және іс-әрекеттерінің бірлігі олардың аса биік әлеуметтік мен шығармашылық жетістіктерінің, қазақ халқына сіңірген енбектерінің өзіндік себептерінің ең бастыларының бірі болып табылады.

Қазақ ойшылдарының, жырауларының шығармашылығымен қатар Далалық өлкеде басқа жанрлар да – аныз-жырлар, ақындар айтыстары, жеңіл әуенде әндер және әдет-ғұрыптарды әнмен орындау да кеңінен таралды. Олардың барлығының да түпкі тегі көне дәуірлерде жатыр және олардың кез келгені Далалық өлкеде өзінің айырықша қызметін атқарды. Еуропа ғалымдарына жиын-тойлар кезінде көшшіліктің, бай туысқандарының көңілін көтеруді өз міндеттеріне алған ақындар, жыршылар, өлеңшілер, салдар, серілер және поэзияның басқа да жанрларының дүлдүлдері жақсы белгілі. П.И. Пашино: “Қырғыз (қазақ), немен айналысса да, үнемі ән салады және міндетті түрде суырып салушылықпен айналысады”, – деп жазады. Өз ісінің шебері болып табылатын әрбір ақын өз жанрының зандастырына сәйкес Далалық өлкеде әлемге, табиғатқа, қоғамға және өз замандастарына әзотериялық қарым-қатынастың ұлттық дәстүрлерін одан әрі дамытты және таратты.

Қазақ хандығының бір орталықта бағынған мемлекет ретінде құрылмағаны, бірнеше ұлыстардан – ірі әкімшілік бірлестіктерден тұрғаны белгілі. Ибн Рузбихан Исфаханидің мағлұматына қарағанда, XVI ғ. басында олардың саны он шақты болған¹.

Мемлекеттің басында азаматтық, әкімшілік және әскери билікті бірге жүргізген хан отырды. Мемлекет басқару ісі дәстүрлі құқыққа-датқа және мұсылмандық құқықтың өлшемдеріне негізделді. Дәстүрлі құқықты XVII ғ. соңында Тәуке хан “Жеті жарғы” зандар жинағы түрінде толықтырды. Бұл оқулықтың авторлары одан әрі қарай былай деп жазады:

“Қазақ қоғамы соңғы ортағасырлық дәуірде әлеуметтік-экономикалық қарым-қатынастарының дамуы бойынша

¹ Байпаков К.М., Күмеков Б.Е., Пищулина К.А. История Казахстана в среднике века. Алматы: “Рауан”, 1999. С. 129.

патриархалдық-феодалдық қарым-қатынастар деңгейінде болды, ал қалыптасқан қазақ мемлекеттігі феодалдық еді”¹.

Ғылымда ұзақ уақыт үстемдік құрған қазақ мәдениетіне тар өрісті таптық көзқарас қазақ халқы мәдениетінің барлық байлығын, оның әзотериялық, дүниетанымдық және философиялық байлығын ашып көрсете алмады.

Ұзақ жылдарға созылған өзара қырқысулардан, тонаушылықтардан соғыстардан және әскери женістерден кейін жаулап алушылар назарынан тасаланып қалатын және терең ұлттық дүниетанымның, идеяның, мұраттардың, ұғымдардың және образдардың тұла бойында сақталатын әзотериялық қарым-қатынастардың байлығы жөніндегі жаңа түсініктемен толысты. Бұл олқылық қазіргі заман ғылымынан жан-жақты байыпты зерттеулер мен толықтыруларды талап етеді.

Жыраулар шығармашылығын ғылыми саралаған белгілі зерттеушілердің бірі – М.Магауин. Оның “Кобыз и копье” атты монографиясы түгелдей қазақ ойшылдарының, жырауларының шығармашылығына арналған. Оның кең ауқымды әрі тыңғылықты теориялық талдауы XV ғ. төлтума әдебиетінің негізін қалаушылар Асан Қайғы, Қазтуған, Доспамбет, ал XVI ғ. Шалқиіз және басқалар екенін ашып көрсетеді. Одан берігіректегі кездің ақын-жыраулары, XVIII ғ. Бұқар жырау және басқалар “қазақ поэзиясының озық дәстүрлерін терендете әрі кеңіте дамытты... Ол (Бұқар) жекелеген туындыларында Еуропа поэзиясының үлгілеріне жақындал келді, ал Абай оны қазақ даласының топырағына көшірді”².

Басқа қазақ ғалымдары мен философтарының әдебиеттанушылық және философиялық монографияларында және ғылыми еңбектерінде қазақтың ұлы ойшылдары болып табылатын қазақ жыраулары шығармашылығының идеялық-тақырыптық және образдық мазмұны толық та терең ашып көрсетілген. Табиғи-әлеуметтік қарым-қатынастар жүйесінде қазақ жыраулары импровизациялық шеберлікті аса биік деңгейге көтере дамытты, бұл туралы қазіргі замандағы ғылыми әдебиетте көп жазылған.

Сөз болып отырған кезеңдегі саяси, дипломатиялық және әскери жағдайдың жеке адамнан және жартылай көшпелі қазақ қоғамының барлығынан зор күш-қуат көрсетуді талап еткені баршаға аян. Жат жүрттық басқыншылардың-жонғарлардың әскери шапқыншылығына қарсы көп жылдық күрес, “Ақтабан шұбырынды” аталаған қайғылы кезең және одан кейінгі жылдардағы жау әскерлерін қаһармандықтың

¹ Байпаков К.М., Күмеков Б.Е., Пищулина К.А. История Казахстана в средние века. Алматы: “Рауан”, 1999. С. 131.

² Магауин М. Кобыз и копье. Алматы: “Жазушы”, 1970. С. 154.

небір тамаша үлгілерін көрсете отырып, ойсырата жеңу көшпелілердің мәдени кеңістігіндегі азаттық рухын және тәуелсіздікке талпынысты бұрынғыдан да гөрі күшейте тұсті.

Сол уақытта жартылай көшпелі қазақ қоғамының өзін қоршаған аумақтық және саяси кеңістіктен қолдау, мүмкіндігінше, озығыр мемлекеттердің дүшпан ниеттерінен қорғаныс іздеудің өзін өзі ақтаған қажеттігі туындарды. Ресеймен жақындасу және оның қол астына кіру процестері тарихи-саяси, көзқарастар тұрғысынан қарағанда, толығымен түсінуге болатын әрқылы шиеленістермен және қарама-қайшылықтармен араласа жүрді. Исадай Таймановтың серігі, әрі досы болған Махамбет жырау шығармашылығы – осындай идеялық-тақырыптық рухтың нәтижесі.

Қазақ жырауларының және күллі қазақ халқының көшпелі қоғамының ілгері қарай дамуы жөніндегі әрқылы көзқарастары одан кейінгі уақытта Қазақстанның XVIII–XIX ғғ. Ресейдің қарамағына енуіне ықпал жасады. Бұл қоғамының дұрыс-бұрыстығы жөнінде көшпелі қоғамда біріне бірі кереғар пікірлер болды. Қазақ халқының ықпалды өкілдерінің бір бөлігі сыртқы жау күштерге қарсы тұру үшін қуатты көршілердің бірімен, бұл жағдайларда болмай қоймайтын құрбандықтарға қарамастан, қосылу керек деп есептеді. Егер сол замандағы көшпелі қоғамға ізгі ниетті әлемдік қауымдастықтың, “әлем–адам” игілікті әлемдік процесінің бөлшегі ретінде қарасақ, бұл қабылдауға болатын көзкарас.

Қазақ ақсүйектерінің басқа бір бөлігі бұл жағдайда табиғи және өзге де құрбандықтар қосылуға қарсы болған және отаршылдыққа қарсы құрескен жағдайдағыдан гөрі көбірек болуы мүмкін деген жорамал айтты. Бұндай көзкарас техникалық жағынан жақсы жабдықталған, бірақ техникалық жағынан нашар дамыған көршісінің дамуына мүдделі емес қоғам оның мәдениетін жоюға ұмытылуы мүмкін деген ұғымға келеді. Бұл пікір көптеген тарихи объективті толыққанды негіздерге сүйенеді және нақты әлеуметтік құбылыстарды олардың барлық қайшылықтарымен ұғындырады.

Бұл тарихи кезеңде Қазақстанның сыртқы қарым-қатынастарына әлеуметтік заңдылықтың күші әсер ете бастады, оған сәйкес көршілес тарихи субъектілердің мақсаттары объективтік заңдылыққа сәйкес өзара қарама-қайшылыққа түсіу мүмкін және тиіс еді. Гегельдің қарама-қайшылықтардың бірлігі мен курес заңында бұл аса логикалық және мазмұнды түрде ашып көрсетілген.

Тілге тиек болып отырған жағдайда, қазақ халқының XVIII–XIX ғғ. тарихында қоғамдық сананың, дүниетанымның, дүниетанымдық және одан басқа барлық қарым-қатынастардың одан кейінгі даму барысына ықпал жасаған мәдени-тарихи оқиға болды. Жартылай

көшпелі өркениеттің әлеуметтік және рухани ахуалы кейінірек түзеле бастады. XIX ғасырдың екінші жартысында, яғни Ағартушылық дәуірі деп аталған кезеңде Ш.Уәлиханов, Абай Құнанбаев, Ы. Алтынсарин және басқа да қазақтың қайраткерлері, ағартушылары қазақ халқын орыс, ал ол арқылы Еуропа және әлем мәдениетінің қазыналарынан сусындауға шақырды.

Олар қазақ ойшылдары, жыраулары рухани мұрасының мәні мен мазмұнын толық сақтай отырып, қазақ мәдениетінің гуманистік бағытталушылығын жалғастырды. Олардың дүниетанымында адам барлық қарым-қатынастарда бұрынғыдан да зор маңызға ие болды. Дегенмен, олардың басты жетістігі олардың орыс және Еуропа мәдениетімен бір-біріне сенушіліктің және жақындасудың мәдени негізін дайындауы болды. Олар ойшылдардың көптеген ұрпақтары мен қазақ халқы мәдени кеңістігінің өзге өкілдері өмірге келтірген ең жақсылар мен шынайылардың барлығы сақталатындығынан және одан әрі дамитынына үміттенді деп есептеген жөн. Сол уақыт үшін бұл Ресей жағынан әскери, экономикалық және саяси қорғаушылық жөніндегі келісім-шарттан өндірістік және өндірістік деңгейі жоғарырақ өркениетпен, орыс және әлем мәдениетімен жақындасу процесіне көшуді білдірді.

Қазіргі замандағы философия ғылымының алдындағы келелі міндеттердің бірі – мәдениеттер мен халықтардың терең деңгейлерде мәдени-тарихи жақындасуын, олардың психоментальдылығын, мәдени және мінез-құлықтық архетиптерін, діни дүниетанымының және білімдерінің философиялық негіздерін талдай отырып, зерттеу және шешу. Бұл бағытта әлем мен адамның бірлігі мәселелеріне қатысты проблемаларды түсінуге кедергі келтіретін актандақтар бар.

Философия ғылымы, барлық жағынан алып қарағанда, өзінің іргелі мұдделерімен қоса қазіргі кезеңде ол үшін үйреншікті әлемдік ағартушының рөлін атқаруға тиіс. Бұл үшін одан осы күнгі дейін өздерінің болмыстары жағынан мұлдем өзгеше Батыс және Шығыс дүниетанымдарының тереңде жатқан негіздерін тағы және тағы да, бұрынғыдан да егжей-тегжейлі және дұрыс талқылау талап етіледі. Қазіргі заман философтарының алдында Әлемге, адам интеракцияларына, қарым-қатынастарға бүтіндік және толықтық сипат бере түсу, әзотериялық кеңістіктің түпкі қабаттарын тану міндеті түр.

**Әлжан Қ. Человек и мир в казахской философии
XVIII-XIX веков. Алматы, 2006. С. 43-63**

АБАЙДЫҢ АДАМГЕРШІЛК ІЛІМІ

Қазақ халқының әдебіне көңіл аудару, оның ерекшеліктерін түсіну, жалпы руханилықты жаңғырту – бұғінгі күннің келелі міндеттерінің бірі. Егемен Қазақстанды баурап алған, терең әлеуметтік-экономикалық дағдарыстан шығу жолдарын іздеу, лайықты тұлғааралық және этносаралық қатынастары қалыптасқан демократиялық қоғамның негіздерін құру байыпты рухани түпнегізсіз мүмкін емес. «Экономикалық кереметті» жасаушы елдердің тәжірибесі көрсететіндей, қайта өркендеу идеологиясында жетекші рөлді ұлтты гүлдендіру бағытындағы ортақ күш салу идеясы атқарады, бұл дүниежүзілік қауымдастық жетістіктерін, табанды еңбекті, ынтымақтастықты, төзімділікті т.т. шығармашылық түрде сіңірге мүмкіндік беретін, ұлттық діл мен мінездің сол белгілерін барынша пайдалануды үйірады. Қоғамды реформалау, егер жаңартулардың стратегиясы мен идеологиясы, мақсаты мен міндеттері, оған тарихибылдықтың белгілі бір типі, әлеуметтік мұралану мен жаңашылдықтың тетігі тән, бұл әлеумет өмір сүруінің ерекше тәсілімен байланысты, ұлттық дүниетанымға және түбінде – нақтылы мәдениеттің негіздері мен қисынын, оның шығармашыл, қозғаушы бастамасын тануға сүйенетін болса, тек сол жағдайда табысты бола алады.

Нақтылы мәдениет, жеке дананың шығармашылығында тұлғалық кейіпке еніп, толық өзіндік төлтумалығы мен өзіндік құндылығында оның ақыл-ойы мен сезімінде көрініс тауып, шексіз мүмкін әлемнің, шексіз мүмкін болмыстың бір мүмкіндігінің актуалдануы ретінде жалпылама маңыздылыққа ие болады. Мәдениеттің өзіндік санасы тек дарынның шығармашылығында өз мәңгілігін, мәдениеттер сұхбатына ену қабілеттігін қабылдайды. Жеке дарын кейпіндегі бұл сұхбат монологқа ауыспайды, сіңіп кетпейді, бірдейленбейді, тұлғасызданырылмайды, ол анықталған мәдениеттердің сұхбаты ретінде өмір сүреді және тіршілік етеді.

Өмір сүру және тарихи тәжірибелің айрықша тәсілінде қалыптасқан, қазақ мәдениеті өзінің бай рухани мазмұнымен ерекшеленеді, ғасырлар мен мәдениеттер сұхбатына ол өзінің қызықты тақыбырын енгізе алады және осылай жасауға міндетті.

Абай шығармашылығындағы қазақтардың рухани мәдениеті өзінің ең жоғары кернеуі мен шынында көрініс тапты.

Мақаланың «Абайдың адамгершілк ілімі» деп аталуы кездейсоқ емес. Менің ойымша, атап айтқанда Абай қазақтардың адамгершілік

ілімінің негізін қалаушы болып табылады, дегенмен олардың этикалық дәстүрі ғасырлар қойнауында тамырланады және арнаулы ғылыми зерттеуді талап етеді. Абайдың философиялық-этикалық дүниетанымының орталығында адам, оның санасы, сезім, ақыл және адамгершілік, нақтылы тұлғалық қылық тұр. Философиялық ой қашама алыс шарықтап кеткенімен және жоғары қалқығанымен, ол ешқашан болмыстың құрделі, қитұрқы сұрағы – нақтылы, бүгінгі, жер бетіндегі адам туралы мәселе бойынша шешім табуы міндетті екендігін, ұмытпағаны абзal. Абайдың философиялық-этикалық пайымдары бұл атауға, міндетке лайық, өйткені олар қашанда және қалай болса да адамға, оның өмірлік ізденістері мен мұдделеріне жақын.

Абайдың әдеп туралы ілімінің аттану нұктесінде, жоғарыда айтылғандай, адамның өзі тұр, міне тек ол өзінде бүкіл әдепті, сол шындықпен қосылышп кеткісі келетіндей, қамтып және баурап алады, ол өз ұрпақтарына ары қарай ойша жалғастыру, қарастырылып өткен адамдық тағдырларды, идеяларды, сауалдарды түбіне дейін ойластыру, ары қарай «тергеуге алу» үшін кең арна қалдырады.

Өзінің философиялық толғауларында Абай өмірдің құрделілігінен, мәселелігінен шығады, оның туындыларында адамгершілік ізденістерінің тайғақ, жиі ретте терең қайшылықты жолына ең көрнекі түрде көз жүгіртуге болады. Осыдан оның ішкі дүниесінің мәселелегі байқалады: бір жағынан, оны сыртқы жағдайлар қанағаттандырмады, басқасынан – міне, осы қанағаттанбау тұрғысынан, тек қазақ халқының философиялық ойын дамыту үшін өшпейтін маңыздылыққа ие емес, бірақ сонымен бірге барлық замандастарды толғандыратын, өзінің адамгершілік ілімін жеткілікті түрде анық және жарқын көрсете білді.

Адамзат тарихының ұлы кейіпкерлерін адам өнерінің ұлы кейіпкерлерімен бір нәрсенің қосып тұрғаны, қай заманнан бері аталып өтеді: олар түпсіз. Абай бейнесі де тап осындағы. Оны тек «жаттап алу» пайдалы емес, бірақ ойластыру, түсіну, «өзінен өткізу» қажет, кімнің өмірі, ілімі әрбір жаңа дәуірмен өнеге, сабак ретінде қабылданатын, олар осындағы сирек таң қаларлық тағдыры бар адамға соқпай өтетін, дүниежүзілік тарихта кезең мен ұрпақ болған жоқ. Өйткені өткен шақ бізге тек оларды сіңіріп алу және ары қарай дамыту қажетті жалғыз идеяларды, ойларды емес, бірақ сонымен бірге, оларды әлі шешуге тұра келетін, талай «дүниежүзілік жұмбақтарды» қалдырады. Және солардың арасында - әрбір ұрпақ үшін өмірдің өзі сияқты түпсіз, Абайдың тұрақты маңыздылығының құпиясы тұр. Осыдан Абайдың тарихи тиесілігі бойынша ғылыми расталған, «объективті» бейнесін қайтадан жасап шығаруға талпыныс,

оның адамгершілік ілімінің мағынасы мен мазмұнын ақиқатқа барынша жақындана ашу – бұл философия тарихшылары мен этиктер үшін қарапайым міндегемес және болашақ зерттеушілер үлесіне де әлі талай «ақтандактар» қала береді деп, үйгаруға болады.

Адамзаттың дүниежүзілік тәжірибе қорларында, құбылыстар мен деректерді танудағы қатаң «ғылымилықтан», «ғұымдылықтан» басқа, өткенді түсінудің одан да кем қызықтырмайтын және расталған жолы бар. Бұл – дүниені рухани-практикалық тәсілмен игерген және объективтік ақиқатқа өзінің айрықша тәсілдерімен соқпақ салатын, өнер жолы. Әйтсе де өнердің танымдық күші әлдеқашан мойындалғанымен, ал оның ғылыммен қатар болмыстың ең қын сұрақтарын көтеру құқымен ешкім таласпайтынымен, сенімсіздіктің белгілі бір сәті бәрібір қала береді. Бұл өнерде ғылыми білім жиі, ешқандай нақтылы деректермен бекітілмеген, ойдан шығарылған және ойша жорытылғандармен қайшылықты түрде қақтығысып қалатынымен түсінідіріледі. Бірақ осыған қарамай, өнер адамдық мәселелердің кең шенберін – олармен ғылым айналасуға міндettі, сол және басқа мәселелерді өзінше білдіреді және бағалайды. Өнер үшін осындағы әрбір құбылыстың объективтік мазмұны, бұл жағдайда Абаймен терең ойластырылған, солардай тарихи мәселелерді күні бүгінге дейін бізге шешуге тұра келетін, сол мәселелермен қатысты, оны өзекті ететін, дүниені белгілі бір тарихи түрде көретін, басымдылықтарды реттеп қоятын, біздің үақытымыздың адамның өз сезім-қүйлерінен бөлінбейтіндігі, маңызды болып табылады.

Бірақ бұл іске асуы үшін, оларды қазақ халқы өзінің көпғасырлық тарихы барысында жасап шығарған, адамгершілік ұстындарына, сол дәстүрлерге берілгендейдікі аяқтау қажет. Атап айтқанда, бұл адалдық оның нақтылы шындықпен қарым-қатынастар процесінде өткен туралы емес, ал не бола алатындығы туралы, ықтималдығы немесе қажеттілігі бойынша іске аса алатындығы туралы айтуда, мүмкіндік береді. Бұл мағынада өнердің белгілі бір «дерексіздігі» соңғының, тіпті кейде ғылымның алдында, күші мен артықшылығының белгісіне жатады. Оның үстіне, қазақ мәдениетінің ерекшеліктеріне дүниені тұтас қабылдау, ал сонымен бірге көптеген жағлайларда рационалдыдан кем түспей, өзінің көптеген көрсеткіштерінде одан артып түсетін және табыстылау, өнімділеу болып табылатын, шындықты эмоциональды, көркем түсіну және ұғыну жатады.

«Қазақ қоғамы үшін, олар адамдық әрекетті қалыптастыратын, дүниетаным әмбебаптары деңгейіндегі философиялық емес философиялық пайымдау сипатты... Бұл философиялық жүйелерді зерттеуді әлеуметтік-мәдени кеңмәтінде құруға, «философемаларды» дүниетанымдық мәтіндер өрісінде бөліп көрсету үшін күш салуға

міндеттейді»¹, - дейді М. Орынбеков. Егер Абайдың адамгершілік ілімін бұл көзқарастан қарастыrsaқ, онда оның негізі қазақ халқының руханилығы, нормалары мен салттары, құндылықтары және іс-әрекет формалары болып табылады. Оның үстіне қазақ қоғамының сапалық ерекшелігі, ең алдымен индивидтердің материалды және рухани қатынастар саласындағы жалпылама байланыстарына негізделген, тұрақты әлеуметтік өмірді қалыптастыруды тұрганын, ескерту керек. Басқаша айтқанда, олар әрекеттің түрлі формаларында өзінше жүзеге асып жатқан, қоғамдық байланыстың рухани формалары айрықша мағынаға ие болады. Бұл өркениеттің әлеуметтік иегерлерімен оның тұтастығы қамтамасыз етіледі, ол рухани құндылықтардың, идеялардың, білімдердің, нормалар мен дәстүрлердің бірлігінде көрініс тапты. Осыған байланысты қазақ қоғамы үшін анықтаушы болып шаруашылық-экономикалық жақтар емес, ал тұлға аралық қатынастар, тұрақты рухани құндылықтар мен реттеушілер алға шықты, сондықтан олар бұл қоғамның ерекшелігін сипаттады. Мұнда өмірдің құндылық-рухани жақтары экономикалық факторларға қарағанда маңыздылау болды. Адамдық қатынастар соншама түпнегізділеу болып шыққандықтан, олар құндылықтар саласында шаруашылық байланыстарынан жоғары тұрды. Осыдан, халықпен жасалып шықкан, ортақ рухани құндылықтар әрбір қазақ үшін өшпес маңыздылыққа ие болғандығы шығады. Олар өзінше білім мен адамгершілікті, ақыл мен ерікті, әсемдік пен адамгершілікті синтездеді. Бүкіл бұл сапалар адамның ішкі дүниесін құрастыргандықтан, «адам болу» постулаты адамгершіліктің түйініне айналды. Абайдың адамгершілік ілімінің өзегі адамның өзі болып табылатындығы, кездейсоқ емес. Бұл жөнінде оның адамдарға «Адам бол!» деген айтқан сөзі куәландырады. Осыған байланысты М.Әузев былай жазады: «Қашан біз Абайға бұрылғанда, онда адам философиясы мен адамдыққа тікелей қатысы бар мәселелер жөнінде... көптүрлі, түрлі сапалы, терен ойлы пайымдардың кездесетіні талассыз. Біздің көзқарасымыз бойынша, Абайдың философиялық көзқарастарының көшпілігі адамгершілік мәселесіне келіп тіреледі»².

Бұл, сыртқы көзге, әбден анық сияқты «формулада» терең философиялық мағынаға жатыр. Абайдың ақиқат, растылық қырында адамдар, қашан бірдемені, бұл жағдайда адам болуды ортақ мойындағанда ғана мәмілеге келетінін тамаша түсінгенінде мәселе тұр, өйткені тек осында объективтілік, таным процесіне шынайы адамдық мағына бере келе, рухани жалпыламалық ретінде көрініс табады.

¹ Орынбеков М. Предфилософия протоказахов. Алматы, 1994. С. 12.

² Ауезов М.О. Абай Құнанбаев //Ауезов М.О. Статьи и исследования. Алма-Ата, 1967. С. 171.

Жеке алғанда ойластыру мүктаждығынан, өзінің әлеммен рухани байланысын және бірлігін ұғынудан тап осындай философиялық пайымдау да басталады. Философия әркімге, бірде-бір адам оның әлемге және өзі өзіне қатынасын білдіретін, қайсыбір идеялар мен түсініктесіз жүре алмайтындығынан керек болып шығады. Абайдың «Адам бол!» дегені дүниетанымның шектілікten шығатын жалпы негіздерін білдіреді, яғни адам болмысының түпнегізді сипаттамасын нысанана алады. Осында бүкіл замандар мен халықтардың өзіндік философиялық ойының айрықшалығы түр, дегенмен оның көрініс тәсілдері, жоғарыда атальп өткендей, әлеуметтік-мәдени факторлардан тәуелді әртүрлі болуы мүмкін. Өз халқының тағдырымен байланысты түрлі мәселелер жөнінде пайымдағанда, Абай тек түсінуге, ақылмен ұғынуға және ақиқатты тауып алуға ұмтылып қоймай, сонымен бірге өзінің бүкіл интеллектуалдық және адамгершілік күштерін жұмылдыра отырып, адамның ішкі дүниесін ашқысы да келеді.

Бірақ сонда да адамгершілікпен байланысты жалпылама мәселені – адам қандай болуы керек екенін – бірінші жоспарға шығара отырып, Абай оны, тек бірлікте алға шығатын, ақиқат пен жақсылықты сезінде түсінеді. Ендеше, ақыл мен ізгіліктің ішкі, туыстық байланысы оның философиясында айқын берілген. Бұл байланыстың соншама беріктігінен және үйлесімділігінен, ақыл тек жақсылыққа сүйенгенде, «акиқатты білдіре бастайтындығы» шығады. Егер Абайдың ақылды түсінуін, сұранысты «ғылымилыққа» шақыратын және ақылды пайымдаушылықпен шатастыратын, жалған «рационализммен» ауыстырып алмасақ және осылардың кең таралған құбылыс екендігін ескерсек, онда оның философиясындағы ақыл мен ізгіліктің ішкі байланысы, әрине, айрықша көніл аударуға лайық.

Абайдың ақылды түсінуі және оған жүгінуі, ақылдың қуаты санада емес және, әсіресе, «пікірсұмақтарда» емес, ал объективті жалпыламалықта тұрады деген ойға жақыннатады, онымен журу ақылды болу дегенді білдіреді.

Осылай түсінілген ақыл Абайда өзіндік сананың әмбебап ұстымына, соңғының қуат қайнарына айналады. Оның «Адам бол!» деген ережесі тек сыртқа, басқаларға қарай емес, ал алдымен ішкіге бағытталған, яғни адамгершілік қырына ие, өйткені субъектіге өз ұғымы және сенімділігі бойынша әрекет етуге еркіндік қалдырады. Осында Абайдың адамгершілік ілімінің мәні ашылады, атап айтқанда: моральдық қылық салт-дәстүрлермен міндетtelген әрекеттерді ғана жасамай, оларды шын көңілмен істеуді, сонымен бірге (қазіргі тілмен айтқанда) оларға деген саналы мотивациялы қатынаста болуды талап етеді: тек керек нәтижелелерге ғана жетіп қоймай, бірақ сонымен

бірге парызды өтеу, пайдалылық ниетіндегі жеке мақсатқа сәйкеске қатыссыз ортақ талапқа еркін бағыну қажет болады.

Абай үшін ақылға сай қылышың шынайы адамдық қылышы та болып табылады. Оның үстіне, адамгершілікті, ізгілікті ақылдың әлдебір ұстанымы ретінде қарастыра отырып, Абай оны табиғаттыққа, яғни «табиғатпен келісімді өмір сұруге» қарсы қоймайды. Адам, дейді ол, сол мезгілде өзінің әлеуметтік табиғатымен де келісімді өмір сұруі керек. «Абай үшін бастапқы адам мен табиғаттың бірлігі ұстыны болып табылады: адам табиғаттың ең маңызды бөлігі болып қарастырылады. Бірақ сол уақытта ол адамды табиғаттың ішіне сіңіріп жебірмейді және адам басқа тірі жандардан, солардың арасында жоғары жануарлардан, ойлау, идеяларды қабылдау қабілеттілігімен ерекшеленеді деп пайымдайды; адам – ақылды жан»¹. Бұкіл жалпы қабылданған және жалпы мойындалған моральдық қатынаста ол адамға лайық мазмұны бойынша бағаланады. Ақыл жігерді басқаруға, құштарлықтар мен инстинктерді менгеруге қабілетті болғандықтан, әдептілік (акылдылық, даналық) табиғаттан туа біткен «табиғи бастамадан» көтеріле білу дәрежесімен анықталады. Осыдан «Қара сөздерлің» 21-і сезінде ол былай жазады:

«Аз ба, көп пе, адам баласы бір түрлі мақтаннан аман болмағы – қыын іс. Сол мақтан деген нәрсенің мен екі түрлісін байқадым; біреуінің атын үлкендік деп атаймын, біреуін мақтаншақтық деймін.

Үлкендік – адам ішінен өзін өзі бағалы есе қылмақ. Яғни надан атанбастығын, жеңіл атанбастығын, мақтаншақ атанбастығын, әдепсіз, арсыз, байлаусыз, пайдасыз, сұрамشاқ, өсекші, өтірікші, алдамшы, кеселді – осындай жарамсыз қылыштардан сақтанып, сол мінездерді бойына қорлық біліп, өзін ондайлардан зор есептемек. Бұл мінез – ақылдылардың, арлылардың, артықтылардың мінезі. Олар өзімді жақсы демесе, мейлі білсін, жаман дегізбесем еken деп азаптанады»².

Әрине, нақтылы өмірлік тәжірибеде мораль көптүрлі адамдық талпыныстармен, тілектермен, мұқтаждықтармен есептесуге міндетті, осының құшімен игілік пайда немесе қанағаттанумен өлшене алады, бірақ бұл құнделікті сана деңгейінде әркімге тән, қазіргі тілмен айтқанда, этикалық релятивизмді ақтамайды. Абай басқаша ойлайды, ол қоғамда өмір сүретін адамдардың құнделікті барлық өмірлік мақсаттары, мұдделері мен қылыштары, ол және жоғары игілік болып табылатын, ортақ және жоғары мақсаттан тәуелді болуы керек деп есептейді.

¹ Абай и современность. Алматы, 1994. С. 207.

² Абай. Қара сез. Поэмалар. Алматы, 1993. 44-б.

Абай ойлары адамгершіліктен ажырау дегенді білмейді және сондықтан адамның ішкі дүниесін адекватты білдіреді. Абайға сай, адам құдай жазасынан қорыққанынан емес, ол өз қылықтары үшін өзінің ар-ұяты, ақылы және басқа адамдардың алдындағы жауаптылықты сезінетіндігінен, ізгі болуға міндетті. Міне оның осы көзқарасы оған өз халқы туралы, оның артықшылықтары мен кемшіліктері туралы бүкіл шындықты айтуға міндеттеді. Оның өз халқына деген терең сенімі, ішкі талаптылығы, өзіндік сыншылдығы, әдептілігі, соған оның өзі жататын, халық туралы бүкіл ақиқатты айтып беруге мәжбүрледі. «Қара сөздердің» 16-ы сөзінде ол былай дейді:

«Қазақ құлышылығым құдайға лайықты болса еken деп қам жемейді. Тек жұрт қылғанды қылып, жығылып тұрса болғаны. Саудагер несиесін жия келгенде, «тапқаным осы, біттім деп, алсаң – ал, әйтпесе саған бола жерден мал қазамын ба?» дейтүғыны болушы еді ғой. Құдай тағаланы дәл сол саудагердей қыламын дейді. Тілін жаттықтырып, дінін тазартып, ойланып, үйреніп әлек болмайды. «Білгенім осы, енді қартайғанда қайдан үйрене аламын» дейді. «Оқымадың демесе болады тағы, тілімнің келмегенін қайтушы еді» дейді.

Оның тілі өзге жүрттан бөлекше жаратылып па?»¹.

Бұл сөздерден оның халық тағдыры туралы қам жеуі анық көрініс тауып тұр. Осы жөнінде Ж.Аймауытов қалай жазғандай, «Абайдың өзіне дананың нәзіктігі, ақ пейілділігі, әділдігі, ақиқатты сүйгіштігі тән еді, ол бүкіл ғұмыры бойында адасқандарды шынайы жолға салуға күш жұмсады»².

Абай дүниетанымы реформашыл болды. Ол өз халқының рухани құндылықтарын сыни бағалады, қазақ санасына тән, кейбір кертартпа жақтарды іштей түсінді. Оған ауыл өмірінің тұралап қалған жақтары тынышсыздық сезімін туғызды, оларды түсіндіруге және содан шығу жолдарын көрсетуге талпынды. Оны әсіресе сол ауылға тән мақтаншақтық, еріншектік, көре алмаушылық, тұрлі интригалар мен дүрдараздық қинағы.

«Осы мен өзім – қазақын. Қазақты жақсы көрем бе, жек көрем бе? Егер жақсы көрсем, қылықтарын қостасам керек еді. Уа, әрнешік бойларынан адам жақсы көрерлік, я көңілге тиянақ қыларлық бір нәрсе тапсам керек еді. Соны не үміт үзбестікке, не онысы болмаса, мұнысы бар ғой деп, көңілге қуат қылуға жаратсам керек еді, ондайым жоқ. Егер жек көрсем – сөйлеспесем, мәжілістес, сырлас, кеңестес болмасам керек еді, тобына бармай, «не қылды, не болды?» демей

¹ Абай. Қара сөз. Поэмалар. Алматы, 1993. 37 б.

² Аймауытов Ж. Журнал туралы (Абай. 1918. №).

жату керек еді, ол мүмкін болмаса, бұлардың ортасынан көшіп кету керек еді. Бұларды жөндеймін деуге, жөнделер, үйренер деген үмітім де жоқ. Бұлардың бірі де жоқ. Бұл қалай? Бұл айтқанның бірін тұтпас болмас еді.

Мен өзім тірі болсам да анық тірі де емеспін. Әншейін осылардың ызасынан ба, өзіме-өзім ыза болғанымнан ба, яки бөтен себептен бе, - білмеймін. Сыртым сау болса да ішім өліп қалыпты. Ашуулансам, ызалана алмаймын. Күлсем қуана алмаймын, сөйлегенім өз сөзім емес, күлгендікі өз күлкім емес, бәрі де әлдекімдікі»¹.

Осыған байланысты ол жатыпшерлік пен надандықты, дурдараздық пен жалқаулықты, мағынасыз мақтаншақтықты жоюға, адам тіршілігінің негізгі формаларына деген сүйіспеншілікті қалпына келтіруге шақырды. Осыған байланысты ол ерік-жігерге, қайратқа үлкен мән берді:

«Қайрат, ақыл, жүрек үшеуі өнерлерін айтсын, таласып келіп, ғылымға жүгініпти.

Қайрат айтты: Ей, ғылым, өзің білесің ғой, дүниеде еш нәрсе менсіз кәмелетке жетпейтүғынын; әуелі өзінді білуғе, ерінбей, жалықпай үйрену керек, ол менің ісім, құдайға лайықты ғибадат қылыш, ерінбей, жалықпай орнына келтірмек те – менің ісім. Дүниеге лайықты өнер, мал тауыш, абұйыр, мансапты еңбексіз табуға болмайды. Орынсыз, болымсыз нәрсеге үйір қылмай, бойды таза сақтайды. Қунәкәрліктен, көрсекзызар жеңілдіктен, нәфсі шайтанның азғыруынан құтқаратүғын, адасқан жолға бара жатқан бойды қайта жиғызып алатүғын мен емес пе? Осы екеуі маған қалай таласады? - депті»².

Нағыз адамның қайраты, ол жиі ретте алдау, қитүркъылық, опасыздық жолымен жүзеге асатын, билікке деген жігердеғана емес, оның үстіне оған беріле табынатындықтан, ол ең алдымен өз ісінде жүзеге асуы қажет. Жігердің күші жұмысқа, кәсіпке, сауда, халық үшін пайдалы әрекетке деген қатынаста айқындалады. Ол былай деп жазды: «...адамдар белгісіз кәсіпке үйрену үшін туған жерін тастап сапарға шықпады, алқаптарды өндемеді, саудадан пайда алуға тырыспады. Бірде бұл, бірде басқа партияға қосыла отырып, тек өздерін саудаға салды»³.

Масылдық пен енжарлықты жек көре келе, ақын өз ойларын өткір жеткізеді: «Қазақтың бірінің біріне қасқунем болмағының, бірінің тілеуін бірі тілеспейтүғының, рас сөзі аз болатүғының,

¹ Абай. Қара сөз. Поэмалар. Алматы, 1993. 25 б.

² Сонда, 38 б.

³ Кунаңбаев А. Избранное. М., 1945. С. 194.

қызметке таласқыш болатұғынының, өздерінің жалқау болатұғынының себебі не?

Іемма ғаламға белгілі данышпандар әлдеқашан байқаған: әрбір жалқау кісі – қорқақ, қайратсыз тартады, әрбір қайратсыз – қорқақ, мақтанғыш келеді; әрбір мақтаншақ – қорқақ ақылсыз, надан келеді; әрбір ақылсыз – надан, арсыз келеді; әрбір арсыз жалқаудан сұрамсақ, өзі тойымсыз, тыйымсыз, өнерсіз, ешкімге достығы жоқ жандар шығады.

Мұның бәрі төрт аяқты малды көбейтеміннен басқа ойының жоқтығынан; өзге егін, сауда, өнер, ғылым секілді нәрселерге салынса, бұлай болмас еді»¹.

Абайдың рухани әлемінде Шығыс пен Батыс құндылықтары өзінше үйлеседі. Бірақ осында олар, ол қазақ мәдениетіне тән, сол төлтумалықта айрықша түйінделеді. Оның бүкіл рухын өзінде қондырған, қазақ ретінде ол бүкіл өмір бойы өз халқы болмысының адамгершілігінің мағынасын іздеумен болды және оның ұлылығын дүниежүзілік деңгейге көтере білді.

Қазақтың өзіндік санасының ішкі даму қисынын іздеу Абайға адамның моральдық дүниесінің терең қабаттарын көтеруге мүмкіндік берді, бұл оны адамгершілік ілімінің негізін қалаушылардың қатарына қосты. Абай ілімінде әдептік сана өз тұастығында алға шығады, өйткені халықтың рухани төлтумалығын түсінудің негізі адамдықтың өзінің имманентті формалары, яғни моральдылық болып табылады. Моральдылық халық төлтумалығының мазмұнын құрастырады, онда оның барлық мүшелерінің өмірлік басымдылықтарының ортақтығы мен ерекшелігіне негізделген, адамның дербестілігі, сапалық айқындылығы білдіріледі. Адамгершілікте, халық руханилығымен себептілген, адам тіршілігінің түрлі жақтары ерекше байқалады. Сондықтан адамгершіліктің өзі жиі салт-дәстүрлер, моральдық құндылықтар және қылық формаларында қолданылады. Бұл ұғым, жалпы алғанда ол қазақтар үшін өмірдің құндылық-әдептік жақтарының қоғамның басқа нақтылықтарымен салыстырғанда үлкен маңыздылығын бекітуге келіп тірелетін, қоғамның сапалық ерекшелігін білдіруде белсенді түрде қолданылады. Бұл тағы да, қазақ қоғамында рухани-әдептік құндылықтардың құнделікті өмірмен нақты практиканың ішіне сіңісп кеткенін көрсетеді. Абай әдебінің тіршіліктің адамгершілік бастауларымен үйлеспей қалуының болмайтынын және сондықтан оның адамдық мәнін адекватты білдіретінін, бәлкім, осымен түсіндіруге де болады. Қоғам үшін, соның ішінде қазіргі де қоғам үшін «адамгершілік» пен «моральдың» арасында қайшылық тән, себебі адамгершілікпен әрекет ету үшін (өз

¹ Абай. Қара сез. Поэмалар. Алматы, 1993. 11 б.

арының талабы бойынша, өз сенімдері мен мұраттарына сай), қайта-қайта ресми қабылданған моральдық нормаларды бұзу керек болады, ал соңғылары бойынша әрекет ету өз ар-ұятын сатып жібергенмен бірдей болып шығады. Абай үшін ізгілікті білу мен адамгершілік әрекет ажырамайды, ал өз қылышында ақылды болу – қоғамдық қылыққа бару. Адамдар іс-әрекетінің жалпы әлеуметтік реттеушісі ретінде моральдың қажеттілігін түсіне отырып, Абай қоғам мен тұлға арасындағы қақтығыстың (өз тағдырының мысалында) мүмкіндігін және нақтылығын алдын ала көре білді. Және оның мораль философиясының логикасы мынадай қорытындыға жеткізеді: адам өзінің ішкі дүниесіне үнілуге қажет және сонда қылық бағытын таңдау үшін негіз іздеуі керек. Ал бұл іс жүзінде, адамның саналы және жауапты әрекетін ұйғаратын, әдепті өмірлік әрекеттің тұлғалық бастамасын мойындау болып табылады. Жоғары дамыған адамгершілік санасына ие адам, тек сыртқы талаптарды бұлжытпай орындал қоймай, бірақ өзінде қоғамдық императивтерді дербес менгеруге, өзі үшін белгілі бір адамгершілік бағдарламасын жасап шығаруға, түрлі факторлардың ықпалынан тәуелсіз қоғамда әрекет етіп тұрған ережелердің мағынасын ұғынуға және бағалауға қабілетті.

Әдеп тұғырынан адамның тұлғалық дамуының белгісіне оның әр түрлі күрделі өмірлік жағдаяттарда ішкі сенімділігі бойынша іс-әрекетке баруға, жауапкершілікті басқаға аударып тастанауға, көзсіз түрде жағдайларға беріліп кетпей және тек оларды «ескерумен» шектелмей, сонымен бірге оларға қарап тұра білу, өз жігерін, өз қайратын, мінезін көрсете отырып, оқиғалар барысына араласа алу қабілеттілігі жатады. Өмірдің бүкіл жағдайларына жарайтын, «дайын ережелер» жинағы сияқты, мораль туралы түсініктің қашшама жеңіл-желпі және өнімсіз екендігін түсіндіріп жату қажет пе? Оған кез келген жағдайда әдебі бойынша, «ар-ұяты бойынша» іске баруға міндеттей отырып, мәнді әлдене адамның өзімен жауапталады.

Ар-ұят адамгершілік және сондықтан әлеуметтік категория болып табылады, ол адамға түа біте тиесілі емес және оның генотипінде мұлгіп жатқан жоқ, дегенмен оның табиғаты мен көрініс тәсілдері тым күрделі. Сонда да ар-ұят тұлғаның қоғамдық және индивидуалдық даму процесінде оянады және қалыптасады. Өзінің жеке-дара мұқтаждықтарын, тілектерін, армандарын парыз сезімімен танылатынмен мөлшерлей отырып, арлы өмір сұру – бұл жауапты, саналы, мотивацияланған, яғни бұл сөздің ең кең мағынасындағы тұлғалық әрекетке бару.

Адамдардың әдепке сай тіршілігінің бұл маңызды қыры туралы пайымдарды біз Абай ғақлияларында кездестіре аламыз, оларда бізді

қызықтыратын тұлғаның моральдық потенциялы туралы мәселе өткір және қоғамдық маңыздылығымен қойылған.

Белгілі бір жағдаяттарға байланысты, ақын онда әрекет еткен, өткір «шекаралық» жағдай оның алдына іс-әрекет бағдарын таңдау мәселесін қояды, яғни терең психологиялық сезімталдық деңгейінде экзистициалдық мәселе туындаиды. Өмірді өзінше түсіну негізінде ол шешім қабылдайды, оның мағынасы «Қара сөздердің» бірінші сөзінде түсіндіріледі: «Бұл жасқа келгенше жақсы өткіздік пе, жаман өткіздік пе, әйтеуір бірталай өмірімізді өткіздік: алыстық, жұлыстық, айтыстық, тартыстық - әурешілікті көре-көре келдік. Енді жер ортасы жасқа келдік: қажыдық, жалықтық: қылыш жүрген ісіміздің бәрінің баянсызын, байлаусызын көрдік, бәрі қоршылық екенін білдік. Ал, енді қалған өмірімізді қайтіп, не қылыш өткіземіз? Соны таба алмай өзім де қайранмын.

Ел бағу? Жоқ елге бағым жоқ. Бағусыз дертке ұшырайын деген кісі бақпаса, не албыртқан, көңілі басылмаған жастар бағамын демесе, бізді құдай сақтасын!

Мал бағу? Жоқ, баға алмаймын. Балалар өздеріне керегінше өздері бағар. Енді қартайғанды қызығын өзің түгел көре алмайтұғын, ұры, залым, тілемсектердің азығын бағып беремін деп, қалған аз ғана өмірімді қор қылар жайым жоқ.

Ғылым бағу? Жоқ, ғылым бағарға да ғылым сөзін сөйлесер адам жоқ. Білгенінді кімге үйретерсің, білмегенінді кімнен сұрарсың? Елсіз-күнсізде кездемені жайып салып, қолына кезін алғып отырғанның не пайдасы бар? Мұндасып, шер тарқатысар кісі болмаған соң, ғылым өзі – бір тез қартайтатұғын күйік.

Софылық қылыш, дін бағу? Жоқ, ол да болмайды, оған да тыныштық керек. Не көңілде, не көрген күнінде бір тыныштық жоқ, осы елде, осы жерде не қылған софылық!

Балаларды бағу? Жоқ, баға алмаймын. Бағар едім, қалайша бағудың мәсінін де білмеймін, не болсын деп бағам, қай елге қосайын, қай харакетке қосайын? Балаларымның өзіне ілгері өмірінің, білімінің пайдасын тыныштықпен көрерлік орын тапқаным жоқ, қайда бар, не қыл дерімді біле алмай отырмын, не бол деп бағам? Оны да ермек қыла алмадым.

Ақыры ойладым: осы ойыма келген нәрселерді қағазға жаза берейін, ақ қағаз бен қара сияны ермек қылайын, кімде-кім ішінен керекті сөз тапса, жазып алсын, я оқысын, керегі жоқ десе, өз сөзім өзімдікі дедім де, ақыры осыған байладым, енді мұнан басқа ешбір жұмысым жоқ»¹.

¹ Абай. Қара сөз. Поэмалар. Алматы, 1993. 7-8 66.

Бұл таңқаларлық қызықты, терен, шын қөнілмен айтылған ойлар, қайда мәре - өмір болатын, таңдау сипатын анықтайды. Ал мәнісінде олар көпшілік үшін танымал болып келеді, өйткені әдеп қуатын сынақтан өткізу – азды-көпті рухани кернеулі өмір сүретін кез келген адам үшін бұл күнделікті, үйреншікті құбылыс. Қашан адам өзімен-өзі жалғыз қалатын, көмекті ешкімнен және ешқайдан күтпеуге тура келетін, моральдық тіректі сырттан емес, ал өзінде іздеу қажет болатын, жағдайлар жиі туындайды. Және егер бұл тірек болмаса, немесе басқаша айтқанда, тұлғаның әдептік көрсеткіштері «нөлдің» маңайында болса, онда ешқандай жанқиярлықтың, ерліктің кереметті немесе жай ғана таза адамгершілік қылық жүзеге аспайды, себебі олар қашанда тұлға санасының, қайраты мен мінез-құлқының көрінісі болып табылады.

Міне осындай жағдайларда адамның әдептік қуаты түбіне дейін ашылады, өйткені моральдық ұстын, тек қашан ол белсенді, ар, ішкі сенім және тұлғаның адамгершілік сезімі бола бастағанда ғана, жүзеге асады. Басқаша айтқанда, қашан «міндетті» деген сырттан танылған бірдеме емес, ал өз таңдауыңың нәтижесі болғанда, және одан бас тарту немесе елемеу өзінен, өз индивидуалдығынан бас тартумен бірдей. Ал шынайы индивидуалдық (Гегель дәл айтқандай, жалған және «ақылсыз» емес) өз «ерекшелігінде» ретсіз ұсына беру немесе болмашы нәрсемен «көзге түсе беру» емес, ал өз тіршілігіндегі әрбір сэтте ар-ұятпен әрекетке баруға үйрену болып табылады. Ар-ұятпен іс істеу, өз қылығының басқа адамдардың мүдделері және игіліктерімен тығыз байланысын өткір сезінетін, өзіне-өзі шынайы қоғамдық жан ретінде қарайтын қатынаста бүкіл өмірінен сабак сияқты алғы шыққан, әрекет болып табылады. Егер адам өзінің адамгершілік тәжірибесінде тиістінің емес, ал жалпы қабылданған мен дұрыс пайымдаудың кисыны бойынша ғана әрекетке барса, онда оның моральдан тыс тұрғанын, айрықша атап өту керек.

Ол тек, оларды таңдау сәті жоқ, әрекет етіп тұрған салт-дәстүрлер шегінде ғана әдепті. Міне осыда моральдың «қитұрқылығы» тұр, себебі ол жай жалпы қабылданған әдеп нормаларын орындал жүруді ғана емес, сонымен бірге адамда өзіне және қоршаған ортаға сыни көзқараста болуды ол талап етеді. Нақтылы жағдайлармен әбден санаса отырып, Абай, Әрине, өзінің ішкі, рухани, адамгершілік еркіндігімен қуатты еді, қашан оған сыртқы жағдайлардың қысымымен тәуелді әрекетке баруға тура келгенде, ол олардан адами, тұлғалық тұрде көтеріле алу қабілеттілігімен, соны дәлелдеді. Осы жөнінде ақынның өзі былай дейді:

«...Ғылымды, ақылды сақтайтұғын мінез деген сауыты бар. Сол мінез бұзылмасын! Көрсө қызарлықпен, жеңілдікпен, я біреудің

орынсыз сөзіне, я бір келген қызыққа шайқалып қала берсөн, мінездің беріктігі бұзылады. Оナン соң оқып үйреніп те пайда жоқ. Қоярға орны жоқ болған соң, оларды қайда сақтайсың? Қылам дегенін қыларлық, тұрам дегенінде тұрарлық, мінезде азғырылмайтын ақылды, арды сақтарлық беріктігі, қайраты бар болсын? Бұл бір ақыл үшін, ар үшін болсын»¹.

Адамгершілік санацы қозғалысындағы ең қарапайым жағдай, қашан ол дұрыс ақыл мен кең таралған мораль үйғарымдарымен қанағаттанбаған түрде, туындастын сияқты болып көрінеді. Бірақ бұл, олар кейін жоғарылау, адамдар санасында қалыптасып қалған үйреншікті түсініктерді өзгертуге қабілетті «айрықша» қылыштарға барудың қозғаушы себептері тап осынданай, өйткені жеке адамдардың адамгершілік әрекеттері басқалар үшін жағымды үлгі бола алады. Әдепті жан ретінде, адам тұрақты түрде «пайдалылықтың жалпылама жүйесінің» шегінен шығуға ұмтылады және іске басшылық ретінде, өзімен өзі расталған, яғни әрекеттің риясыз, көтеріңкі мотивтерін қабылдайды.

Абай өмірінің мысалында, әрбір жеке-дара тағдырдағы қоғаммен берілген және қабылданған құндылықтар, қасиеттер, сапалар, сипаттамалар адамның өз «бойынан» өтетіндігін, көруге болады. Жеке тұлға үшін олар алдын ала берілмеген, әлдебір «дайын үлгі» емес, ал оның өзімен қоғамдық және индивидуалдық даму барысында жасалып шығарылады.

Абайдың адамгершілік ілімі туралы толғамдар, ол бүгін бізді қобалжытпай қоймайтын, сол құбылыспен байланысты бүгін көкейкесті болған, соның бір қырынан тоқталуға ниеттендіреді.

Абай кез келген материалды молшылыққа немкүрайлы болды. Замандастарын тек қажеттіге ұмтылуға шақыра отырып, Абай қоғамдық емес, ал тек қара басының қамымен шектелетін (сондықтан бассызқылайспен жақын), жеке адамдардың қарадүрсін игілігі мұратымен күреседі.

«Және мал тілейсіндер, неге керек қылайын деп тілейсіндер? Әуелі, құдайдан тілеймісің? Тілейсің. Құдай берді, бергенін алмайсың. Құдай тағала саған еңбек қылып мал табарлық қуат берді. Ол қуатты халал кәсіп қыларлық орынға жұмсаймысың? Жұмсамайсың. Ол қуатты орнын тауып сарып қыларды білерлік ғылым берді, оны оқымайсың. Ол ғылымды оқыса, үғарлық ақыл берді, қайда жібергенінді кім біледі? Ерінбей еңбек қылса, түнілмей іздесе, орнын тауып істесе, кім бай болмайды? Оның саған керегі жоқ. Сенікі – біреуден қорқытып алсан, біреуден жалынып алсан, біреуден алдап

¹ Абай. Қара сез. Поэмалар. Алматы, 1993. 70 б.

алсаң болғаны, іздегенің – сол. Бұл – құдайдан тілеген емес. Бұл – абыройын, арын сатып, адам жаулағандық, тіленшілік.

Хош, сөйтіп жүріп-ақ мал таптың, байыдың. Сол малды сарып қылып, ғылым табу керек. Өзіңе табылмаса балаң тапсын. Ғылымсыз ахирет те, дүние де жоқ. Ғылымсыз оқыған намаз, тұтқан руза, қылған қаж ешбір ғибадат орнына бармайды. Ешбір қазақ көрмедім, малды иттікпен тапса да, адамшылықпен жұмсаған. Бәрі де иттікпен табады, иттікпенен айрылады. Бейнет, қүйігі, ызасы – сол үшеуінен басқа еш нәрсе бойында қалмайды.

Барында баймын деп мақтанады. Жоғында «маған да баяғыда мал бітіп еді» деп мақтанады. Кедей болған соң тағы қайыршылыққа түседі¹.

Сол, не қазіргі тілде «тұтынушылық», «баю», «затышылдық» деп аталатын, іс жүзінде этикалық принципіздікті туыннатады және қолдайды, өйткені осындай психологияның қармауына түскен адам, өз өміріндегі мақсат пен құралдарды шатастырады, олардың орнын ауыстырып жібереді, құралды мақсатқа айналдырады немесе жалғыз құралдармен өмір сүреді. Абай мұны жақсы түсінген: « Бұл күндегіде байлық та мақтан емес, ақыл, абырой да мақтан емес, арыз бере білу, алдай білу – мақтан. Бұл екеуі қолынан келген кісі салт атты, сабау қамшылы кедей да болса, аз да болса орны төрде, майлы атқа, майлы етке қолы жетеді. Желекпелеу, мақтаншақ байларды: «сіз айтсаныз, отқа түсуге бармын» деп желдендіріп алып, шаруасын қылмай-ақ, малын бақпай-ақ содан киімін бүтейтіп киіп, тәуір атын мініп алып, қатарлы бір құрметке жетіп жүре береді.

Ал бай өз тыныштығын да білмейді. Бос шығынданғанын да ескермейді. Бір кісімен сөйлессе, мұны қайтеміз деп бағанағы антұрғанмен ақылдасады. Ол сиырдың жорғасы секілденіп, қарайғанда жалғыз өзім болсам еken дейтуғын ниетімен және де ақылдасар досы көбейсе, қадірім кетіп қалады деп «Ой, тәңір-ай, соны білмей тұrsыз ба? Ол ана құлық қой, бұл мына құлық қой, бұл мына құлық қой деп, оған бүйдей салсаң болмай ма!» деп бар онбаган жауапты үйретіп, амалшылықтың жолын қыладады. Және байдың өзіне де адам сенбейтуғын болады. Байдың өз жауабы, өз мінезі онбай тұрған соң, бағанағы кісі бұзылса, әлгі антұрған байға, «мен айтпап па едім, онікі құлық сөз деп, міне көрдің бе?» деп, екіншіде тырп етпейтуғын қылып алады. Ендігі жүрттың ақылы да, тілеуі де, харекеті де – осы².

Адам «өзін базарға салып, өз атына мақтау есту немесе біреудің қызғанышын тудыру үшін» тамактанбайды, су ішпейді, киім кимейді.

¹ Абай. Қара сөз. Поэмалар. Алматы, 1993. 27-28 66.

² Сонда, 113 б.

Бірақ біреудің оның киген киімдеріне қызғана қарағанында, не тұр? Өмір тек жеке пайданы көздеу – бұл шектелген адам болу. Дүниенің барлық игіліктерін алуға ұмтылу үшін көп ақылдың керегі жок»¹. Тек соның өзі үшін, байлыққа ұмтылу, қазіргі тілмен айтқанда, тұтынушылық болып табылады, себебі, Абайдың түсінігіне сай, байлық тағдырлық мақсат емес, ал өмірді сақтап тұру құралы болып табылады. Адамға бақыт әкелмейтін тойымсыздық сезімі, қалыпты өмір сұру үшін қажеттінің бәріне, тіпті одан да артыққа ие болудан емес, ал осыдан басқа оның мақсаты болмаудан туындаиды. Тек осы және басқа емес себеппен тойымсыздық жиі ретте жалығумен, түнілумен, пессимизммен және рухани бос, шекті өмір сұрудің басқа атрибуттарымен ілесіп жүреді.

Әрине, Абай мұлдем аскетизмді дәріптемейді, біз оның жеке өмірі туралы білеміз, оған «бүкіл адамдық жат емес». Байлыққа қатысты оның айтқандарының бәрі – сұраныстарының аздығын көрсету емес, мұқтаждықтарының тапшылығы немесе тілектерінің кедейлігін байқату емес. Мұқтаждықтардың сан алуан тұрлеріне ие бола отырып, Абай заттар мен ләззаттардың бағасын білді деп айтуға, барлық негіз бар. Бірақ ақылға сай таңдау жасау үшін, Абай логикасы бойынша, адам неден әбден бас тарта алатындығын толық білуі керек. «Оған көп нәрсе жетпейтіндіктен, бірдемеге аз мұқтаждық көрсететінмен және көп нәрсесіз-ақ жүре беретіндіктен, аз мұқтаждық көрсетіннің арасында айырмашылық бар»², - деп классикалық неміс философиясының белгілі өкілі И. Кант жазған. Осыған ұқсас ойды Абай да айтады: «Құшті көп нәрсені қалағанымен, азben риза болады, мардымсыз адам аз сұрайды, бірақ көбірек алғанда да, риза емес»³.

Мәселе, әрине, заттардың өзінде емес, ал адамның оларға қатынасында тұр, яғни оларды «жамандықтың себепшілер» және моральдық реттегі бишаралықтың пайда болуының факторлары деп көрсетпеу керек. Ал осының бәрінің орнына материалды игіліктер мен құндылықтар дүниесімен «адамша» өз қатынастарын ретке қоюға адамның әдептік, рухани дайындығы туралы байыпты ойластыру қажет. Бұл, кез келген, тіпті ең шатастырылған және сенің бүкіл тілектерінді қызықтыратын жағдайда, ақылға сай таңдауға дайын, тұлғаның моральдығы және мәдениеттілігі туралы мәселе. Берік жалпылама негіздерге сүйенетін, Абай моралі өзінің нақтылы қүшін, қашан ол қылық, әрекет, яғни адамның индивидуалдық жігерінің туындысы бола бастағанда көрсетеді. Сондықтан ол, ұстындарды өмірден жоғары қоятын, ешқандай ригорист емес. Ол шынайы дана,

¹ Абай. Қара сөз. Поэмалар. 99-100 бб.

² Кант И. Соч., в 6-ти т. М., 1964. Т. 2. С. 216.

³ Абай. Қара сөз. Поэмалар. 75 б.

өйткені ол тек даналықпен ойлап қоймай, сонымен бірге даналық мұратын іске асыруға талпынады. Осында оның адамгершілік ілімінің асқақ мәні тұр, бұл істе, өз өмірлік әрекетінде білім мен адамгершіліктің, қоғамдық пен тұлғалықтың ажырамас бірлігін негіздеу де және практикалық беткіту де қажет болады. Абай білімді адамгершіліктен бөлмейді. Ол үшін ақылға сай әрекет – бұл санаға, адамша, яғни қоғамдық, әрекет етудің дамыған қабілеттілігіне айналған білім. Басқа адамды түсінудің, өзін басқадан көрудің және басқа адамдармен бірге өмір сүруге үйренудің дамыған қабілеттілігі Абайдың өмір салтына, жеке тәжірибелік іс-әрекет бағдарына жатады.

Бұл мақалада біз көтеріп отырған мәселе, арнаулы талдауды қажет етеді, өйткені нақтылы өмірде кездесетін, білім мен сананың, білім беру мен адамгершіліктің арасындағы қақтығыстар, ғылым мен білім өзінен-өзі саналылықтың артуына жетелемейді, моральдық прогрессен теріс түсініктерден бас тартуға міндеттемейді дегенді дәлелдейді. Өкінішке орай, сирек емес білімділік моральдық керенждікпен, адамгершілік жағынан кешеуілдеп қалумен, принципсіздікпен айрықша қосылып кетеді. Абайды қиналысқа түсірген, мынадай сұрақтар: «Қылықтың арғы жағында не жатыр?», «Ізгі моральдық іс-әрекет немен негізделеді?», «Неліктен білім қашанда игілікке әкелмейді?», «Қайратты, Ақылды, Жүректі не біріктіреді және неге олардың арасында қайшылықтар шыға береді» және т.б. – бүгін де өз өткірлігі мен өмірлік маңызын сақтайды. Бұл жағдайда, ғылымға, танымға деген махабbat Абайда адамгершіліктің өзінен шығатынын, тек атап өтейік.

«Әуелі – білім-ғылым табылса, дүниенің бір қызықты нәрсесіне де керек болар еді деп іздемеске керек. Ол үшін білім-ғылымның өзіне ғана құмар, ынтық болып, бір ғана білмектіктің өзін дәулет білсең һәм әр білмегенінді білген уақытта көңілде бір рахат хұзур хасил¹ болады. Сол рахат білгенінді берік ұстап, білмегенінді тағы да сондай білсем еken деген үміттенген құмар, махабbat пайда болады. Сонда әрбір естігенінді, көргенінді көңілің жақсы ұғып, анық өз суретімен ішке жайғастырып алады»².

Ол білімге деген көтеріңкі, асқақ, риясыз қатынасты қалыптастыру мен тәрбиелеудің субстанционалды негізі болып табылатын, адамдық тіршіліктің дәл сол саласын құрастыратын, адамгершіліктің әлеуметтік табиғаты мұнда өте терең және түпнегізді қамтылған. Атай айтқанда, бұл салада адам тұтас және сөздің толық мағынасындағы қоғамдық жан ретінде алға шығады.

¹ Тыныштық, рахатшылық.

² Абай. Қара сез. Поэмалар. Алматы, 1993. 68 б.

Абайдың адамгершілік туралы кейбір идеяларын қысқаша талдау этика саласындағы оның көзқарастарының бүкіл тереңдігін анық және айқын көрсетеді. Оның үстіне, оның адамгершілік ілімі қазақ халқының философиялық жай-күйінен шығатынын ескеру қажет, өйткені өз халқының философиялық ойлары ол үшін түпнегізді айқындаушы болды. Бәлкім, бұл көрнекті ойшылдың адамгершілік ілімін тұрпайы түсінуге әкелген, идеологияландырылған ресми философияның негізгі постулаттарын оның дүниетанымының үстінен жапсырудан шыққан, Абайдың этикалық ілімін зерттеудегі дәстүрлі сыңаржақтылық осымен түсіндіріледі. Қазақ халқының атақты ұлы бола отырып, Абай белгілі бір тарихи және геосаяси жағдайлардың күшімен бүкіл адамзаттың рухани тәжірибесін ерекше синтездей алды және адамгершілік ілімінің жеткілікті сымбатты жүйесін жасап шығарды. Осындай ілімді құрап шығаруға, сондай субъектінің танымдық әрекеті көркем әдебиет арқылы дүниенің рухани-практикалық игерілуіне қызысты еніп кеткен, қазақ халқының рухани дамуының ерекшеліктері де себебін тигізді. Абаймен жүзеге асырылған, атап айтқанда, шындықты көркем менгеру органикалық сипатта әлдебір түсініктер, болжамдар, ұстанымдар, суреттемелер түрінде әлемнің ғылыми суретінің элементтерін өзіне енгізді.

Өмірге терең философиялық бойлауының қуатымен, өзі бейнелеп тұрған объектилердің мәнін оған түсінуге мүмкіндік берген, әлемнің айрықша суреттемесін Абай өнер құралдары арқылы білдірді. Осындай объектилер көпсанды: адамның ішкі дүниесі, психологиялық процестер, интуиция, тылсым сана және бейсанға сияқты, адам психикасының сондай қын жетуге болатын қабаттары, рухани мен тәндіктің, әлеуметтік пен табиғидың, адамдың пен ғарыштықтың байланысы.

Абайдың рухани дүниесімен іштесу, жанда қайсыбір жаңғырық қалдырмай, ізсіз өте шықпайды. Кездейсоқтық пен кеңеттілікке толы, өткінші өмір, Абай ұрандаған «Адам бол!» дегенге, осы шақыруға ілесе отырып, біздің әрқайсымызда рухани өсу мұқтаждығын басып тастамайтындығы тамаша.

**Акмамбетов Г.Г. Нравственное учение Абая
//Известия НАН РК. Серия общественная наука.
Алматы, 1995. №5. С. 11-23.**

ҚАЗАҚ ЭТИКАСЫНЫҢ КАТЕГОРИЯЛАРЫ МЕН ҰСТЫНДАРЫ

Қазақ философиясының негізгі мәселелерінің біріне кісілік пен әдептілікті айқындау жатады. Қазақ философиясындағы әдеп мәселесін қарастырудан бұрын, осы мәселенің өзегін құрастыратын ұғымдардың мазмұнына қысқаша түсініктемелер беріп өтелік. Өйткені әр түрлі мәтіндегі бұл ұғымдар сан-қылыш мағынада қолданылады. Алғашқы мәдени-әдептік бинарлық оппозиция ретінде “адам” мен “пендені” алуға болады. Адам діни философиялық бағытта қалыптасқан және иудей-христиан-ислам теологиясындағы жаратушы құдіреттілігімен әлемге келген туынды, барлық кісілердің арғы тегі¹. Кейін адам батыс философиясында да, шығыстық философияда да бүкіл адамзатты әмбебапты бейнелейтін тектік ұғымға айналады. Алла тағала адамды табиғаттан жаратқан және оған өзіндік мағына мен рух берген.

Жақсы адам – рухани адам. Осындай мұрат тұтатын адам туралы қазақтанушы Қ. Жарықбаев ойларын былай түйіндейді: “Ақылды адам өзіндік ойы, өзіндік мақсаты, өзіндік бағыты бар, кез келгеннің жетегіне еріп кетпейді. Салқынқандылық, тұрақтылық, мінезділік – адамға ауадай қажет. “Қайда жүрсөң де өзінді тізгіндең ұста”, “Адам болу үшін ерлікпен қатар ақкөңілділік те керек”, “Байсалдылық — ізгі қасиет”. Адамның осындай жақсы қасиеттерін тізбектей келе, жұртты жаман міnez, жат қылыштан жирендіреді. (“Сараңның жұрт түгілі өзіне де дәрмені жетпейді”, “Топасқа қылышы да қырсық болып жабысады”, “Ұятсыздан үйдегі пәле шығады”). Адамға тәмендегідей қылыштар, атап айтқанда – өтірік айтып, дандайсу, ішкілікке салыну, нәпсіге құмарту, іштарлық, күншілдік пен бас араздық, бұзық жолға тусу, босқа күйіп-пісіп, ашуашаң болу, адамның өзін өзі ұстай алмауы және тағы басқалары еш уақытта опа бермейді. Ақылды адам бұларды бойына дарытпау үшін ылғи да, қам жеп, сақ жүреді. Жақсы адам ылғи да жеке басымен қоса, от басының да берекесін ойлап жүреді. Бақытты болу, асыл мұратқа жету жақсы қасиеттерсіз жүзеге аспайды. (“Адамда жақсы қасиет болмаса, оған бақ та, бақыт та қонбайды”). Ал бақ пен бақытқа жету адамның өз қолында. Kisi - өз бақытының қожасы. Бұл үшін ол аянбай еңбек етіп, өз бойына адамгершілік қасиеттерді егіп отыруы тиіс. Адам өзінің ақыл-парасатымен қатар сезім дүниесін де билеп-төстөуі керек, яғни өз көніл-күйінің де қожасы болсын, солғын, қораш сезімді адам – бұл әлде де болса

¹ Мәдениеттану сөздігі / Құлсариеva A. T., т.т. – Алматы: Сорос қоры, 2001. 14 б.

тәрбиесі жетіспеген адам. (“Жанұшыруышылық – топас адамның белгісі”, “Ашу шақыру – ақылға нұқсан келтіреді”, “Ақылдылық ашумен бірге жүрмейді”¹.

Этиканың зерттеу нысаны «әдеп» ұғымы арнаулы әдебиетте бірнеше мағынада қолданылады. Әдеп — қоғамдағы адамдар мінез-құлқына қойылатын этикалық талаптарды білдіретін ұғым. Әдептің қоғамдағы басты қызметі тұлғалық қатынастарды адамгершілік талаптарына сәйкес ретке келтіруімен байланысты. Бұл сипатта әдеп мәдениеттің іргелі бір құрамдас бөлігіне жатады. Мәдениеттің қалыптасу барысында ізгі мінез-құлқы белгілері әдептілік талаптарына айналып отырған. Әдеп өлшемдері арнаулы қаулы арқылы жарияланбайды және олар данышпан адамдардың ойлап тапқан құндылықтары емес. Әдеп ережелері өркениет пен мәдениеттен сұрыпталып алынған. Қазіргі заманғы ғылым әдептің қалыптасуына әсер еткен үш басты факторды атап өтеді. Олар: жыныстық қатынасты реттеу арқылы аналық рудың пайда болуы; тайпа мүшелерін өлтіруге тыйым салу; қариялар мен балаларға қамқорлық ету. Мәдениеттің өзегін салт-дәстүрлік әдеп құрастырады. Егер соқыр сезім жануарлар тіршілігіне қалай әсер етсе, салт-дәстүр де алғашқы адамдардың іс-әрекеті мен мінез-құлқына, ақыл-ойна сондай әсер өтеді. Дәстүрлі қоғамдағы әдептің қарапайым түрін кейін рационалды имандылық қағидалары алмастыруды. Алайда бұдан көне әдеп жоғалып кетті деген ой тумайды. Себебі көне мәдениет қазіргі ұлттық мәдениеттің архиетипі қызметін атқарады. Қазақ халқының ұлттық әдеп жүйесі сонау көшпелілер мәдениетінен нәр алады. Ол казіргі заман талаптарына сәйкес жаңара түскенімен, бастапқы негізін сақтап келеді.

Қазақ философиясындағы әдеп мәселесіне қатысты әлі де мағынасы терең ашылмаған, зерттеуді қажет ететін ұғымға “кісі” жатады. Бұл ұғым туралы сан-алуан түсіндірмелер бар. ”Қазақ даласының ойшылдары (ХIII-XV ғасырлар)” кітабының авторлары ортағасырлық түркі ойшылдары мен хакім Абай да адамның теріс қылыштарына сай “кісі” деген ұғым қолданды дейді де, мынадай қорытындыға келеді: “...әдетте, хакім де пендені адамнан бөліп алады да, оны адам қатарына жатқызбай, ол туралы тек ”кісі“ деген ғана ұғымды қолданады”². Алайда “кісі” ұғымы жақсы адамды бейнелеуге де қолданылады. Қазақтың ”кісі“ болар баланың кісілерде ісі бар, кісі болмас баланың кісілерде несі бар“ деген мақалын еске алайық. Немесе халық: ”Жақсылыққа жақсылық – әр кісінің ісі, жамандыққа жақсылық - ер кісінің ісі“ дейді.

¹ Жарықбаев К. Қазақ психологиясының тарихы. – Алматы: Қазақстан, 1996. 39 б.

² Қазақ даласының ойшылдары. 2-ші кітап /ред. Нысанбаев Ә. – Алматы: ФСИ, 2001. 28 б.

Семантикалық жағынан алғанда “адам” мен “кісі” синонимдер іспеттес және қазақ дүниетанымына тән синкретизмнің көрінісі (Тәнірі, Құдай, Алла сияқты). “Адам” – мұсылмандық мәдениеттен келсе, “кісі” – түркілік атау. Абай бойынша, жақсы кісіде үш қасиет: ыстық қайрат, нұрлы ақыл және жылы жүрек болу керек делінеді. Адамгершілік құндылықтары қашанда кіслік қасиеттерде көрініс табады. “Кішілік пен кіслік – ұлылықтың белгісі”, – деген Махмұт Қашқарі.

“Кіслік қасиеттер” ұғымы Қ. Жарықбаев, Ә. Алдамұратов, Т. Ғабитовтардың “Әдеп негіздері” атты кітабында арнаулы талқыланған: “Қазақ тілінде ”кісі” – адам деген ұғымның мәнді бір атауы, ал “кіслік”, “адамгершілік” дегендер ауқымы кең ұғымды білдіреді. Халықтық атауда кісі атауы кез келген адамға берілмейді. Мәселен, тілі шықпаған баланы, жан-дүниесі күйзеліске ұшыраған кем ақылды, өзіндік бағыт-бағдары жоқ адамдарды да “кісі” деп айту қыын. Кіслік өзіндік іс-әрекеті, мінез-құлқы орнықты, өзге адамдармен қалыпты қатынас жасауды білдіретін адамға тән атау. Кіслігі бар адамның мінезінде ұнамды қасиеттер аз болмайды. Ол ақыл тоқтатып, жүртқа өнегелі сөз айтып, өзгені де тыңдай білетін адам. Кіслігі бар адам бір істі бастаса, оны аяғына дейін жеткізіп, тыңдыруы тиіс. Оның әрбір қимыл-қозғалысы, әрекеті діттеген мақсатына бағытталып отырады¹.

Байқап отырғанымыздай, жоғарыдағы мәтінде “адам” мен “кісі” синонимдар сипатында қолданынады. Жүсіп Баласағұн “кісі-адам” мен “кісі-киікті” ажыратқан. Бұл қисын бойынша, тек әдепті кісі ғана адам бола алады.

Кісіні көрсөн, есікке,
Жұгіре шық кешікпе.
Қарсы алмасаң мейманды,
Кесір болар нәсіпке,” – депті, Үмбетай жырау².

Біздің пайымдауымызша, “адам”, “тұлға” тәрізді ұғымдармен салыстырғанда “кісі” қазақ мәдениеті өрісінде экзистенциалдық мазмұны айқын түсінікке жатады. Кісінің басты кіслігі оның басқалармен қарым-қатынастың субъектісі деңгейіне көтерілуімен көрініс табады, көпшіліктің назарын өзіне қарата алады. Бұл үшін ол “жарқын жүзді, шуақ көнілді, ыждаһатшыл, жылы, шуақ және арайлы жүзді, игі мақсатты, иманды” болуы қажет. Керісінше, кіслігі жоқ адам “қара бет, сұық, көк бет, қалың бет, т.т.” болып келеді³. Ондай кісіге қарап көнілін толмайды, көншімейді.

¹ Жарықбаев Қ., Алдамұратов Ә., Габитов Т. Әдеп негіздері. —Алматы: Мұраттас, 1997. 25 6.

² Назарбаев Н. Ә. Тарих толқынында. — Алматы: Атамұра, 1999. 65 б.

³ Мур Дж. Принципы этики. – М: Прогресс, 1984. 8-11 66.

Кісілік қасиеттер әл-Фарабидің “Қайырымды қала” ілімінде арнаулы қарастырылады. Оның пікірінше, кісілік белгілер, әсіресе, елбасыға тән болуы қажет. Осындай кісіге қойылатын талаптар: “Біріншіден, бұл кісінің мүшелері мүлдем мінсіз болуға тиіс: жаратылысынан өзіне айтылғаның бәрін жете түсінетін және істің жай-жағдайына сәйкес ұғып алатын болуы керек, алғыр да аңғарымпаз ақыл иесі болуы шарт; өткір сөз иесі және ойына түйгеннің бәрін айдан-анық айтып бере алатын ділмар болуы шарт; өнер-білімге құштар болуы, оқып-үйренуден шаршап-шалдықпай, осыған жұмсалатын еңбектен қиналышпазданбай, бұған онай жететін болуы керек; тағамға, ішімдік ішуге, сұхбат құруға келгенде қанағатшыл болуы керек; шындық пен шыншыл адамдарды сүйіп, өтірік-жалған мен суайттарды жек көруі керек; жаны асқақ және арнамысын ардақтайтын болуы шарт; оның жаны жаратылысынан пысық істердің бәрінен жоғары болып, игі істерге ынтаzar болуға тиіс; дирхем, динар атаулыға, жалған дүниенің басқа да атрибуттарына жириене қарауы керек; жаратылыстан әділеттілік пен әділеттілерді сүйіп, әділетсіздік пен озырлықты жек көру керек; қыңыр болмау керек; өзі қажет деп тапқан істі жүзеге асырғанда шешімпаздық көрсетіп, бұл ретте қорқыныш пен жасқану дегенді білмейтін батыл, ер жүрек болуы керек”, – дейді¹. Сонымен, “кісі” шығыстық мәдениетте инабатты адам мағынасына жақын қолданылатын адамдық келбет болып табылады.

Қазақтың дәстүрі мәдениетінде “кісі” ұғымы өзіндік Менін және сөз өнерін жете менгеру арқылы үлгі боларлық адамды да білдіреді. Бұл, әсіресе, ақын-жыраулардың перформативтік дискурсына тән (Ә. Наурызбаева). Бұл дискурста кісілік алдыңғы қатарға шығады. Асан Қайғы толғауындағы кісі өзінің ерекше әдептілігімен көзге түседі:

Ақың болса біреуде,
Айыбын тап та ала бер,
Ерегесіп ұрыспа.
Сенікі жөн болса да,
Атың шықпас дұрысқа.
Мінезі жаман адамға
Енді қайтып жуыспа.
Тәуір көрер кісіңмен
Жалған айтып сұыспа².

Әрине, дәстүрлі қазақ мәдениетіндегі ”кісілік” ұғымы тек эпикалық дәстүрден ғана емес, сонымен бірге мұсылмандық әлеммен қатысты ортағасырлық жазба мәдениетінен де бастау алады. Ұлттық

¹ Ақтамберді //Ақиқат. — 1995. — № 2. 336 б.

² Әбішев Қ. Философия. — Алматы: Ақыл кітабы, 1998. 119 б.

қазақ философиясында “жетілген адам” мәселесі жалпы шығыс философиясы шенберінде қарастырылып, адамды этика, адамгершілік тұрғысынан қарай отырып, сонымен қатар оны білімділікке, парасаттылықта шақыруға ерекше көңіл бөлінеді. “Түркі тілдес халықтарының Конфуцийі” деген беделге ие болған Жұсіп Баласағұн Конфуций сияқты адам мен адам, адам мен мемлекет арақатынасы, әсіресе мемлекетті басқару мәселесін айшықтағанына байланысты жетілген адам мәселесін осы тұрғыдан қарастырады. Ал Әл-Фараби бұл мәселені “Мұрат қоғамды” ұйымдастырумен байланыстырады. Әл-Фараби бақыт мәселесіне, ең алдымен адамның осы дүниеде бақытты өмір сүруінің жолдарын іздестіруге өзінің философиясын бағыттады. Сонымен қатар, әрбір жеке адамның жетілуіне ақыл-ойдың, парасаттылық пен білімнің рөлін ерекше жоғары бағалады.

Кетеген болса – түйен жау,
Тебеген болса – биен жау,
Ұрысқақ болса – келінің жау,
Бәйбішөң аю болса аса алмассың,
Қарау болса, әй деуге бата алмассың,
Мейманға отыңның басы болса сұық,
Еліңе жақсы жігіт атанбассың!¹.

Үмбетей жыраудың осынау жыры әдепті адам болмақтың басты шарты үй ішінен, отбасынан басталады деген ойды тарқатады. Азаматтың өз ортасында, елінде ісі жүріп, абыройы биіктеп кетуі үшін бар жағдай отбасынан басталып, көңілі тыныш, көкірегі жүйрік болуы керек екен. Бұлай болмаған жағдайда, яғни, отбасында сені түсінетін, ақыл бөлісетін кісі табылмаса бейне “арқана тұз артқандай” еңсөң езіліп, ілгері басқан аяғың кері кетіп, күнкөрістің қамымен кеткенің. Ақын-жыраулар сан тараулы өмірдің қыындығы мен қуанышын, шер мен қайғысын, байлығы мен кедейлігін, ылдыы мен өрін кезек алып, сырластыра суреттеп көзге елестетуге шебер. Адам бойындағы кісіні кері кеткізер кесапат қылықтарды қанын шығара ашумен қатар, жақсы мен жаманның айырымын таразылап көрсетуімен қымбат. Ақылгөй даналарды тыңдаған жас қауым іштей жаманнан жиреніп, жақсыға ұмтыла жүреді, өзін ар таразысының алдында әрқашан салмақты, таза ұстауға тырысып бағады. Жыраулар өмірдің өткіншілігін, дүниенің опасыздығын айтып, пәлсапалық түйіндеулер жасайды. Пенденің көзі мен көңілі тойымсыз, ашқарақ көңіл ішсем, жесем, байысам, қуансам, құшсам, сүйсінсем деп, еш басылып болмайды. Дүниені жиган үстіне жинай берсем, жүрт менің байлығыма қызықса, тіпті кезі келгенде аяғыма жығылса деп армандайды. Токтамы, шүкіршілігі кем адамдар

¹ XV-XVIII ғасырлардағы қазақ поэзиясы /редактор Ә. Дербісалиев. — Алматы: Ғылым, 1982. 111 б.

сол арманының соңына шам алып түсемін деп жүріп жарық тіршіліктің баянсыз боларын, бәрінің де бүгін бар, ертең жоқ екеніне ой жібермейді. Намысты ұмытады.

Дәстүрлі қазақ мәдениетінде кіслікке жетелейтін рухани құштердің арасында намыс ерекше рөл атқарады. Намыс адамдық Менді қайрай түседі; “ерді намыс, қоянды қамыс өлтіреді” дейді халық. Қазақ руханиятындағы өмірдің мәні мәселесімен айналысқан ғалым Г. Нұрышева намысты кіслік пен елдікті (қауымды) тұтастырып тұратын фактор ретінде қарастырады.

«Намыс» ұғымына Д. Кішібеков өзінің «Қазақ менталитеті: кеше, бүгін, ертен» (Алматы: Ғылым, 1999) деген монографиясында арнаулы тоқталып өтеді. Оның пікірінше, намыс адамгершілік қасиеттің ең бағалы көріністерінің біріне жатады. Әрине, намыстың түрлері көп. Ол отандық намыс, ұлттық намыс, діни намыс, жершілдік намыс, рулық намыс, жыныстық намыс, семьялық намыс, мамандық намыс болып бөлініп кете береді. Намыс бар жерде жігер бар, қайсарлық, алған мақсатқа жету үшін қындықтарды жеңе алатын табандылық бар. Намысы жоқ, ар-ұяттан, тіпті адамдық бейнеден айырылады. Намыс азаматтықтың басты бір көрінісі. Қазақ халқының тегі нашар емес. Ол мықты халық. Онда намыс та, жігер де, батырлық та болған. Оның негізі де бар. Тарихқа үцілейікші. Александр Македонский көп әскерлерімен Орта Азия жерлеріне енгенде мықты қаруланған құштың қарсылығына тап болған, олардың ішінде әсіресе ерекше қымыл көрсеткен сақ-скифтер екендігі тарихтан белгілі.

Томиристің (Тұмардың) намысты ту етіп, осыған дейін жеңілмеген парсы патшасы Кирді талқандағанына да тарих күә. Әрине, тарихтан әр түрлі себептермен қазақ халқының боданға (орыс тілінің «подданный» деген сөзінің аудармасы) айналғанын, халық арасында құлдық психологиясы, жасықтық, үрей, қорқыныш сияқты сезімдердің де тарағанын бекерге пығара алмаймыз. Алайда, намыс осы халық ділінде ешқашан өшпеген. Мысал ретінде Желтоқсан көтерілісін келтіруте болады.

Мәселен, 1986 жылы 17-19 желтоқсанда қазақ жастары халқына беделді Дінмұхамед Қонаев жаламен жұмыстан алынғанда, оның орнына Қазақстанның басшысы қазақ ұлтынан, не болмаса қазақстандық болсын деп занұы талап қойып ұлттық намысты қорғаған, жоқ па? Осынау әділетті талап-тілек аяққа тапталып, арты қанды қырғынға ұласып, қаншама адам қаза болды. Қазақ қыздарына қол тигізіп жатқан қарулы милиция қызметкерлерінің дөрекілік ісіне шыдай алмаған жас өрен Қайрат Рысқұлбеков нағыз азаматтық, жігіттік намыспен осындай әділетсіздікке қарсы тұрып, араласып, аяусыз жазаланды. Ол өлімге кесілсе де оған қасқая қарап тұрып,

тергеушілер алдында басын имеді. Оның «Атам десең атындар, ереккөңістің күрбандық» — деген сөзі кейін нақылға айналып, ұлт намысын қорғаудың тамаша ұраны болды. Қайраттың осынау жүректілігі ұрпақтан-ұрпаққа үлгі боларлық, ұлттық намысты жанынан артық бағалаудың тамаша үлгісі.

Әрине, қазақ қоғамында, намыссыздық пен жігерсіздіктің көріністері де кездесіп отырған. Қазіргі заманға байланысты Бауыржан Момышұлы былай деген екен: «Жаудан да, даудан да қорықпаған қазақ едім, енді қорқынышым көбейіп жүр. Балаларын бесікке бөлемеген, бесігі жоқ елден қорқам. Екінші, немересіне ертегі айтып беретін әженің азаюынан қорқамын. Үшінші, дәмді, дәстүрді сыйламайтын балалар өсіп келеді. Оның қолына қылыш берсе, кімді де болса шауып тастауға даяр. Қолына кітап алмайды. Үйреніп жатқан бала жоқ, үйретіп жатқан әже, әке жоқ». Қазақтың дәстүрлі әдет құқығы немесе әдел жүйесі туралы сөз болғанда жалпы адамзаттық нормалармен қатар діни ықпал арқылы енген, алайда ұлттық дәстүр құндылықтарын өз бойына жинақтаған ұғым-түсініктерді де естен шығармаған жөн.

Осындағы ұғым-нормалар арасында қазақ әдел жүйесі мен тұлғааралық қатынастарды реттеу қызметтері бойынша «күнә» мен «кінә», «обал» мен «сауап», «тәубе», «киелілік», «бейнет» пен «зейнет», «қанағат», «рахымдылық» т.т. маңызды рөл атқарады. Қазақы түсінікте аталған ұғымдар тек рухани дүниемен шектелмей, нақтылы тіршілікке кісілік өасиеттердің маңызды бөлігін құрастырады. Енді оларға қысқаша талдау беріп өтелік.

Күнә ұғымы халық санасында ислам діні арқылы кең жайылған. Бұл алланың қаһарына ұшыраған адамның басынан жиі кездеседі. Күнәға жалпы адамгершілікке жатпайтын көптеген теріс қылыштар (нәпсікүмарлық, арамдық, азғындық, опасыздық, екіжүзділік, жауыздық, т.б.) жатады. Өз күнәсін кешіру үшін адам қателігін мойындалап, ізгілік бағытында аянбай қызмет етуі тиіс.

Күнәшарлық кешірілуі екі талай, сойқан мінездің көрінісі болса, кінә күнделікті өмірде жиі кездесетін құбылыс. Кінәні әдетте ықылас қойып түзеуге, жуып-шаюға болады. Кей жағдайда дұрыс секілді көрінген іс-әрекеттердің өзі де адамдарды кінәлі етіп қоюы мүмкін. Мәселен, андамай сөйлеу, қателесіп кету, осындағы қылышқа жатады. Кінә мен күнә ұғымдары қазақ ақын-жазушылары мен даналарының қашанда жиі талқыланған мәселесі болып келген. Оларды қазақ өмірінің айнасы деп қарастыруға болады. Мысалы, Шекерім өз замамындағы теріс қылыштармен келіспес күрес жүргізе отырып, ол замана мәселелерін, адамның өміріндегі адал еңбек пен маңдай тер төгіп, жасаған кәсіптің орны мен маңызын, адамзат қоғамының дамуы

барысындағы өнер мен ғылымның, мәдениеттің пайдасын шабыттана айтып, мынадай тұжырым жасайды: «Өзінің қадір-қасиетін жақсы білетін адам өзгелерді де қорламайды. Ол ісінде де, сөзінде де ешқашан пасықтыққа бармайды, ол әрқашанда сабырлы, ұстамды болады. Өзін құрметтейтін адам өзі барда өзгелердің де өзін лайықсыз ұстауына, бейпіл сөздер айтудына немесе дауыс көтеруіне жол бермейді. Ол өзі орындаі алмайтын жеңілtek уәделер бермейді. Ол берген сөзінде тұру қажет екенін біледі. Өзінің қадір-қасиетін сезінетін адам сенімді бағалай біледі».

Күнә ұғымы әр мәдени-әркениеттік жүйеде, әр түрлі мазмұнға ие болуы мүмкін. Мысалы, христианды мәдениетте басты күнәларға жататындары: өзін құдайдан жоғары санау («грех гордыни»), пайдакүнемдік («грех корысти») және нәпсікұмарлық («грех сладострастия») болып есептелсе, онда мұсылмандық әркениетке бұлардың қатарына шарап ішу, бес парызды орындау, несиеге берген ақшадан пайда табу т.т. қосылады.

Көшпелі қазақ мәдениетінде «обал» және «сауап» түсініктерінің моральдық реттеуші қызметі жоғары болған және бұл ұғымдар діни мазмұн шеңберінен шыққан.

Обал — жақсы нәрсенің қадірін біл, оны тастама, түбінде оның зарын тартасың деген ұғымды білдіреді. Бұл — қоршаган ортаға зиян келтіруге, жамандық жасауға, яғни жындыны жәбірлеуге, жансызыды бұлдіруге болмайды деген сөз. Мәселен, біреуге қиянат жасау — обал. Нанның түйірін аяққа басу, не оны рәсуга ету де обал. «Судың да сұрауы бар» дегендегі тамақты босқа ысырап ету, соны жасау үшін төгілген терді, қажырлы еңбекті бағаламау деген сөз. Көргенсіздік пен әдепсіздіктің осындейлардан шығатының түсіну қын емес. Сөйтіп обал ұғымы біреуге қиянат жасаған жағдайдың бәрінде де орын алады.

Сауап — бұл айналадағы жанды-жансызың бәріне бірдей жақсылық жасауға, қамқорлық көрсетуте байланысты айтылатын ұрым. Мәселен, құстың ұясын түзеу, жетім-жесірге қарайласу, аяқ астындары нан қалдықрын көтеріп алу — бұл сауап.

Обал мен сауап ұрымдары қазақ ырымдарында жан-жақты көрініс тапқан.

— «Қазақ шашты далага тастамайды, жерге көмеді. Құс шашты ұясына салса — бас ауруға шалдырады, бас айналғыш болады, ұмытшақтық, жеңілтектік дертке шалдырады деп пайымдайды. Обал мен сауап нормалары ауызекі мәдениетте киелілік түсінігімен астас келеді. Оның негізінде анималистикалық, тотемистік және фетишистік көне нағымдар да жатыр.

Қазақ дәстүрлі мәдениетіндегі әдептіліктің басты белгілеріне жататындары: атамекен мен туған халқына деген сүйіспеншілік, арұяты қастерлеу, намыстылық, мейірімділік, ізеттілік, ата-бабалар әруағы мен ақсақалдарды сыйлау, ата-аналық парыз бен балалық қарыз, әділдік, қанағатшылдық және т.т. Басқаша айтқанда, этностиң басты ұғымдары әдептіліктің, кісіліктің төнірегінде топтасқан.

Бірақ, қазақ дәстүрлі мәдениетінде айшиқталған әдеп ұстанымдары батыстық этика ұғымдарынан басқаша, өзіндік бітімі бойынша тұжырымдалады. Біріншіден, кісілік қасиеттер ауызекі поэтикалық арнада көркем суреттемелер арқылы берілген. Екіншіден, әдеп нормалары (кісілік белгілер) қазақы руханиятта құқықтық, діни, көркем өнерлік нормалармен синкретті әрекет еткен. Үшіншіден, әдеп нормалары ақын-жырауларда ауызекі мәдениеттің көне ұлгілерін қамти отыра жырланған.

Жақсылық пен жамандықты айыру табиғат құбылыстарына табыну, олардан мейірім күту, өсіресе, бата беру, сыйыну, құрбандық шалу сияқты қазақы рәсімдерде, бәдік өлеңдерде анық байқалады. Сөзіміз дәлелді болу үшін бірнеше дерек сілтемелер келтірейік.

Аспан шырақтарына табынудың үлгісі:

Ай көрдім, аман көрдім,

Баяғыдай заман көрдім.

Ескі айды есірке,

Жаңа айды жарылқа¹.

Наурыз күні берілетін батаның бір түрі:

Ақ мол болсын,

Қайда барса жол болсын,

Ұлыс бақытты болсын,

Төрт түлік ақты болсын,

Ұлыс береке берсін

Бәле-жала жерге енсін!

Бәдік өлеңінде жамандықты аластау басты тақырып ретінде алынады:

Көшер болсаң әй бәдік, жыланға көш!

Құйрығы жоқ, жалы жоқ құланға көш!

Көш айласын білмесең мен айтайын,

Жердің жүзін қаптаған тұманға көш!»².

Әдеп, тіпті, жалпы рухани мәдениет, жақсылық пен жамандықты айыра білу қабілеттілігінен басталады. Жануардың жануар болып қалатын түпнегізі осы қабілеттіліктің болмауында. К. Жарықбаевтың

¹ Хасенов Э. Қазақстан мәдениеті мен өнерінің тарихы (XV-XVIII ғ.ғ). 2-ші бөлім. – Алматы: ҚазМУ, 1988. 87 б.

² Соңда, 82 б.

қосавторлықпен жазған “Әдеп негіздері” кітабында бұл ұғымдарға мынадай анықтамалар беріледі: “Жақсылық – жалпы әдептің баламасы, адамгершілік пен имандылықты білдірудің ең жалпылама ұғым-түсінігі. Адамға жағымды нәрселердің бәрі жақсылық ұғымына кіреді... жамандық – керісінше, адам құнкөрісіндегі жағымсыз көріністердің жалпылама аталуы. Оған қоғамдық пікірмен айыппалатын теріс қылыштар мен пиғылдар жатады”¹.

Қазақы дүниетанымда жақсылық пен жамандық ұғымдары ақынжыраулар шығармашылығында жан-жақты әрі көркем суреттелген. Бұл түсініктер таза поэзия аумағынан шығып, халық даналығы үлгілеріне, философиялық пайымдауларға айналған. Жақсылықтың отаны - Жерұйықтың қандай басты белгілері бар? Бұл сұраққа жауапты заман талаптарынан, халықтың арман-аңсауларынан, өкініштері мен мұқтаждарынан іздеу керек. Шоқан Уәлиханов – осы мәселеге алғашқы назар аударғандардың бірі. Галымның сараптауы бойынша, қазақтардың аңыздарында ноғайлармен көрші отырған кездері алтын заман болғаны туралы айттылады. “ноғайлы мен қазақтың бағы жанған заманда” – дейді олардың эпостары әрбір қиссаларының басында².

Яғни, Жерұйық ешқандай утопия да емес, болашақ туралы сөүегейлік те емес, бұрынғы туыс түркі халықтарының (алты алаш) бірлігін жырлау болып табылады. Жерұйық идеясын батыстың утопиялық құрылымдарымен теңдестіру біздің зерттеулерімізде жиі кездесетін үлгі болып табылады. Бұл әдістеме батыстық барлық модельдердің біздегі баламаларын іздеумен әуестенеді. Халық “жерұйықты” – “қой үстіне бозторғай жұмыртқалаған заманды немесе елді қынышылықтан құтқаратын батыр, дана, көсем туралы утопиялы әңгіме, аңыз шығарады және бұл аңыздық тұлғалар тарихта болған кейіпкерлерден шығарылады. Осыдан барып мессияндық роль атқаратын адам, елге ырыс-дәulet беретін қоныс жайында әпсанахиқаят қалыптасады”³.

Қазақ әдебінде жақсылық пен жамандық синкретті: әрі әдептік, әрі тәлімдік, әрі өнегелік категориялар ретінде баяндалады және олар кісілік қасиеттердің санатында жүзеге асу мүмкіндіктерімен жырланады. Бұл өмірлік философияда жақсылықтың өлшемі адамның өз атына сай тіршілік етуі болса, онда жамандық тіршілікті шектеу деп түсіндіріледі. Яғни, жақсылық адам мен әлем арасындағы үйлесімдік. Тек нағыз адамның қолынан ғана жақсылық жасай білу

¹ Жарықбаев К., Алдамұратов Ә., Габитов Т. Әдеп негіздері. —Алматы: Мұраттас, 1997. 112 б.

² Қасқабасов С. Қазақтың халық прозасы. – Алматы: Фылым, 1984. 235 б.

³ Соңда, 145 б.

келеді. Жамандық – үйлесімсіздік, шектен шығу, теріс қылық,, “ғаріп” нәрсе:

Бұл заманда не ғаріп ?
Ақ қалалы боз ғаріп,
Жақсыларға айтпаған
Асыл шырын сөз ғаріп,
Замандасы болмаса,
Қариялар болар тез ғаріп,
Қадірін женге білмесе,
Бойға жеткен қыз ғаріп,...
Мұритін тауып алмаса,
Азғын болса пір ғаріп¹.

Жоғарыдағы жолдардан жақсылық пен адамдық қасиеттер көрінісі ғана емес, оған қоса жалпы ізгілікпен тепе-тен, абсолютті бастау ретінде қарастырылатынына көзіміз жетеді. Қазақ философы Қ. Әбішев жазғандай, жақсылықтың айшықты өлшеміне адамдардың дүниемен қатынасына да, өзара қатынастарына да олардың ешқашан өшпес құндылықтар екенін мойындал, оларды сақтау, қастерлеу және оны бұзатын, оны былғайтын, оны тәрік ететіннің бәрін де жамандық деп қараяу².

Бұл сипатта жамандықтың жиі кездесетін түрі – жетесіздік, қадірлек білмеу:

Ауылдағы жамандар
Ер қадірін не білсін!
Көшіп-қонып көрмеген
Жер қадірін не білсін!
Көшсе, қона білмеген,
Ақылыңа көнбекен
Жұрт қадірін не білсін!³.

Бұл жерде маңызды этикалық мәселе көтеріліп тұр. Ол – жақсылықтың шартсыздығы. Біздің ісіміз жақсылық па, әлде жамандық па деп дәлелдеп жатудың қажеті жоқ. Ол дауысқа салынбайды, тылсымдық түрде бірден аңғарылады. Не болса да, сол болуы керек. Өйткені ізгілік адамның болмысымен тікелей қатынасты, жақсылықтың жасалуы есеппен жүрмейді; онда ол оны сатқанмен, міндесінгенмен бірдей әрекет болып табылады; ол “өз қайтарымын күтпейтін және адамның шынайылығынан туындаған өмірдегі нұрлы қадамдар болып табылады”. Жақсылықтың бағдары – адамды көтермелеу. Керісінше жасалған әрекет жамандыққа әкеледі.

¹ XV-XVIII ғасырлардағы қазақ поэзиясы /редактор Ә. Дербісалиев. — Алматы: Ғылым, 1982. 8 б.

² Әбішев Қ. Философия. – Алматы: Ақыл кітабы, 1998. 259 б.

³ Бес ғасыр жырлайды. 1-ші том. — Алматы: Жазушы, 1984. 28 б.

Ақын-жыраулар шығармашылығын жан-жақты зерттеген ғалым-жазушы Мұхтар Мағауин осы жөнінде мынадай ойын алға тартады: “Жаман кім, жақсы кім – ол жағын жырау онша қазбаламайды. Мысалы, Шалқиіздің түсінігіндегі жаман – жолдасының “басы жауда қалғанда“ жан қиоға шыдамай бас сауғалап кетер адам. Ал жақсы – жолдасын жауға қалдырмас, “тұсында тұлпары тарп ұрып тұратын атаулы ер”¹. Шалқиіздің жақсылық пен ізгілік түсініктерін мәтіндік (немесе интермәтіндік) талдау мәселенің жаңа қырларын аша түседі және ғылыми обьективтің кепілі болып табылады. Сонымен, Шалқиіз толғауларындағы жақсылыққа жататындары:

- алаштан байтақ озуы ;
- алғаным ару болуы ;
- батырлық өмір сүруі;
- ерлердің алдаспаннан игі қолы болуы ;
- бас иетін Темір сияқты сұлтанның болуы ;
- тәңірінің дәрежені артық етуі ;
- дұспаннның қолы жете алмауы ;
- мал аямайтын достың болуы;
- ата-ана үйінің Меккеден артық болуы;
- жығылғанды тұрғызу, жылағанды уату;
- ата қоныс: қоғалы көлдер, қом сулар;
- туысқаннның көптігі;
- көбе бұзар жебенің болуы;
- ел бастар ғадыл төре, сөз бастар шешен, қол бастар аға жігіт бар;
- жақсылардың өлмейтін сөзі бар.

Жыраудың адам, оны қоршаган орта жайындағы түсінігі сол заманнның санасынан елес береді. “көптің құрығы ұзын”, “көп – жауға сұс, елге – қорған”. Бұл мақалдың ақиқаттығы әсіресе білектің күші билікші болған ескі жаугершілік заманда ерекше көзге түседі. Сол қалың көпті қайтсем біріктірем деп жырау мұңаяды. Ол заман үшін мұның жалғыз-ақ жолы ол – рулар туыстығы, қандастық. Сондықтан Шалқиіз “жалғыздың жоғы табылmas, рулының оғы қалса табылар” деген мақалдың даналығына бас ұрады. Алайда, туыстың бәрі бірдей емес, жақсысы да, жаманы да бар.

Жақсылық пен жамандықтың арақатынасын зерттеу әдептанудың басты мәселесіне жатады. Жақсылықтың үш түрлі түсінігін атап өтуге болады: 1) ізгілік ретіндегі жақсылық – этикалық ұстаным, онтологиялық бастау, әдептің жалпы принципі; 2) кісілік қасиет (жақсы адам); 3) әрекет (жақсылық жасау). Жамандық, әдетте,

¹ Магауин М. Қазақ хандығы дәүіріндегі әдебиет. – Алматы: Ана тілі, 1992. 29 б.

кісілікке қарсы бағытталған әрекет ретінде қаралады. Жамандық күнә, кінә және мәдениетсіздіктен (мәкрұх) тұрады.

Бұқар жырау өз заманындағы жамандықтың басты себебі ретінде қоғамдық күйзелісті алады.

Ай заман-ай, заман-ай,
Тұсті мынау тұман-ай,
Істің бәрі құмән-ай,
Баспақ, тана жиылыш
Пана болған заман-ай,!
Құл-құтандар жиылыш,
Құда болған заман-ай!
Жақсылардың малы жоқ –
Жамандар малыменен теңелер!”¹.

Бұқар жырау тек замани жамандықтарды сынап қана қоймай, олардан арылудың жолдарын көрсетуге тырысады: “әрекетсіз жақсылық жоқ, жақсы іссіз кісілік жоқ, кісіліксіз адам жоқ, адамсыз махаббат жоқ, махаббатсыз бақыт жоқ”. Жақсылықты осылай түсіну арқылы жырау “Адам тіршілігінің мәні не және ол не істеу керек?” – деген сұраққа жауап іздейді. Жыраудың көзқарасы бойынша дүниеде бәрі өткінші, тек адамның жақсы істері мен аты мәңгіге қалады.

Адам үшін оның өміріне мән беріп тұрган негізгі нәрсе – өз бойындағы адамшылықты жоймау, бүкіл өмір бойында адамға лайықты өмір сұру. Осы дүниеге адам болып келгендейтін, осы дүниеден адам болып кету керек. Адамның адамдық қасиетін өмір сұру барысында жоғалтып алмау бұл да адамның ең алдымен өз алдында, басқа адамдар алдындағы жауапкершілігі, ол адам тарапынан белгілі бір ерік-жігерді, қайратты қажет етеді. Адам баласы ежелден-ақ бақытты өмірді, бейбіт тіршілікті, берекелі тұрмысты аңсап-армандалап, іздеген. Қайткенде адам бақытты болады? Қай жерде, қандай жағдайда ол өзін бақытты сезінеді? Міне мұндай сұрақтар әр заманның данышпанын да, қарапайым жүртyn да толғандырған.

Бұқар жырау жырларынан оның нақыл сөздерге философиялық ойлы тебіреністерге толы, заманының көкейкесті мәселелерін көтеріп отырған азамат ақын болғандығын көреміз.

Шашырап шыққан қандар көп,
Шашау жатқан малдар көп.
Қайсыбірін айтайын,

Айта берсең сөздер көп”², — деп, бір ішкі жан-дүниесімен күйзеле толғайды. Оның толғауларынан жыраудың өмірге, өзін

¹ XV-XVIII ғасырлардағы қазақ поэзиясы /редактор Ә. Дербісалиев. - Алматы: Фылым, 1982. 75 б.

² Қазақ хандығы дәуіріндегі әдебиет. Хрестоматия / құр. Мағауин М. – Алматы: Ана тілі, 1993. 120-124 б.

қоршаған ортаға деген философиялық көзқарасы аңғарылады. Сонымен қатар жырау тек сөзбен емес, жамандықты іспен де шектеуге шақырады. Құр сөз, дейді ол, бос, болып қалды:

Көкте бұлт сөгілсе,
Көктеп болмас не пайда.
Көкіректен жан шықса,
Қайтып келмес не пайда.
Дін мұсылман болмаса,
Тіл мұсылман не пайда.
Қызда қылық болмаса,
Құр шырайдан не пайда.
Ерге дәүлет бітпесе,
Шүлдіреген қызыл тілден не пайда¹.

Хандық дәуіріндегі ақын-жыраулардың этикалық түсініктері жоғарыда аталған фольклор үлгілерімен үндес келеді. Өйткені олар бір этномәдени қеңістікте қалыптасқан. Хандық дәуіріндегі ақын-жыраулардың этикалық ойларының философиялық негіздерін қарастырғанда олардың исламдық және байырғы нағымдардың синкретті қосындысы екендігіне назар аудару қажет. Бұл сипатта екі қайшы пікір бар екендігін атап өтуге болады. Кеңес Одағында қазақ ақын-жырауларының діни өкілдерді сынаған кейбір жолдарынан олар исламды онша қолдамады деген тұжырым жасалды. Бұл сарын соңғы жылдары жазылған кейбір зерттеулерде де орын алады. Мысалы, қазақ халқының “аңқау елге арамза молда”, “молдаға мал қайғы, момынға жан қайғы”, “мың күн ұжмақтан – бір күн тірлік”, “дін қараңғы ін” сияқты мақалдарынан қазақ дүниетанымына материализм мен пантегионизмнің кейбір көріністері тән болды деген сараптаулар да кездесіп тұрады².

Келесі көзқарас ақын-жыраулар имандылық мәселесіне үлкен көніл бөлді, сондықтан олардың шығармашылығы діндарлық ұстанымды қолдады деген пікірмен байланысты. А. Мейірманов исламға дейінгі қазақтың монотеистік және табиғи нағымдары моральдан тыс болды, тек мұсылманшылдық шынайы әдепке жеткізді деген қағиданы ұсынады: “пұтқа, отқа, жеке адам басына, тауға, тасқа, т.б... табынған соқыр сенім – ақылды бұғаулап, рухты басып-жаншып өсірмеудің және қоғамның әлеуметтік құйзелуінің бірден-бір себебі”³. Сонда тәніршілдікті ту еткен түркі қағанаттары құйзелген қоғам

¹ Қазақ хандығы дәуіріндегі әдебиет. Хрестоматия /құр. Мағауин М. - Алматы: Ана тілі, 1993. 117 б.

² Бейсенов Қ.Ш. Қазақ топырағында қалыптасқан ғаклиятты ой кешу үрдістері. – Алматы: Ғылым, 1994. 72 б.

³ Қазақ даласының ойшылдары (XV-XVIII ғ.ғ) 3-ші кітап /ред. Нысанбаев Ә. – Алматы: ФСИ, 2001. 7 б.

болып шыға келді. Эрине, исламның өркениеттендіру қызметін ешкім бекерге шығарып отырған жоқ. Алайда, әруақты қадірлеу соқыр сенімге жата қоймас. Әр тарихи кезеңнің, этномәдениеттің өзіндік реттеу тетіктері (әдебі) болған.

Таза діни ұстанымда бұл дүниенің жалғандығына басты назар аударылады. Әлем жетіспеушілігі оның кемістігін о дүниеде толтыруға болады деген ой туындаиды. Алайда қатал даланы шебер игере білген көшпелілер үшін бұл дүниенің қындықтарын жеңе білу өз қабілеттілігін жетілдірумен байланысты. Ол үшін жоғары моральдық қасиет қажет. Осындай өмірлік позиция ақын-жыраулар шығармашылығында анық жарияланады. “Мен нағыз адаммын, себебі адамдық белгілерді өз бойыма жинақтай білдім”, - дейді олар.

Тоғай, тоғай, тоғай су,
Тоғай қондым өкінбен,
Толғамалы ала балта қолға алып,
Топ бастадым, өкінбен,
Тобыршығы биік жай салып.
Дұспан аттым, өкінбен,
Тоғынды сарты нар жегіп,
Көш түзедім, өкінбен,
Ту құйрығы бір тұтам,
Тұлпар міндім, өкінбен,
Тұған айдай нұрланып
Дұлыға кидім, өкінбен,
Зерлі орындық үстінде,
Ақ шымылдық ішінде
Тұлымшағын төгілтіп,
Ару сүйдім өкінбен¹, – дейді Доспамбет жырау.

Хандық дәуірінің көркем санасында, бір жағынан, күйбең тіршіліктің ырықсыз иесі болу құпталмаса, екінші жағынан, қиял мен елеске бағытталған өмір де мұрат болмады. Осы тұрғыдан қазақ ақын-жыраулары діндегі әдептік бастамаларға басты назар аударды. Бұл жөнінде белгілі философ Қ.Ш. Нұрланова өз ойын былай тұжырымдайды: қазақта “жалпы жарық дүниеге табыну мәдениеті терең орын алған. Ешнәрсеге, ешкімге қиянат жасамау – мұсылманшылықтың негізгі этикалық арқауы. Қазақ дүниетанымының негізі – этикалық арқау”².

Сол сияқты хандық дәуірдегі қазақ мәдениетінде де түркілік “Тәнірі” мұсылмандық “Алламен” бір бейнеге айналып кетті. Ақын-жыраулардың әдептік түсініктері де жалпы мұсылмандық

¹ Бес ғасыр жырлайды. 1-ші том. — Алматы: Жазушы, 1984. 38 б.

² Қазақ даласының ойшылдары. 2-ші кітап /ред. Нысанбаев Ә. — Алматы: ФСИ, 2001. 141 б.

контекстіден аулақ болмады. Сөзіміз дәлелді болу үшін ақынжыраулар шығармашылығына жүгінейік:

Басты, бірінші тілек аллаға арналады:

Бірінші тілек тілеңіз,

Бір Аллаға жазбасқа¹.

Немесе жыраудың басқа да өситеттері:

Ей, айтшы, Алланы айт,

Аты жақсы құдайды айт.

Төрт шадияр Мұстафа,

Нұсқап ашқан ғаламды айт.

Тәнірім сөзі бұрқанды айт,

Кәлім Алла құранды айт,

Тәнірім салса аузына

Жан жолдасың иманды айт².

Халқымыздың үлттық дәстүрі бойынша, кісіні сыйлау, құрметтеу, оның кісілігін үйрену әрбір жастың парызы болып табылады. Үлкен кісінің алдынан қия өтпеу, үлкен адамға орын беру, оны төрге шығарып құрметтеу, оған сәлем беру, көңіліне қарау – адамгершілік борыш ретінде қалыптасқан дәстүрлер. Ерлік пен елдік, отаншылдық пен сүйіспеншілдік, ынтымақ пен бірлік, жан тазалығы мен адаптостық – бәрі де ақын-жырауларымыздың жыраулық поэзиясынан орын алған, осының өзі – болашақ ұрпақтарыздың бойына бүкіл кісілік асыл қасиеттерді жинақтауға зор көмек беретін бала тәрбиесінің бастау бұлағы.

Жыраулық поэзияның ірі өкілдері Асан қайғы мен Қазтуғанның, Доспамбет пен Шалқиіздің, Ақтамберді мен Бұқар жыраудың ж.т.б. елдік пен ерлікті, азаматтық пен адамгершілікті жырлаған өршіл өлең-жырлары, туған жер, ата-қоныс, ел тағдыры, өмір өткелдері мен қоғам жайлы философиялық толғау-тұжырымдары, өткір ойшылдық пен шешендік өнер өнегелері адамзат атаулыға тән асқақ кісілік идеяны паш етеді. Осы үлгі-өнеге тұтар, ұрпағымыз мақтанышпен мәнгі естерінде ұстар ақын-жырау, даналарымыздың әрқайсысының өмір жолдары сол өзі өмір сүрген заман тарихымен тығыз сабактастықта жатыр. Жалпы кісілік құндылық болып табылатын: салауаттылық, инабаттылық, ізеттілік, ар-ұятты болу, қайырымдылық, перзенттік парыз, ата-анаға, отанға қызмет ету, ұлтын, халқын отанын сую, қорғау, әдептілік, имандылық, ар-намыстылық, өнерпаздық, ата-текті қастерлеу, бүкіл адамзаттық адамгершілік қасиеттерді ардақтау, ерлік деген ұғымдарды тәлім-тәрбиеде кісілік өлшемдердің көрсеткіші деп

¹ Бес ғасыр жырлайды. 1-ші том. — Алматы: Жазушы, 1984. 92 б.

² Сонда, 114 б.

санасақ, адам бойына қуат берер осынау ізгі қасиеттерге баулуда жыраулық позэиядан аларымыз өте көп.

Тұстастай белгілі бір кезеңдердің қоғамдық-әлеуметтік, тарихи сипатын таныта алатын дидактикалық-философиялық сарындағы толғаулармен қатар сөз зергерлері адамгершілік, этика, мораль тақырыптарын да адам өмірінің түрлі жағдайларына қатысты келістіре жырлап, ел ішінде тәрбиелік міндет атқарып отырғаны байқалады.

Кісілік құндылықтары туралы жалпы пайымдаудан кейін, олардың қазақтың әдеп мәдениетіндегі нақтылы көріністеріне назар аударалық. Академик Әлкей Марғұлан қазақ халқының эпикалық мұрасында мынадай құндылықтар басты орын алады дейді:

“…қаһармандық жырлар, сұлу ертегілер туғызуға патриархалдық дәуірдегі негізгі сарындар мынадай еді:

- А) бейбітшілік;
 - Ә) ел қорғаған ерлерді ардақтау;
 - Б) жұртқа ақылшы болатын қарияларды қадірлеу (Қорқыт, Жиренше шешен, Асан қайғы);
 - В) алып ер туатын ананы құрмет тұту;
 - Г) алпыс басты “ақ орданың аяулысы” – жас әйелді біреуге олжа түсірмеу;
 - Д) келешекте ана болатын қызы баланы тәрбиелеу;
 - Е) ер баланы баулап, садақ аттыру, жапан түзге жалғыз жіберіп, аң аулатып, ерлік сынаудан өткізу (мергендер типі);
 - Ж) жүйрік жылқыны тануды бағалау… Міне, осының бәрі аталық дәуірдегі жұртшылық тілегін білдіреді”¹.
- Жақсылық, әділеттілік, достық, махаббат сияқты әмбебапты кісілік қасиеттермен қатар, ақын-жыраулар шығармашылығында мұсылмандық (имандылық, сауаптылық, тәубешілдік, рахымдылық және т.б.), көшпелілік (тектілік, төзімділік, шешендік, сөзге тоқтау, қауымшылдық, балажандық, меймандостық, киелілік және т.б.) құндылықтары жырланады.

Жазусыз ақпараттық аяда қалыптасқан кісілік құндылықтарда діни, этикалық және қауымдық бастауларды үйлестіру мәселесі маңызды. Мысалы, “киелі” түсінігін кейбір зерттеушілер христиан халықтарындағы “сакральды”, “қасиетті” (священный) сөздерімен тели салады және аталған ұғымды тек діни мағынада түсіндіреді. Бұл, әрине, көшпелілік тұрмысты жете білмеуден шығады. Кезінде Шоқан Уәлиханов қазақтар екі тылсым күшті: “киелі” мен “кесірді” мойындайды деген. Дәстүрлі мәдениеттегі ырымшыл қазақ үшін киелі нәрсeler мнемоникалық рәміздер қызметін атқарды. Батыстық бағыттағы зерттеушілер үшін “киелі” діни әдет-ғұрыптармен ғана

¹ Марғұлан Ә. Ежелгі жыр, аныздар. – Алматы: Жазушы, 1985. 362 б.

байланысты болса, номадалық тіршілік тынысын терең зерделеген ғалымдар киелілік деген деңгейден табиғи тылсым оқигалар, құбылыстар мен нәрселерден көрінетіндігін атап өтеді. Мысалы, аспан шырақтары, жапан даладағы жалғыз ағаш, бұлақ, қолдан жасалған балбалдар, пүттар, қорғандар және т.б.

“Едіге батыр” жырында айтылғандай, киелі дәрежеге табиғи құбылыс өзімен өзі емес, керісінше, адамға тигізетін оң ықпалы арқылы ие болады.

Қарға қонбас қара ағаш
Қаз қондырдым жұрт үшін.
Құзғын қонбас қу ағаш
Қу қондырдым жұрт үшін.
Қу қанатын сал қылыш,
Еділ, Жайық өзеннен
Көктей өттім жұрт үшін...¹.

Қазақ даласын жете білген поляк саяхатшысы Бронислав Залесскийдің “Қазақтардың киелі ағашы” деген суреттемесінен осы мәселе жөнінде түбекейлі ақпарат алуға болады. Саяхатшының әрі суретшінің бейнелеуі бойынша, киелі ағаштың жанынан өткен кезде «қазақтар түйелерін шөгеріп, аттың жабуын немесе кілемшені жайып қояды да тізелерін бұғіп, немесе малдас құрып отырып дұға оқиды. Соңан соң өздері де ағаш бұтақтарына киімінен жыртып алған шүберек немесе қой терісінің қындысын, тіпті болмаса ат құйрығынан кесіп алған қылды ақтық ретінде байладап кетеді. Олар киелі ағашқа ақтық байлау бақыт әкеліп, ауру-сырқаудан қорғап-қоршайды, өмір жастарын ұзартады деп ойлайды. Сондықтан, тек биік ағаш қана емес, шөлдегі жол бойында кездесетін аласа бұталарда да ақтық байлаулы тұрады.

Мұндай ағашты кесу қазақтар үшін күнәнің ең ауыры болып саналады, сондықтан оның тіпті қураган бір бұтағын сындыраң бір жан болмайды. Мұғаджар тауына жақын жазықтардың бірінде өсіп тұрған бірнеше дінді жабайы өрік ағашын көргенім бар, әбден қурап қалған көптеген ірі бұтақтардың біреуіне қол тигізуге ешкімнің жүрегі дауаламайды. Ілінген ақтық шүберектер мен қой терісінің қындыларының көптігіне септік жоқ, ағаш басына салынған ой бүркітінің ұясына да адамдар тарарапынан келер еш қиянат жоқ, себебі, киелі ағашқа салынған ұя да киелі”².

Бұл суреттемеге, шынында, артық нәрсені қосу қыын болар. Осы көзқараспен ақын-жыраулар мәтіндеріндегі киелілік суреттемелерін салыстырып көрелік.

¹ Бердібаев Р. “Едіге батыр” жыры туралы. // Әлем: Альманах. –Алматы: Жазушы, 1991. 278 б.

² Лотман Ю. Мәдениеттер типологиясы // Әлем: Альманах, 1991. 177-178 бб.

Асан қайғыдан:

“Ел жағалай қонбаған көл” – кесір;

“Жазда жайлайтын, қыста қыстайтын Еділ мен Жайық” – киелі;

“Өлетүғын тай үшін, көшетүғын сай үшін ұрысу” – кесір;

Қазтуғаннан:

“Салуалы менің ордам қонған жер” – киелі;

Ақтамдердіден:

“Түйе мойын тұз кесер,

Жігіт мойнын қыз кесер...

Жомарт қолын жоқ кесер”.

Өртеніп кеткен жар,

Қайырсыз болған бай (кесір)”

Үмбетей жырау, “кие” мен “кесір” түсініктерін тікелей кіслік қасиеттермен теңестіреді:

“Кісіні көрсөң есікке,

Жүгіре шық, кешікпе,

Қарсы алмасаң мейманды

Кесір болар несіпке”¹ [9, 64 б.].

Немесе:

“Елімді иесіз деймісің,

Ерімді киесіз деймісің,

Алты арасқа білдірмей,

Басып жеймін деймісің?!?”².

Бұқар жыраудан:

“Жұмсасаң бала тіл алмай,

Қатының қарсы шауып ұялмай...

Ел қонбайтын шөл...“

Көтеш ақыннан:

“Ай қараңғы, күн бұлыт, тұн деменіз,

Біреу жарлы, біреу бай, күн деменіз,

Ата тілін алмаған арам ұлды,

Аузы түкті кәпірден кем деменіз”³.

Сонымен, “киелі” және “кесірлі” түсініктерін не христиандық “священный” және “не угодный богу”, не мұсылмандық “қасиетті” және “мәкрух” ұғымдарымен теңестіру дұрыс емес. Қазакы дүниетанымда бұл ұғымдар көшпелілік өмір салтынан туындаған және адам мен дүниенің арақатынасын айқындай түседі.

Қазақ әдебіндегі жиі қолданатын кіслік құндылықтың бірі – тектілік. Бұл ұғым ортағасырлық түркі философиясында да жан-

¹ XV-XVIII ғасырлардағы қазақ поэзиясы /редактор Э. Дербісалиев. - Алматы: Фылым, 1982. 64 б.

² Сонда, 65 б.

³ Сонда, 108 б.

жақты қарастырылған (әл-Фараби, Жұсіп Баласағұн және т.б.). Дәстүрлі қазақ мәдениетінде тектілік рулық және генетикалық қатынастардың басым мүдделілігін білдіреді. Тектіліктің нақтылы тарихи формасына жеті аталық үрдіс жатады. Қазақтың “жеті атасының атын білген бала, жеті рулы елдің қамын жейді” деген нақыл сөзі бар. Жеті аталық үрдісті әдебиетте инцестке тыйым салудың дәйекті түрі десе, көптеген зерттеушілер жеті аталық үрдісті “туысқандық қоғамның” айқын көрінісі деп қарастырады¹.

Ақын-жыраулар шығармашылығында тектілік мәселесі балажанды қазақ үшін текті әйел алумен байланысты қойылады. Белгілі жазушы-ғалым А. Сейдімбектің атап өткеніндей, миф, әфсаналардан бастап ортағасырлық жырауларға дейін әйел тектілігінің маңызы туралы талай ғибрат сөздер айтылған: “Шығыс халықтарының ішінде қазақ сияқты санаулы ғана халықтың әйелдері бетіне паранжы салмай, дидарын ашық ұстап, қымсынбай еркін жүруі де көшпелілер өмірінде әйел баласы ер адаммен бірдей, тең дәрежеде болғандығынан шығар. Әйел-ананы құрметтеуге, қастер тұтуға деген дархан этиканың қалыптасуына не себеп?! Себеп біреу-ақ, ол – көшпелі өмір салтынан туындастын әлеуметтік қажеттілік демекпіз. Талдаңқырап айтқанда, көшпелі өмір салтында әйел-ана еш уақытта еңбектен қол үзіп ажыраған емес. Яғни отбасы бақыты, ру амандығы, ел тағдырына қатысты қазақ әйелдерінің қоғамдық жауапкершілігі ерлерден еш кем болмаған”².

Тектілік кісілік құндылық ретінде қазақ халқының құнделікті тіршілігіне етene еніп кеткен. Оның нақтылы көріністеріне жататындары: ата-баба әруағын ардақтау, ата-ана алдындағы перзенттік борышын актау, ағаны арқа тұту, “құданы құдайдай сыйлау”, күйеу баласын туған ұлындаі көру, қыз баланы ерекше құрметтеп, әпке – екінші ана, “келіннің аяғынан, қойшының таяғынан”, “келін келді – құт-береке келді”, “балалы үй базар”, “бала бауыр етің”, “бір үйде қанша болсан, бір-біріңе қонақсың”, “жақсы женге – анадай абзал”, “әкең өлсе де, әкенді көрген өлмесін”, “төрт аяқтыда бота тату, екі аяқтыда бөле тату”, “інім де, інім дегенше – күнім де”, “ағасы бардың жағасы бар” және т.б.

Ақын-жыраулардың осы құндылықтар жөніндегі суреттемелеріне назар аударайық. Олардағы бұл түсініктің қалыптасуына мынадай бір қисын бар: тектілік дәстүр жалғастығымен айқындалады және өмір сүріп отырған әлеуметпен үйлесімдікті талап етеді:

“Өз басынды зорайтып,

¹ Айтматов Ш., Шаханов М. Төрт ана немесе туған жерге табан тіреу // Егеменді Қазақстан. — 1995.- б.

² Сейдімбеков А. Күнгір-күнгір күмбездер. — Алматы: Өнер, 1984. 7 б.

Тендес қайдан табарсың?
Қарияларын жамандап,
Кеңес қайдан табарсың?
Қарындасын жамандап
Өзіңе туған табылмас”¹.

Егер тарихи арғы текке назар аударсақ, онда бұл түсінік “аталы” сөзімен айқын берілетіндігін байқауға болады:

“Аталының баласы
Жабыққанын білдірмес
Жамандар мазақ қылар деп”.

Текті адам деп құрметті ата-бабалары бар кісі айттылады. Бұл үшін “ата жұрты бұқара өз қолында болуы қажет”. Қазақы түсініктे тарихи арғы тек әруақ ретінде құрметтеледі. Алайда тектілік өзімен-өзі кісілік құндылық бола алмайды. Өйткені:

“Жаманнан туған жақсы бар,
Адам айтса нанғысыз.
Жақсыдан туған жаман бар,
Күндердің күні болғанда,
Бір аяқ асқа алғысыз”².

Ақын-жырауларда тектілік бірнеше мағынада қолданылады. Оның бірі – қауымнан, қалың бұқарадан өзінің ерекше қасиеттерімен бөлініп шыққан текті кісі. Бұл, әсіресе, Темір би, Абылай хан және батырлар суреттемелерінде айшықтанған түседі. Текті адам “көпшіліктен” өзгеше жараптады тұлға. Көпшілік, әдетте, өзінен суырылып шыққанды ұнатпайды.

“Конқалаған көп жаман,
Сол жақсыны көре алмас”³.

Дәстүрлі қазақ қоғамындағы түсінік бойынша көпшілікті аталы (текті) кісі басқару қажет. Шал ақын жазғандай:

“Атасыздан би қойсаң
Алжастырар елінді,
Жолды сөзді айта алмай,
Сындырар бір күн белінді.
Аталы елден би қойсаң,
Бір бұтағы сенімді.
Сылап-сипап құрметтер,
Бетін бұрып оңға елінді”⁴.

Қазақ этикасының басты құндылықтарының бірі – төзімділік (толеранттылық) мұраты. Біз өткен құндылықтарды жаңа заманға

¹ Қазақ хандығы дәүіріндегі әдебиет. Хрестоматия /құр. Магауин М. - Алматы: Ана тілі, 1993. 67 б.

² Сонда, 61 б.

³ Сонда, 83 б.

⁴ Сонда, 150-151 бб.

әдейі таңып отырғанымыз жоқ. Бұл жерде құндылықтар сабактастыры туралы айтуға болады. Мәселе тек терминде емес, ол осы терминмен белгіленетін ұғымның мағынасында. Қазіргі философияда “дискурс” деген термин бар. Түсініктемелері көп. Біз оны қысқаша “мәдениеттердің мағыналық деңгейінің сұхбаттық табиғаты” деп аударап едік. Егер төзімділікке келсек, онда С. Айдарбаев оған мынадай түсіндірме береді: “саяси төзімділік (толеранттық) деп өзгеше көзқарасқа жол беруден тайынбайтын белгілі бір саяси құштердің тұрғысын (позициясын) түсіну керек. Егер бұл құштер билік басында болса, саяси төзімділік барынша кең түсінілетін конституциялық шенберде оппозицияның қызметіне жол беру саясатынан көрініс табады. Жеке тұлғаға келетін болсақ, саяси төзімділік терминін саяси қарсыластар пікіріне құлақ асуға дайын болуды, оларды логикалық дәлелдеу арқылы өз жағына тартуға тырысуды білдіреді”¹.

Төзімділік тек саяси ұстаным ғана емес, оның діни, этикалық, мәдениеттанулық және тағы басқа қырлары бар. Қазіргі кезде кейбір саясаткерсімемелерінде ислам төзімділікке қарсы дін деп пікір айтады. Қазақ ақын-жырауларының исламдық дүниетаным шенберінде болғаны белгілі. Көп талқылауға бармай-ақ қасиетті құрандағы 109-шы сүреден бір үзінді келтірейік: “Мен сіздердің табынатындарыңа табынбаймын ғой, сіздерде менің табынатаңыма табынбайсыздар. Сіздерге – өзіңіздің дініңіз, маған болса – өз дінім”. Бұл жолдарда төзімділіктің негізгі қағидасы анық әрі дәл тұжырымдалған.

Оған қоса төзімділік адамгершіліктің “алтын ережесімен” де (өзіне не тілемесең, басқа да оны тілеме!) тығыз байланысты. Қазақ халқына төзімділік ерекше тән болған. Оның негіздері ретінде қатал далада тіршілік етуге қажетті жоғары табиғи және моральдық төзімділік, мейманостық, іштесу мен сұхбатшылдық (К. Нұрланова) және тағы басқаларын атап етуге болады.

Қазақ халқына тән төзімділіктің көрінісін “таспен ұрғанды аспен ұр” деген мақал береді. Халық даналығының мағынасы төзімділік танытып, мәселелерді зорлық-зомбылықсыз шешуге шақыруда. Осыған ұқсас мағынаны “сабыр түбі – сары алтын” деген мақал береді. Бұл жерде де қыын істің бәрін сабырлылықтың, төзімділіктің негізінде асығыстық жасамай, күйгелектікке, ашуға берілмей шешу қажеттілігі көрсетіледі. Атап өткен және басқа да қазақтың мақал-мәтелдері қазақтың халық философиясы негізінде төзімділік пен зорлық-зомбылықты болдырмай идеяларының жатқанын жарқын көрсетеді².

¹ Бейбіт мәдениет жолында / редактор Нұржанов Б.Ф. – Алматы: ҚазҰУ — ЮНЕСКО, 2000. 176 б.

² Соңда, 179 б.

Жалпы адамзаттық құндылық болып саналатын сүйіспеншілік, қайырымдылық, еркіндік, имандылық, ар-намыс, ар-ождан, ерлік, инабаттылық сияқты кіслік қасиеттерді тұлғаның адамгершілік өлшемі деп санасақ, кісі бойына қуат берер осынау ізгі қасиеттерге баулуда қазақ этикасынан аларымыз өте көп. Әдептілік кіслік қасиеттің айшықты белгісіне жатады. Әдептілік, ибалылық, ізеттілік пен тұзулік сияқты жақсы қасиеттерді, тәлім-тәрбиені, біздің атабабаларымыз өз баласының, немересінің құлағына сәби күнінен құя береді. Олар кіслердің алдында беделі өте жоғары, сүйікті адамдардың өсиеті сәбійінің жадында ұзақ сақталатынын жақсы білген. “Уәде берсең қайтпа, қолыңнан келмесе айтпа” дей отырып, “кіслік қымбат емес, кішілік қымбат”, “тілінді бақ, басың аман болады”, “сөзді қысқарт, жасың ұзак болады” сияқты нақылдарды кіслік бағдар деп айшықтаған. Шынайы әдептілік сезімі өз қылығының өзге біреудің жанына бататыны мен қуанышқа жетелейтін түйсінуді, басқа біреудің қажеттерін ұғынуды, уайым-қайғысына ортақтаса білуді талап етеді. Әдепті адам ынғайсыздық тудыратын жағдайды болдырмауға тырысады. Әдепті болу үшін өзінді-өзің ойша болса да басқа адамның орнына қоя білу керек. Әдепті адам өзінің басқа адамды жек көретінін байқатпайды және шамадан тыс ұнатқандық сезімін де білдірмейді, мұның өзі айналадағыларды ынғайсыз жағдайда қалдырмау үшін қажетті.

Ғылыми әдебиетке соңғы жылдары ғана ене бастаған, қазақ дәстүрлі әдебінде этикалық ұстаным ретінде қолданылатын кейір әдептік ұғымдарға назарымызды аударалық. Осындай ұғымдардың бірі – нысап. Нысап – әдептіліктің басты нышандарының бірі. Ол әділдікті, турашылдықты, уәдесіне адалдықты, өзінің және басқалардың алдындағы шыншылдықты, өзге адамдардың да құқын мойындау мен құрметтеуді қамтиды. Нысаптылық адамдардың іскерлік іс-қимылдарына байланысты және олардың талаптары мен әрекеттерін қадағалап, әрі үйлестіріп отырудан туындейді. Адамдар арасындағы қанағат пен тойымсыздықты бағалау да нысапқа байланысты. Сондай-ақ ол адамның қоғамда атқаратын рөлі мен әлеуметтік ахуалының үйлесуін, кіслілігі мен оны бағалаудың құқылық және міндеттілік қатынастарын көрсететін, жалпы адамзаттық ұғым түсінігіне сай келетін тұрмыс тәртібі. Сол үшін біреудің өз мұддесіне бағып әділдік, туралықты бұзғанын, мүмкіндігін пайдаланып, кісі ақысын жегенін, жамандық жасағанын, дүниеге, байлыққа көзі тоймай алдарқатып өтірік айтқанын көргенде, халық ондай адамды “нысапсыз” дейді. Сонымен, нысап кісліктің өлшемі, адамдықтың құндылық деңгейіне жатады.

Ақын-жыраулар жырларының заман жүгін көтерер мәселелерінің бірі – ар, адамгершілік туралы ой-толғаулары. Бұл жырлар қазақ философиясында кіслік қасиеттің бірі адамгершіліктің қазығы екендігі даусыз. Қазақ ақын-жырауларының еңбектері негізінен, ата-коныс, көшпелілер болмысы, қоғам, адам, батырлық, көркемдік, адамгершілік мәселелеріне байланысты болып келеді. Отанды сую ата-анасын сүюден басталады. Бұл нысаптылықтың айшықты белгісіне жатады және оған ата-анасының өзін жақсы көріп қоймай, тіпті олар жүріп өткен әрбір қадам жердің, әрбір уыс топырағын, таутасын да жан-тәнімен сүйеттін азаматтық сезімін мақтаныш, үлгі-өнеге ету. Әрбір кісінің туған жерге деген, отанға деген сүйіспеншілігін де, оны көздің қараашығындай қорғауы да, “ел басына күн туып, ер етікпен су кешкен” замандарда жанқиярлық еңбек жасауды да әке мен анаға деген махаббаттан ғана бастауды алары сөзсіз.

Қазақтың дәстүрлі мәдениетінде нысап, несібе, тәубе негізінен имандылық талаптарынан туатын кіслік құндылықтар ретінде қабылданған Ислам дінінің қазақ сахарасында нығаюына қатысты этикалық ұғымдардың діни мазмұны арта түсті. XV-XVI ғасырлардағы жырауларда кіслік құндылықтардың көшпелілік, тәңіршілдік түсіндірмелері мен суреттемелері басым болса, XVIII ғасыр ақын-жырауларында “обал”, “сауап”, “тәубе”, “несібе” сияқты мұсылмандық мағынадағы түсініктер жиі қолданыла бастады. Әрине, бұл ұғымдарда жалпы адамзаттық нормалар да көрініс тапты. Ғылыми және оқу әдебиетінде “тәубеге” мынадай түсіндірме беріледі: “Тәубе – адамның ағат кеткен іс-қылышына өкініш білдіріп, келешекте оны болдырмауға үзілді-кесілді бел байлауы, барға шүкіршілік етуі, жаман әдет бойға сіңбей тұрғанда, тез тәубаға келіп, оны қайталамауға, жаманшылықтың орнығына жол бермеуі. Тәубе адамның өзін-өзі тәрбиелеудің бір жолы. Кімде-кім қателікке барып, теріс жолға түсіп қалса, дереу өзін-өзі жазғырып, адамшылық жолға түсуге бел байлау, бойын тез жинап алып, ар намысы алдында таза болуы жағын ойластыруы тиіс. Сонда ғана ол “менің ожданым (ар-намысым) таза деп қысылып-қымтырылмай айта алады”¹

Әрине, бұл анықтамаларда дидактикалық және педагогикалық ұстанымдар бірінші орында тұр. Бірақ, қазақ әдебіндегі кіслік құндылықтардың тізбегі көптеген ұғымдарды қамтиды. Олардың арасында қазақ әдел жүйесінің маңызды ұғымы “қанағат” ерекше орын алады. Қанағат нысапсыздық, нәпсікүмарлық, екіжүзділік антиподы ретінде қарастырылады. «Қанағат – барға риза болу, місе тұту, нысаптан шықпау, нәпсіге ермеу. Қанағат – ашқөзділікке жібермейді, біреудің дүние затына сұқтандырмайды, сұғанақтық

¹ Жарықбаев К., Алдамұратов Ә., Габитов Т. Әдеп негіздері. —Алматы: Мұраттас, 1997. 46 б.

жасаттырмайды. Қанағатшыл кісі – барынша кішіпейіл, қарапайым, иі жұмсақ. Сондықтан да ол көпшіліктің көзіне түсे бермейді. Қанағатшылық – қолдағы барына, қол жеткізген табыстарына разы болу, шүкіршілік ету. Әрине, кейбіреулер мұны адамшылыққа жарасатын көркем сипат, өмірде ортаймайтын қазына деп түсіне бермейді. Қаншама мол байлығы болса да, оны қанағат қылмайтындар да кездеседі. Мұндайларды жұрт көзі тоймайтын, қанағаты жоқ адам дейді. Ондайлар “болған сайын болсам деп, толған сайын толсам деп” ылғи да ашкөзділікке салынып, аллатағаланың қанағат-нысабын ұмытады, көбіне жалған сөйлеп, екіжүзділікке барады. Пайғамбарымыз: “монтаны екіжүзділіктің белгісі үшеу дейді. Олар: өтірік айту, уәдесінде тұрмау және аманатқа қиянат жасау”. “Екіжүзділік – жарамсақ жағымпаздықпен егіз қозыдай. Арамза, жарамсақ пен екіжүздіге қарағанда ашық жаудың өзі артық. Ондайлар: “адамның сиқын кетіреді!. Адам қолындағы барының иғлігін көріп, соған шүкіршілік қылса, өмірі де мәндірек, қызығырақ болар еді¹.

Қанағатшылдық түсінігінің түркілік әлемде ерекше орын алғаны белгілі. Айталақ, Жұсіп Баласағұн Одғұрмыш бейнесі арқылы бұл ұстанымды өз еңбегінің арқауы етіп алса, Қожа Ахмет Иасауи қанағатты кіслікке жеткізетін басты жол деп сараптайды. Ақын-жыраулар бұл дәстүрді жалғастыра отырып, қанағат түсінігі мазмұнына хандық дәуірге тән рухани бітімдерді үйлесімді қоса білді. Айталақ, Асан қайғы жырларында қанағат кең пейілділікпен, нәпсіні тыйюмен, ақсүйектер мен батырларды ел мұддесінен алшақтамауға шақырумен және тағы басқалармен айшықталады (“асқынып жауап айтпаңыз”, “күн шығарып жатпаңыз”, “табиғат, ел қадірін біліңіз”...).

Қазақтың дәстүрлі әдебі әділдікті биліктің басты сипаттамасы ретінде алады. Әділетті билік ақын-жырауларда әрі мәдени, әрі әдептік, әрі құқықтық феномен ретінде суреттеледі. Қазақтың дәстүрлі мәдениетіндегі әдептік және құқықтық бастаулардың синкретизмі тек күнделікті қолданыста емес, сонымен бірге ғылыми әдебиетте оларды ажыратпай пайдалануға әкеледі. Бір мысал келтірейік. Әдеп және құқықтық реттеу тетіктерінің мызғымас бірлігі қазақтар арасында мәдени синкретизмге де негіз болады. Ол тек рулық-тайпалық қатынастармен шектелмей, сонымен бірге қоғамдық тұтастықтың элементтері болып табылатын әртүрлі әлеуметтік топтар мен жіктерді, қауым мен отбасыны, меншіктік, мұрагерлік қатынастарды, әлеуметтік бірлестіктердегі неше түрлі демографиялық топтарды (қариялар, балалар, эйелдер) қамтиды. Бұл жерде әлеуметтік бедел мәселесі, әлеуметтік қатынастардың не сұрықсыздығы,

¹ Жарықбаев К., Алдамұратов Ә., Габитов Т. Әдеп негіздері. —Алматы: Мұраттас, 1997. 81 б.

тұрлаусыздығы, не шиеленістілігі, жанжалдылығы, не келісімділігі, ынтымақтастығы жыраулар үшін алдыңғы қатарға шығады. Мысалы, Бұқар жырау шығармаларындағы өзекті мәселелердің бірі – елдің бірлігі. Ол “бірлік болмай тірлік болмас” – деген қағиданы ұстанады, халықты бірауыздылыққа, ынтымаққа, елді қорғауға насиҳаттайды. Ру-руға бөлініп өзара қырқысу елді жақсылыққа алып келмейтіндігін, бір-бірімен тату тұруды, ру аралық қақтығыс халықты елдігінен айырып, ел тағдырын мүшкіл қалге алып келуі мүмкін деп елді бірлікке шақырып, елдің қорғанысын қүшету қажет деп, Абылай хандығын нығайту саясатын жүргізді.

Енді осы әлеуметтік ынтымақтастық құндылығы хандық дәуірінде қандай құқық-әдептік тетіктердің қуатымен жүзеге асты деген мәселені қарастырайық. Бұл мәселенің өз астары бар. Өйткені қазакқа көршілес мұсылман елдерінде тұлғааралық қарым-қатынас шарифат заңдарымен реттеліп келеді. Қазақ хандығында көшпелі мәдениетке негізделген әдет құқығы өз күшін жоймады. Осы жөнінде Ә.Х. Марғұлан мынадай түсіндірме береді: “Қасым ханның қасқа жолының” негізі орта ғасырларда қыпшақ, шағатай ұлыстары қолданған “яргу” заңынан алынған, қазақша жарғы (хақиат) деген ұғымды білдіреді. Тұпкі мәні жарудан, нәрсенің салмағын бір жағына аудармай, дәл, әділ шешуден шыққан. Дауды әділ, тура шешкен билерді халық бұқарасы ардақтап “қара қылды қақ жарған” деп мадақтаған. Өзінің мазмұны бойынша бұл заңың түбегейлі идеясы ежелгі әскери-демократия арнасына барып тіреледі».

Әділеттіліктің нысаны – елдегі тыныштық. Бұл жөніде ақын-жыраулар шығармашылығында талай тиянақты ойлар айтылған. Қазақ арасында рулық қақтығыстар, ағайын арасындағы жанжал, екі адамның ұрыс-керісі бола қалған күнде қазақтың ағайындық береке деген ескі жосыны болған. Мұндайда қалыс ағайындар қарап тұрмайды, оларды берекеге шақырып, араға арашашы, дәнекер болады. Бірер шәугім шайын беріп немесе бірер малын сойып, оларды бір дастарханнан дәм татуға шақырады. Дәмнен үлкен нәрсе жоқ деп білетін халқымыз мұндайда салт бойынша дәмге үйірілуі, ағайын берекесінен аспауы шарт етіледі.

Заңгер ғалым З. Кенжалиевтің пайымдауынша, қазақта тәртіп адам еркіндігін шектеуге бағытталмаған. Қоғамдық тәртіп жайлы халықтың көзқарасының негізінде бейбіт өмірге деген құлшыныс, тыныш өмірді аңсау жатыр. Бір ғажабы, қоғамдық тәртіп заңмен, құқықтық нормалармен тікелей байланыстырылмайды. Тіптен, қоғамдық тәртіп туралы ойдың өзі әлі жеке-дара боп шықпаған еді. Ол ел ішінің тыныштығы, ағайын татулығы, ел жарастығы тәріздес ой-ағымдардың бір қабаты, ажырамас бөлігі түрінде өмір сүрді.

Халықтың бірлігі, ынтымақтығы, тату-тәттілігі – оның өз азаттығынан, еркіндігінен айырылып қалмауы үшін қойылар ең бірінші талап. Алауыздықтан бойын аулақ сала білген ел ғана еркін өмірге лайық, әйтпесе құлдық пен күндікке душар болу қауіпі әрқашан дайын¹.

Сонымен, хандық дәуірінде кісілік ынтымақтастықтың ерекше тәртібі болғандығы күмән келтірмейді. Әрине, оны Ф. Хайек тұжырымдаған батыстық өркениетке тән “адамдық ынтымақтастықтың кеңейтілген тәртібі” деп теңестіру дұрыс болмас. Әр этномәдениетке өзіне тән адам мен әлеумет арасындағы үйлесімділікті нығайту тетіктері болған. Бұл жерде белгілі социолог Э. Дюргеймнің “органикалық ынтымақтастық” ілімін еске алуға болады. Осында ынтымақтастыққа әр кісі жеке-дара әрекеттеніп (клетка сияқты) өз мұдделерін көздегенімен, жалпы осы әрекеттердің түпкі бағыты тұтастықты жетілдіруге, икемді етуге және сақтап қалуға арналған. Әрине, көшпелілік органикалық тұтастықта сегментарлық, рулық, кландық мұдделер үстемдік етеді. Хандық дәуіріндегі осыдан ынтымақтастық тәртібін зерттеушілер “әскери демократия” деп те атайды. Бұл ұғымның мазмұны көп қырлы болып келеді және арнаулы зерттеуді талап етеді. Біз әскери демократияның билігіне байланысты ерекшеліктеріне назар аудармақпyz.

Бұл еркіндік рухының қазіргі тәуелсіздікке енді ғана қолы жеткен Қазақстан үшін де ғибараты мол. М.М. Қаратаев пен С.Е. Нұрмұратов осы жөнінде мынадай түйінді ой айтады: “Еңбекке, жаугершілікке деген ұмтылыс көшпенди қазақтар арасында батырлықтың дүниетанымдық, аксиологиялық, эстетикалық ұғымын сараптап шығарды. Құба далада, шетсіз-шексіз жерінде, төбесінде тек қана көгілдір аспаны бар, осында табиғатта қунелтіп жүрген, өзінің батырлығына сүйенген, өзін аман сақтап қалатын әдіс-жұдышырының мықтылығына, өз түйелеріне, жылқыларына, садағы мен жебесіне сүйенген көшпелінің бейнесін елестете аламыз. Ондай тарихи кезең болмаса, ондай тарихи тұлғалар болмаса халқымыздың қазіргідей жері, территориясы, егеменді мемлекеті де болмас еді. Міне, жауынгерлік дүниетанымының тарихи қызметі де осында”².

Егер көшпелілердегі қатыгездік туралы пікірсұмықтарға келсек, онда оны бекерге шығаратын мынадай қағидаларды есте ұстаған жөн болар:

1. Көшпелілер айыптыны тар қапаста ұстамаған, түрме болмаған.

¹ Кенжалиев К. Көшпелі қазақ қоғамындағы дәстүрлі құқықтық мәдениет. – Алматы: Жеті жарғы, 1997. 47 б.

² Қазақ даласының ойшылдары. 2-ші кітап /ред. Нысанбаев Ә. – Алматы: ФСИ, 2001.164 б.

2. Көптеген қылмыс қатігездік емес, керісінше, ру аясындағы мәмлеке келумен шешілген.

3. Өзгеше қылмыстар, тіпті кісі өліміне дейінгі айыпты мен жәбірленушіні татуластырып табыстыру, достастыру, құдандалар ету, бірінен бала асырап алу секілді ізгі ниетті шешім табатын. Кішігірім өкпе-араз, жанжал-ұрыс аяққа жығылу, ат мінгізіп шапан жабу, бас иіп тағзым ету, иіліп ас ұсыну секілді әдетке баулу, бірлікке, достыққа келтіру, кеңдік пен біліктілік таныту арқылу шешімін тапқан.

Қазақы дүниетанымда әдептік, құқықтық және діни құндылықтардың синкретизмі жөнінде жоғарыда атап өткенбіз. Бұл мәселені басқа қырынан қарағанда мынадай тұжырымға келуге болады: дәстүрлі қазақ қоғамында әділеттілік пен еркіндік имандылық талаптарымен шектелген. Имандылық ұғымын біз бұл жерде арнаулы қарайық деп мақсат қоймадық. Имандылықтың шыққан тегі дінде болса, кейін бұл ұғым әдептілік пен кіслікті білдіретін басты құндылыққа айналды.

Иман дегеніміз ардан аспау, ақылдан алжаспау. Иманның екі мағынасы бар. Бірі – тіл, сөз. Яғни тілмен жеткізіп, сөзben сипаттау. Олар: көркем сөз, куәлік сөз, бірлеу сөз, тойтару сөз, тілеу сөз және ұлықтау сөз. Екіншісі – илану, шарттық, яғни болмыспен бетпе-бет кездесу. Алланың қасиеті мен сипатын арлау. Олар: оның барлығы, мәңгілігі, періштелері, пайғамбарлары, бірлігі, жекелігі, ақырет қуні, тірлігі, білуі, есітуі, көруі, қалауы, күші жетуі, жаратуы, сөйлеуі. Осылардың арқасында иман пенделерде үш түрлі: тілмен айтып, жүрекпен бекітетін иман; шешімге келетін қорытынды иман; риясыз иланатын толық иман, не сенімсіз күй кешетін әлсіз иман өмір сүреді. Ал аталмыш иманың ақ-қарасын білу үшін адам мен хайуанды һәм жақсылық пен жамандықты айырып, ажалдың уақыт өмірі екендігін мойындаپ, зұлымдық пен өтіріктен сақтанып, мінез мінін кетіріп, адам өзін өзі таныса құдайын да ұмытпасы хақ. Сонда ғана адам іске икемді, мінезге бай болары анық.

Адамнаң ең асылы –

Киянатсыз, ақпейіл.

Ең зиянкес жасығы –

Тайғақ мінез, екі тіл.

Сөз мінезі құбылса

Ар, иманы жоқ деп біл.

Аулақта жемтік сыйырса,

Оны ойыңмен айуан қыл”¹, — деп, Шәкәрім айтқандай шығары шындық. Демек, имандылық – ар өлшемі екендігі даусыз.

¹ Шәкәрім. Шығармалары. – Алматы: Жазушы, 1988. 267 б.

Имандылық үстанымы хандық дәуіріндегі ақын-жыраулардың тек шығармашылығында ғана емес, сонымен бірге олардың өмірбаянында да айшықты көрініс тапты. Ел шетіне жау тиіп, ер намысын қайраған сол қылыш заманда тұлпар мініп, ту алған біртуар ұлдар, алдаспанын ата жауының қанына суарып, шөліне орман, жұртына қорған болумен қатар, суырып-салма ақын, жыраулық өнерді қатар алып жүріп, қанатты сөздерімен, ақиқат өткір жырларымен өздерінен кейінгі буынға үлкен үлгі-өнеге бола білді.

Қазақы әдептік құндылықтар жөнінде сөз қозғағанда, отбасылық игіліктер туралы, айтпай кетуге болмас, өйткені әйелге деген көзқарас қоғамның жалпы мәдениеттілігі мен әдептілігінің деңгейін білдіреді.

Әр түрлі әлемдік әдебиетте дәстүрлі қазақ қоғамындағы әйел жағдайы туралы сан алуан көзқарас бар, жүйелеп келгенде мынадай пікірлерді атап өтуге болады:

1. Көшпелі қазақтарда патриархалдық қатынастар үстем болған, сол себепті әйелдер басыбайлық, кіріптарлық халде ұсталды.
2. Ислам діні нығайғаннан кейін қазақ әйелдерінің жағдайы онан бетер қындалап кетті.
3. Қазақ қоғамына тән полигамия, әменгерлік пен айттыру әйел еркіндігін шектеп таstadtы.
4. Қалыптасқан ережелерді бұзған әйелдерге қатігез (варварлық) жазалар қолданылды.

Енді жоғарыдағы “қағидаларды” дәстүрлі қазақ қоғамының айнасы—ақын-жыраулар толғауларындағы әйел суреттемелерімен және этнографиялық деректермен салыстырып көрелік. Бұл толғаулардан қазақ әйелінің әлеуметтік статусы төмен болды деген жорамалдың негіzsіздігі анық көрінеді. Мысалы, ақындық дәстүрде әйел мен ақын айтысы кең орын алған. Ақын тек өзі сыйлайтын кісімен ғана айтыса алады. Шал ақын адам бақыты өзінде тең құрбынды тауып алу дейді. Ондай әйел “саясы мол бәйтерекпен, алла жаудырған нұрмен тең”. Керісінше “екі қатын алғанның дауы үйінде, жаман қатын алғанның жауы үйінде” дейді¹.

Шал ақын әйелді тек елдің құты ғана емес, оған қоса дүниелік сұлулықтың бейнесі, рәмізі деп жырлайды:

Дегдар қыз екенсің бір алма мойын,
Ұжмақтан жаратылған жұпар қойнын,
Жарқырап зуһрадай екі көзің
Таранған әр тарапқа созып мойын.
Сіздердің мен таң қалдым жамалыңа,
Ақылға толықсыған кәмалыңа
Елшіге елу теңге бермек мақұл,

¹ XV-XVIII ғасырлардағы қазақ поэзиясы /редактор Ә. Дербісалиев. - Алматы: Ғылым, 1982. 117 б.

Арада хат апарған адамына.
Асыл ғой баға жетпес осындағы қыз
Әр елдің аты шыққан тарауына”¹.

Ақындық дәстүрде әйел сыйны ерекше орын алған. Өйткені отбасылық құндылықтарды бірінші орынға қойған қазақ қоғамы үшін (“балажанды қазақ”) әйел тек эстетикалық ләzzат объектісі болмады. Әйел отбасының тірегі ретінде саналды.

Әйелді құрметтеу дәстүрін тек ақындар ғана емес, оған қоса жырауларда сақтаған. Мысалы, жорықшыл жырау Ақтамберді: “Арудан асқан жар бар ма, жылқыдан асқан мал бар ма?!” – деп таң қалады. Әрине, жаугершілік заманда жырау жаудың “Әлпештеген ханшасын тегін олжа қылуды” да бекерге шығармайды². Бұқар жырау өзінің атақты тілектерінде “Ардақтаған аяулыңың біреуге олжа болмауын, тас емшегін жібіткен анаңыздың аңырап қалмауын” қала дейді.

“Мұрат” категориясы кез-келген этикалық жүйенің түйінді ұғымына жатады. Өйткені әдептік нормалар құнделікті құйбен өмірдің тар міндеттерінен жоғары, болашақпен байланысты тұжырымдалады. Әлемдік этикалық және әлеуметтанулық әдебиетте мұрат мәселесі жан-жақты талқыланғанымен, бұл жетекші әдептік бағдар қазақ дүниетанымы контекстінде әлі жеткіліксіз қарастырылған. Мұрат – тұлға немесе әлеуметтік топтардың мінез-құлқы мен арман-тілектерінің сипаты мен көріністерін айқындастын “рухани күш, үлгі-өнеге. Арман мен мұрат құстың қос қанатындағы өмір шындығынан туады, олармен рухтанған адам қыншылық пен көртартпа қырсықтың сор батпағынан құтылуды аңсайды. Арман мен мұрат адамның өмірге деген құштарлығын арттыра түседі. Шындық – бұл іске асырылған арман болса, мұрат – алыстағы көкжие³. Мұрат туралы нақтылы ұғымға жету үшін оны этномәдени контекстіде қарастырылған жөн. Жоғарыда аталып өткендей, хандық дәүірінің ақын-жыраулары мұрат сияқты қазақтың ділдік, әдептік түсініктерін төлтумалық сипатта барынша суреттеп берген.

Жаңа қалыптасқан мемлекет үшін басты мұрат – ел берекелігі және оның тұтастығы жолындағы қажымас қайратты қажет ететін күрес. Бұл мұратты іске асыратын тұлғаға батырдың сомдалған бейнесі жатады. Қуаң даланы алғашқы игергендер – номадтар және басқа мәдени ареалдар (орман, тау, суармалы алқап және т.б.) оларды көп қызықтыра қоймаған. Көшпелілердің өзіндік санасында дала ол үшін ең қолайлыш мекен болып есептелген. Қазақ сахарасы қазақ елінің

¹ XV-XVIII ғасырлардағы қазақ поэзиясы /редактор Ә. Дербісалиев. - Алматы: Фылым, 1982. 122 б.

² Сонда, 51 б.

³ Жарықбаев К., Алдамұратов Ә., Ғабитов Т. Әдеп негіздері. - Алматы: Мұраттас, 1997. 114 б.

балама түсінігіне айналған. Өзен мен көлдің өзі жайлауға ыңғайлы жер деп есептелген. Асан қайғы айтқандай:

Қырында киік жайлаған,
Суында балық ойнаған.
Оймауыттай тоғай егіннің
Ойына келген асын жейтұғын,
Желде кеңес қылмайды
Жемнен де елді көшірдің”¹.

Адамзат ұрпағы өз мүмкіндігін табиғат құбылыстарымен де шамалай алатынын әсіресе үндестік сазы, үйлесім (гармония) ұғымымен айқынырақ түсіндіруге болады. Әйткені жан иесі өзінің белгілі бір дәрежеде жаратылыс жұрағаты екенін сезінбей жүре алмайды. Әлде-бір адам болмысын, көңіл-күйі, жан сарайын, қажет кезінде сыртқы мұсін-келбетін жете таныту үшін де көркем шығармада жаратылыс құбылыстарының тікелей көмекке келетін сэттері аз емес. Гармония дейтініміздің бір көрінісі сол².

Ақын-жыраулар шығармашылығында көрініс тапқан әдемілік пен ізгілік мұраттарының тұтастығы қазіргі заман мәселелерін шешуде де онтайлық танытады. Жоғарыда аталған ізгілік пен әсемдіктің мұрат деңгейінде тұтастануы ақын-жыраулар шығармашылығында айшықты көрініс табады. Қазақтың өнегелі бата сөзінде ең бірінші үміт жерге, сосын сол жердегі ерге және осы ерді өсірген елге айтылады.

Мұрат ретінде қастерленетін туған табиғат дәстүрлі қазақты дүниетанымда батыстық бағындырылуға тиісті түсінігінен мұлдем басқаша қабылданады. Бұл ерекшелікке ақын-жыраулар шығармашылығын зерттеген философтар мен әдебиетшілер де өз назарын аударады. Белгілі ғалым ш.ыбыраев өзінің эпикалық кеңістік концепциясында тел (бинарлық) оппозицияға негізделген көшпелі қазақтардың тіліндегі табиғат туралы түсініктерінің ұтымды болғанына назар аударады: “табиғат көрінісі, кеңістік бітімі әрекет пен бірлікте ғана көрінеді.

Батыстың адамгершілік философиясы мен этикасында кіслік мұрат мәселесімен айналысқан ойшылдар жеткілікті. Олардың арасында мұрат мәселесімен тікелей айналысқан және батыс этикасына жүйелік талдау берген Д. Мур (1873-1958) ерекше рөл атқарады. Сол себепті айшықты үлгі ретінде Д. Мурдың мұрат (идеал) теориясының негіздеріне көңіл бөлелік. “Этика принциптері” атты еңбегінде Д. Мур “идеал” ұғымының мағыналылығына назар аударады. Біріншіден, мұрат шексіз ізгілік, мінсіз жағдаят, абсолютты жетілгендей деп түсіндірледі. Бұл мағынада мұрат діни түсініктегі

¹ Қазақ хандығы дәуіріндегі әдебиет. Хрестоматия / құр. Мағаун М. - Алматы: Ана тілі, 1993. 64 б.

² Серікқалиұлы Зейнолла. Дүниетану даналығы. – Алматы: Білім, 1994. 56-73 бб.

“жұмак” ұғымына сәйкес қеледі. Екіншіден, мұрат түпкі мақсат, арман-тілек, ең жақсы қоғам, мінсіз адам дегендеге жақын мағынада қолданылады. Бұл әр түрлі утопиялық ілімдерге тән позиция. Үшіншіден, мұрат ұғымы ішкі құндылығы жоғары және жеткілікті тұтастықпен байланыстырылады. Аталған аксиологиялық позиция құндылық ұғымын қайтадан негіздеуді талап етеді¹. Жоғарыдағы позицияның басты кемшілігі жалпы рационалистік парадигмадан туындейды. Ақиқат кісілік қасиеттерден абстрактыландырылған объективті шындыққа сәйкестік болып табылса, онда мұрат жеке тұлғадан гөрі, жалпылама әлеуметтік тұтастыққа көбірек иек артады.

Егер қазақ ақын-жырауларының мұрат туралы түсініктеріне қайта оралсақ, онда оларда қаншама теориялық көпденгейлілік болмағанымен интуитивті деңгейде мұрат пен кісіліктің тығыз байланыста пайымдалатынын атап өткен жөн. Бұл жерде назар аударатын нәрсе эстетикалық мұрат пен ақиқаттың тұтаса келуі. Алайда бұл синкретизм ақын-жыраулар мен эпоста әртүрлі көрініс табады. Соңғымен салыстырғанда тұлғалық мұраттар еуропадағыдай дараланбаса да, өзіндік сипатқа ие бола бастады. М.З. Ахметовтың пікірінше, эпоста жырды шығарушының мұраттары бой тасалап қалады, “онан гөрі белгілі тарихи ортада қалыптасқан дәстүрлі қоғамдық сана айқынырақ көрініс береді, кейіпкерлердің бейнесі де соған лайық жасалады. Көбінесе, олар ересен күш-қуаты бар батырлар, мифтік образдар, әділеттілік, адалдық үшін аянбай құрсетең аңыздық бейнелер кейіпінде көрінеді”². Батыр мәдени феномен ретінде қаншама қауымнан бөлінгенімен, одан тым алыс кете алмайды. Біз осы сипатта батыстық мұрат туралы позициялардың көшпелі ел мұраттарын түсіндіруде дәрменсіздік көрсететініне назар аудардық. Кейінгі ғасырларда ел мұраты түбекейлі өзгерістерге ұшырайды. Рұлық құндылықтар мемлекет, ұлыс игіліктеріне тәуелді бола бастады. Қазақ хандығы жайында батыр мәдени феномені қаншама маңызды болғанымен, мұрат жаршысына ақын-жырау айналады. Осы туралы Ахмет Байтұрсынов, әдеттегідей, өзінің дәл бағасын bere алады: “Елде бар рухты ақын ықтимал дәріппеп, күштіп, көпіртіп, көркейтіп айтуды. Бірақ жұртта жоқ рухты ақын өзінен шығара алмайды. Ақын сөзіне жұрт рухының сәулесі түспей тұрмайды. Халықтың батырлары кетіп, басқаға бағынып, рухы сөнген уақыттағы қазақ ақындарының сөзі әлі айтылғанды сипаттайды”³ [.

Ақын-жыраулар адамдық толыққанды тіршіліктен туатын өмір қызықтарының толассыз қуатына назар аударайық.

¹ Мур Дж. Принципы этики. – М: Прогресс, 1984. 276 б.

² Қазақ даласының ойшылдары. 2-ші кітап /ред. Нысанбаев Ә. – Алматы: ФСИ, 2001. 156 б.

³ Байтұрсынов А. Шығармалары. – Алматы: Жазушы, 1989. 241 б.

Әлемді түгел көрсө де,
Алтын үйге кірсө де,
Аспанда жұлдыз аралап,
Ай нұрын ұстап мінсе де,
Қызыққа тоймас адамзат!
Әлемді түгел білсө де,
Қызығын қолдан бөлсө де,
Қызықты күні қырындал,
Қисынсыз күйге түссе де,

“Өмірге тоймас адамзат”¹[19, 131 б.], — дейді Бұқар жырау. Жоғарыда өлең жолдарындағы басты түсінікке “қызығу” жатады. Оны орыс тіліндегі тек “интересен” баламалау жеткіліксіз. Қызығу – тіршілік иесі адамның өмірге деген құштарлығы және оны нәпсікүмарлықпен теңеуге де болмайды. Нағыз кісіде қызығу имандылықпен бақыланып отырылады.

“Қызығу” позициясы тіршілікті жандандыратын, оған мән мен мағына беретін бастауды білдіреді. Оның кісі құштарлықтан айырылып, тіршілікпен бір түріне айналып кетуі мүмкін. Қызығу абстракттыланған бейне емес, ол “өмір қызықтары” ретінде нақтылы көрініс табады. Қызықты өмірде мұрат тіршілік мақсаттарына айналады және бұл мақсаттар кісілік қасиеттерді бекітуге бағытталады. Қазақ ақын-жыраулары өмір мақсаттарын кісілік тіршіліктің қызықтарымен тұтас қарастырады.

Ерине, бұл мұратты нәпсікүмарлыққа шақыру деп аныы түсіну дұрыс емес. Дәстүрлі әдеп адамдық толыққанды тіршілікпен бас тартуды қаламайды. Әсіресе, бұл принцип Бұқар жыраудың атақты он бір тілегінде сындарлы көрінеді. Олардың екеуі мұсылмандық парызбен, екеуі отанды қорғау міндеттерімен, ал қалған жетеуі денсаулық, сыйластық, бақытты өмір құндылықтарымен байланысты. Бұл жерде назар аударатын нәрсе қазақ ақын-жырауларының мұратты тым дерексіздендірілген, құнделікті өмір мәселелерінен алшақ қиялға да, не өрісі тар пендешилік қажеттіліктерімен шектелмеуі. Осындай позиция еліміздің қазіргі жағдайындағы тіршілік қындылықтарынан туған түнілу мен жалған мұраттардың жетегінде кетудің (экзистенциалдық дағдарыс) көбеюінен де көрініс табады.

“Мұрат жақындаған сайын алыстай беретін сағым сияқты емес. Кейбір, әсіресе өмір туралы дұрыс түсінігі қалыптаспаған жастар, шындықтағы алғашқы қындылықтардан кейін-ақ өмір мен мұраттардың арасы түпсіз тұнғиық екен деп ойлап қалады. Мұрат тек кітаптарда, адамзаттың қиял-армандарында ғана болады, ал адамдардың

¹ Қазақ хандығы дәуіріндегі әдебиет. Хрестоматия /құр. Магауин М. - Алматы: Ана тілі, 1993. 131 б.

күнделікті әрекеттерінде оған орын жоқ деседі. Өмірді раушан гүлдермен безендіру үшін, гүлдегі тікенектерді де ескеру қажет”¹.

Қазақ ақын-жыраулары мұраттарының бедерлі қырына кіслік мұраттарды отансүйгіштік сезіммен үйлесімді ұштастыру жатады. Ел мұраты мен ер мұраты бір-бірімен тұтас әрекет етеді. Ақын-жыраулардың саяси-элеуметтік мұраттары эпикалық арнадан бастау алады. Ал әпостың түйсінді мәселесі елдің намысы мен мұраттарын қорғау. Хандық дәуірдегі толассыз жаугершілік елдік мұраттарды алдыңғы қатарға шығарып отырады. “Өзім жаман болсам, ағам жақсы”, “у ішсең де руыңмен іш” деп жариялаған қоғамда, оған қоса қатал, қуаң далада жалғыз өмір сүрудің мүмкіндігі жоқ еді. Сол себепті кіслік еркіндіктің өзі шектеулі болды. Әрине, рулар арасында оппозициялық қатынастар да белен алғып отырды. Бұл, әсіресе, бейбіт кезеңдерге тән еді. Бірақ, тоқтаусыз сыртқы қауіп рулық еркіндікті ортақ мұддеге бағындырып отырды және жеке кісінің жоқтаушысы рулық мұдделер этникалық тұтастыққа тәуелді бола бастады. Ж.О. Артықбаевтың пікірі бойынша, “саяси-потестарлы биліктің қай белігінде болмасын көсемдерді жеке басының қабілетіне байланысты қолдау, мойындау басым. Бұл меритократиялық принцип саяси биліктің өміршешендігінің бірден-бір кепілі. Қай ру болмасын өзінің басшылығынан жігерлі адамды көруге ықтиярлы және мұдделі. Сол сияқты хан сайланар адамның ел тізгініне ие болар қабілетін айрықша ескереді”². Яғни, хан-сұлтандар ел мұратына сәйкес болуы міндетті. Айталақ, ақын-жыраулар Абылай сияқты хандарды үлгі-өнеге тұтып, оларда кездесетін жеке кемістіктерді аяусыз сынап отырған. Алайда, осыдан келіп ақын-жырауларды “сарай ақындары” немесе марксистік терминологиядағы “устем тап” мұдделерін қорғаушылар деген жаңсақтық болар. Мәселе – қазақ сахараасында қалыптасқан үйлесімділік пен ынтымақтастықтың ерекше бітімінде. Адамдық қарым-қатынастарды реттеуде ақын-жыраулар жоғары үлгі – ел мұратын білдіретін төрешілер қызметін атқарған. Егер елбасылар осы мұраттарға сәйкес болмаса, ақын-жырауларда оларды аяусыз және өткір сынға алған. Сонымен, қазақ ақын-жырауларының кіслік мұраттары туралы түсініктері өзіндік мазмұны терен, халықтың рухани ізденистерінен туған қазына болып табылады. Біз бұл қазынаның кейбір жақтарын ғана қарастырып өттік. Бұл мұра кейінгі қазақ мәдениетінде өз жалғасын таба білді.

¹ Габитов Т.Х. Мақсат, мақсаттылық және мұрат. – Алматы: Қазақстан, 1985. 48 б.

² Артықбаев Ж.О. Қазақ этнографиясы. XVIII ғасырдағы этнос және қоғам. – Қарағанды: ҚарМУ, 1995. 226 б.

III. ҚАЗАҚ ЭСТЕТИКАСЫ

Бәтеш Қазыханова

ҚАЗАҚ ХАЛҚЫНЫҢ ЭСТЕТИКАЛЫҚ МӘДЕНИЕТІ

1. Қөшпелі қазақ қоғамының эстетикасы

Адамдардың сырт келбетінде, олардың қарым-қатынастарында, киімінде, үйлерінде, олар жасап шығаратын заттарда, олардың тілі мен өнер туындыларында – осының барлығында олардың эстетикалық мәдениетінің ерекшеліктері, негіздері көрініс табады.

Ұлттардың тарихи тағдыры экономикалық және әлеуметтік-саяси қатынастардың даму деңгейі мен сипаттамасына, географиялық және басқа да жағдайларға байланысты әр түрлі қалыптасады. Міне, сондықтан әр халық өз ерекшеліктеріне ие және соған байланысты әлемдік мәдениеттің алтын қазынасына қолынан келгенінше үлесін қосады. Алға қарай сенімді жылжу үшін өткен ұрпақтардың нәтижелі тәжірибесін жақсы білу әрі дұрыс пайдалану қажет. Тағы бір маңызды нәрсеге эстетикалық ойлар, талғамдар мен түсініктердің қалай қалыптасып, қалай таратылатынына зер салып ұғыну жатады.

Бұл жұмыстың мазмұнын қазақ халқының эстетикалық мәдениетінің қалыптасуы мәселелері құрайды. Шын болмысты эстетикалық бейнелеу қабілеті қай халықтың болса да дамуының ең алғашқы сатыларында пайда болады, оның дәлеліне өткен мәдениеттің құндылықтарын зерттейтін тарих, археология, этнография ғылымдарының көптеген мәліметтері жатады.

Қазіргі заман халықтарының эстетикалық мәдениеті өз құрамына өткен ұрпақтардың көркемдік шығармашылығында жинақталған эстетикалық сезімдер мен түсініктердің қамтиды.

Барлық халықтар сияқты, қазақтардың да бай тарихы бар. Қазақ өнерінің тамыры тереңде. Ол халықтың рухани шығармашылығының құнды нәтижелерін қамтиды және бұл жағдай қазіргі ұрпақты уақыт озған ата-баба мәдениетімен жалғастырады.

Адамзаттың рухани мәдениетінің шексіз сан түрлілігінен қазіргі заманың ешбір адамы оқшаулана алмайды. Сондықтан салт, дәстүр, өткен заманың жинақтаған білімі сияқты, өнер туындыларын да оларға деген жаңа қызығушылықты арттыру және содан олардың шынайы құндылығын айқындау үшін, әрбір ұрпақ өзінің әлеуметтік-тарихи контекстіне енгізеді.

Адамның қоршаған әлемге деген эстетикалық қатынасы оның өміршеш практикалық қажеттіліктері қанағаттандырылған кезде пайда

болады. Қоршаған табиғатты игеру үрдісінде адамдар тұске, дыбысқа және т.б. немқұрайлы қараған жоқ. Мысалы, музыканың пайда болуының қайнар көзі адамның сөйлеуімен қатар дауысқа еліктеушілік те болды. Өнер дегеніміз табиғатқа, ғарышқа және адамдардың іс-әрекетіне еліктеу болып табылады деген ойды, музыканы «сфералар үйлесімділігіне» еліктеу деп таныған, пифагоршылдар айтқан болатын. Демокриттің пікірі бойынша, барлық өнер түрлері мен қолөнер кәсібі жануарлардың іс-әрекетіне еліктеу болып табылады: ән салуда біз құстарға еліктеяміз, үй салуда – қарлығаштарға және т.с.с.¹

Алғашқы қауым өнерінің тарихындағы ең маңыздысы, ол өзінің алғашқы қадамдарынан бастап, негізінен қоршаған әлемді шыншыл жеткізу жолына тұсуі болып табылады. Мысалы, жоғарғы палеолит өнері, оның ең жақсы үлгілерін алғанда, табиғатқа деген таң қаларлық белгілерді дәлдікпен жеткізуімен ерекшеленеді².

Көшпелі халықтар мәдениетіне қатысты революцияға дейінгі орыс ғылыми әдебиетінде әр түрлі пікірлер айтылды.

Кейбір авторлар, мысалы, Д. Хвольсон, В. Васильев, В.Д. Тропов және кейбір басқалары, көшпелілерді жасампаздыққа емес, тек қиратуға ғана қабілетті деп санап, көшпелі халықтарда қандай да бір мәдениеттің болуын мүлде мойындағады. А. Левшин, Г. Ядринцев, О.И. Сенковский, Н. Васильев, В.В. Григорьев, Н. Остроумов және басқалары басқа көзқарасты ұстанады. Алайда, аталған екінші топтың ішінде тек прогрессивті ойлаушы зиялыштар ғана емес, В.В. Григорьев сияқты, мемлекеттік чиновниктер және мақсаты христиан діні негізінде орыс мәдениетін тарату болған адамдар да (Н. Ильминский, Н. Остроумов) болған, олар бұл жағдайда да адаптируетті ғалымдар болғысы келгенімен, көшпелі халықтардың белгілі бір артта қалушылығын олардың тұа біткен табиғи қасиеттерімен түсіндіруге тырысты.

Мысалы, Н. Остроумов: «Орталық Азия көшпелілері, тарихи себептердің салдарынан алғашқы қауымдық дерлік жағдайда қалып отыр... Ежелгі халықтар тарихы, олардың көбісі өз өмірлерінің алғашқы даму кезеңінде ақыл-ой мен өнегеліктің дамуы бойынша төменгі сатыда тұрғандығын, бірақ та ақырында ағартушылық пен мәдениеттің жоғары сатысына жеткендігін дәлелдейді», – деп жазды.

Шығыс тарихына терең қызығушылық танытқан, профессор В.В. Григорьев, көшпелі халықтардың жалпы дамудағы басқа халықтардан артта қалуын тарихи себептермен түсіндірумен шектелмей, ерекше назар аудараптық пікірлер айтты. «Көшпелі тұрмысты әдетте қандай

¹ Қар.: История эстетики. Памятники мировой эстетической мысли. Т. 1. - М. С.64.

² Қар.: Всемирная история. М., 1956. С. 63.

да бір экономикалық немесе едәуір интеллектуальдық дамумен сыйыспайды деп есептейді, бірақ бұл солай бола қоюуы негізді маекен. Ойдың жаттығуы үшін екі жағдайдың қажеттілігі шүбесіз: бос уақыт және қарым-қатынаста болу, көшпелі, егіншіге қарағанда, осында қолайлыша жағдайда тұрады... көшпелі қиялдау, жігерлілік пен ақындық шығармашылыққа қатысты барлық жерде басқалардан анағұрлым асып түседі: суырып салып айту – далада тіптен кәдімгі көрініс... қолөнер кәсібі: былғары, тері илеу, токарълық, темір соғу және басқалары әдетте отырықшы ауыл тұрғындарында көретінімізben бірдей немесе одан да жоғары сатыда болады. Сөйтіп, тіпті таза көшпелілерде де, оларға әдетте білмей берілетін, азаматтық пен мәдениеттіліктің айтарлықтай төменгі сатысында орналаспағандығы танылады»¹, – деп қорытады профессор В.В. Григорьев.

Әйтсе де, көшпелі халықтардың тұрмысы мен рухани өмірін зерттеу барысында революцияға дейін орыс және кейбір батыс еуропалық ғалымдар талай әрекет жасаса да, бірақ та көбісі оларға мәлімсіз қалды, басқалары олармен жаңылыс түсінілді, олардың Азия халықтары туралы айтқандарындағы қайшылықтары, шамасы, осымен түсіндіріледі. Реакцияшыл ғалымдар, тарихи шындықты бұрмалауға алып келетін жалған негіздерді әдейі біле тұра басшылыққа алды.

Көшпелі халықтардың рухани өмірін шынтуайтап ашу үшін, алдымен мәдениет жемісі болып табылатын, олардың экономикалық, тұрмыстық жағдайларын зерттеу қажет. Жалпы көшпелі халықтарда, соның ішінде қазақ халқында, өзінің көпғасырлық тәжірбесі, болмыс туралы өз мағлұматы, әсемдікке деген және т.б. өз көзқарастары бар. Кейбір авторлар тарих, археология, этнография және әдебиет пен өнер тарихының аса бай мәліметтерімен таныстығы жеткіліксіздігінен ғана көшпелілердің рухани мәдениетінің маңыздылығын төмендетеді. Әйтсе де, бұл халықтардың рухани өмірінің ерте кездегі даму сатысы әлі толық зерттелмеген.

Соңғы онжылдықта ғалымдар өз назарын Орта Азия мен Қазақстан тарихының феодалдыққа дейінгі кезеңіне аударды. «Эллинистік Шығыс» пен Иранның көркемдік шет аймағы ретінде көрсетілген көне Түркістан туралы қалыптасқан көзқарасты құрт өзгертертін, өнер мен мәдениеттің тамаша ескерткіштері ашылды². Бұл жаңалықтар, бізге, Орта Азия мен Қазақстан халықтарында алғашқы қауымдық қоғам сатысында көркем шығармашылықтың дамуын мойындаштын кейбір қазіргі заман ғалымдарының пікірлерімен келісуге мүмкіндік бермейді, өйткені әлдекашан өткен жылдардағы

¹ Туркестанский сборник. 1886. С. 395, 127-128, 129.

² Чепелев В. Об античной стадии в истории искусства народов СССР. М.-Л., 1941. С. 52.

рухани даму іздерін жасыру да жою да мүмкін емес. К.И. Сатпаев атындағы ҚазССР ҒА Геологиялық ғылымдар институтының палеолиттік отрядының 1965 жылы ашқан осындай бір жаңалығы туралы, тарихшылар Р.Б. Сүлейменов пен Х.И. Бисенов баяндайды.

Отряд Балхаш маңының неолит және ертедегі аттылы көшпелілер дәуірінің адамының суреттерін тапты. «Бұл суреттерде табиғат, алғашқы адамдарды қоршаған орта туралы анималистік түсініктер ғана емес, сонымен қатар олардың аңыздарының салт-жораларының, жануялық әдет-ғұрыптары мен дәстүрлерінің мазмұны да көркем образдарда өз көріністерін тапқан»¹. Біз осындай айғақтарды Қазақстанның ірі ғалымдары – А.Х. Кушаев, А.М. Оразбаевтардың тыңғылықты зерттеулерінен де табамыз².

Міне жарты ғасырдан аса уақыт ғалымдардың назарын Орта Азия мен Қазақстан жерін мекендеген көшпелі халықтардың жасаған өз заманы үшін едәуір жоғары әрі өзгеше мәдениеті қызықтырады.

Археологтар мен этнографтар, өз кезінде көшпелі халықтар жасаған, осы уақытқа дейін белгісіз болып келген мәдениет ескерткіштерін ашты. Олардың ішінде – ортаазиялық өнердің тамаша мұражайы – Түркістан қаласындағы Иасауи мешітінде сақталған, темір дәуірінің қоладан жасалған керемет бұйымдары (қазан, шам қойғыш шамдалдар)³.

Қазақтың көркем шығармашылығы қашан және қалай пайда болды деген сұраққа нақты жауап беру қын. Алайда, революцияға дейінгі Орта Азия мен Қазақстанның материалдық және рухани мәдениетінің тарихи деректерін талдау Шығыс халықтарының өнеріндегі дербестік элементтерін ашуға мүмкіндік береді. Түрлі ғылым зерттеу жұмыстары⁴ бізге, Орта Азия мен Қазақстан халықтарының, олардың ертедегі ата-бабалары негізін салған, өзгеше өнері бар екендігіне сендеруге негіз береді.

Бұл қорытындыға келуге ежелгі түркі тайпаларының фольклор үлгілерін, қазақтардың ізашарлары түркі жазуларының ескерткіштерін және бірқатар басқа деректерді зерттеу мүмкіндік береді.

Э.А. Масанов қазақ халқының бүкіл этнографиялық зерттеу тарихын үш кезеңге бөледі: біріншісі – орыс әдебиетінде қазақ халқы

¹ Сүлейменов Р.Б., Бисенов Х.И. Социалистический путь культурного прогресса отсталых народов. Алма-Ата, 1967. С. 35.

² К.А. Ақишиев, Г.А. Кушаев. Древняя культура саков и усуней реки Или. Алма-Ата, 1963; А.Х. Маргулан, К.А. Ақишиев, М.К. Қадырбаев, А.М. Оразбаев. Древняя культура центрального Казахстана. Алма-Ата, 1966; А. Маргулан, Т. Басенов, М. Мендыкулов. Архитектура Казахстана. Алма-Ата, 1959.

³ Қар.: Художественная культура Советского Востока. Сб. ст. М.–Л., 1931. С. 65.

⁴ Чепелев В. Об античной стадии в истории искусства народов ССР. М.–Л., 1941; Художественная культура Советского Востока. Сб. Ст. М.–Л., 1931; С.А. Плетнева. От кочевий к городам (салтово-маяцкая культура). М., 1967; Н.С. Артмановский. Проблема единства и множественности культур в современной этнографии. М., 1964 и другие.

мен оның ата-бабалары туралы алғашқы этнографиялық мәліметтердің пайда болуынан бастап, XIX ғасырдың ортасына дейін (ол Ресейдегі феодализм дәуірімен сәйкес келеді); екіншісі – XIX ғасырдың ортасынан бастап Ұлы Қазан социалистік революциясына дейін (Ресейдегі капитализм дәуірі); үшіншісі – 1917 жылдан бастап қазіргі күнге дейін. «Егер бұл дәуірдің бірінші кезеңі, қазақ халқы туралы фрагменттік, ауық-ауық және айтартықтай бірқатар кездейсоқ этнографиялық мағлұматтарды жинақтау сипатында болса, онда екіншісі Ресейге қосылумен сәйкес келеді... Қазақтардың этнографиясын азды-көпті жүйелі зерттеу сипатында және ғылыми мағлұматтарды жинақтау ғана емес, оларды біршама зерттеу де тән»¹.

Сонымен, Э.А. Масанов айтып ескерткендей, 1456 жылдан бастап қазақ халқы туралы үздіксіз ең анық тарихи мағлұматтар бар. Олар орыс және европалық мәліметтерде басылып шыққан материалдармен 1517 жылдан бастап едәуір толықтырылды.

Тарих қуәландыруынша, монгол шапқыншылығы басып алған халықтардың, соның ішінде Қазақстан территориясын мекендеген халықтардың шаруашылығы мен мәдениетіне орасан зор зиян келтірді. Ол тұрғылықты халықты жаппай қыруға әкеліп соқты, аймақтың өндірістік күшіне зиян келтірді және экономика мен мәдениеттің құлдырауы жағдайына әкеліп ғана қоймай олардың дамуын ұзақ уақытқа тоқтатты. Монголдар, Суаб, Сығнақ, Баласагұн, Тараз, Отырар, Сауран, Женд және басқалар сияқты, Қазақстанның мәдени орталықтарын қираған орындарға айналдырыды².

Сонымен қатар бұл қалалар, Қазақстан территориясын мекендеген тайпалар мен халықтар өмірінде маңызды рөл атқарған: олар ірі сауда орталықтары болған, олар арқылы даланың көшпелі халықтары отырықшы егіншілік аудандармен өздерінің шаруашылық байланыстарын жасайтын.

Зерттеушілер Н. Бернштам мен Э.Х. Марғұлан анықтағандай, мысалы, IX ғасырда, Отырар маңызды тарихи өзара байланыстар мен сауда жолдарының тоғысқан жерінде орналасқан, ірі мәдени орталық болған. Ондағы, кітаптар саны бойынша, әйгілі Александрия кітапханасынан кейінгі екінші орынды иемденген кітапхана болған деседі; бұл қаланың қарқынды мәдени өмірінің дәлелі, Отырардан ғалымдардың жарқын саңлақтар тобы (соның ішінде әйгілі Әбу Насыр әл-Фараби) шыққан.

Бірақ Отырар сол уақытта, айтып кеткеніміздей, Қазақстан территориясындағы жалғыз мәдени ошақ болған жоқ. Бұл

¹ Масанов Э.А. Очерк истории этнографического изучения казахского народа в СССР. Алма-Ата, 1966, С. 13.

² Кар.: История Казахской ССР в трех томах, т.1. Алма-Ата, 1957. С. 117.

территорияның өнер, қолөнер кәсібі, ғылымдарды жасауға қабілетті болғандығы және шын мәнінде жасағандығы, қазір айдан анық. Алайда, К. Маркс пен Ф. Энгельс «Неміс идеологиясы» жұмысында ескерткеніндей, «өндірістік күштері мен талаптары дамыған қандай болмасын елді барлығын басынан бастау қажеттілігіне жеткізуге жабайы халықтардың басып енүі немесе кәдімгі соғыстар сияқты, жәй кездейсоқтықтар жеткілікті»¹. Жоғарыда баяндалған фактілер, біз неліктен қазақ халқының эстетикалық мәдениеті туралы зерттеулерімізді қазақ ұлтының қалыптасу кезеңінен ғана бастағанымызды түсінуге мүмкіндік береді. Бізде осы дәуірдегі қазақтарға қатысты тарихи, археологиялық және этнографиялық анық мәліметтер жеткілікті болмаса да, біз қазақ халқының ұрпақтан ұрпаққа ауызша жеткізіп, сақтаған бай көркем шығармашылығына сүйене аламыз. Жеке тайпалар мен халықтарда егіншілік пен отырықшылықтың дамуына байланысты қолөнер бұйымдарын жасау көбейді және сауда өсті. Мұның барлығы қалалардағы сауда, мәдени орталықтарының көбеюі мен дамуына себепші болды.

Қазақстан территориясын мекендеген тайпалар мен халықтардың мәдениеті, жалпы халықтардың өмір сүру жағдайы мен саяси жағдайларға байланысты әр түрлі дамыды. Сондықтан олардың мәдени жетістіктерін Қазақстанның жеке аудандарындағы өндіріс күштері мен өндірістік қатынастар ерекшеліктерінің дамуының деңгейімен тығыз байланыста зерттеу қажет.

Халықтың дамуының экономикалық және мәдени себебінен және де қазақтардың бытыраңқылығы мен олардың арасындағы үздіксіз соғыс салдарынан Қазақстан экономикалық және территориялық үш жүзге бөлінген болатын².

Ұлы жүз Жетісу өңірін мекендеген, Орта жүз – Орталық Қазақстан аудандарын, Кіші Жүз Батыс Қазақстан аудандарында орналасқан болатын.

Ескілікте экономикалық жағдайы ең дамыған оңтүстік және оңтүстік-шығыс аудандары болған, ал XIX ғасырдың сонында – XX ғасырдың басында – солтүстік аудандары болды.

Бұл көптеген экономикалық және саяси факторларға, сондай-ақ егіншіліктің даму деңгейіне, жаңа қалалардың пайда болуына, дамыған көрші халықтардың және т.б. ықпал жасауына байланысты болды.

Шаруашылықтың негізгі түрі жайылымдық-көшпелі мал шаруашылығы болды. Шаруашылықта қажетті барлық шикізат та мал

¹ Маркс К. и Энгельс Ф. Соч., т.3, С. 54.

² Жүз – қазақ тайпаларының ірі одақтары мекендеген, шаруашылық және географиялық оқшауланған қағас аудан.

шаруашылығынан алынды. Егіншілік XY-XVIII ғасырларда қазақтарда өте нашар дамыған еді. Өндіріс туралы бұл кезеңде айтудың да реті жоқ. Қазақтарда мол шаруашылық шикізаттары негізінде үй кәсіптері кең таралған болатын. Еңбек құралдарын, ыдыстарды жасауда негізінен ағаш, темір, былгары пайдаланылған.

Қазақ халқының рухани мәдениеті де экономикалық және әлеуметтік жағдайларға үйлесіп келді.

Тарих дәлелдеуінше, адамның сұлулыққа деген талпынысы алғашқы қауымдық дәуірден байқалады. Сондықтан да өнер адам шығармаларының барлығының ішіндегі ең көнесі болып табылады. Болмыс пен адамның рухани әлемін көркем образдарда көрсетіп, өнер маңызды қоғамдық қызмет атқарады. Эмоцияларға әсер етіп, ол адамдардың бірігуіне ықпал етеді, өнер туындылары махабbat пен жек көрушілік, қуаныш пен қорқыныш, сәулеттілік пен әсемдік сезімдерін оятады.

Өнерде, оның мазмұнында сол немесе басқа қоғамдық таптың, халықтың идеялары, эстетикалық көзқарастары көрініс табады. Жалпы мәдени дамуда халық артта қалған болса да, оның өнерінің, қоршаған ортаға эстетикалық қатынасының дамуын жоққа шығаруға болмайды.

Сондықтан, Қазан социалистік революциясына дейін артта қалған халықтарда эстетикалық сезімдер, ұғымдар, түсініктер болмаған деп жорамалдаушылардың пікірлерімен ешбір келісуге болмайды.

Адам табиғатына, ол рухани дамудың қандай тәменгі сатысында тұрса да, сол дамуға сәйкес сезімдік қатынастар қажеттігі тән.

Қазақтардың халық ретінде мәдениеті XY-XVII ғасырларда қалыптасты. Сол кезеңнің өзінде дамудың екі тенденциясы анық көрінді – халықтық және феодалдық. Мысалы, бай мен малай өз ойлары мен мұн-мұқтажын ешқашан бірдей айта алмаған, олар қосылып ән сала алмаған.

Қазақ халқының көркем шығармашылығы оның тарихи жолымен, оның түрлі тарихи кезеңдерде алдында тұрған қажеттіліктермен және мақсаттармен тығыз байланысты болды.

Көшпендейлер, соның ішінде қазақтар да, шешендік өнері мен сезім тілі – поэзияға ерекше мән берген. Мұхтар Мағаун өзінің «Қобыз бер Найза» кітабында атап өткендей: «Әрине, бұл қасиет біздің халқымызға бір әдемі күні аспаннан түскен жоқ. Поэзиялық мәдениеттің мұндай кең таралуы ұзақ уақыт дамудың нәтижесі екені әбден айқын»¹.

Қазақ өнері оны жасаушы халықпен бірге біртінде қалыптасты және өзгерді. Қазақтарда XIX ғасырдың екінші жартысына дейін өз

¹ Мағаун М. Кобыз и копье. Алма-Ата, 1970, С.9.

жазуы болмады, сондықтан барлық өткен тарихи оқиғалар мен халықтың тұрмысының ерекшеліктерін біз негізінен үрпақтан үрпаққа берілген аңыздардан, эпостан, ертегілерден, әңгімелерден білеміз. Халық ауыз әдебиеті шығармаларында қазақтардың экономикалық және саяси құрылымы, сонымен қатар оның тұрмысы, әдет-ғұрпы мен эстетикалық көзқарастары өз көрінісін тапты.

Күрделі, көп қырлы адам өмірінде болып жатқанның барлығы, халықтың рухани мәдениетінде де өз суреттемесін табады. Алайда, революцияға дейін қазақтарда көркем шығармашылық формалары шектеулі еді. Байтақ далада көшіп-қонып жүріп, қазақтар өздерін толғандырған сезімдерді эпоста, аңызда, ән мен күйде ғана көрсете алатын. Өнердің басқа түрлері дамымады, өйткені ол үшін объективті жағдайлар болмады. Өндірістің жоқтығына байланысты техника да дамымады. Бұл өз таңбасын рухани мәдениеттің дамуына да салды.

Қазақ халқының көркем шығармашылығы мен эстетикалық құндылықтарында халықтың өзі туралы айтқан үлкен тарихи шындық бар.

Қазақ халқының, өмір тауқыметіне ғана емес, шығармашылық қуанышқа толы бай рухани өмірі ешқашан тоқтаған емес.

Қазақтардың ауызша-поэтикалық шығармашылығы, басқа халықтардағыдай, әр түрлі болды. Халық ауыз әдебиетінде фольклордың барлық классикалық формалары дамыды, әсіресе эпос, әндер, мақалдар, мәтелдер, ертегілер, тарихи әңгімелер.

Би өнері сияқты халық шығармашылығының түрі, халық әдет-ғұрыптарымен, ойындармен және т.б. үйлесе ғана орын алды.

Революцияға дейін қазақтарда театр өнері мүлде болған жоқ.

Экономиканың дамуы, көшпелілік өмір салты, діни тыйымдар, әрине, халықтың шығармашылық күштеріне бұғау салды. Революцияға дейінгі Қазақстандағы сәндік-қолданбалы өнердің айрықша дамуы да осы себептермен түсіндіріледі.

Қазақстан территориясында, қазақ халқының түрлі тарихи даму кезеңдеріне және оның ізашарларына қатысты, көптеген монументальды архитектура ескерткіштері сақталған¹. Өкінішке орай, қазіргі заманға дейін архитектура ескерткіштерінің аз бөлігі ғана жетті. Олар Бабаджи-Хатун, Айша-Бибі, Қожа Ахмет Иасауди кесенелері². Мәдени мұраны пайдалана отырып, қазақ халқы, оның эстетикалық мұраттары көрініс тапқан, өзіндік ерекше сәулет өнерінің туындыларын жасады.

Бірақ Қазан революциясына дейін қазақ халқының сәулет өнерінің мұраларына арналған, И.А. Кастаньенің («Древности

¹ Қар.: Маргулан А., Басенов Т., Мендыкулов М. Архитектура Казахстана. С. 5

² Сонда. бб.85, 89.

киргизской степи и Оренбургского края». Оренбург, 1910) жұмысын қоспағанда, бірде-бір ғылыми жұмыс болмаған.

Исламның тірі жанды бейнелеуге тыйым салуы оларды бейнелеу өнері саласынан шығарып тастауға әкелді. Осының нәтижесінде исламға дейінгі дәуірде жасалған адамның тас мүсіндерінің орнына, кескінсіз құлпы тастар (стеллалар) пайда болды. Ою өнерінде де даяр қалыпқа үйірлік ерекше жоғары бағалана бастады.

Алайда ертедегі өнер дәстүрлері ізсіз жоғалған жоқ. Оның дәлелі, археологиялық ізденістер кезінде табылған керамика бұйымдары, қоладан құйылған қазандар, сонымен қатар архитектуралық керамика, арасында жануарлардың суреттері жиі кездесетін, жартастардағы суреттер¹.

Қазақтар тұрмыстық жағдайларына сәйкес еңбек үрдісі барысында өзінің қолданбалы өнерін дамытты². Қазақтар өз қажеттілігі мен талғамдарына сай бірінші қажеттіліктегі бұйымдарды жасады, алғашында олар тек ғана рұлық, жанұялық және жеке бастың мұқтаждығын қамтамасыз етсе, ал кейіннен саудалық айырбасқа да пайдалана бастады.

Бұл бұйымдарды жасау үшін негізгі материалға жұн, тері, сүйектер және мүйіздер пайдаланылды. Нак осы материалдардың қолданылуы, қазақтарда шаруашылықтың негізгі түрі мал шаруашылығы болуымен түсіндіріледі.

Қазақ халқының көшпелі тұрмысы көрініс тапқан, материалдық мәдениеттің көңіл аудараптық ескерткіші – киіз үй болып табылады. Ол киізben қапталған ағаш сүйенішті күмбез тәріздес жаппа түрінде болады. Киіз үйге қажетті заттардың барлығы әр түрлі түсті ою-өрнекпен безендірілетін. Киіз үйлердің іші шидан (шым ши) жасалған полихромды тоқымамен, көп түрлі түсті киізден жасалған тоқымалы кілемдермен, тықыр кілемдермен, кестелі перделермен (шымылдық), сандықтарға арналған өрнекті тыстармен және т.б. безендірілетін болған³.

Қазақтарда кең тараған қолданбалы өнер түрі – ою болды. Ол киімді, тұрмыс заттарын, зергер бұйымдарын безендіруде, ағаш, сүйек, темір және тастағы ойма суреттерде қолданылған.

Оюлау техникасы тіпті әр түрлі болады. Бұл киізге өрнекті басу және апликация да, мозаикалық әдісте, және көптеген басқалары.

Қазақ оюнының тақырыбы сан алуан. Олар негізінен халықтың қоршаған табиғатқа, болмысқа эстетикалық қатынасын көрсеткен. Осыған сәйкес алғашында өсімдіктен жасалған, ал кейіннен жасанды

¹ Кар.: Маргулан А., Басенов Т., Мендыкулов М. Архитектура Казахстана. С. 15

² Кар.: Народное декоративно-прикладное искусство казахов. Л., 1970.

³ Кар.: История Казахской ССР в трех томах, т.1, стр.193.

бояулардың әр түрлі түстері таңдалып алынған. Осы күнгө дейін сақталған ою-өрнектерде космогониялық, зооморфтық, өсімдік және геометриялық әуендер бар. Әсіресе, бұл айшық-тұл, сегіз қырлы жапырақ формалы әшекейлер, жұлдыз гүл, шыққан күн, қошқар мүйіз сияқты өрнектерге тән болды.

Революцияға дейінгі қазақ халық өнерінде – сәндік кесте кең таралған болатын. Кесте тігумен негізінен жас әйелдер мен қыздар айналысқан. Кестемен төсек-орын, әйелдердің бас киімдері, көйлектері, қабырғаға ілінетін кілемдер, сандық тыстары, әр түрлі сөмкелер, орамалдар, сұлгілер және т.б. безендірілген. Кестені маталарға ғана емес, былғарыға да, киізге де түсірген. Кесте тігуде боялған жілтер, сонымен қатар күміс және алтын зерлі жілтер пайдаланылған.

Қолданбалы өнер негізінен тұрмысты безендіру үшін қолданылса да, халықтың шығармашылық данышпандығы, оларға эстетикалық мәнділік те беріп, бұл пайдалы заттарды өнер туындыларына айналдырады.

Олар арқылы (халық шығармашылығының басқа да түрлерімен қатар) қалың бұқараның эстетикалық сезімдері, көркем талғамдары қалыптасады.

Қазақтың халықтық оюы әр түрлі тоқыма бұйымдарында да кең қолданыс тапты. «Қазақтардың халықтық сәндік-қолданбалы өнері» атты кітапта халық ұсталарының бұйымның сипаты мен оның сәндік безендірілуінің байланысын керемет түсінуі, материалға деген сезімталдық және, асқан шеберлікке жеткізілген, ұсталықтың жоғары дәрежедегі техникасы туралы айттылады.

Әр түрлі халық өнеріне тән, ұstemдік етуші мақсатқа сәйкестілік, дәстүр арқылы берілетіндігі және негізгі шикізат болып табылатын жүннің өнінің сипаты мен түсін пайдалануда мүмкіндік беретіндігі, көптеген ұрпақтардың дағдысының дәлелі¹.

Кілем бұйымдарына өте үлкен мән берілді. Олардың әр қайсысының тоқылуында бірнеше халық шеберлері қатысқан. Бұл шеберлер жоғары эстетикалық талғамға, олардың қолынан шыққан кілем, алаша, киіз немесе басқа бұйымдар көз тартар болуы үшін, сурет бөліктерін сондай қыстырыу, сондай асқан әсерлілікке қол жеткізу іскерлігіне ие болған.

Қалалардың өсуіне, құрылыш жұмыстарының күшеюіне байланысты, қазақтарға таза қолданбалы өнермен қатар революцияға дейін монументальды-сәндік өнер де дамыды.

Тас мусіндер стильдеу нәтижесінде «құлып-тастарға» айналды, құрылыштарда фреска әшекейленуі пайда болды.

¹ Басеннов Т.К. Народное декоративно-прикладное искусство казахов. Л., 1970 С.37.

Қолөнер кәсібінің дамуымен керамикадан, қоладан және басқалардан бүйімдарды жасап шығаруда іскерлік ұсталды.

Зергерлік өнері де қазақтарда едәуір жоғары дамуға ие болды. Қазақтардың арасында, нәзік эстетикалық талғам иесі тамаша зергерлер болған.

Қазақтар табиғатынан шешен болады, өз ойларын тамаша әрі образды формада тұлғалап білдіре алады, басқалардың көркем де дұрыс сөзін тыңдағанда үлкен рақаттылық алады.

Бізге дейін эпос, өлең, ертегі, мақал-мәтел, тарихи әңгіме түрінде жеткен көркем шығармашылық туындылары, қазақ халқының бай көркем мұрасын ғана құрамай, сонымен қатар оның ары қарай жемісті дамуының кепілі де болады.

Қазақтарда халық шығармашылығының ең ірі түрі эпос болып табылады. Эпос туындылары ғасырлар бойы қалыптасты және Қазақстан территориясында әр түрлі кезеңдерде болған барлық тарихи оқиғалармен тығыз байланысты болды. XYI-XVIII ғасырларға жататын, туындылар, қалмақ және қалмақ-жонғар жаулап алушыларына көрсетілген қарсылық туралы баяндаса, ал кейінгі кезеңдегі көптеген этикалық туындылар үшін (XIX ғ. және XX ғ. басы) әлеуметтік теңсіздікті тереңдете көрсету, жат елдіктер мен өз рақымсыздарын әшкерелеу және т.б. талаптану сипаты тән болды¹.

Қазақ эпосы батырлық және әлеуметтік-тұрмыстық туындылардан құралады. Расында, бұл бөлініс шартты, өйткені, қантөгіс соғыстар туралы, халық мұддесін қорғаған, ержүрек батырлар туралы баяндайтын поэмаларда да, басты кейіпкердің махаббаты туралы лирикалық әңгімеге орын бар, ал басты тақырыбы құнделікті өмір, лирикалық әсерленушілік болатын шығармаларда, біз батырлардың игілікті ерліктерінің суреттемесін табамыз.

Ал кеңес фольклоршылары, эпикалық шығармаларды, поэмада – ерлік салты ма әлде әлеуметтік-тұрмыстық сарын ба – қайсысы көптігіне қарап жанрлар бойынша жіктеуді ұсынады. Әдебиеттануда қабылданған жіктеуді пайдаланып, біз «Ер Тарғынды» халыққа кең танымал батырлық поэмалар қатарына, ал «Қозы Көрпеш-Баян сұлу», «Қызы Жібек», «Айман – Шолпан», «Мақпал қызы» және «Күлше қызды» - лирикалық, әлеуметтік-тұрмыстық поэмаларға жатқызамыз. (Ескерте кететін жай, батырлық жанрындағы шығармалар көбінесе басты ұнамды кейіпкердің атымен аталады, ал әлеуметтік-тұрмыстық шығармалардың лирикалық бастауы, барлық суреттелген оқиғалар әдемі бас кейіпкер – бойжетken қыздың айналасында өрбитіндіктен, поэма соның есімімен аталатын болады.

¹ «История казахской литературы» в трех томах, т.1. С.242-243.

Қандай да бір ауызша дәстүрдегі шығармадай, қазақ эпикалық поэмалары көптеген варианттарда болады, олардың әрқайсысы – аңыз-жыр айтушының дербес туындысы.

Ең дарынды аңыз-жыр айтушыларда өз сөзімен айтудың немесе жырлаудың өзіндік үлгісі, шығармасының музыкамен сүйемелдеуі болған.

Аңыз-жыр айтушы, өз шеберлігін көрсеткенде, әңгімеленген аңыздағы барлық оқиғаға және құбылыстарға өзінің эстетикалық қатынасында білдірген. Суырып салма ақын дарындылығына сай, оның басты кейіпкері – батырдың өмірінің жеке эпизодтарын топтауы тартымдырақ, оның баяндауы батыр ерліктері мен қызық оқиғаларға бай болады. «Қазақ батырлар жырлары, құрылымында түйсінуге әсер етуші әр түрлі тәсілдер қолданылған, көркем әңгіме болып табылады. Бұл батырлар жырлары әңгіменің механикалық жылжуымен шектеліп ғана қоймайды, олар көркем әрі әсерлі, кейіпкерлер қарым-қатынастары психологиялық күрделі»¹, – деп ескертеді А.С.Орлов қазақ эпосына арналған зерттеуінде.

Эпикалық шығармалар, әдетте, өте ұзын, олардың орындалуы бірнеше күнге де созылуы мүмкін, сондықтан аңыз-жыр айтушылар поэтикалық және музыкалық дарынды, өте жақсы жаттап алуға қабілетті ғана емес, асқан күш иесі де болуы керек еді.

Ақындар мен жыраулардың халық арасында үлкен қадір-сыйфа ие болуы әбден орынды да. Аңыз-жыр айтушының қайсы бір ауылға келуі нағыз оқиғаға айналатын, ал оның өзін адамдар аса құрметпен әлпештейтін. Қазақтардың халық ауыз әдебиетіне ерекше қастерлеп қарауы туралы ғалымдар өткен ғасырда жазған. Айтарлық, 1893 жылы «Астрахан хабаршысында», осы құрметтеу арқасында «Әмір темір уақытына жататын, жүздеген аңыздар мен деректер, оқиғалар, он жыл бұрын ғана болғандай, керемет дәлдікпен беріледі»², – деп көрсетіледі.

Халық ақындарының, аңыз-жыр айтушыларының және әншілерінің әрбір жаңа ұрпағы бұрын жазылған шығармаларды есте сақтап әрі таратып ғана қоймай, өз үлестерін де қосып, сонымен қазақ фольклорының алтын қазынасын байытып отырды.

Қазақ халқының өткен тарихы туралы поэтикалық әңгіме ретінде, эпикалық шығармашылық ескерткіштері халықтың көркем мұрасында ерекше орын алады. Қазіргі күнде Қазақстан республикасы Ғылым Академиясында жүз алпыс бес эпопеялар мен поэмалар бар, соның ішінде «Қобланды батыр», «Ер-Тарғын», «Қамбар батыр», «Алпамыс батыр», «Қыз Жібек», «Қозы Көрпеш Баян сұлу», «Айман-Шолпан»

¹ Орлов А.С. Казахский героический эпос. М., 1945. С. 124.

² «Астраханский вестник», 1893, №1222.

және басқалар сынды халықтың көркем шығармашылығының аса көрнекті туындылары да бар. Олардың мазмұнында халықтың қоғамдық өмірі жан-жақты суреттеді, сондай-ақ оның болмысқа деген эстетикалық қатынасы да көрініс тапты. «қазақ поэзиясында көшпелі халықтың поэтикалық болмысының өткір байқағыштығы мен зеректігі айқын байқалады. Әнші, оны қоршаған өмірдегі барлық маңыздыны; ауылдың көктемде жазғы жайлauғa көшуін, гүлге, биік жас шөпке толған даланы; ақ киіз үйлерге сөуле шашқан ай нұрын; жазық кең даланың шексіз кеңістігіне күннің алғашқы сөулелері төгілген, таңды өлеңдеп суреттейді. Өткен батырлар ерлігі туралы, әсерлі әрі нәзік махаббат туралы, өжет жігіттер мен сүйкімді бойжеткен қыздар туралы – барлығы да ақындыққа бөлөнген, мұның бәрі көшпелі қазақ қоғамының өмірі, тұрмысы туралы көрнегі түсінік береді»¹, – деп жазады өз зерттеуінде З.А. Ахметов.

Қазақ халқының эстетикалық көзқарастары көп жағдайларда оның этикалық түсініктерімен тығыз байланыста. Халық өзінің эстетикалық сезімдерін білдіруде көбінесе оларды еңбекке, азаматтық борышын адал орындауға, азаматтық қажыр-қайрат көрсетуге және т.б. шақыру түрінде көрсетеді.

Сол уақыттағы қазақтар санасындағы әсемдік – бұл, о дүние туралы түсінік емес, ең алдымен нақты жердегі өмір.

Қазақ фольклорындағы бұл қасиетті XIX ғасырда академик В.В. Радлов атап өтті. «Қыргыз (қазақ. – Б.Қ.) өз өлеңдерінде қандай бір таңқаларлық әрі қорқынышты, ертегідей әлемді бағаламайды, керісінше – ол өзінің өмірін, өзінің сезімдері мен мақсат-мұраттарын, қоғамның әрбір мүшесін толғандыратын армандарды шырқайды, тыңдаушыларға аса күрделі әрі ғажайып емес, ал ақиқат бар нәрсе ләzzат береді»², – деп жазды ол.

Қазақ халқының көркем шығармашылығындағы орталық орында адам болады. Адамның шынайы абырайы оның мүлік байлығы емес, асқар ақылы, мейірімді жүрегі, сатылмайтын адалдығы саналған. Мұны дәлелдеуші «байлық абырай емес, ал кедейлік кемістік емес» деген мақал адап, ақылды, ер жүрек, жақсылық пен әділдік жеңісі үшін құресуге қабілетті адамдарды батырлар деп атаған. Олардың ең атақтыларының аттарын бізге аңыздар мен эпикалық поэмалар жеткізді. Қарапайым халықтан шыққан Сырым, Ер Тарғын, Қобыланды, Есет, Жанқожа, Бекет, Ер Назар сынды батырлар аттары көпке танымал.

Эпикалық туындыны жазушылар халықтың өз батырларына, сыртқы және ішкі жаулардан, жаулап алушылар мен қанаушылардан

¹ Ахметов З.А. О языке казахской поэзии. Алма-Ата, 1970, С. 25-26.

² Радлов В.В. Образцы народной литературы северных тюркских племен. Ч. V. Спб., 1885, С. 8-9.

қорғаушыларына деген сүйіспеншілігін толық көрсетуде майын тамызып айтып беруге талпынды. Қаһармандарға ең жақсы адамдық қасиеттер берілген. Қаһарманның ақыл-ойының терендігі сонша, ол жауларының зұлым ниеттерін біліп, шешіп қоюға қабілетті, ал қара күшінің молдығы сонша, ол батырдың жалғыз өзі жауының басым күштерін жеңуіне мүмкіндік береді. Эпикалық шығармалардың жағымды кейіпкері жолындағы барлық қыыншылықтар мен тоқсауылдарды жеңеді, ең күрделі әрі қыын жағдайлардан ол жеңімпаз болып шығады. Басқаша болуы да мүмкін емес – өйткені ол бүкіл халықтың қорғаушысы, қалың бұқараның мұддесін жеткізуши, ол халықтың ғасырлар бойы аңсаған жер бетінде еркіндік пен әділдіктің орнауы үшін, бақытты өмірдің болуы үшін күреседі.

Міне сондықтан, қаһарманға ғажайып күш пен таң қаларлық ақыл беріледі, өйткені ол бүкіл халықтың қара күшін өзінің бойына жинайды және батырдың адаптосы және көмекшісі әрқашанда таң қаларлық ғажайып күші бар әрі епті ат болып табылады.

«Ер Тарғын» поэмасында Тарғын батыр мен оның адаптосы Тарлан былай суреттеледі:

«Жау келгенін білген соң,
Бұл әскерді көрген соң,
Сарала туы салбырап,
Сауытының шашағы
Тұс-тұсына саудырап,
Қабағынан қар жауып,
Кірпігіне мұз тоңып,
Жаурыны жазық, мойны ұзын,
Атарына қолы ұзын,
Құланды қақтан қайырған,
Егескен ханды елінен,
Алтын тақтан айырған,
Ертеңнен салса – тұсте озған,
Ылдидан салса – төске озған,
Оза, оза зырлаған,
Басын тартса – болмаған,
Көк айыл болып көпірсе,
Айшылықты алты аттауға ойлаған,
Артынан қиқу таянса,
Қара терге боялса,
Томауыл көрсе – қарғыған,
Қарғи барып атылған,
Атыла барып тік тұскен,
Аяғының дәңкімен

Қазандай тасқа жік түскен –
Томаға көзді Тарланды
Жауға қарай тебініп,
Жалмауыздай емініп.
Толып жатқан әскерге
Келді Тарғын желігіп»¹.

«Әдетте батырда оның аты да болмашы ертегідегідей сынақта суреттеледі, бірақ та едәуір шындық тұрғысында беріледі. Жалпы алғанда, монгол, ойрат және тіптен орыс батырлық жырларымен салыстырғанда, қазақ жырлары өздерінің ақындық әсірелеулерінде (гиперболаларында) орындырақ, және, сірә, күнделікті тұрмысқа жақын»², – деп жазды академик А.С. Орлов. Эпикалық образдардың халық үшін өткенде де, осы күнде де өшпес құндылығы осы ақиқат өмірге жақындығымен түсіндіріледі.

Лирикалық жырлардың мазмұны әдетте маҳаббат тарихы болады. Лирикалық жырларда, батырлық жанрдағы шығармаларға қарағанда, ғашықтардың сезімдері мен қасіреттерін, басты кейіпкерлердің сыртқы және ішкі сұлулығын суреттеумен қатар, әсем көріністер мен тұрмыстағы оқиғаларға көбірек назар аударылады. Халық арасында кең тараған танымал поэма – ежелгі «Қозы Көрпеш Баян Сұлу» поэмасы.

Қазақ ауыз әдебиетін зерттеушілер бұл поэмандың басты кейіпкерлерін дала Ромеосы мен Джульєттасы деп әділетті атайды.

Оның мазмұны қысқаша мынадай: Қозы Көрпеш пен Баян туған кезінде күйеу мен қалындық деп атастырылып қойған болатын. Бірақ, жетім қалған Қозы-Көрпешке өз қызын күйеуге бергісі келмеген Баянның әкесі, оларды бала кезінде зұлымдықпен ажыратады. Есейген кезінде, боз бала өз қалындығын іздеуге жолға шығады, бірақ оны жаңа ғана-ақ тапқанда, Қозы-Көрпеш өз бақталасы Қодардың қолынан қайғылы қазаға үшірайды. Баян сүйіктісінің жерлеуі кезінде жауызды өлтіреді де өз қанжарға қулайды. Ол қатал заманда оқиғаның бұдан басқа түйіні болуы мүмкін де емес еді, ру басшысы әрі жанұя әкесі жанұя мен рудың барлық мүшелеріне билік жүргізгенде, ешкім өз өмірінде жазасын тартпай, ру басының ықтиярына қарсы тұра алмайтын мұндай жағдайдың рулық-тайпалық қауымға әдептегі оқиға екендігі туралы, Қозы Көрпеш пен Баян сұлудың маҳаббаттарының көңіл жібітетін тарихы қазақтар арасында ғана емес, басқа да түркі халықтарының арасында кең тарапады.

Қазақ халқы үшін маңыздылығы бойынша «Қозы Көрпеш – Баян Сұлу» поэмасының орны қырғыз халқы үшін «Манас» немесе неміс

¹ Батырлар жыры, 2-том.– Алматы: Жазушы, 2006. – 28-29 66.

² Орлов А. С. Казахский героический эпос. С. 8.

халқы үшін «Нибелунгтер туралы ән» сияқты дәуірдің құнды ескерткіші болып табылады. Бұл поэма – «көшпендейлер тұрмысының тамаша ескерткіші, онда бүкіл шығармашылық сөлі, бүкіл халық даналығы, оның құнарлығы, философиясы, мұраттары жинақталған»¹, – деп жазады Г.Н.Тверден.

Бұл туындының поэтикалық формасы оны қазақ халқының қалың бұқарасы үшін өте түсінерлік етеді. Міне, табиғат суреттемесі берілген поэма үзінділерінің бірі:

«Елімнің қонған тұрағы,
Асқар тау, жазық белдерім.
Шалғында өскен көп ойнап,
Сағынған тұған жерлерім.
Құба тұз дала, сортаң тау,
Тапқанша сая терледім...
Лашын, түйғын, сұңқары,
Ойнаған ұстап ермегім.
Доғдуадақ, көлде аққу,
Үйрек-қаз тамақ жемдерім.
Соларды бағып өсірген,
Айдын-шалқар көлдерім.
Мал өрістеп су ішкен,
Өзен, су, бұлақ кендерім –
Жердің көркі аман ба?»².

Батырлар жанрындағы туындыларда әлеуметтік-тұрмыстық жырларға қарағанда, табиғат суреттемесі онымен салыстырғанда кейіпкердің бейнесін көрнекті бейнелеуге мүмкіндік береді («таулар жарқырап, тас жанады, егер бала-батыр шапса», «ол борандай ұйтқымалы, енді ол дауылдай, мейірімсіз») және сараң беріледі.

Батырлар поэмасын, ауызша айтып жатқанда, ақын өз тындаушыларының назарын барынша батырдың ерліктеріне жұмылдырғанда, табиғаттың қеңістіктік суреттемелері негізгі мазмұннан алаңдатар еді.

Халықтың поэтикалық туындыларында, соның ішінде эпоста, кейіпкерлердің портреттік сипаттамасына үлкен назар аударылады.

Олардың сұлулығын бейнелеу үшін ақындар теңеулер мен образдарды қазақ – көшпеліліктен, сондай жақын әрі танымал қоршаған табиғаттан алған. Әйел сұлулығы ерекше жарқын бейнеленген, парсы және өзбек поэзиясының ықпалы болғаны сөзсіз.

¹ Твердин Г. Песнь о Козы-Корпеше и Баян-Сулу. Кзыл-Орда, 1927. С. 14, 17.

² Козы Көрпеш – Баян сұлу. – Астана: «Фолиант», 2002. – 401-402 66.

А.Е. Алекторовтың әділ ескертуі бойынша, қазақ өлеңінің сөз саптауына, ондағы айтылған сезімдер қүшіне «жартылай көшпелі ордалық, әркім, басқа мәдениеттегі халық та» қызыға қарауы мүмкін.

Эпостық шығармалардың бас кейіпкеріне (бойжеткен қыз, әйел) анағұрлым толықтау сипаттамалар беріледі. «Халықтың эпикалық поэзиясының туындыларында қазақ әйелінің ең типтік ұлттық ерекшеліктері деп: сезім терендігі, қүшті және терең әсерленуге қабілеттілік, махаббаттағы берілгендей пен тұрақтылық, адамгершілік, адалдық пен ақыл, өзін-өзі құрбан етуге қабілеттілік қасиеттері атап көрсетіледі»¹, – деп жазады З.А. Ахметов.

Эпикалық поэмалардың бас кейіпкерлері Құртқа, Гүлбаршын, Қарагөз, Қарлыға, Назым, Ақ Жұніс, Қыз Жібек, Баян Сұлу, Айман мен Шолпан нақ сондай болып біздің көз алдымызға елестейді. Иә, әрине, олардың әрқайсысы – майдай алды сұлу. Қобландының әйелі – Құртқа бейнесі былай суреттеледі:

«Сонда сұлу Қыз Құртқа
Қылаң етіп, қылт етіп,
Сылаң етіп, сылт етіп,
Шекеде шоғы бұл етіп,
Саулы інгендей ыңқылдан,
Күшіндең сыңқылдан,
Сүмбіледей жылтылдан,
Буыны түсіп былқылдан,
Алтын қақпақ дұлыға
Шекесінде жарқылдан,
Мақпал төсек мамықтан,
Алтын иек, ақ тамақ,
Көтеріп басын сөйледі»².

Қазақ халық ауыз әдебиетінің жарқын эпикалық поэмасы, алып қазынасы жас Жібек пен Төлегеннің нәзік махаббатының қайғылы оқиғасы – «Қыз Жібек» поэмасы. Рулық-феодалдық тұрмыстың қатал салттары Жібекке өз сүйгені – алыс қазақ руының жас жігіті – Төлегенімен некеде қосылуға рұқсат бермеді. Жастар қайғылы қазаға үшірайды, бірақ салтқа көнбейді.

Бұл эпикалық поэмада көптеген әр түрлі әйел портреттері беріледі. Бірақ халықтың әсемдік мұратына сай келетін Жібек портреті ең қанық бояулармен суреттелген.

Бұл поэмадағы Жібек бейнесі былай суреттеледі:
«Қыз Жібектің құрметі,
Жиһаннан асқан сәүлеті,

¹ З.А. Ахметов. О языке казахской поэзии. Алма-ата, 1970. С. 36.

² Батырлар жыры, 1- том.– Алматы: Жазушы, 2006. – 21 б.

Ләйлі-Мәжнүн болмаса,
Өзгеден артық келбеті....
Өзі он төрт жасында-ай,
Кебісінің өкшесі
Бұхардың гәунар тасындаі,
Ақ мандайы жалтылдап,
Танадай көзі жарқылдап,
Алтын шашбау шашында-ай.
Қыз Жібектің ақтығы
Наурыздың ақша қарындаі,
Ақ бетінің қызылы
Ақ тауықтың қанындаі,
Екі беттің ажары
Жазғы түскен сағымдай ...
Оймақ ауыз, құмар көз
Іздеген ерге табылады-ай.
Өткірлігін байқасаң.
Ұсталар соққан кетпендей.
Нұр тұқымын еккендей,
Екі ауыз сөз сөйлескен
Мұратына жеткендей»¹.

Келтірілген ұзінділер қазақтарда өткен заманда әсемдік туралы түсінігі қандай болғандығын тануға мүмкіндік береді.

Қазақтардың ауызша-поэтикалық шығармашылығында, әсіресе эпос пен ертегілерде, көп құбыластар қиял-ғажайып образдармен өндөлген, бірақ, бұған қарамастан, халық ауыз әдебиетінің туындыларының мазмұны шынайы болмыстың көрінісі болып табылады, өйткені, Н. Шамота әділ көрсеткендей, «ең бай қиял, ең дамыған елестету, өз формаларымен тірі өмір формаларын еске салмайтын болса, ештеңені жасауға мүмкіншілігі болмайды»².

Қазақ эпосында да, халық әр түрлі кезеңде басынан өткізген, ақиқат оқиғалар, оның отан тәуелсіздігін жаулап алушылардан қорғап қалу күресі, оның күнделікті қайғы мен қуаныштары, сәулетті сезімдері мен тұрмыстық ұсақ-түйектер, дүниетанымы мен әлеуметтік құрылымы, өнегелік және эстетикалық көзқарастары көрініс тапты. Міне сондықтан қазақтар ата-бабалардың шығармашылық данышпандығының туындысы, баға жетпес мұраны әрбір жаңа үрпаққа сақтап әрі байытып жеткізеді.

¹ Қыз Жібек. Лири-эпикальк поэма. – Алматы: Мектеп, 2003. –51, 53 бб.

² Шамота Н. Художник и народ. М., 1960. С.9.

Міне, сондықтан эпос қазақ халқы үшін де, басқа халықтар үшін де, эстетикалық көзқарастардың қалыптасуының негізгі көздерінің бірі болып табылады.

Барлық халықтарда, соның ішінде қазақтарда да, ауызша-поэтикалық шығармашылықтың кең тараған түрі әндер болған. Ұлы қазақ ақыны әрі ағартушысы Абай Құнанбаев, қазақ әнмен әлем есігін ашады және ән оның өмірлік мәңгі серігі болады деген. Қазақ өмірінде не болып жатса да – қуаныш па, қайғы ма – ол өз жан тебіренісін өлеңмен шырқаған.

Қазақтар өз әндерінде табиғатты, өзінің даласын, тауларды, атақты батырлардың бастан кешірген оқиғаларын мадақтаған, сондай-ақ махаббат туралы, ғашықтардың ажырасуы мен қайғысы туралы да ән салған. Олар өлендерде өздерінің әсерлерін, қасірет-қайғыларын, қоршаған әлемнен алған эстетикалық ләззатын білдірген. Ал өлең шығаруда қазақтар үлкен шебер еді.

Атақты өнертандышы, қазақ халық әндерін жинақтаушы Б.Г. Ерзакович, оларды төмендегідей түрлерге бөледі: лирикалық, тарихи және әлеуметтік наразылық, еңбекке қатысты, жанұялық-тұрмыстық, тұрмыс-салт жырлары¹.

Қазақтар әнді бір өзі, екеуі, анда-санда ғана бірнеше адам бірігіп айтқан (революцияға дейін қазақтарда хормен өлең айту болмаған, мүмкін бұл, тағы да, тұрмыс жағдайлары мен салттарға байланысты болар). Ән салғанда қазақтар сөздердің дұрыс айтылуына, әннің мазмұны мен әуеніне мүқият қараған, бұл олар үшін талғаусыз болмаған. Мейрамдарда немесе әр түрлі көп халық жиналған жиылдыстарда қазақтар сөзсіз өлең айтады, ең жақсы көретін көңіл көтеру түрі болған, ақындар сайысы – айтыс ұйымдастырады. Бұл сайыстарда әншілер өз шеберлігін көрсетеді.

Үйлену тойы, ас беру, баланың дүниеге келуі қазақ халқында, сайыстармен сөзсіз қоса өткізілетін, орасан зор салтанат.

Әннің қазақ халқының өмірінде қаншалықты маңызды рөл атқарғандығын халықтың өзінің ақындық шығармашылық жайында жоғарғы түсінігі туралы, оның адам өміріндегі эстетикалық мәні туралы айтылған әннің шығуы тарихын баяндайтын аңыз арқылы бағалай аламыз. Ертедегі заманда, ән, аспанда қалықтап ұшып бара жатқанда, қазақ даласына, басқа жерлерге қарағанда, төмендеп түсіпті деп баяндайды аңыз. Міне сондықтан, дейді аңыз, қазақтар әлемдегі ең жақсы әншілер.

Қазақ халқының әндері оның табиғилығы мен қарапайымдылығының ең жоғарғы нақтылы түрде көрсетілуі болып табылады. Қазақ әндері бізге халықтың эстетикалық көзқарастарын

¹ Кар.: Ерзакович Б.Г. Песенная культура казахского народа. Алма-Ата, 1968.

көрсетуге мүмкіндік береді. «Шығыс поэзиясында.... суретtelген оқиғалардың немесе түйсінудердің қарапайымдылығы мен өмірге орайлылығымен қатар, тілдің таң қаларлық бейнелілігі және тіпті көпірмелілігі байқалады. Тыңдаушыларды тартатын, оларға әншілерді бірнеше сағат тыңдататын, мүмкін осы шығар»¹, – дейді революцияға дейінгі зерттеушілер.

Қазақ әншілерінің арасында нағыз асқан шеберлер бар. Олар әнге үлкен мәнерлілік бере алады, әндерді өндеп, асқан шеберлікпен орындаиды. Дарынды орындаушының айтқан әнін тыңдағанда, қазақ болмысының өзіндік құрылымына шарықтағандай боласың, өзінді кең байтақ далада, ғажайып табиғат аясында жүргендей елестетесін.

Мазмұны әр түрлі бұл әндерде халықтың эстетикалық көзқарастары, оның әсемдікті түсінуі көрініс тапқан. Әлемдегі барлық халық әндері бір тілде сөйлейді деп жазған Анри Барбюс. Ештеңеге қарамастан, олар өмір қуанышы туралы, жастық шақ туралы, көктем туралы, салттардың көркемдігі туралы айтады, өйткені адам жаны, қандай болғанда да, күнге талпынады, бостандыққа жол іздейді. Ал аңыздар мен өлеңдер – бұл бақытсыздардың немесе даңқы шыққандардың жанды қымбаттысы, халық қасіретінің сүйеніші болған құндылықтар. Оларда көпшіліктің дауысы естіледі, оларда тарихтың шақырған дауысы естіледі².

Бұл анықтама қазақ халқының ән шығармашылығына да бүтіндей түседі. Егер өлеңдерді «жанды құндылықтар» деп санасақ, онда «мұнданай құндылықтардың ерекше көптігінен, – деп жазады А.Затаевич, жақындаған, өзінің басым көпшілігінде кедейлік пен бишаралық халге түскендіктің синонимі тәрізді саналған, қазақ халқы әлемдегі халықтардың өте байларының бірі болып танылуы қажет, оның әндеріндегі мазмұн мен күйзелістер терендігі, сондай-ақ формаларының көркемдігі мен тандамашылығы оның үлкен ойлы дарындылығының дәлелі»³.

Өнер арқылы адамдар бір-біріне өздерінің ойлары мен сезімдерін жеткізетіні, жүртқа мәлім.

Қазақ халқы үшін өлеңдер ерекше қарым-қатынас құралы болған, қазақтар олардың көмегімен бір-бірімен қоршаған болмыс туралы эстетикалық әсерлерімен алмасқан.

Ерте замандағы адамдар лирикасы – «бұл ... ішкі дүниенің толықтығы мен молдығынан болатын, өз болмысы мен сыртқы әлемді

¹ Достоевский М. Старина и быт Средней Азии. В кн.: Культурные сокровища России. М., 1917, С. 59.

² Кар.: Анри Барбюс. Современная Грузия и Закавказье. «Известия ЦИКа СССР и ВЦИКа» от 29 июля 1928 г., №175 (3409).

³ Затаевич А. 500 казахских песен и кюев. Алма-Ата, 1931. С. 3.

түйсінгенде оянатын және дұғалар мен әндерде берілетін, шаттықтың есепсіз төгілуі»¹, – деп сендіреді В.Г. Белинский.

Шынында да, көптеген халықтардың әндерінде, соның ішінде қазақ әндерінде, халық қайғысы туралы, адамдардың жалғандығы туралы айтылады, махаббатқа, жақсылыққа өздерінің азаматтық борыштарын адал орындауға, өмірге, еңбекке шақыру бар.

Қазақтардың әннен қалай ләzzат алғаны мен әнші-ақындардың әнге қалай сүйіспеншілік туғыза алғандығын бізге «Қырғыз әншісі Улkenбайдың қазасы» туралы аныз баяндайды. Оның қысқаша мазмұны мынадай.

Кәрі де ауру Улkenбай ақын қолына өзінің екі ішекті домбырасын алды да ән айта бастады. Ол тыңдаушыларының назарына толық ие болған, оларды, оның әні тудырған әлемге шарықтауға, оның өзін шабыт сәттерінде толғандырған, сол сезімдерді сезінуге, сол өмірді бірге сұруге мәжбүр еткен. Нәзік сезімге оранған, кәрі әнші бой жазды, оған бұрынғы күштері қайтып келді. Оның тыңдаушылары ақынға таң қалып қарады да бұл ұлы күштің қайдан келгенін түсіне алмады, ол қалай тез адамды тірілтті, бұлай тез жанатын от, қандай үшқыннан тұтанды. Оған күшті сүйікті әні берді. Улkenбай өз әндеріне қаншама жанын, адал шынайы сезімдерін халыққа деген қаншама сүйіспеншілігін салды².

Қазақ халқының кең танымал, сүйікті ақыны Ноғайбай болды. Ол туралы, оның даңқы бүкіл кең байтақ далаға тарады. Ноғайбай әндерінің соншама күшті ықпал етуі, сондай зор әсер беретіндігі оның әндерінен кейін тыңдаушыларға басқа ақындардың әндері ұнамайтын болған. «Жоғары дәрежеде нәзік әрі көркем, «дала ұлына» тән керемет психикалық сараптаумен Ноғайбай тыңдаушыларының көз алдында сурет салды»³, олардың анық болғандығы соншалық, тәнмен сезінуге болатындей еді.

Қазақ халқы әсемдікті женіл де еркін қабылдауға қабіletі бар. Қазақтардың жоғарғы шығармашылық күшінің жемісі – поэзия, онда халықтың бүкіл өмірі толығымен көрініс табады. Махаббат туралы қазақ әндерінің бірін тыңдалап отырып, А. Алектров: «Сол уақытта, адам табиғаты барлық жерде бірдей, және кедей күркесі мен өркениетті еуропалықтың бай сарайында патшалық етуші махаббат, сондай билікпен қырғыз (қазақ – Б.Қ.) киіз үйлерінде де, өте аз зерттелген қайдағы Мугоджамаларда да патшалық етеді»⁴ – деген ойға келген.

¹ Белинский В.Т. Избранные философские сочинения, т.1. М., 1948. С. 169.

² Кар.: Алектров А. Народная литература киргизов. «Астраханский вестник», 1893, № 1233.

³ Сонда, № 1241.

⁴ Сонда, № 1183.

Қазақтарда революцияға дейін көп бұрын кең дамыған ән шығармашылығымен тығыз байланыстысы халық музыкасы еді. Қазақтар әндерді көбінесе ұлттық аспаптар сүйемелдеуімен айтқан.

Қазіргі уақытта зерттеуші – музыкатанушылар ұлттық музыка аспаптарының санын жиырма алтыға жеткізді. Бізге дейін жеткен, ең атақты халық аспаптары – бұл домбыра (шертпелі), сыйызғы (үрлеп тартатын музыкалық аспап) және қобыз ысқы (қыл керілген шыбықпен ойналатын). Осылардың ішіндегі қазақтардың ең сүйікті аспабы – домбыра. Домбыраны тек кәсіпқой домбырашылар немесе әншілер ғана емес, ән мен музыканы сүйеттің әуескөй көпшілік те менгерген.

Қазақтың музыка мәдениетін халықтың өзі және оның ақындары мен композиторлары жасаған. Қазақтарды қоршаған әлем сонша бай әрі оқиғаларға толы болса, қазақ халқының музыкасының мазмұны мен тақырыптары да соншалық әр түрлі болған: оның әуендері жеке адамды да, әлеуметтік өмірді де қамтиды. «Күйлерде адамның нәзік сезімдері мен күйзелістері беріледі: баланың дүниеге келуі әкелген қуаныш та, жақын адамынан айырылу қайғысы да, қаламаған адамына күйеуге ұзатылған бойжеткен қыз мұны да, айрылыс зарығуы да, музыкалық портреті де, табиғатқа масаттану да»¹, – деп жазады А.Е. Алекторов «Қырғыздардың халық әдебиеті» атты мақаласында. Дарынды композиторлар музыка мәдениетінің дамуына үлесін қосты және халықтың жалпы өнерге, атап айтқанда музыкаға эстетикалық қатынасының қалыптасуына ықпал етті.

Ән сияқты, қазақ халқының музыкасы оның тарихымен, тұрмысымен, салттарымен тығыз байланыста болды. Міне сондықтан кеңес музыкатанушылары қазақ халқының күйлерін лирикалық, тарихи, әлеуметтік наразылық және басқаларға бөледі.

Шығармашылық мұрасы қазақ халқының рухани өмірінде ерекше маңызды орын алғатын, ең ірі халық композиторлары, әншілері: Абай Құнанбаев, Біржан Қожағұлов, Құрманғазы Сағырбаев, Дәuletкерей Шығаев, Жаяу Мұса Байжанов, Тәттімбет Қазанғапов, Мұхит Мералиев, Ақан Сері Қорамсаұлы және басқалар.

Қазақ халқының музыкалық мәдениетінің ертерек кезеңде дамыған түрі – «Той бастар», «Бет ашар», «Жоқтау», «Жар-жар», «Алтыбақан» және басқалар сияқты тұрмыс-салт жырлары. Әлеуметтік, саяси, тарихи тақырыптарға арналған музыкалық шығармалар анғұрлым кейінректе жазылған.

Халық композиторлары өз шығармаларында өз заманының болмысын шынайы көрсеткен. Олар өз шығармаларында тарихи оқиғаларға да, адамдар қарым-қатынастарына да, өзінің әсемдікті

¹ «Астраханский вестник», 1893, № 1183.

түсінуі тұрғысынан барлығына баға беріп, эстетикалық түйсінуін білдірді. Олардың шығармашылығындағы бұл жағдайды атақты қазақ музыкатанушысы әрі композитор Ахмет Жұбанов «Қазақ музыкасы» мақаласында атап көрсетті: «Шебердің сол кездегі ой өрісі оған дейінгі адамзат жинақтаған білім жиынтығын ол игере алмағандықтан, оның өмірлік тәжірибесімен, күзелістерімен, саяси және экономикалық жағдайлардың ықпал етуімен анықталады»¹.

Тарихи әлеуметтік, лирикалық сюжеттерге жазылған қүйлерде қазақ халқының тарихының оқығалары, жалпы өнерге деген, басқа халықтардың музыкасына, музыканың қоғамдағы рөлі, оның адамдардың эстетикалық сезімдеріне әсері және т.б қезқарастары көрініс тапқан. П.В. Аравин атап өткендей: «Қазақтың домбыра музыкасында, жәй дыбысқа еліктеуден, әсем көріністерді бейнелеулерден бастап және портреттік сипаттамалармен аяқталатын, және де әр түрлі психологиялық хал-жағдайларды қорытудың сарыны бар программалық мазмұн әр түрлі білдіріледі»². Оған мысалы, мынадай қүйлер дәлел болады: «Боз-төбе», «Сары өзен», «Ақсақ құлан», «Бұл-бұл», «Баламайсан» және көптеген басқалары.

Тұған табиғат суреттемелері, халық өмірі, тұрмыс жағдайының түрлі жақтары, халық композиторларының лиро-эпикалық күйзелістері арқылы өзінше түсініліп, олардың шығармаларын мазмұнмен толтырған. «Халық шеберлеріне тән жоғары дамыған эстетикалық қорытындылау сезімінің арқасында, табиғат пен тұрмыс көріністері қазақ қүйлерінде, дарынды қүйшінің санасында алдын ала өндеге алған, болмыстың көркем бейнесі сияқты, нәзік лирикалық сәуледе беріледі»³, – деп жазды П.В.Аравин, қазақ қүйлерінде адамның ішкі күйзелістеріннің түрлі қатпарлары беріледі, «бірде айбынды байсалды, бірде жұмсақ нәзік, бірде қайғылы әрі мұнды»⁴. Бұл, әсіресе, «Ақсақ құлан», «Ақсақ киік», «Сарыарқа» қүйлеріне тән.

Қазақ қүйлерінің арасында оның қоғамдық өмір құбылыстарына қатынасын білдіретін қүйлер көп. Халық оларды қастерлеп сақтап және жоғары бағалап үрпақтан үрпаққа таза, өзгермеген күйінде жеткізеді. Мұндай қүйлерге: «Ақсақ құлан», «Тепен көк», «Алты қаз», «Жез киік», «Қорқыт», «Дайрабай», «Ақку» және көптеген басқалары жатады. Бұл қүйлердің әрқайсысында халықтың әлеуметтік әділетсіздікке деген ашу-ызасы, байлардың, сұлтандардың, хандардың зорлық-зомбылығына наразылығына көрініс тапқан.

Мысалы, «Ақсақ-құлан» қүйінде мынадай оқиға баяндалады. Мейірімсіз хан ұлы, көңіл көтеруді қалап, кең далаға құландарға

¹ «Казахстан». Сборник художественных очерков. Алма-Ата, 1940. С.530.

² Аравин П.В. Исследования, воспоминания, письма и документы. Алма-Ата, 1958. С. 136.

³ Сонда, 138 б.

⁴ Сонда, 145 б.

аңшылық жасауға кетеді. Аңшылық сөтсіз болады. Бірақ халықтан ешкім де қайғылы хабарды ханға айтуға батылы жетпейді; қайғылы оқиға туралы шындықты айтқанның жұтқыншағына хан балқытылған қорғасын құюға әмір беретінін бәрі де біледі. Бірақ та үндемеуге де болмайды – хан күтіп отыр және оның ашуы қүшеюде. Міне кәрі күйші хан алдына барды да өзінің аян беруші добырасының ішектерін терді. Барлығын домбыра айтып берді. Хан өз сөзінде тұрып, домбыраға балқытылған қорғасынды құйғызды.

Халық композиторлары, тындаушылар күйді түсінуі және музықадан толық ләzzat алуы үшін, қүй ойнардың алдында туынды мазмұнын баянdap берген. Бұл тәсіл арқылы, жеке тарихи тұлғаларға немесе тарихи оқигаларға және т.б. сипаттамалар берілген, сондай-ақ күрделі программалық қүйлерді орындағанда қолданылған. Осылай көпшілікті эстетикалық тәрбиелене мақсатын арнайы қоймаған, халық композиторлары іс жүзінде оны өздерінің көркем шығармашылығы арқылы жүргізген.

Музыкалық туындылар қазақ халқының эстетикалық мәдениетінің қалыптасуының ең әсерлі құралы болған. Бұл, біріншіден, музыканың қазақтардың көркем шығармашылығының барлық түрлерімен қоса жүретінімен; екіншіден, әрбір музыкалық туындының өмірдің нақты көрінісін, қоғамның салттары мен әдет-ғұрыптары туралы баяндайтынымен, халықтың өз өмірінің түрлі тарихи кезеңдеріндегі музыкаға қатынасымен сараланады. Мұның барлығы музыканы түсінікті әрі оңай қабылданатын етеді.

Атақты халық композиторы орындаған күйді тындаап, ауылдың музыкалық дарыны бар түрғындарының сол сөтте қолына домбыра алып, жаңа ғана тындаған шығарманы есте сақтап ойнап беруі, сирек емес еді. Бұл музыка тындаушыларға эстетикалық ләzzat беріп ғана қоймай, оларды көркем шығармашылыққа баулуга да ықпал жасайтындығы туралы айтады.

Қазіргі заманда, Қазақстан өнерінің дамуына арналған, көптеген еңбектерде революцияға дейін қазақтарда би өнері тіpten болмаған деген ойлар айтылып жүр. Қазақ халқының тұрмысын, салттарын, өнерін тану би элементтері оның көркем шығармашылығында революцияға дейін орын алғандығы туралы пікір айтуға негіз болады. Ертеден қазақ тілінде «би» сөзінің қолданылуы бұған дәлел бола алады. Бұдан басқа, көптеген музыкалық шығармалар биге сүйемелдеу ретінде естіледі. Мұндай қүйлер: «Қаражорға», «Тепен көк», «Қазақ биі», сонымен қатар лирикалық әуендер «Өрмек» пен «Аққу» және кейбір басқалары.

Революцияға дейінгі жазба ескерткіш материалдарында, XIX ғасырдағы орыс саяхатшыларының этнографиялық зерттеу әдісі ретінде қазақ халық биінің салып алған суреттері бар.

«Музика және өмір» журналының бір мақаласында, би, қырғыздардың пүтқа табынушылық кезеңіндегі, бұрынғы замандағы ескіліктің қалдығынан соң жалпы қандай да болсын өнер түрінің нышаны Құранмен басылып қалды делинген¹.

Халық арасында күлдіргіштер мен әзілқойлар кең танымал болған. Мысалы, XIX ғасырдың тамаша халық күлдіргіші Рахымберді әйгілі болған. Оның жалған аты Ағаш аяқ еді. Ол, шеккен тығыз түйенің үстінен секірумен қоса би үйлескен, күрделі нөмір орындаған. Билеп жатқанда ол «Қалды-ау, қалды-ау, қызы қалды-ау» әнін орындаған. Көрермендер онымен бірге қосыла ән салып, оның биіне елтіп, оның ырғағында шайқалған. Халық билерін және күлкілі көріністерді орындаушылар Жынды Қара мен Жынды Омар да ұмытылған жоқ. Сықақ пантомималар мен билерде олар байлар мен билерді² келемежеді, сол үшін келемежедегендегі жағынан құғынға ұшырып, тіпті ақылышынан айрылған адамдар деп те жарияланған.

Би элементтері, мысалы, қазақтың ұлттық ойындары мен ойын-сауықтары айғөлек, шыттастау, тартыс, таяқ айна (таяқ жүгірту), аударыспақ, жігіт қуу, арқан шалу, алтыбақан және көптеген басқаларында айқын көрінеді. Эйтсе де, Қазақстанда би өнерінің айтарлықтай дамуына халықтың көшпелі өмірі, халықтың бытыраңқылышы кедергі жасады. Өнердің көп түрлеріне, би билеуге қатаң тиым салған, биді «шайтанның ісі» деп санаған және билеушілерді құғынға ұшыратқан дін де үлкен зиян әкелді.

Сөйтіп, қазақ халқы өз дамуының таңында-ақ толық қалыптасқан, өз заманы үшін жоғары көркем мәдениетке ие болған. Одан арғы өз дамуында ол, өндөліп әрі байып, үлкен талдап қорытындылауға және көркемдік күшке, сонылыққа және ұлттық-эстетикалық құндылыққа қол жеткізді. Барлық ғасырларда ол қазақ халқының эстетикалық көзқарастары мен талғамдарының қалыптасуына ықпал етті.

Қазақ көркем шығармашылық мұрасының ерекшелігі, оның алғашқы әлі дамымаған жағдайын сипаттайтын синкретизм (яғни, жіктелмегендік, біріктірілгендей) болып табылады.

Әрине, синкретизм революцияға дейінгі қазақ халық шығармашылығына ғана тән ерекше қасиет емес, ол қандай да бір шығармашылық әрекеттің дамуының алғашқы кезеңіне тән болады. Бірақ өнердің дамымағандығы, жанrlар мен түрлерге жіктелмегендігі өнер түрлерінің толығымен жоқтығын білдірмейді. Мысалы,

¹ Қар.: «Музика и жизнь», 1910, №3. С. 7.

² Қар.: Абдиров Д., Исламов А. Казахские народные танцы. Алма-Ата, 1961. С. 4.

революцияға дейін қазактарда театр, хореография, симфониялық музика, сурет өнері, графика, мүсін өнері болмаған, бірақ бұл өнер түрлерінің халық шығармашылығында біздің заманымыздан ең ertедегі кезеңінде қандай да бір нышандары, жеке элементтері орын алған. Мысалы, әдет-тұрып көріністері ақындық сөздің, ән салудың, музыканың, драмалық элементтер мен би өнерінің үндесуі емес пе!

Халықтың көркем шығармашылығы дегеніміз жеке тұлғаны ғана, шамалы адамдар ортасын ғана және тіпті қандай да бір тапты ғана, қызықтыратын болмыстың сол эстетикалық зандылықтарының көрінісі емес, ол бүкіл халық бұқарасы үшін өмірлік маңызды болады.

Сондықтан көркемдік таным бүкіл халықтың өмірлік қажеттіліктеріне жауап беретін тақырыптарды қамтиды. Көркемдік танымның тақырыбында оның тұтастығының, біріктілгендігінің, өнерді жалпы халықтың екендігінің, негізі қаланып қойған. «Халық бұқарасының өнер туындысын қандай да бір бейнелі ойлау формасымен ғана тануға болмайды, ол бір мезгілде бірнеше формалармен (көркем сөз, бейнелі музика) тануға болатындығы осының айғағы»¹, – деп атап өтеді өз зерттеуінде В.Е. Гусев.

Қазақ өнері жалпы халық өмірімен, атап айтқанда, оның тұрмыс салтымен тығыз байланысты болған. Сондықтан көптеген ғасырлар бойы ауызша-акындық шығармашылық пен халық музыкасы, қолданбалы өнер қазақ халқы үшін қоғамдық сананың негізгі формаларының көрінісі болды, оларда халықтың ойлары мен сезімдері, оның талпынастары мен әсемдік туралы түсінігі ерекше толық әрі айқын көрінді. Халықтың көркемдік көзқарастарын оның дүниетанымынан бөлек алып қарау мүмкін емес. Әсемдік пен көріксіздің қоғамдық түсінігі, олар адамдардың жүріс-тұрысы мен олардың өмірінің жағдайларына қатысты болғандықтан, дүниетанымдық мағлұматтар болып табылады. Олар эстетикалық мұраттың деңгейіне өз ықпалын жасайды, сол тұрғыдан өнер өмір туралы пікір айтады. Қоғамдық сананың өсуіне қарай қоғамның көркемдік көзқарастары да өзгереді, өйткені соңғысы қоғамдық сананың бір бөлігі болып табылады. Көркемдік көзқарастар, жалпы қоғамдық сана сияқты, шынайы болмысты, қоғамдық өмірді қамтып көрсетеді. Өнер өмірдің өзіндегі әсемдікті ашуға және бағалауға көмектеседі. Сонымен бірге ол, әлеуметтік дамуға кедергі жасайтын, барлық жағымсызды ашып көрсетеді. Бүкіл жағымсыздық, көріксіздік ақыр аяғында жойылады деген арменмен, халық өнері де нәрленген. Қафіда бойынша, халықтың алдыңғы қатарлы эстетикалық түсініктері қоғамдық дамудың субъективті тенденцияларын суреттейді, ал өнерде, шынайы әсемдікті мадақтамай және бүкіл көртартпаны,

¹ Гусев В.Е. Эстетика фольклора. Л., 1967, стр. 94.

антиэстетикалық, көріксіздік ретінде әшкерелемей, өмір шындығын суреттеу мүмкін емес.

Болмыстың эстетикалық бағалануы халықтың көркем шығармашылығында, оның әсемдік туралы түсінігінде шынайы болмыста айқын көрінеді. Қазақ халқының эстетикалық қатынасы оның ауыз әдебиетінде – эпоста, анызда, өлеңде, ертегілерде, мақалдарда, мәтелдерде және т.б. нақтылы түрде көрсетілген.

Эстетикалық категориялардың ішінде қазақтардың көркемдік шығармашылығында кең қарастырылғаны әсемдік категориясы, бірақ, әрине, ол теориялық деңгейде емес. Сол замандағы қазақтардың түсінігінше табиғат пен қоғамның барлық сұлу, нақышты заттары әсемдік көрінісі еді.

2. Шоқан Уәлиханов пен Үбырай Алтынсаринның эстетикалық көзқарастары

Қазақ ағартушы-демократтары, эстетика мәселелеріне арналған арнайы еңбектер қалдырмағаны жүртқа мәлім, бірақ өздерінің қоғамдық-саяси, ғылыми және әдеби еңбектерінде олар қазақ халқының эстетикалық мәдениетінің дамуы мәселелеріне үлкен назар аударған.

Қазақ ағартушы-демократтарының эстетикалық көзқарастары халық бұқарасының өздерін қанаушыларға қарсы азаттық қозғалысының, капитализмнің Қазақстан ішіне кіріп, рулық-феодалдық қарым-қатынастарды бұза бастаған кезеңіндегі демократиялық ойдың нақтылы көрінісі болып табылады.

Сондықтан да қазақ ағартушы-демократтарының эстетикалық көзқарастары олардың дүниетанымымен тығыз байланыста болуы – олар өмір сүрген сол дәуірдегі тарихи жағдайлар тудырған әбден занды құбылыс.

Әңгіме ағартушылардың эстетика мәселелерін қаншалықты жүйелі әрі жан-жақты қарастырғанында емес. Маңыздысы – олар эстетика мәселелерін көтерді және оларға өз қатынастарын білдірді. Өнер мен сұлулықты барлық халықтар өз дамуының қандай сатысында болса да жасайды, ал философиялық ой, олар таптық күрестің күрделі түрлерінде шынайы күшке айналған кезден ертерек, бұл құбылыстарды қарастырмайды. Ұрпақтан ұрпаққа жалғасқан қазақ халқының эстетикалық көзқарастары алғашқы рет қазақ ағартушы-демократтары Шоқан Уәлиханов, Үбырай Алтынсарин және Абай Құнанбаев шығармаларында теориялық қорытындылауын және одан арғы дамуын алды.

Шоқан Уәлихановтың эстетикалық қөзқарастары, біз атап өткендей, оның қоғамдық-саяси және философиялық қөзқарастарымен тығыз байланысты болды.

Шоқанның балалық шағы Көкшетау өніріндегі Құсмырын мен Сырымбетте өтті. Бұл өнір тарихи ақыздарға толы, ал оның ғажайып сұлу табиғатын көптеген қазақ ақындары мен халық композиторлары жырлаған. Сол уақытта Көкшетау бүкіл Солтүстік Қазақстанның мәдени өмірінің орталығы болды, Шоқанның рухани дамуы үшін бұл жағдай, сөзсіз, өте маңызды еді.

Бала кезінде-ақ ол халықтың тарихи ақыздары мен әңгімелеріне үлкен қызығушылық танытқан. Шоқан қарапайым адамдардың әндері мен әңгімелерін тыңдағанды жақсы көрген. Әсіресе, оның рухани өсуіне көп ықпал жасаған әжесі Айғаным ақыздар мен әңгімелерді айтуга шебер еді.

Замандастырының пікірлері бойынша (Г.Н. Потанин, И. Ибрагимов, А.К Гейнс), Шоқан Уәлихановтың әкесі – Шыңғыс сол кезеңдегі қазақ қоғамының тұрмысын, әдет-ғұрыптарын, экономикасы мен саяси өмірін жақсы білген. Білімді адам болған, Шоқанның әкесі даладағы көптеген мәдени бастамаларға көмек көрсеткен. Атап айтқанда, ол ғылыми мекемелерге көрмелер үйімдастыруға көмектескен, географиялық және антропологиялық қоғамдарға, музейлерге және т.б. этнографиялық материалдар жинаған.

Ол қазақтың халық поэзиясы мен қазақтың музикалық фольклорының зерттелуі үшін көп еңбек етті. Оның өзі де қабілетті сазгер болған, қобыз бен домбырада ойнаған, өз ауылында атақты әншілер, ақындар және сазгерлер қатысуымен музикалық-поэтикалық сайystар өткізгенді ұнатқан. Осының барлығы да Шоқанның зейінді жан дүниесіне әсер етпеуі мүмкін емес еді.

Шоқан жастайынан шығыс тілдерін үйрене бастады. Ол ортағасырлық әдебиет ескерткіштерін шағатай тілінде оқыды, араб және парсы тілдерінде сөйлеп жаттықты, шығыс ақындарының өлеңдерін мәнерлеп жатқа айтты. Ата-анасы оның болашағына қамқорлық жасап, Шоқанды, Қазақстанда сол уақытта сирек құбылыс болатын, орыс мектебіне берді. Осының барлығы Шоқан Уәлихановтың эстетикалық қөзқарастарының қалыптасуы мен дамуы үшін өте маңызды болды. Дарынды бозбала болғандықтан, Шоқан табиғаттағы әсемдікті терең қабылдады. Орыс суретші-топографтары мен геодезистері Құсмұрын камалында, Уәлихановтар жанұясында ұзақ уақыт тұрғанда, Шоқан бойында сурет салуға деген талпынысты ояты. Шоқанның өзінің туған ауылында, сондай-ақ Ыстық-көл мен Памирға, Жонғарияға, Қытайға және басқа жерлерге жасаған алыс саяхаттарында салған суреттерінен кейіннен, үлкен эстетикалық және

этнографиялық құндылық болып саналатын, бай коллекция жиналды. Өзінің ғылыми ізденістерін жүргізу барысында, ол ұлттық киімді, Орта Азия мен Қазақстанды мекендеген халықтар өмірінен тұрмыс көріністерін, үйлердің және табиғат ерекшеліктерінің суреттерін салған. Кеңес дәуірі кезінде Шоқан суреттері бойынша көптеген тарихи жерлер, жеке тұлғалардың портреттері, олардың кім тұрларі, тұрмыс жағдайлары және т.б. қалпына келтірілді¹. Шоқанның замандастарының естеліктерінен Уәлихановтар ауылына қазақ халқының тұрмысы мен мәдениетіне үлкен қызығушылық танытқан орыс зиялышарының көп келгені мәлім. Олармен Шоқан өте тез табысатын. Орыс зиялышары бозбаланың қабілеттерін танып, Шоқанға орыс әдебиеті мен өнеріне деген қызығушылықты барынша дарытуға талпынды.

Осының бәрі Шоқанның ішкі дүниесінде өшпес әсер қалдырыды. Кейінрек ол туралы Шоқан өзінің досы Г.Н. Потанинге айтқан.

Адам қоршаған әлемнен әсер алып ғана қоймай, оған деген өзінің қатынасын да білдіргісі келетіні, жүртқа мәлім. Бұның Шоқан Уәлихановтың қолынан келгендігіне бізді оның ғылыми және әдеби еңбектері сендереді².

Шығыс және орыс классикалық әдебиетін білуі Шоқанға өз халқының көркем шығармашылығын жаңаша қабылдауға және жоғары эстетикалық деңгейден бағалауға мүмкіндік берді. Ол қазақ халық ауыз әдебиеті үлгілерін жазып алу мүмкіндігін жібермеген, көп нәрсені жаттап алып, кейін туыстары мен достарының ортасында мәнерлеп оқып беретін болған.

Өзінің ауылымда болғанда, Шоқан «Қозы Көрпеш-Баян Сұлу» және «Ер Кекше» атты халық поэмаларының бірнеше варианттарын жазып алған болатын.

Шоқан Уәлихановтың әр түрлі дарындары, ол Омскінің кадет корпусында білім алған кезінде, содан кейін озық ойшылдармен танысусы мен жалықпай оқуы барасында, өндөліп, әсерлері мен түсініктері толығымен дерлік нақты ғылыми қызығушылыққа реттелді әрі қалыптасты. Бұл оқудың қаншалықты жемісті болғандығына Шоқан Уәлихановтың еңбектері дәлел. Оның еңбектерінде, жалпы өнер туралы және, атап айтқанда, Шығыс пен Орта Азия халықтарының көркем шығармашылығы туралы көптеген терең ойлар бар. Шоқан Уәлихановтың тарих, этнография және әдебиет салалары бойынша жазған еңбектерінің Шығыс халықтарының, ең алдымен, қазақ халқының эстетикалық мәдениетінің дамуы үшін маңызы зор.

¹ Кар.: Нагим-бек Нурмухаммедов. Искусство Казахстана, М., 1970. С. 25.

² Кар.: Валиханов Ч.: «Предания и легенды большой Киргиз-кайсацкой орды», «Песень об Аблае», «Очерки Джунгарии», «Шуна батыр» ж.т.б. // Собр. соч. в пяти томах.

Бұл еңбектерде алғаш рет, ноғай, өзбек, қарақалпақ, қазақ, қырғыз халықтарының халық ауыз-әдебиетінің көптеген туындыларына ғылыми талдау берілді. Шоқан қазақ және қырғыз халықтарының көркем мұрасын өзінің «Жонғария очерктері», «Қазақ халық поэзиясының түрлері туралы» және басқа да еңбектерінде эстетика тұрғысынан қарастырады. Халық ауыз әдебиеті туындыларын Ш. Уәлиханов қазақ халқының ең жоғары эстетикалық сезімдерінің көрінісі, «сезінумен, өмірмен және бүкіл қоғамның дамуымен айқындалатын, нақ халық ақыл-ойының туындылары»¹ деп санады.

Өзінің халқына және оның көркем шығармашылығына деген жалынды сүйіспеншілігі мен мақтаныш сезімін Уәлиханов өзінің эстетикалық көзқарастарында білдірді. Оларды сипаттаудағы ескеретін маңызды жай, Шоқан Шығыс халықтарының және, атап айтқанда, ноғай, өзбек, қазақ, қырғыз халықтарының ауызекі поэтикалық шығармашылығын сараптауда реализм және халықтық принциптерін қолданған. Шоқан Уәлиханов қазақ, қырғыз, өзбек және ноғай халықтарының көркем шығармашылығында кең тараған жанр – батырлық эпос екендігі туралы жазды. «Бұл батырлық жырлар эпикалық сипатта және үйқасты өлеңдермен айтылатындықтан халық ауыз әдебиетіне жатады. Олар халық рухының, түсінігінің әдет-ғұрыптарының, өнегелігінің, өмір салтының көрінісі ретінде тамаша, сондай-ақ филологиялық қатынаста да тамаша тарихи қызығушылықты тудырады»². Мұндай поэмаларға Алтын Орда дәуірінде өмір сүрген қазақтардағы, өзбектер мен ноғайлардағы Едіге, Ер Көкше, Орақ, Шөре және басқалар туралы поэмалар жатады.

Шоқан Уәлиханов бұл поэмалардың басты кейіпкерлері тарихи тұлғалар екендігін атап көрсетеді.

Ш. Уәлихановтың әпостың қалыптасуы кезеңі туралы айтқан пікірлері де назар аудараптытай. Оның пікірінше, эпикалық шығармалар XIY, XY және XYI ғасырларда пайда болған және біздің заманымызға олар ауызекі түрде ұрпақтан ұрпаққа берілу арқылы жеткен. Эпикалық шығармалардың көне заманнан сақталу фактісін ескерте отырып, Шоқан Шыңғысұлы бұл жазуы жоқ кездегі халықтың ұлы ерлігі деп санаған.

Ш. Уәлиханов, сондай-ақ көптеген көшпелі халықтардың аңыздарының ұқсастығына назар аударған, оның ойынша, бұл ұқсастықтар «қоныстардың ауыспалы болуы мен тіл ұқсастығынан» пайда болған. Көптеген халықтарда кездесетін, осындағы аңыздардың бірі – Едіге туралы поэма. Бұл поэма түркмендерде, қазақтарда,

¹ Валиханов Ч.Ч. Записки русского географического общества по отд. Этнографии. Т 4. XXIX. Спб., 1904. С. 190.

² Валиханов Ч.Ч. Собр. соч. в пяти томах., Т. 2. Алма-Ата, 1961. С. 419.

ногайларда және басқаларда тараған. Бұл халықтардың әрқайсысында Едігे туралы поэма сол ұлттың ерекшеліктері ескеріле тиісті өндеге алған. «Міне сондықтан оларды айыра білу керек»¹, – деп ескертеді Ш. Уәлиханов.

Архив материалдарынан, сондай-ақ Ш. Уәлиханов шығармашылығын зерттеушілердің енбектерінен, оның қырғыз халық ауыз әдебиетінің тамаша ескерткіші – «Манас» поэмасының бірінші болып ғылыми жазбасын жасағаны белгілі, сонымен қатар Шоқан бұл поэма үзінділерін орыс тіліне аударды. В. Жирмунский бұл поэманы қырғыз халқының өткен тарихының поэтикалық энциклопедиясы ретінде бағалаған. Өз көлемі бойынша бұл танымал ескерткіштер: үндінің «Махабхаратасынан», гректің «Илиадасы» мен «Одиссеясынан» және Фирдаусидің «Шахнамесінен» бірнеше есе асып түсетіндігі туралы академик К. Жұмалиев жазды.

Ш. Уәлихановтың өзі халық шығармашылығының бұл тамаша туындысының мәнін былай анықтайды: «Манас» бүкіл қырғыз аңыздарының, ертегілерінің, әңгімелерінің бір уақытқа әкелінген және бір тұлға – батыр Манас жанына жинақталған энциклопедиялық жиынтығы. Бұл дала Илиадасы тәріздес. Қырғыздардың өмір салты, әдет-ғұрыптары, дәстүрлері, географиясы, діни және медициналық танымдары және олардың халықаралық қатынастары осы үлкен эпопеяда өз көрінісін тапты... «Манас» тұтастық кейпіне ие көптеген дербес эпизоттардан құралған. Басқа «Самятей» эпосы «Манастың» жалғасы болады, және бұл бурят «Одиссеясы»².

Шоқан Уәлихановтың арқасында қырғыздың рухани мәдениетінің ұлы ескерткіші, тек ғана қырғыз халқының емес, сондай-ақ қазақ, орыс және басқа халықтардың игілігіне айналды.

«Манас» поэмасының Шоқанның әдеби ізденістерінің тақырыбы болуы да, кездейсоқ емес. Ол «Манас» сияқты монументальды туындының сараптамасы бүкіл халықтың эстетикалық дамуының ерекшеліктерін көрсете алатындығын жақсы түсінген. Ал Шығыс, Ресей және Батыс Еуропа халықтарының мәдени жетістіктерімен таныстығы, оған бұл поэманды басқа халықтардың әдеби туындыларымен салыстыруға мүмкіндік берді. Поэма әр уақыт талабына сәйкес көптеген өндеулерге түскендігі мәлім. Бұл өндеулерді Шоқан Манас образы негізінде көрсетеді. «Басында Манас өзін шектен тыс әдепсіз ұстайды, өз әкесін тонайды және Жақып шал мен кәрі анасын мұқтаждықта қалдырады. Кейінгі эпизодтарда біз,

¹ Валиханов Ч.Ч. Собр. соч. в пяти томах, т.1, Алма-Ата, 1961. С. 420.

² Сонда.

әлсіздерді қорғайтын, қалмақтарға қарсы соғысып өзінің ерлік істерінің іздерін Жонғарияда қалдырған батырды көреміз»¹.

Поэмадан Ш. Уалиханов орыс тіліне «Көкетай хан қазасы мен оның асы» бөлімін аударды. «Бұл үзінді Шоқанға өзінің шынайылығымен, тарихи-этнографиялық, шарушылық-тұрмыстық және зандық мәліметтерге толылығымен, Қазақстан территориясын мекендерегі ертедегі тайпалардың қарым-қатынастары туралы мағлұмат беретіндігімен ұнаған»², – деп жазады Ә. Марғұлан.

Шоқан Уәлиханов қырғыздардың өздері манасшы деп атайдын, шебер аңыз-жыр айтушылардың орындауында тыңдағанда халықтың алған жоғары эстетикалық ләззатын айтып өтеді. Дарынды манасшылардың әңгімелерінің тыңдаушыларын баурайтыны соншалық, бүкіл «Манасты» тыңдауға үш түнде жеткіліксіз болса да, олардың ешқайсысы поэмандың соңына дейін кетпеген³.

Шоқанның қазақ эпикалық туындылары мен өлеңдеріне қатысты да айтқан құнды эстетикалық пікірлері бар.

Шоқан Едіге мен Тоқтамыс туралы жырлардың үш вариантын қалдырды. Бұл батырлар жырының варианттарын ол Жұмағұл, Арслан ақындардан және басқа адамдардан жазып алған. Мұны ол суретtelген тарихи оқиғалардың анықтылығын, сондай-ақ аңыздың шығу тарихын анықтау мақсатында жасаған. Батырлар жырының үш вариантынан Шоқан кейінірек бір вариант жасады және сол вариантан ол, өз шығармаларында берілген, аударманы жасады.

Шоқанның осы аңызға қатысты жазғаны мен түсіндірмелерінен бұл жырдың ноғай баламасымен, сондай-ақ Шығыстың басқа халықтарының аңыз-әңгімелерімен де үлкен ұқсастығы бар екендігі көрінеді. Ал Шоқан Уәлихановты аңыздың тарихи тұлғалармен және шынайы тарихи оқиғалармен байланысы таң қалдырды.

Осы аңызда суретtelген ХІҮ ғасырдың аяғы мен ХҮ ғасырдың басында болған оқиғалар өдерінің эстетикалық мәнін біздің заманымызға дейін жоғалтпаған. Мысалы, «Едіге» жыры оқиғалар желісі бойынша ХІҮ ғасырдың аяғына жатады, бірақ, шамамен, ХҮ ғасырдың басында құралған. «Бұл қазір тілде жоқ, көптеген ескі сөздермен және сөз тізбектерімен дәлелденеді, айта кететін жайт, бүкіл рапсодияда бір де бір парсы немесе араб сөзі жоқ, ал қазір ислам діні таралуымен, тіпті қарапайым халық өзара жәй әңгімесінде де, осы тілдерден енген сөздерді пайдаланады»⁴.

¹ Валиханов Ч.Ч. Собр. соч. в пяти томах, т.1, Алма-Ата, 1961. С. 421.

² Қар.: Валиханов Ч. Избр. произведения. Алма-Ата, 1958. С. 40.

³ Валиханов Ч. Собр. соч. в пяти томах. т. 1. С. 420.

⁴ Қар.: Записи императорского русского географического общества по отделению этнографии.

Приложение к т. XXIX. Изд. И.М. Мелиоранского. Спб. 1905. С. 1-7.

Шоқан өзі 1841 жылы жазып алған «Қозы Көрпеш – Баян Сұлу» поэмасының да поэтикалық ерекшеліктерін өте жоғары бағалаған. Шоқан сілтемелерінен бұл поэманиң қазақ халқының арасында ғана емес, сондай-ақ Шығыстың көптеген басқа халықтарының арасында да кең танымал болғандығы мәлім болады.

Шоқанның халықтың көркем шығармашылығын қаншалықты жоғары бағалағандығының дәлелі ол халық ауыз әдебиеті туындыларын жазып алумен ғана шектелмеген, ол көптеген шығармалардың мазмұны мен формасына талдау жасаған.

Міне, осындай талдаудың мысалы: «Жырдың тақырыбы әдетте ертедегі әйгілі халық батырының өмірі мен ерліктері болады. Ескерте кететінім, батыр өмірінің оқиғалары, оның ерліктері, басқаша атқанда, оқиға желісін құрайтының бәрі қара сөзбен баяндалады, өлең жолдары бас кейіпкер немесе ондағы қатысуши басқа да бас кейіпкерлер сөйлеу керек болғанда ғана қолданылады»¹. «Ер Көкше» және «Орақ батыр» поэмалары туралы ол былай деген: «Олар мазмұны бойынша аса тарихи қызығушылық тудырмаса да, бірақ олардағы өлең жолдары ерекше әсерлі әрі үнді». Өз пікірлерінің дәлелі ретінде, ол дағдыдағыдай, сол поэмалардан жазып алған үзінділерді келтіретін.

Халық өлендері мен олардың түрлері туралы (жыр, қара өлең, өлең және басқалары) және олардың қайсысын да таңдау оның мазмұнымен анықталатындығы туралы айта келе, Уәлиханов, мысалы, «өлең түрін әншілер ең қолайлы ретінде, импровизация үшін де қолдануға ыңғайлы санап және олар бұған үйреніңкірегендей, импровизация үшін де қолданатынын ескерtedі. Әйгілі «Қозы Көрпеш – Баян Сұлу» поэмасын атақты Жанақ маған өлең түрінде айтып берді», – дейді². Ақын, немесе оларды Шоқан атағандай өлеңшілер, әңгімелердің формаларын өз талғамына сай және олардың мазмұнын тыңдаушыларына ашу үшін өзгертуге толық құқылы. Әдетте, әнді, поэмани, әңгімені, аңызды және т.б. орындаушы ақын оларға өзінің кіріспесі мен қорытындысын қоса алады. Атақты Жанақ ақын «Қозы Көрпеш – Баян Сұлуды» жырлағанда осылай істеген деп көрсетеді Шоқан Уәлиханов.

«Қырғыздардың поэтикалық туындылары: эпостар, мадақ өлең, жоқтаулар – қайтыс болған күйеуіне жоқтап жылаған әйел, ұлын жоқтаған ана өлеңі осылай аталады; тіптен сурып салма ақындардың өлендерінде үйқас пен өлшем бар және рудан руға, ұрпақтан ұрпаққа, ежелгі Грекияда Гомер өлеңдері рапсодаларымен берілгендей, ерекше қоғамдық тап – ақын-әншілермен ауызша жеткізілген, бұл ақындар

¹ Валиханов Ч.Ч. Собр. соч. в пяти томах, т. 1. С. 196.

² Сонда, 200 6.

халықтың ерекше құрметіне ие болған... өздеріне атақ пен байлық жинаған»¹.

Ш. Уәлиханов халық ауыз әдебиетіне өзінің эстетикалық қатынасын көрсетті. Ол қазақ және қырғыз халықтарының өлеңдері мен эпостарының тамаша талдау үлгілерін қалдырыды: Абылай туралы ән, Орақ әндері, Абылай, Шуна батыр және басқалары.

Орыс реализмі дәстүрін ұстанып, Ш.Уәлиханов өнерді қоғамдық құрес құралы ретінде қарастырды. Оның шығармашылығы халыққа қызмет ету идеясымен рухтанған. Шоқан шығармашылығы өнер мен қоғамдық өмірдегі барлық реакциялықты, көртартпалықты айыптаушылыққа толы.

Шоқанның халық бұқарасының мұддесін жалынды қорғағандығы туралы, оның ақын А.Н. Майковқа жазған хатынан алынған келесі үзінді баяндайды: «Жергілікті қара сүйек сұлтандармен және байлармен мен тату емеспін, өйткені олар өздерінің бұрынғы құлдарына нашар қарайды, құлдар енді еркін болса да, қалай кетерін білмей, соларда тұрады. Мен оларға жалақы төлеулерін және адам сияқты қарауларын бірнеше рет талап еттім, олай болмаған күнде заңмен қорқыттым. Оның есесіне дала пролетариатымен мен үлкен достықтамын және тез тіл табысамыз»². Шоқан Уәлиханов, сол уақыттағы Ресейдің әдеби ортасында айтылып жүрген әр түрлі көзқарастар жөнінде көбінесе өзінің келіспеушілігін білдірген немесе құмәнін айтқан. Мысалы, ол өзінің досы ақын Аполлон Николаевич Майковқа Достоевский журналында берік позицияның жоқтығы туралы жазды. «Өзара айтқанда, мен олардың негіздерін, халықтығын түсіне алмаймын, бірде славянофильдік, бірде нағыз батысшылдық иісі шығады, татуласуы көрінбейді, әлде оларға бұл татуласу сәті түспейді ме? Мениң ойымша, соның бірі: не батыс үлгісі бойынша өзгерістер, не ескіні ұстанып, тіпті ескі дінге құлышылық ету қажет. Қытайдың біреуден ілгері, біреуден кейін болуы енді іске жарамсыз. Бокль айтқандай ұлттық қасиеттер жоқ, ал білім жалпы адамзаттық болуы тиіс. Ал халықтық сипатты ол өзінен-өзі, тұрғылықты жер әсерінен, біздің тіл және әдет-ғұрыптарымыздың әсерінен алады. Біздің тарихымыздың жоқтығы, мәлім»³.

Берілген хат үзіндісінен, даладағы өмір, оның ғылыми әлемнен алыстығы Шоқанның көзқарастарына өте ықпал еткендігін білдіреді. Қазақтардың тарихы жоқ деген пікірмен келісуге болмайды. Бұл оның басқа көзқарастарының, бүкіл оның ғылыми шығармашылығының рухына қайшы келеді. Эстетиканың көптеген мәселелері бойынша да

¹ Валиханов Ч.Ч. Собр. соч. в пяти томах, т. 1. С. 202.

² Валиханов Ч. Избр. произведения. С.568.

³ Сонда, 568 б.

ол өз ойларын ақырына дейін айқын айтпайды. Бұл қазақ даласына алдыңғы қатарлы көзқарастардың кешеуілдеп келуімен түсіндірілуі мүмкін. Міне сондықтан да ағылшын идеалисті Генри Томас Бокльдің ойлары ешбір сынсыз бұл хатта жазылған.

Қажетті әдебиеттің жеткіліксіздігі мен өзінің сол кездегі көптеген әдеби проблемаларды білмегендігін, Шоқанның өзі де мойындаған. Сол хатында: «Сізден кейбір әдеби жанжалдар мен ғылыми сынды білу қызықты болар еді», – деп жазады ол.

Бірақ бұл, ол әдебиет пен өнер мәселелерімен айналыспады дегенді білдірмейді. Шоқан әркез халық шығармашылығын жинады жәнеі зерттеді, осы саладағы өз танымдарын ғылыми әлемге жеткізуғе ұмтылды. Мұны оның өз достарына – халық шығармашылығы саласындағы өз зерттеулерін баспадан шығару туралы өтініштері дәлелдейді. Мысалы, оның бір хатында былай деп жазылған: «Санкт-Петербург хабарларының» Орта Азия мен қырғыз даласы жағдайы туралы корреспонденті болғым келеді... Мүмкін болса, «Отечественные запискида», орыс ертегілеріне ұқсас қырғыз ертегілерін жариялайды ма және менің қырғыз шамандығы туралы зерттеулерімді, Алтын Орда тарихына жаңа көзқарас тудыратын, сондай-ақ орданың құлауы себептерін түсіндіретін қырғыз өлеңдерін баспадан шығару туралы білуге бола ма екен»¹.

Ш.Үәлихановтың жол дәптерлерінде, ғылыми еңбектерінде өзі болған жерлердің назар аударалық орындары, түрлі халықтардың тұрмыстық заттары жоғары көркем талғаммен суреттелген. Ол домбыра, қобыз және басқа халық мұызкалыш аспаптарын суреттеген.

Шоқан Уәлиханов шығармалары, бізге оның әдеби еңбектерінде көркем шығармашылықтағы форма мен мазмұн сияқты, эстетикалық категориялар ашылғандығы туралы қорытынды жасауға толығымен негіз бола алады. Ол эстетиканың, әдебиеттің халықтығы деген мәселені де зерттеді.

Ол фольклор бастауының халықтық екендігін, халық өміріндегі өнердің үлкен рөлін атап көрсетті.

Қоғамдық өмір құбылыстарын түсіндіруде, Ш.Уәлиханов, оның көптеген замандастары секілді, жалпы идеалистік позицияда қалды. Ол рулық-феодалдық қоғамның барлық қарама-қарсылықтарын шешудің жолын халыққа білім беруден іздейді.

Бұл ойды біз оның эстетикалық пікірлерінде де байқаймыз. «Біздің халықтың өте бай әрі поэтикалық құндылығы бар, сондай бағыттағы Шығыс туындыларына қарағанда, индогермандық эпостарға жақын, әдебиеті бар. Сайып келгенде, барлығынан маңыздысы, біздің қоғамдық дамуымыздың формалары олардың

¹ Валиханов Ч. Избр. произведения. С.569.

мәдени дамуының жетістіктерімен үйлестік құратын дәл сол табиғилық кезеңде тұр, осы фактіге біздің болашаққа деген барлық үмітіміз негізделген. Біз Батый татарларының ұрпағы ретінде орыстармен тарихи және тіпті қандық туыстықтамыз»¹.

Әлеуметтік мәселелерге қатысты мұндай тұрақсыз көзқарас оның кінәсі емес, ол сол уақыттағы бүкіл қазақ қоғамының қасіреті. Шоқан Уәлиханов 60-шы жылдардағы Ресейдегі революцияшыл демократтардың дүниетанымына көтерілмеді. Сондықтан ол ағартушылық позициясында қалды. Қазақ халқының мұддесін ойлап, Шоқан Ресеймен жақындастық қазақ халқының экономикалық және мәдени дамуына жол ашады деп санады. Ал сол кезде қазақ халқын да, Ресей бодандығындағы барлық халықтарды да тәуелсіздікке әкелер жолды ол түсіне алмады.

Шоқан Уәлихановтың бастаған ісін, педагогика саласында қазақтың екінші ағартушы-демократы Ыбырай Алтынсарин жалғастырды. Ол да артында эстетика мәселелері бойынша арнайы еңбектер қалдырған жоқ. Оның эстетикалық көзқарастары педагогикалық қызметінде көрініс тапты. Ол ағартушылық арқылы қазақ халқының жалпы мәдени деңгейін көтеруге тырысты, сауатсыз адамның эстетикалық құндылықтарға ғана емес, жалпы мәдениеттің ең азына да қолы жетпесін айқын түсінді.

Алтынсарин өз халқының көркем шығармашылығын жоғары бағалады және ағартушылық оған өмірдегі де, өнердегі де барлық әсемдікті дұрыс түсіндіруге әрі бағалауға мүмкіндік береді деп санады.

Алтынсарин, өзінің педагогикалық қызметінің мақсаты халықтың сауатын ашу ғана емес, мүмкін қазактарды озық мәдениетпен кеңірек таныстыру болған шығар, деп есептеді. Бұл туралы ол «Қазақ хрестоматиясының» кіріспесінде жазады: «Бұл кітап ғылыми әрі жалпы пайдалы орыс кітаптарына, тікелей соңғысына өзінің мазмұнымен де, әліппесімен де қайшы келмей, тікелей жолbastauыш болып қызмет етуі үшін жазылды»².

«Марқұм Алтынсариннің бүкіл өмірі мен қазақ даласында болған уақытта өзінің сүйікті қырғыз (қазақ – Б.Қ.) халқына білім беруге жұмсалды. Ол халық өмірін жіті бақылаған және оны терең түсінген»³.

«Орынбор парағы» газеті, қазақ мәдениетінің дамуындағы Ы.Алтынсарин рөлін атап өтіп, көшпелі қазақтар үшін Ы. Алтынсарин еңбектері, оның өзіндей аса қымбат екендігі, мұны Ресейде зиялыштар

¹ Валиханов Ч.Ч. Собр. соч. в пяти томах, т.1. С. 499.

² Алтынсарин И. Избранные произведения. Алма-Ата, 1957. С. 79.

³ Русское богатство, 1896, № 8. С. 386.

әдебиетінің мәнін білетіндер ғана түсіне алатыны туралы жазды. Халық Алтынсарин тұлғасында бүкіл халықтың, оның рухының, ақыл-ойының, әдет-ғұрпының, мінез-құлқының және жалпы оның өмірі көрініс тапқан батырды көруге дайын. Бұдан былай, делінеді әрі қарай, көшпелі Азия прогресс жолына түсті, фанатизмді, ырымшылдықты қабыл алмайтын, өмірлік жолын таңдады деп ойлауға болады. Алтынсаринге дейінгі қазақ халқының арасынан шыққан ұлы ойшылдар мен ақындар мұндай айқын көрінбейтін, олар даладағы қасіret пен кемшіліктер арасында адасатын, өздерінің туа біткен таланттарына, өздерінің данышпандығына қарамастан, жазу құралымен өз халқына бүкіл пайдасын тигізуге күштері болмады¹.

Ы. Алтынсарин кейпінде біз, діни фанатизмге және ол қолдайтын білімсіздікке қарсы шыққан, қазақ халқының білім алуы мен эстетикалық білімі жолындағы күрескер, тұнғыш ағартушы-демократты көреміз. Орыс-қазақ және қазақ мектептеріне ол үлкен үміт артты, бұл мектеп оқушылары жанұяларында, жақын адамдар ортасында, исламдық қезқарастар ықпалынан дербес жаңа озық мәдениеттің насиҳаттаушылары әрі жол бастаушылары болуы керек деп санады. Алтынсарин бұл мектептерде оқыту медреседегідей татар немесе араб тілдерінде емес, ал ана тілі – қазақ тілінде болуы үшін күресті, ана тілі күнделікті өмірде ғана қолданыс таппай, қазақ халқының кітап тілі, мәдениет тілі болуы үшін ат салысты.

Алтынсарин қазақ даласындағы қыздардың да білім алуының бастаушысы әрі ұйымдастырушысы болды. 1887 жылы оның өтінішімен Ырғызда қазақ қыздары үшін училище ашылған болатын². Бұл училищенің қазақ қыздары үшін қандай үлкен тәрбиелік мәні болғандығын дәлелдеу артық болар.

Алтынсарин орыс тілін білуге де үлкен мән берген. Ол қазақ халқы орыс тілінің көмегімен озық мәдениет үлгілерімен таныса алады деп санаған. «Табиғи ақыл, оны қоршаған ортаны ғана қамти алады, оны дамыту және көрмегенді де тануға қабілетті ету, тек ғана білім алу арқылы мүмкін. Біз мұны түсінеміз және өз балаларымызды орыс-қырғыз мектептерінде ынтамен оқытамыз»³.

Ы. Алтынсарин әлемдік әдебиет классиктері – Шекспир, Байрон, Гете, Пушкин, Гоголь, Лермонтов, Фирдауси, Низами және көптеген басқаларды өте жақсы білген. Ол өзінің бүкіл орыс, батыс және шығыс әдебиетінен алған білімін, ағартушылық қызметін жүргізу арқылы, оларды тұған халқына жеткізуге ұмтылды.

¹ Қар.: Оренбургский листок, 1884, 8 апреля.

² Қар.: Эфиров А.Ф. Ибраї Алтынсарин. Жизнь и педагогическая деятельность. С. 28.

³ Оренбургский листок, 1884, № 5. Из речи Алтынсарина на открытии ремесленного училища в Тургае.

Сонымен қатар ол өз күшін қазақ халқының шығармашылығының ең озық үлгілерінің өмірін баспа сөзінің көмегімен ұзартуға жұмсады. Бұл туралы оның өзі былай жазды: «Бұл кітапты («Қазақ хрестоматиясы») – Б.К.) құрастырганда мен, біріншіден, осы біздің ана тілімізде тұңғыш рет шыққалы отырған жалғыз кітаптың орыс-қазақ мектептерінде тәрбиеленіп жүрген қазақ балаларына оқу кітабы бола алу жағын, сонымен қатар, жалпы халықтың оқуына жарайтын кітап бола алу жағын; екіншіден, кітапта келтірілген әңгімелер негізінен қырғыздар рухында болғандығын көздедім»¹.

Алтынсарин жалпы қазақ халқының өміріндегі кітаптың және атап айтқанда, өзінің «Қазақ хрестоматиясының» мәнін осылай кең көрген. Ол өз алдына Қазақстанда жоғары мәдениетті, орыс, батыс және шығыс әдебиетін білетін, халықтың қалың бұқарасына өз білімдерін таратуға қабілетті адамдарды дайындау міндетін қойды. Ал бұған революцияға дейінгі Қазақстанда халық мектептері арқылы ғана қол жеткізуге болатын. Ол әрбір мектеп жанында кітапхана болуын қадағалады, өйткені кітаптарды оқымаса ешқандай білімділік туралы айту мүмкін емес.

Қазақтардың эстетикалық дамуы туралы қамқорлық жасап, Алтынсарин мектеп бағдарламаларына орыс жазушыларының шығармаларын енгізген, балалардың Крыловтың мысалдарын, Лермонтовтың және басқа орыс ақындарының өлеңдерін жаттап алуын талап еткен. Алтынсарин мектептерінің барлығында ән сабағы болған және гимнастика енгізілген еді. Оның өзі алпысыншы жылдардағы орыс зиялыштарының озық ойларында тәрбиеленген және сол кездегі демократиялық ағартушылық принциптеріне жақын болған.

Чернышевский мен Добролюбов қызметтерін жоғары бағалап, Алтынсарин олардың демократиялық идеяларын өз халқының эстетикалық мәдениетінің дамуында пайдаланды. «Мен әрқашан оған шын ықылас білдіретінмін, әсіресе, мен оның бойындағы орыс біліміне деген қызу әуестігін және қырғыздар (қазақтар. – Б.К.) үшін бұл білімнің қажеттілігі туралы тұрақты ойын бағаладым»².

Алтынсарин шығармаларында, сондай-ақ оның хаттарында оның заттарға деген көзқарастары, оның қазақтардың білім алуы туралы түсінігі және өз халқын ағартуға деген ыстық талпынысы толығымен көрініс тапқан. Өз ойларын жүзеге асыру үшін ол қазақ мектептері мен өз халқының ана тілін пайдаланды. Қазақтар үшін, басқа халықтардағыдай, оларға түсінікті тілде жазылған, оқыған кезде

¹ Алтынсарин И. Избранные произведения. С. 79.

² Воспоминания об И.А.Алтынсарине Н.Ильминского. С. 4.

олардың ақылы мен ойларына әсер ететін кітаптар қажет»¹, – деп жазды Ы. Алтынсарин. Қазақ даласында мәдени-ағартушылық ошақтарының жоқтығына күйініп және олардың қажеттілігін айқын түсініп, Ы. Алтынсарин В.В. Катаринскийге жазған хатында былай дейді: «Халық, көшпелі кезенде тұрғанда, өзіне қандай да бір өнегелік азық талап етеді және бұл азықты қажетінде надан қолдан алады, оны асыға сіндіріп өзінің сау организмін құртады»². Бұл жерде ол қазақ халқы арасында молдалар таратып жүрген, көпшіліктің санасын уландыратын діни кітаптар туралы айтқан. Сондықтан өзінің ағартушылық қызметінің мақсаты етіп – қазақ халқын жабысқақ молдалар ықпалынан барлық күшін салып және барлық тәсілдерді пайдаланып қорғауды қойды. Өзінің бұл ойын ол қазақ халқы арасында озық орыс әдебиет үлгілерін тарату жолымен іске асырды. Халықты ағарту міндеттерін Алтынсарин қазақтардың өмір сұру жағдайларымен тығыз байланыстырды. Ол мектептер қазақтардың өмір салтына сәйкес болуы қажет деп санады, олар «көшпелі мектептер болуы керек: жазда қазақ ауылдарымен жайлауға көшуі, ал қыс мезгілінде – қыстаулар жанында болуы керек»³. Осындай жағдайда ғана балалардың көбін мектепте оқыту мүмкін. Жүйелі түрде қазақ халқының тарихын, дәстүрі мен әдет-ғұрпын, мәдениетін танып, Алтынсарин өз жұмыстарында⁴ қазақ этнографиясының көптеген мәселелерін зерттеді әрі қорытындылады.

Ол өзінің «Қазақ хрестоматиясы» атты кітабында қазақ халық ауыз әдебиетінің үлгілері: «Сәтемір-хан», «Ізбасты», «Байұлы», «Жәнібек батыр», «Қара батыр», «Жиренше шешен», «Қара қылыш», «Лұқпан дана» және көптеген басқаларын жинады, жүйеледі және жарыққа шығарды.

Алтынсариннің қазақ халқының эстетикалық мәдениетін дамытудағы рөлі оның әдебиет саласындағы қызметінде айқын көрінеді. Ол ұлы ұстаз ғана емес, сонымен қатар этнограф, жазушы, ақын және аудармашы болған. Өз уақытында оның этнографиядан жазған мақалалары Ресей географиялық қоғамының назарын аударған, ал қазақтардағы құда тұсу мен үйлену тойы, жерлеу мен ас беру салттары туралы жазған очеркі осы күнге дейін өз мәнін жоғалтқан жок...

Ы. Алтынсарин өлеңдері мен әңгімелерінде оның өз халқына деген шексіз сүйіспеншілігі және қысым көрсетушілер мен қанауыштарға деген өшпендейтілігі көрініс табады. Бұл әсіресе «Таза

¹ Воспоминания об И.А.Алтынсарине Н.Ильминского. С. 261.

² Сонда, 289 б.

³ Алтынсарин И. Избранные произведения. С.23.

⁴ Қар.: Алтынсарин И. Очерки обычаяев при сватовстве и свадьбе у киргизов Оренбургского ведомства и Очерк обычаяев при похоронах и поминках у киргизов Оренбургского ведомства.

бұлак», «Бай баласы мен жарлы баласы», «Азған елдің хандары», «Әділдік көрмегені үшін төреге айтылған сөз» және басқа шығармаларында айқын бейнеленген.

Оның шығармаларында қазақ халқының өмір сүру жағдайы, оның барлық жақсы және жаман жақтары, шынайы суретtelген.

Ауылдағы әлеуметтік теңсіздіктің мәнін ашып, ол былай жазды:

«Азған елдің хандары,

Тақ үстінде отырғандары.

Жарлыдан алып, байларға

«Сыйлас берсе» керек-ті»¹.

Оның өлеңдері гуманизм идеяларына толы, өз өлеңдерінде Алтынсарин қарапайым халықты өз қадірін сезінуге шақырады:

«Араз бол, кедей болсаң ұрлықпенен,

Кете бар кессе басың шындықпенен!

Корек тап бейнеттен де, тәнірім жәрдем,

Телмірме бір адамға мұндықпенен»².

Алтынсарин шығармаларында өнерге деген өз қатынасын білдіреді, қоғамдық өмірдегі әдебиет пен өнердің орны мен рөлін түсіндіреді. «Алтынсаринге дейін қазақ әдебиетінде әдебиеттің қоғамдық рөлін айқын түсінген қайраткер болған жоқ»³, – деп жазады Ә. Дербісалин.

Ол әдебиеттің ең маңызды міндеті ақиқат болмысты шынайы көрсету, ал жазушының шығармашылық міндеті – халық пен қоғамға қызмет ету деп санады. Өз шығармаларында ол қазақтар өмірінің көп қырларын көрсетті. Алтынсарин өлеңдері мен әңгімелері, оның табиғат пен адам сезімдерінің сұлулығын қалай түсінгендігін көрсетеді. Оның «Жаз», «Көктем», «Өзен» және басқа өлеңдерінде адамның әдемі сезімдерімен үндес ғажайып табиғат суреттері берілген:

«Сәуірдің әрбір күні дертке дәрмен,

Құдайым дәрмен бол деп етер кәрмен...

Бір малы шаруаның екеу болып,

Қыстаудан ел шығады алуан-алуан,

Күлісіп, құшақтасып әділ етер,

Әйелдер көш жөнелтіп кейін қалған...

Кеш болса күн қонады таудан асып,

Шапаққа қызыл алтын нұрын шашып,

Ах ұрып шүкіршілікпен құшақтасар

Рақатпен кеш уақытында неше асық ...

¹ Алтынсарин Б. Өнер-білім бар жүргіттар: өлеңдер, әңгімелер, очерктер, хаттар мен естеліктер. – А.: Жалын, 1991. – 23 б.

² Сонда, 21 б.

³ Дербисалин А. О литературном наследии Алтынсарина. Алма-Ата, 1957. С.37.

Боз үйден таң алдында күйеу шықса,
Артынан қарап жары жүзін басып»¹.

Оның «Жаз» атты өлеңіде табиғат сұлулығы адамдарға қашшама қуаныш әкелетіндігі туралы айттылады:

«Жақындар құдайымның көктен күні,
Тең болар жарлықпенен күн мен түні.
Аспаннан рақыммен күн төнгенде,
Қуанып қыбырлайды ыныс-жыны.
Ұйқыдан көзін ашқан жас балаша
Жайқалып шыға келер жердің гүлі»

* * *

Адамзат сайран етер көңілі жай,
Секіріп ойын салар құлын мен тай.
Кой маңырап, сиыр мөңіріп шат болады,
Тасиды күркіресіп өзен мен сай.
Аяғын алшақ басып түйе шығар,
Жаратқан мұнша таңсық жаббар құдай»².

Алтынсарин өлеңдерінде суретtelген табиғат, лирикалық кейіпкер халыққа өздерінің әсем сезімдерімен және асқақ талаптарымен жақын әрі түсінікті. Оның «Өзен» атты өлеңі бұған дәлел бола алады:

«Таулардан өзен ағар сарқыраған,
Айнадай сәуле беріп жарқыраған,
Жел соқса, ыстық соқса бір қалыпта,
Аралап тау мен тасты арқыраған.
Көңілің суын ішсең ашылады,
Дененде бар дертінді қашырады,
Өксіген оттай жанып жануарлар
Өзеннен рақат тауып басылады.»
«Он мың мал айдал өтсең де лай қалмайды,
Тасыса, су бармаған сай қалмайды.
Тасыған өзен-судың қуатымен
Көк шалғын шөп бітпеген жай қалмайды.
Ел қыстап күн көреді жаныбында...»³.

«Жаз», «Көктем», «Өзен» өлеңдерінде табиғат құбылыстарындағы сұлулық аса әсерлі суретtelіп қана қоймай, қазақтардың халық шығармашылығының барлық көркемдік-поэтикалық жақтары да және Алтынсариннің өзінің ақындық шеберлігі де көрініс тапқан. Табиғаттың әсем көріністерін суреттеп,

¹ Алтынсарин Б.Л. Өнер-білім бар жүргіттар: өлеңдер, әнгімелер, очерктер, хаттар мен естеліктер. – А.; Жалын, 1991. – 17 б.

² Сонда, 16-17 бб.

³ Сонда, 18 б.

Алтынсарин халықта оларға деген эстетикалық қатынасты тәрбиеледі, адамдар бойында қуаныш пен шабыт сезімдерін тудырды.

Ол өз өлеңдері мен әңгімелері арқылы халық үшін пайдалы озық идеялар мен талпыныстарды таратты.

Алтынсариннің өлеңдері мен әңгімелері тілі жағынан да, мазмұны жағынан да терең халықтық. Оның шығармалары қарапайымдылығымен, заттарды терең түсінумен және сонылығымен ерекшеленеді. Өз шығармаларында Алтынсарин жалпы адамзаттық идеяларды дәріптеді. Осы жағдай оның шығармаларын оның замандастарына ғана емес, біздің уақытымызда да жақын әрі түсінікті етеді.

Алтынсарин орыс тілінен қазақшаға аударуға көп көңіл бөлді және күш салды. Ол ана тіліне К.Д. Ушинскийдің, И.И. Толстойдың әңгімелерін, сондай-ақ Крылов мысалдарын және көптеген басқа шығармаларды аударды.

Ол аударма жасағанда қазақ қоғамының қызығушылығы мен талғамын ескеріп отыруға тырысты. Сондықтан бұл шығармалар қазақтарға өте жақын әрі түсінікті болды және халық арасында өте тез таралды. Алтынсарин балаларды жоғары өнгелік пен мәдениет рухында тәрбиелеуге көмектесетін шығармаларды ғана аударды. Зерттеуші Ә. Дербісалин көрсеткендегі, «оның аудармаларының негігі тақырыптары: еңбек, адамсүйгіштік, адаптация, қарапайымдылық, үлкендерді құрметтеу, сыртқылық және т.с.с.»¹ болды. Алтынсариннің өзінің шығармаларында да, аудармаларында да ағартушылық идеялары, халық мұддесі туралы қамқорлығы айқын байқалады.

Алғашқы халық поэзиясының жинақтарын және халық оқуына арналған алғашқы кітаптарды құрастыру бастамасы ІІ. Алтынсарин еншілігінде. Торғай облысының қазақтары Алтынсарин шығармаларында өздерінің өнегелік ақықаттар мен озық мәдениеттің жалпы адамзаттық идеяларын көргендігі туралы жазды. Оның жастарға айтылған есietтері таза, мейірімді жүректен төгіледі және өмірдегі барлық әсемдіктен ләззат алу, еңбек ету, білім алу ынтасын тудырады.

Алтынсариннің жанында әрқашан одан орыс тілін үйренетін, оның шығармаларын оқитын және халық арасына тарататын жастар болған.

«Баспадан Алтынсариннің өлеңдері мен әңгімелерінің қазақ тілінде шығуы қазақ халқының өміріндегі үлкен маңызы бар оқиға болды және халық оны қуана қарсы алды»². Қазақ жастары

¹ Дербисалин А. О литературном наследии И. Алтынсарина. С. 77.

² Эфиров А.Ф. Ибраї Алтынсарин. Жизнь и педагогическая деятельность. С. 40

Алтынсарин туралы үлкен құрметпен пікір айтты және оның қазақ халқының эстетикалық дамуындағы еңбегін жоғары бағалады. Алтынсарин жастардың рухани өсуіне ықпал етті және олардан қазақ даласында озық эстетикалық ойларды таратуға қабілетті болатын қазақ зиялыштарын тәрбиелегісі келді. «Орынбор листогы» газетінде жарияланған бір мақаласында Алтынсарин европалық дипломаттар қазақтарға «жақсы жауынгер, тамаша егінші және табиғатынан мал өсіруші ретінде ғана»¹ қарайды, – деп жазды. Алтынсарин қазақ интеллигентиясының міндегі қазақ халқын өркениетке араластыру деп түсінді.

Жас әрі аз қазақ зиялыштары Алтынсаринді бүкіл жақсылық пен әсемдікке тәрбиелеуші ұстаз ретінде қабылдады. «Алтынсарин мырзаның шығармалары әдебиетте бірінші орынды алады және бірінші орында болуы тиіс, біз үшін ол Ломоносов ғана емес, қазақ ағартушылығының тұңғыш апостолы да»², – деп жазды олар.

3. Абай Құнанбаевтың эстетикалық көзқарасы

Қазақ халқының эстетикалық ойының шыны қазақ жазба әдебиетінің негізін қалаушы, ұлы ағартушы-демократ Абай Құнанбаев шығармашылығы болды. Егер Шоқан мен Ыбырайдың эстетикалық көзқарастары осы күнге дейін ғалымдардың зерттеулерінің арнағы тақырыбы болмаған болса, Абайдың эстетикалық көзқарастары қазақтың көрнекті жазушылары, әдебиеттанушылары, өнертанушылары М.Әуезов, С.Мұқанов, М.Сильченко, А.Жұбанов, М.Қаратаев, Б.Ерзакович, З.Ахметов еңбектерінде жарық көрді. Бұл авторлардың еңбектерінде Абайдың эстетикалық көзқарастарының және ұлы орыс революцияшыл демократтары – Белинский, Чернышевский және Добролюбов көзқарастарының үндестігі туралы, сондай-ақ Абай өзінің көркем шығармашылығында реалистік орыс, батыс және шығыс әдебиетін кең пайдаланғандығы туралы айтылған. Жарық көрген Абай шығармашылығы туралы ғылыми еңбектер мен диссертацияларда оның шеберлігі, оның поэзиясы мен прозасының қазақ әдебиеті мен өнерінің тарихи дамуындағы рөлі мәселелері көрініс тапты.

Абайдың философиялық мұрасын талдауға көңіл аз бөлінді. Профессор К.Бейсембиеvtің «Абай Құнанбаев дүниетанымы» атты бір ғана жұмысы бар, бұл да, автордың мойындауынша, «әдебиеттану саласында маман болмағандықтан, ақын-ойшылдың негізгі

¹ Оренбургский листок, 1880, №18.

² Сонда, №15.

эстетикалық түсініктеріне қысқаша ғана тоқталуды жөн көрдім»¹, – деп жазды ол. Сонымен, философия тұрғысынан Абайдың эстетикалық көзқарастарын тыңғылықты зерттеген еңбектер әлі жоқ. Біз, шамамыз келгенше, бұл кемшілікті толтыруға тырысамыз.

Абайдың эстетикалық көзқарастары оның дуниетанымының негізгі бөлімін құрайды. Оның шығармаларын мүқият зерттеу барысында, Абайдың көркем шығармашылықта талдау жасағанда оны реалистік тұрғыдан қарастырғанын көреміз. Ол даму бастауы мен өнер мазмұны, адам өзінің шығармашылық іс-әрекеті барысында танитын, шынайы болмыс деп санаған.

Н.Г. Чернышевский, «ең жоғарғы сұлулық дегеніміз өнер тудырған сұлулық емес, адамның болмыс әлемінде кездестіретін сұлулығы екіндігі, ақиқат»² – деп дәлелдеген. Осындағанда оның көзқарастарын мүқият зерттеу барысында, Абайдың көркем шығармашылықта талдау жасағанда оны реалистік тұрғыдан қарастырғанын көреміз. Ол даму бастауы мен өнер мазмұны, адам өзінің шығармашылық іс-әрекеті барысында танитын, шынайы болмыс деп санаған.

Абайдың философиялық, эстетикалық көзқарастары оның көркем шығармашылығы барысында қалыптасқандығын және сондықтан дұрыс әрі аяқталған бүтіндей болмағандығын, ескеруміз керек. Оны суреткер ретінде толғантқан, құбылыстардың көптеген бағалануы озық идеялар ағымы мен жағдайлар әсерінен өзгеріп отырған, бірақ эстетиканың негізгі мәселелеріне, мысалы, әсемдік және оның өмірмен байланысы, қоғам өміріндегі өнердің рөлі және басқаларына оның қатынасы тұрақты болды.

Көркем шығармашылықты Абай өзінің педагогикалық ойлары мен халықты көркемдік тәрбиелеудің құралы ретінде пайдаланды. Міне, сондықтан, ол өз өлеңдерінде поэзияның қоғамдық өмірдегі рөлі мен мәні туралы, қоғамдағы ақынның орны туралы айтты. Абай «таза» өнер теориясына қарсы болды, ол орыс революцияшыл демократтары секілді өнерді әлеуметтік күрес құралы деп санамады. Өзінің қара сөздерінде ол былай жазды: «Бөтегеннің тілі мен мәдениетін білу адамды сол халықпен тең етеді, ол өзін еркін ұстайды, ал егер ол елдің қамқорлығы мен күресін оның жүргегі қабылдаса, онда ол шетте қала алмайды»⁴.

¹ Бейсембиеев К. Мировозрение Абая Кунанбаева. Алма-Ата, 1956. С.123.

² Чернышевский Н.Г. Полн. собр. соч., т.11. М., 1949. С.14.

³ Абай. Слова назидания. Алма-Ата, 1970. С.118.

⁴ Соңда, 46 б.

Абайға Маркстың «Музыка ғана адам бойында музикалық сезім тудырады; музикалық емес құлақ үшін ең ғажайып музыка да мәнсіз»¹, – деген сөздері таныс емес еді. Бірақ ол Сократ пен Аристотельдің, сезім ағзаларының көмегімен қоршаған болмыс танылады, атап айтқанда, заттар мен өнердегі әсемдік деген ойларын дұрыс түсінді. Абай өзінің жиырма жетінші қара сезінде Сократ пен Аристотельдің мынадай пайымдауларын келтіреді: «Әуелі көзді көрсін деп беріпті, егер көз жоқ болса, дүниедегі көрікті нәрселердің көркінен қайтіп ләzzат алар едік? ... Құлақ болмаса, не қанғыр, не күнгір, дауыс, жақсы үн, құй, ән – ешбірінен ләzzат ала алмас едік»².

Бұл ойын өрбіте келіп, Абай өзінің қырық үшінші сезінде: «Ол хабарлардың ұнамдысы ұнамды қалпымен, ұнамсызы ұнамсыз қалпымен, әрнешік өз суретімен көңілге түседі... жан қуатыменен адам хасил қылған өнерлі күнде тексерсең, күнде асады. Көп заман тексермесең, тауып алған өнерінің жоғалғандығын және өзіңдің ол мезгілдегіден бір басқа адам болып кеткенінді білмей қаласың»³, – деп жазды.

Байқағанымыздай, Абай адамның эстетикалық сезімдері оның көркем шығармашылығының негізі болатынын түсінген. Сезім ағзаларының көмегімен адам қоршаған болмысты таниды және солардың көмегімен өзінің көркем шығармашылығын да әрқашан байытып отыруы керек.

Абайдың 125 жасқа толуына арналған, салтанатты мәжілісте жасаған баяндамасында Ғ. Мұсірепов: «Халық ойын жеткізетін, нағыз ақын әрқашан бүгінгі күнде болашақтың нышандарын көреді. Ол үшін өткені, бүгінгісі және болашағы тұтас бүтінді құрайды, қоғам дамуы мен тұлғаның қалыптасуының жалпы тізбегінің буындары болады. Ол өз міндеттін, өз заманындағы қоғам санасын уландырғанның барлығын үзілді-кесілді жоққа шығару деп түсінеді, ең кең мағынадағы күрескер болады»⁴.

Откен заманың көркемдік мұрасын игерудегі маңызды міндеттердің бірі қазақтың ағартушы-демократтарының эстетикалық көзқарастарындағы, болашақпен байланыстысын, откенге қатысынан ажырату болып табылады. Осы тұрғыдан біз қазақтың ағартушы-демократтарынан көптеген құнды және жаңа ұрпақтар үшін де маңыздыны табамыз. Абайдың табиғат құбылыстары мен заттарға, сондай-ақ адамның сезімдері мен күйзелістеріне эстетикалық қатынасының байлығы мен табиғильтары соншалық, біз бүгінгі күнде

¹ Маркс К. и Энгельс Ф. Об искусстве, т.1. С.141.

² Абай. Шығармаларының бір томдық толық жинағы. – Алматы, 1961, 460 б.

³ Сонда, 486 б.

⁴ Казахстанская правда, 1971, 30 мая.

де оны өзінің қарапайымдылығы мен адалдығы үшін, құндылық ретінде қабылдаймыз.

Абай поэзиясының басты тақырыбы Қазақстан табиғаты мен халық өмірі болды. Өз шығармаларында ол бұл өмірдің ең мәнді жақтарын шынайы көрсете білді. Абай дәстүрлі халықтық шығармашылық элементтерін кең пайдаланды, тілді дамытуы мен байытуы, оның шығармаларын түсінікті әрі жеңіл етті. Абай шығармаларында, халық әншілері әлі айтпаған, бірақ халық арасында өмірге деген наразылық толқуы мен басқа жақсы өмірді көмескі аңсау түрінде болған ойлар көрініс тапты. «Халықтың стихиялы, жете түсінбеген талаптарын саналы түрде көрсетіп, бұл үшін оның өзі, сол кездегі орыс білімінің шынына талпынған, Абай, жинағанын пайдаланып, ақын жалпы мәдениеттік, жалпы тарихи маңызы бар, жалпыұлттық құндылықтарды жасады»¹, – деп жазды М. О. Әуезов.

Сондықтан Абайдың өнердің халықтығы туралы көзқарастары біздің заманымызда да өз өзектілігін жоғалтқан жоқ.

Өнердің халықтығы принципін Абай қазақ тіліне аудару үшін орыс классиктерінің шығармаларын тандауда ұстанды. Сондықтан аударма үшін ол ең алдымен Крылов, Пушкин, Лермонтов шығармаларын алды. Өз аудармалары арқылы ол қазақтарды озық, халықтық идеялармен таныстыруға тырысты. «Абай өз халқының рухани көзі болды, және халқы үшін ойланып әрі сезініп, оған оның тарихи болашағын көрсетуімен халықтық»², – деп жазды М.О. Әуезов.

Абайдың өлеңдері ұлттық, жоғары патриотизм рухында жазылған. Оның патриотизм сезімі күрделі: ақын халқының ауыр жағдайын көріп күйзеледі, бірақ оның дарындылығын, мейірімділігі мен жанының жомарттығын мақтан тұтады;

Ол - өз халқын ғасырлық көнгіштік үйқысынан оянуға, өз назарын озық мәдениетке, ол арқылы – жарқын болашаққа салуға шақырады. Төменде келтірілген өлеңінде Абай халықтың ауыр тағдарына өзінің күйінішін суреттейді және оны жақсарту үшін құреске батыл шақырады:

«Бас-басына би болған өңкей қиқым,
Мінеки, бұзған жоқпа елдің сиқын?
Өздерінді түзелер дей алмаймын,
Оз қолыңдан кеткен соң енді өз ырқың.

...

Оңалмай бойда жүрсе осы қырқын,
Әр жерде-ақ жазылмай ма, жаным, тырқың?
Қай жерінен көңілге қуат қылдық,

¹ Ауезов М. Мысли разных лет. С.147.

² Сонда, 148.

Қыр артылмас болған соң, мінсе қырқын?»¹.

Міне, ақынның білімсіз, мәдениетсіз өмір мәнсіз болатындығы туралы айтқан тағы бір өлеңі:

«Мал да бар жан мен тән,
Ақыл, сезім болмаса.
Тіршіліктің несі сән,
Тереңге бет қоймаса?

Атымды адам қойған соң,
Қайтіп надан болайын?
Халқым надан болған соң,
Қайда барып оңайын?!»².

Өз шығармаларында Абай Құнанбаев өз заманындағы өмірлік оқиғалардан да, оны қоршаған адамдардан да, заттарды және табиғат құбылыстарын тамашалаудан да, кітаптар оқудан да алған әр түрлі әсерлерін көрсетті. Ол халықтың ауыр өмірін және табиғат сұлуығын суреттеді, тарих беттерін бейнеледі және адамдар типін жасады, ол үшін материалды қазақ болмысынан ғана емес, басқа халықтар өмірінен де алды. Сонымен Абай өзінің тамаша лирикалық ақындық, жазушылық және сазгерлік шеберлігін танытты.

Абай өлендері көркем. Олар, Абайдың өзі шығарған әуендермен қосылғанда одан да көркем болады. Мұндай өлендерге: «Көзімнің қарасы», «Желсіз тұнде жарық ай», және т.б. жатады. Махабbat тақырыбы Абай шығармашылығында айрықша үлкен орын алды. Нәзіктік пен адалдық – «Ғашықтық, құмарлықпен – ол екі жол», «Кор болды жаным», «Айттым сәлем, қалам қас», «Ғашықтың тілі – тілсіз тіл» сияқты өлендердің ерекшеліктері. Бұл өлендерде ақынның әсемдік пен асқақтық туралы түсінігі көрініс тапты. Бүкіл шығыс ойшылдары сияқты, Абай да махаббатты адам сұлуулығының маңызды бір синтезделген көрінісі, ал сондықтан жақсылықтың да ең жоғарғы көрінісі, яғни этикалық пен эстетикалықтың бірлігі деп түсінеді»³.

Бірақ, шығыс ақындық дәстүрлерімен тым әрлеп-әсерлеп, тағдырын болжап қоюдан айрықша Абай махаббатты жасампаз, рухтандыратын сезім ретінде жырлады. Ол Шығыс ақындарының көптеген шығармаларының кемшілігі, олардың әйел сұлуулығын алтынмен және асыл тастармен «зергерлік» теңеулері деп санады.

Абайдың махаббат лирикасында адамдардың асыл сезімдері берілген. Ол адамның таза, асқақ махаббатын жырлады, және мұнда А.С. Пушкин мен М.Ю. Лермонтов салған жолды ұстанды.

¹ Абай шығармаларының бір томдық толық жинағы. 78 б.

² Сонда, 276 б.

³ Сосонкин И.Л. Из истории эстетической мысли в Туркменистане, Ашхабад, 1969. С. 26.

Абайға дейін қазақ әдебиетінде Алтынсарин ғана табиғат құбылыстарын суреттеген. Абай өлеңдерінде біз алғашқы рет табиғаттағы әсемдіктің ауылдың тұрмысының шынайы суреттерімен, көшпелі өмір салтындағы барлық шаруашылықпен үйлесімін көреміз.

Міне, қалай Абай күнделікті өмірді – қазақ даласындағы кеш мезгілін жырлайды:

«Желсіз тұнде жарық ай
Сәулесі суда дірілдеп,
Ауылдың жаны – терең сай,
Тасыған өзен күрілдеп.
Қалың ағаш жапырағы,
Сыбырласып өзді-өзі.
Көрінбей жердің топырағы,
Құлпырған жасыл жер жүзі.

...

Келмеп пе едің жол тасып
Жолығуға аулаққа?

...

Дем ала алмай дамыл қып,
Елең қағып, бос шошып»¹.

Дамыған әсемдік сезімі бар, Абай сұлулықты, алғашқыда көзге түспейтін жерде де таба алатын. Жаңбырлы күздің өзі де оның жанын баурайтын және шабытын оятатын. Ол берген сурет, көз алдыңа келе қалады. Өзіңіз көз жеткізіңіз:

«Сұр бұлт тұсі суық қаптайды аспан,
Күз болып дымқыл тұман жерді басқан.
Білмеймін тойғаны ма, тонғаны ма,
Жылқы ойнап, бие қашқан, тай жарысқан?

Жасыл шөп бәйшешек жоқ бұрынғыдай,
Жастар күлмес, жүгірмес бала шулай.
Қайыршы шал кемпірдей тұсі кетіп
Жапырағынан айрылған ағаш, қурай.

...

Қаз, тырна қатарланып қайтса бермен,
Астында ақ шомшы жүр, ол-бір керуен.
Қай ауылды көрсөң де, жабырқаңқы,
Құлкі-ойын көрінбейді, сейіл-серуен»².

¹ Абай шығармаларының бір томдық толық жинағы. 126 б.

² Сонда, 119 б.

Қазақтардың сол кездегі әлеуметтік жағдайы да Абай өлеңдерінде айқын көрініс тапты. Мысалы, ол қысты суреттейді. Бұл мезгілде көшпелі өмірі қыындайды. Қазақтардың ең негізгі өмір сүру амалы – малды қалай сақтайсың?

«Кар тепкенге қажымас қайран жылқы
Титығы құруына аз-ақ қалды.
Қыспен бірге тұмсығын салды қасқыр.
Малшыларым, қор қылма итке малды.
Соныға малды жайып, құзетіндер,
Ұйқы өлтірмес, қайрат қыл, бұз қамалды¹.

Абай қоғам өміріндегі ақынның рөлі мен орнын, поэзия міндетін жоғары бағалаған. Өзіне тән мақтанышпен Абай қазақ поэзиясының керемет сұлулығын, оның адамның рухани дамуындағы мәнін атап кеткен өлеңдері: «Өлең – сөздің патшасы, сөз сарасы», «Адамның кейбір кездері», «Базарға қарап тұрсаң, әркім баар», «Мен жазбаймын өлеңді ермек үшін», «Біреудің кісісі өлсе, қаралы – ол».

Мысалы, Абайдың ақын парызы туралы айтқан пікірлерінің бірін келтірейік:

«Әділет пен ақылға
Сынатып көрген-білгенін,
Білдірер алыс, жақынға
Солардың сөйле дегенін.
Ызалы жүрек, долы қол,
Улы сия, аңы тіл
Не жазып кетсе, жайы сол ... »².

Абайдың ақынның қоғамдық рөлі мен орны туралы ойлары А.С. Пушкиннің, М.Ю. Лермонтовтың ойларына үндес. Міне, сондықтан ол ана тіліне Пушкин мен Лермонтовтың осы тақырыпта жазған өлеңдерін аударды. Мысалы, «Адамның кейбір кездері» атты өлеңі өзінің негізгі бөлігінде М. Ю.Лермонтовтың «Журналист, оқырман және жазушы» өлеңдерінен еркін шығармашылық аударма болып табылады. Абай бұл шығармасында Лермонтовтың негізгі ойын таба білді.

Абай пікірінше, кім халқының барлық рухани талаптарын тани білсе және оның ағартушылыққа көмек көрсетсе – сол нағыз ақын. Адамға кез келген поэтикалық шығарма емес мазмұны жағынан шыншыл және жоғары көркемдік формадағы шығармаға ғана эстетикалық ләzzат береді.

Бұл ойын Абай өзінің «Өлең – сөздің патшасы...» өлеңінде айтады:

¹ Абай шығармаларының бір томдық толық жинағы. 123 б.

² Сонда, 256 б.

«Өлең сөздің патшасы, сөз сарасы
Киыннан қыстырыр ер данасы.
Тілге женіл, жүрекке жылы тиіп,
Теп-тегіс жұмыр келсін айналасы.

Бөтен сөзбен былғанса сөз сарасы,
Ол – ақынның білімсіз бишарасы.
Айтушы мен тыңдаушы көбі – надан,
Бұл жүрттың сөз танымас бір парасы»¹.

Ақындық шығармашылықты жоғары бағалай отырып, Абай ақындарды өзінің жоғары атағын мақтан тұтуға және байлардың көңілін аулау үшін дарынын текке шашпай, халқына қызмет етуге шақырды.

«Мен жазбаймын өлеңді ермек үшін,
Жоқ-барды, ертегіні термек үшін.
Көкірегі сезімді, тілі орамды,
Жаздым үлгі жастарға бермек үшін.
Бұл сөзді тасыр ұқпас, талапты ұғар.
Көңілінің көзі ашық, сергек үшін.

... ...

Өлеңі бар, өнерлі інім, сізге
Жалынамын, мұндай сөз айтпа бізге.
Өзге түгіл өзіңе пайдасы жоқ
Есіл өнер қор болып кетер түзуге,
Сәнқой, даңғой, ойнашы, керім-кербез
Қанша қызық болады өзіңізге?»².

... ...

Өлең деген - әр сөздің ұнасымы,
Сөз қосарлық, орайлы жарасымы.
Сөзі тәтті, мағынасы түзу келсе,
Оған кімнің ұнасар таласуы?

... ...

Сый дәметпе, берсе алма, еш адамнан,
Нең кетеді жақсы өлең сөз айтқаннан?
Сүйенерлік адамды құрмет қыл,
Аулақ бол әнін сатып нәрсе алғаннан»³.

Абай жоғары дәрежелі көркем туындыларды шығару және халыққа қызмет ету туралы ойламайтын, женіл табыс табуға ғана

¹ Абай шығармаларының бір томдық толық жинағы. 114 б.

² Сонда, 145 б.

³ Сонда, 117-118 бб.

талпынатын, көркемдік дәрежесі нашар және идеялық мазмұны жоқ шығармалар жазатын ақындарды қatal сынға алған.

Олар туралы Абай былай жазды:

«Қобыз бен домбыра алып, топта сарнап,
Мақтау өлең айтыпты әркімге арнап.
Әр елден өлеңменен қайыр тілеп,
Кетірген сөз кәдірін жыртты шарлап.

Мал үшін тілін безеп, жанын жолдап,
Мал сұрап біреуді алдап, біреуді арбап,
Жат елде қайыршылық қылып жүріп,
Өз елін бай деп мақтап құдай қорғап.
Қайда бай мақтаншаққа барған таңдал,
Жиса да бай болмапты, қанша малды ап.
Былжырақ көрінеді соларды аңдап»¹.

Адамның эстетикалық дамуындағы поэзияның рөлі мен мәнін атап өтіп, Абай сондай-ақ көркем шығармаларды тыңдаушылар мен оқырмандардың рөлін де көрсетеді. Олардың шынайы көркем құндылықтарды барлық нашар, идеясыздан ажырата алу қабілеті болу керек, сонда ғана олар поэзиядан нағыз ләzzат алады деп санады ол. Абай бұл туралы былай деп жазады:

«Ұйықтап жатқан жүректі ән оятар,
Үннің тәтті оралған мәні оятар,
Кейі зауық, кейі мұң дертін қозғап,
Жас балаша көнілді жақсы уатар.

Адам аз мұны біліп ән саларлық,
Тыңдаушы да аз, ол әнмен бәһра аларлық.
Мұнмен шыққан, оралған тәтті күйге
Жылы жүрек қайда бар қозғаларлық?

Көбінесе ән басы келеді ашы,
«Кел тыңда!» деп өзгеге болар басшы.
Керім толғап, тауысар қаңғыр-күңгір.
Сол жеріне ойынмен араласшы»².

Халықтың эстетикалық талғамын қалыптастыра алатын құрал поэзия деп санады Абай. Поэзия адамдарға шындыққа жол көрсетуге қабілетті деп сенген ол:

¹ Абай шығармаларының бір томдық толық жинағы. 115 б.

² Сонда, 254 б.

«Білімдіден шыққан сөз
Талаптыға болсын кез
Нұрын, сырын көруге
Көкірегінде болсын көз

Жүрегі – айна, көңілі – ояу,
Сөз тыңдамас ол баяу.
Өз өнері тұр таяу,
Ұқпасын ба сөзді тез»¹.

Абай шығармаларында өнердегі форма мен мазмұнның өзара қатынасы мәселелері де өз көрінісін тапқан. Абай ақындардың форма мен мазмұн бірлігін сақтауы қажеттігін атап өткен, сондай-ақ шығарманың идеялық мазмұнын да жоғары бағалаған. Абай пікірінше, идеялық жағынан алтын мазмұн поэзияда көркем сұлулықпен үйлесім тапқан жағдайда ғана, ол адамға білім де, эстетикалық ләззат та әкеледі.

«Өлеңге әркімнің-ақ бар таласы,
Сонда да солардың бар таңдамасы.
Іші алтын, сырты күміс сөз жақсысын
Қазақтың келістірер қай баласы?»².

Абайдың өзі қазақ поэзиясын жаңа мазмұнмен ғана емес, жаңа формамен де байытты. Сөйтіп ол қазақ эстетикалық мәдениетіне елеулі үлес қосты.

Абай өз шығармаларында әсемдік, сұлулық, талғам, эстетикалық сезім ұғымдарына арнайы талдау жасамайды, бұл ұғымдардың мазмұнның қатысты пікірлерді ақынның түрлі өлеңдерінде табамыз. Мысалы, төменде берілген өлеңде ол эстетикалық сезімді дамыту қажеттілігі туралы айтады:

«Ақыл, қайрат, жүректі бірдей ұста,
Сонда толық боласың елден бөлек.
Жеке-жеке біреуі жартпайды,
Жол да жоқ жарыместі «жақсы» демек.
Ақыл да, ашу да жоқ, құлқі де жоқ,
Тулап қайнап бір жүрек қылады әлек.
Біреуінің күні жоқ біреуінсіз,
Ғылым сол үшеуінің жөнін білмек»³.

¹ Абай шығармаларының бір томдық толық жинағы. 135 б.

² Сонда, 114 б.

³ Сонда, 146 б.

Абай адамда эстетикалық сезімнің қалыптасуының жолын көрсетуге тырысады. Мысалы, езінің қара сөздерінің бірінде ол былай деп жазды: «Жас бала ... не көрсе соған талпынып, жалтыр-жұлтыр еткен болса, оған қызығып, аузына салып, дәмін татып қарап..., сырнай-керней болса даусына ұмтылып, көзі көрген, құлағы естігеннің бәрін сұрап, тыныштық көрмейді»¹.

Адамның эстетикалық сезімін дамыту үшін, оны көркем шығармашылыққа баулу қажет. Бұл қажеттілікті өтеу үшін, адам өмірдегі барлық әсемдікке талпынады: «Кімді-кім сырттан естіп білу, көріп білу секілді нәрселерді көбейтіп алса, ол – көп жиганы бар адам: сынап, орындысын, орынсызын – бәрін де бағанағы жиган нәрселерінен есеп қылып, қарап табады. Бұлай етіп бұл харекетке түсінген адамды ақылды дейміз»².

Өз шығармаларында Абай адам сұлулығын былай суреттейді: «Адамды оның ақылы, білімдарлығы, абыройы мен әсерлігі сұлу етеді. Басқа түк те емес»³.

Басқа жерінде де ол: «Адам құндылығы оны нашар адамдармен емес, ең жақсыларының жақсысымен салыстырғанда анықталады»⁴, – дейді.

Абай шығармаларында алғашқы рет өнер адамның эстетикалық дамуының құралы ретінде көрсетілген. Міне, ол қазақ даласында кең тараған көркем шығармашылық түрі – әннің ықпалымен адамда эстетикалық сезімдердің қалыптасуын былай суреттейді:

«Туганда дүние есігін ашады өлең,
Өлеңмен жер қойнына кірер денен.
Өмірдегі қызығың бәрі өлеңмен,
Ойлансаншы бос қақпай елең-селең.

Өлеңді айтпақ түгіл, ұға алмайсын.
Айтсан да, үддасынан шыға алмайсың.
Сен білмейді екен деп айтпасын ба,
Негі мұнша сіресіп құп алмайсың?

... ...

Қарны тоқ қаса надан үқпас сөзді,
Сөзді үғар, кекірегі болса көзді
Қадірін жақсы сөздің білер жанға
Таппай айтпа оған да айттар кезді»⁵.

¹ Абай шығармаларының бір томдық толық жинағы. 444 б.

² Сонда, 486 б.

³ Абай. Слова назидания. С. 36.

⁴ Абай. Слова назидания. С. 43.

⁵ Абай шығармаларының бір томдық толық жинағы. 117 б.

Абай болашак алдындағы өзінің ақын ретінде жауапкершілігін айқын білген, бірақ қазақ қоғамындағы рулық-феодальдық қатынастар жағдайындағы өзінің күресінің бүкіл қындығын да түсінген. Келер ұрпаққа арналған сөздерінде, сол уақытта оған күресу қандай қын болғанын түсініп, ол туралы қatal пікір айтпаудың сұрады:

«Жүргінің түбіне терең бойла,
Мен бір жұмбақ адаммын, оны да ойла.
Соқтықпалы, соқпақсыз жерде өстім
Мыңмен жалғыз алыстым, кінә қойма!»¹.

Өз халқының мәдени дамуының қажеттілігін түсінген Абай, әр кез өзінің жанына дарынды ақындарды, әншілерді, әңгімелерді жинаған, олар оның әңгімелерін есте сақтап, естігенін халық арасында таратуға қабілетті еді. Революцияға дейінгі қазақ әдебиетін зерттеушілердің көбі осындай дарынды әңгімелердің бірі деп Баймағамбетті атайды. Тыңдаушыларға кітап мазмұнын айтпас бұрын, ол тиянақты дайындалған: тыңдаушыларға әсерлі болуы мақсатында барынша мәнерлікке қол жеткізу үшін мимикасын, дene қымылын менгерген.

Осындай әңгімелердің эстетикалық көзқарастары мен талғамдарының қалыптасуына ықпал етіп, Абай олардың көмегімен қазақ даласында өзінің шығармаларын таратып ғана қоймай, сондай-ақ орыс және батыс классиктерінің де шығармаларын таратты. Нақ осы жолмен қазақтар Александр Дюманың «Үш ноян», «Генрих Новаррский» атты шығармаларымен, Конан-Дойльдің «Шерлок Холмс жазбаларымен», Лермонтов поэмаларымен, Пушкиннің өлеңдерімен, шығыстың «Шах-наме», «Лэйлэ-Мәжнүн», «Мың бір тұн» поэмаларымен танысты. Сонымен, Абай әңгімелер мен ақындардың эстетикалық дамуына көмектесіп ғана қоймай халықтың қалың бұқарасының да эстетикалық көзқарастары мен талғамдарының қалыптасуына қызмет етті.

Абай шығармашылығы, халық ауыз әдебиеті тудырған рухани құндылықтардың дамуы мен жалғасы болып, Қазақстанның тамаша ақындары мен жазушыларының шығармашылығы үшін жандандыратын қайнар бұлақ болды. Абай поэзиясы оның ізбасарлары С. Көбеев, С. Торайғыров, С. Дөнентаев және басқалардың шығармашылығында өз жалғасын тапты.

Оның шығармашылығының таусылмас бұлағынан міне жарты ғасырдан астам уақыт өтсе де, ғалымдар да, өнер қайраткерлері де нәр алады. Өзінің ақындық шығармашылығы мен эстетикалық көзқарастарымен Абай өзіне көптеген оқырмандарды, Қазақстанда ғана емес, бүкіл жер бетінде тапты. Абайдың үйлесімділікке толы

¹ Абай шығармаларының бір томдық толық жинағы. 275 б.

өлеңмен берілген ғажайып поэтикалық образдары, оқырмандары мен тындаушыларында эстетикалық сезімді дамытады әрі тәрбиелейді, олардың өнегелікке және барлық жақсылық пен әсемдікке ұмтылысын оятады. Абайдың эстетикалық көзқарастары оның этикалық көзқарастарымен тығыз байланыста, сондықтан оның шығармалары адамға өмірдегі сұлулық туралы ғана емес, жоғары өнегелік туралы да мағлұмат береді.

**Казыханова Б. Эстетическая культура казахского народа.
Алма-Ата: Казахстан, 1973. С. 11-118.**

КӨШПЕЛІЛЕР МӘДЕНИЕТІНІҢ ЕРЕКШЕЛІКТЕРІ

Шетелде, ирандықтарды Қазақстан территориясында ғана емес, Еуразияның оңтүстігінде де, солтүстік-шығыс бөлігінде де мәдени трегерлер деп қарастыратын арийцентристік теория кең таралған¹. Осы тәріздес көзқарас, әрине, жұмсақтыңқыраған түрінде, отандық ғылыми ортада да кең таралған, бұл көшпелі түркі және монголтілдес халықтардың тарихын терең зерттеудің және түсінудің үрдісін белгілі шамада бұзады. Нақ осы жағдай бұл мақаланың ой-пікір таласын тудыратын сипатын анықтады. Қазіргі замандағы тарих ғылымдарының алдыңғы қатарында тұрган бұл ғалымдар, парадоксалды болса да, негізінде Авеста культі бар, Иран мен Тұран халықтарын қарсы қоятын, дәстүрлі идеяны қайталайды.

Қазақстан мәдениеті, әсіресе оның көне шығыстық, соның ішінде ирандық өркениеттердің типологиялық бейнесінде болды. Оның кейбір элементтері ғана инфильтрация қорытындысымен түсіндірілуі мүмкін. Көп бөлігінде ол, қазақстандық мәдениет, одан да көне үстемдік еткен, әлеуметтік-экономикалық түпнегіздің тепе-тендігінің нәтижесі.

Сұрақтың осылай қойылуы, оның қарастырылуы, біздің пікірімізше, Қазақстанның өткен тарихының шынайы суреттемесіне жақынырақ және ғылымды мәдени трегерлік теориядан әрі Иранның таулы өлкесінен «мәдени» келімсектер келіп көне қазақстандық өркениет негізін қалапты-мыс сияқтылардан босатады.

Мәдениеттердің өзара ықпалы мен өзара сінісуі көбінесе біржақты түсіндірілген, соның нәтижесінде адамзат өркениетінің дамуындағы көшпелі халықтар рөлі ескерілмеген. Қазіргі замандағы тарих ғылымында, «егіншілікпен, қолөнер кәсібімен, құрылышпен айналысқан, отырықшы халық ғана жоғары мәдениет жасауға қабілетті»² деген пікір әлі де болса орын алған. Бұл жалған түсінік оқулықтарда да берілді.

Бұл авторлардың еңбектері, тарих ғылымының жеткіліксіз дамуы мен қоғам тарихын тану үрдісінің өзінің денгейі себепші болғандықтан, шектелген сипатта болды.

Ғылымның жаңа мәліметтері қалыптасқан көзқарасқа қатты соққы береді. Екі мысалмен шектелейік. Әңгіме әліппе және сәндік – қолданбалы өнер туралы болады. Әдетте, әріптік әліппесі мен жазуы

¹ Плетнева С. А. От кочевий – к городам. М., 1967. С. 190.

² Базиљевич К. В. Дофеодальные державы и развитие феодальных отношений в Сибири, Средней Азии и Закавказье в I-VI вв. История СССР / Под. ред. Б. Д. Грекова и др. М., 1947. Т. 1. С. 36.

болуының өзі халықтың жоғары мәдениетінің бұлтартпайтын көрсеткіші болып табылады.

Түрлі көне түркі жазба ескерткіштерін талдай отырып, Қазақстан лингвистері көне түркі алфавитінің автохтондығы туралы қорытындыға келеді. Олар бөтен ел ықпалын үзілді-кесілді жоққа шығарады. «Қазақстан территориясында табылған, графикалық суреттер, басқа алфавиттерден алып пайдаланған деген теорияны теріске шығарады, өйткені бұл суреттер (петроглифтер мен пиктограммалар. – С.А.) алғашқы қауымдық мәдениет бастауындағы, басқа жабайылар бұқарасынан бөлініп шыққан, малшы тайпаларының өкілдерімен салынған болатын»¹. Жергілікті алфавиттік таңбалардың пиктограммадан, одан әрі қарай таңбалардың идеографикалығы сақталған әріп таңбаларына эволюциялануының пайда болуы туралы жорамал да қызықты. Археологтардың Алматы маңында б.д.д. Ү-Үғасырлардағы сақтар қорғанының жазуларын ашуы, ертедегі көшпелілерде алфавиттік жазу болмаған деген дәстүрлі пікірді бұзады². Бұл ойды жергілікті көшпелі тайпаларға тән алфавит қалыптасуының шынайы үрдісін көрсететін, кейбір авторлардың руналық жазбаның таңбалық символика негізінде пайда болғандығы туралы дерекке негізделген мәліметтерінен айтылған пікірлері белгілі жағдайда дәлелдейді³.

Қазақстанның көне тайпаларының көшпелі мал шаруашылығына өту кезеңі деп б.д.д. IX-ҮШ ғғ. көрсетіледі, яғни ол беғазы-дәндібай және қарасұқ мәдениеттерімен синхронды Ә.Х. Марғұлан, беғазы-дәндібай мәдениетінің тайпалары жайылымдық-жайлаулық мал шаруашылығымен айналысқан деп санайды. Бұл жорамал өз растауын антикалық авторлардың айғактарында табады. Мысалы, Геродот дәүіріндегі (б.д.д. Үғ.) сақтар, көшпелі қазақтардың, монголдардың және басқалардың шаруашылығынан айырмасы шамалы, көшпелі мал шаруашылығымен айналысқан. «Көшпелілердің үйлері киізден жасалған және олар өмір сүретін күймелі арбаларға бекітілген, киіз үйлер жанында, солардың етімен, сүтімен және ірімшігімен олар тамақтанатын, мал жайылышп жүрген. Жайылымы жақсы жерлерді таңдап, олар өз отарларының соңынан жүріп отырған»⁴, – деп жазады Страбон.

¹ Мусабаев Г., Махмутов А. Эпиграфика Казахстана. Алма-Ата, 1971. Вып.1. С. 19.

² Қар.: Аманжолов А. Руноподобная запись из сакского кургана вблизи Алма-Аты // Вестник АН Каз ССР. 1971. № 12. (320). С. 66.

³ Осы теорияны негізінен ұстанатындар: А. Лувсандэндээв (МХР) және С. Дончев (Болгария) // См.: Роль кочевых народов в цивилизации Центральной Азии. Улан-Батор. 1974. С. 115-119, 185-191.

⁴ Страбон. География. VII. 3, 14. А также 4, 1.

Көшпелі сақтардың өмір салты (үйлері, тамағы, қоғамдық институттары, әдет-ғұрыптары және т.с.с.) ертедегі авторлардың растауынша, жаңа заман көшпелілерінің, қазақ көшпелі қоғамын қосқанда, өмір салтымен және тұрмыс ерекшеліктерімен мүлде бірдей, ал кейбір жағадайларда толығымен сәйкес келеді. Көшпелі мал шарушылық жүйесі Геродот, Сым, Қань, Страбон дәуірінде ғана емес, Гомер дәуірінде (б.д.д. XII–VIII ғғ.) тәртіпке келтірілген және қалыптасқан тұрмыстық ерекшеліктері бар едәуір дамыған шаруашылық типі болып көрінеді¹. Сол кездің өзінде-ақ көшпелі тайпаларда, олардың барлық мүлкі қозғалыста, демек, иесіздендірілген түрде болғандықтан олардың өмір салты оларды әрдайым басқа қауымдармен қарым-қатынаста болуға апаратындықтан, таңбалық рәміздері болуы әбден мүмкін еді. Қазақ таңбаларының ең көне түп тұлғалары қола дәуіріндегі бағазыдәндібай кезеңінің қабаттарында табылған. Бұл кезеңдегі естеліктердегі белгілердің біреуін Ә.Х. Марғұлан қазақтың найман тайпасының бағаналы руының таңбасымен жақындастырады².

Сөйтіп, көне түркі жазуының субстраты – таңба – экономикалық негіздің ерекшелігінен туған: субъектінің де (көшпелі – мал өсіруші), сондай-ақ өндіру объектісі – малдың да кеңістіктегі мобиЛЬДІЛІГІ, иелік және жеке меншік таңбасының болуын бұлттарпай талап етті.

Бұл қорытынды көшпелілердің бүкіл мәдени өмірін көрсету үшін аса маңызды. Таңба – жергілікті алфавит негізі, ру мен тайпа эмблемасы ретінде, олардың символикасы, көбінесе көркемдік, кең байтақ даланың бүкіл көпғасырлық тарихынан өтпелі,rudimentарлы түрде өз формасы мен семантикасын сақтады. Бұл жергілікті әлеуметтік орта басым болған көне Қазақстанның жазуы мен бүкіл құрылық мәдениетінің дамуы туралы тағы бір дәлелдемесіне жатавды. Көшпелі мәдениеттің ішкі тұтастығын Ш. Уәлиханов қазақ халқының поэтикалық шығармашылығы мысалында көрсеткен. Қазақтардың бүкіл рухани өмірі жинақталғанда, оның формаларының сыртқы көрінісі синхронды еместігіне қарамастан, тұтастықты құрайды және біздің заманымызға дейін бүрмалаусыз сақталған³ деп санайды ол.

«Қырғыздар (қазақтар – С.А.) өз көне ақыз-әңгімелері мен сенімдерін қандай балаусалықпен сақтағандығы таң қаларлық және кең даланың бүкіл шалғайдағы шеттерінде, әсіресе, оның сағалары,

¹ Геродот, I, IV, 8, 61, 78, 127, 131 и др.; Аристей, Аргимаспей // ВДИ, 1947, 31; Бичурин Н.Я. Собр. сведений о народах, обитавших в Ср. Азии в древние времена. М.; Л., 1950; Т.1; Кюнер Н.В. Китайские изв. о народах Ю. Сибири, Центр. Азии и Дальнего Востока. М., 1961; Материалы по истории сюнну. М. 1968.

² Гайдукевич В.Ф. Боспорское царство. М.; Л., 1949. С. 430; Соломник Е. И. Сарматские знаки Северного Причерноморья. Киев. 1959, ч. 17; Фрай Р. Население Ирана. С. 220.

³ Маргулан А.Х. Некрополь. Даныбай. Культура Центрального Казахстана эпохи поздней бронзы.

бірдей сақталғандығы және салыстырғанда, бір қолжазбаның тізімі сияқты сөзбе-сөз ұқсас, болғандығы, таң қаларлық. Қөшпелі, сауатсыз орданың ауыз әдебиетінің ескерткіштерінің мұндай сенбестік дәлдігі оғаш көрінсе де, бұл, күмән туғызбайтын, анық болған дерек»¹.

Ш.Уәлихановтың ойын дала көне өнерінің үлгілері – қөшпелілердің рухани өмірінің басқа ортасы, мысалы сәндік-қолданбалы өнердегі сақтардың «Аң стилі», архитектурадағы белгілі бір типологиялық бірлік (қорғандарды, үйлердің салынуы), мұсін өнеріндегі, қару-жарактардағы, еңбек құралдарындағы, тұрмыстық заттардағы және т.с.с. – толықтырады. Қазақтардың көркемдік қызметінде олар шығармашылықтың қажет ретроспективті буыны, мирасқорлықтың әлеуметтік-экономикалық факторлары әсерінен болған эволюция мен өзіндік дамуының нәтижесі болып табылады. Көне өнер үлгілері утилитаризмнен аулақ, олар адам данышпандығының шынайы үлгісі ретінде, олардың авторларының әлемге, қоғамға, өзіне деген қатынасының қуәландырылуы ретінде танылады. Көне заман шеберлері өз өнері арқылы баға жетпес әлеуметтік-тарихи ақпаратты, өмірлік тәжірибелі, дүниетанымды, өнегелік негіздерін және эстетикалық мұраттарын жаңа үрпаққа жеткізу үшін жинақтауға тырысқан.

Мұның жарқын дәлелі – Қазақстан тарихының ертедегі кезеңіндегі мәдениеті мен өнері.

Қөшпелілердің экспрессивті стилі тұтас үстемдік еткен уақытта, өнер тақырыбы фауна болғанда, оның эстетикалық мәнділігі жоғары дамуға жетеді. Аң стилі бүкіл кең даланы қызықтырады, ол жасаған мұрат бейнелеу өнерінің ең жоғарғы эталоны ретінде бекітіледі. Бұл стиль кең дала қөшпелілері әлемінде екі мың жылдан астам уақыт үстемдік етеді, бұл жағдай қөшпелілердің бірыңғай әрі гомогенді өнері туралы айтуға негіз береді. Дәл осы уақытта петроглифтерден, идеограммалардан, кіші мұсін формаларынан өзінің алғашқы қадамдарын бастаған, көне өнер кемеліне жетеді. Мазмұн өзіне теңбетең форма табады. Сезімдік материал, ендігі жерде руханилықты ауырлатпайды, керісінше, олар ортақтасып, бірлікте біткен шығарманы білдіретін, бұтін көркем бейне тудырады.

Қөшпелілер мәдениетінің ерекшеліктерін тану дегеніміз, оны тұтас, жүйелі құбылыс ретінде ғылым категорияларында суреттеуді, оның пайда болуының қайнар бұлағын ашуды білдіреді.

Қөшпендер өнерінің көркемдік образы, қандай да бір өнердің образы сияқты болғандықтан, ең алдымен бүкіл субъективтік пен объективтіктің, жекелік пен жалпылықтың, рациональдық пен эмоциональдықтың бірлігі, ол өз бойына этикалық гетерогенді, бірақ

¹ Валиханов Ч. Собр. соч. Т. 1. С. 391.

өндіріс әдісі мен сипаты бойынша біртектес дерлік көшпелі әлемнің тайпалары мен халықтарын біріктірген, сол үстемдік еткен идеялар мен мұраттарды қамтымауы мүмкін емес еді.

Әлем суреттемесін берген кездегі антагонизм дегеніміз әлеуметтік антагонизм көрінісі: андардың күресі, оларды бейнелеудегі экспрессивтік – бұл қажетті кульминацияға жеткізілген қоғамдық дау, әлеуметтік күштердің, өнегелік ережелерінің – жақсылық пен жамандықтың күресі. Сонымен қоғамдық күштердің күресінің динамизмі шығармашылық аллегория тілімен жанама түрде – табиғаттың дауласуши күштері арқылы беріледі. Мұндай анималистік әдіс, мысалы Элладаның құл иеленуші полистерінің әдеби дәстүрлерінде кең қолданылған, атақты құл Эзоп атымен байланысты, олардағы кіші жанрда: анекdot, мысал, повесть, өсиет әңгіме кейіпкерлерінің рөлі бірыңғай жануарларға берілген. Жануарлардың образдарының ауызша әдебиет формаларында неше антикалық көшпелілердің басқа көркем ойлау түрлерінде қатысуы қаншалықты заңдылық екендігі әбден анық белгілі емес, бірақ көшпелілердің бүкіл материалдық мәдениеті мұндай заңдылықтың болуын көшпелі халықтардың өнерінің ең басты ерекшелігі ретінде көрсетеді.

Көшпелі халықтардың өнерінің зооморфты сипаты оның жабайылығы мен дамымағандығының дәлелі емес. Дала суретшілерін, жалпы суретшілерді абстрактылы жануарлар емес, ал адаммен белгілі бір байланысы бар, яғни даму бастамасы үшін игілік немесе жамандық ретінде құндылықтық қатынаста қамтылған жануарлар ғана қызықтырған. Бұл байланыстар, табиғаттың, адамның қызметінің өзара әрекеттістігіне сәйкес келетін, рухани құндылықтардың қалыптасуын үйгараады. Эстетикалық құндылықтар адамның құндылықтық қатынастарын ғана емес, сондай-ақ олардағы индивидумның жеке орнын, ол үшін эстетикалық қатынас болмыста өзін нығайту құралдарының бірі болғандығын түсіну синтезін көрсетеді. Қоршаған ортаны эстетикалық игеру оны әсемдік атрибуттарымен толықтыру нәтижесінде орта бөтен және танылмаған болуын қояды. Ол көшпелілер әлемін жүйеге келтірді, оны табиғаттың бір бөлігі етті. Көркем қорытындылау және оның эстетикалық мәнін түсіну жолымен адам мен табиғаттың айқын «қайшылығы» шешілді. Дала өнерінің барлық тарихи-мәдени даму кезеңдерін бір байламға байлаған, зооморфты стиль, оның өзіндік ерекшелігін айқын көрсететін, тағы бір жағын көтереді. Көшпелі шаруашылықта мал ең басты материалдық құндылық болған, тікелей әрі «өзінен-өзі ақықат» мақсат және шаруашылық нәтижесінің жемісі. Қоғамдық өндірістің жемісі әрі мақсаты ретінде олар ортақтастырылған, «заттық болмысқа» немесе «адамның заттық

егізіне» айналған. «...Заттық болмыс үшін адамның мәндік күштерінің болмысына, адамның қызметіне және, әрине оның жеке мәндік күштерінің болмысына айналуы барысында, барлық заттар ол үшін өзін-өзі заттандыруы, оның даралығының бекуі мен орындалуы, оның заттары болып табылады, ал бұл дегеніміз, заттың оның өзі болғандығын білдіреді»¹.

Адамдармен қатынастар жүйесіне түскен жануарлар адамдарда өздеріне деген өсімтал эмоциональдық қатынас тудырмауы мүмкін емес еді. Олар, Гесиод поэмасында және Заратустра қафидаларында, табыну дәрежесіне жеткізген еңбек түрі – егіншілік заттарының, құрал-саймандары мен объектілерінің дәріптелуі сияқты, көшпелі машинада дәріптеушілік сезімін тудырмауы да мүмкін емес еді.

Жануарлардың персонификациялануы, оларда адамдық мәннің болуы, позитивті және негативті этикалық субстанцияларды және сипаттарды жануарларға аудару, жануардың сипаттарын адамның этикалық субстанцияларымен идентификациялау барлық халықтарға тән болған. Көшпелі халықтардың эпикалық дәстүрлері осыған мысал бола алады, мұнда эстетикалық бастаулар кең көлемді көрініс тапқан, мысалы, бас кейіпкер образын толықтыратын, кейде оның егізіндегі болатын, ат бейнесі.

Өнер, болмыс бейнелеуінің ерекше түрі болғандықтан, қоғамға қажеттіні, маңыздыны шығаруға бейімделген еді. Көшпелілер өнері мазмұнының анимализмі оның көшпелі әлемнің шаруашылық қызметімен байланыстырылғымен ғана түсіндірілмейді. Белгілі бір қырынан ол адам мен жануар арасындағы балансты көрсетеді, өйткені өнер саласына жануар алдын ала әлеуметтік тәжірибе үрдісінде материалдық және рухани өндеусіз кіре алмайды.

Өнер адамды әлеуметтендіреді. Онда индивид өзінің қоршаган адамдармен, қоғаммен ортақтығын түсінеді. Малышлардың шығармашылығында колективизм идеясын түсіну былай болады, адамдар қауымдастығына, әдетте, тотем және ата тегі ретінде жануар кіреді. «Жануарлық форма көркем суреттеудің ең басты ингредиенттерінің бірін құрайды, әйтсе де, дамудың кейінгі барысында ол рәміз ретінде ғана және адамдық формаларға байланысты пайдаланылды»², – деп жазды Гегель. Жануар бейнесінің идеялық-көркемдік өнделуі жануарлық форманы сезімдік-көрнекі көрсету негізінде де туады.

Жануар табигат туындысының кемелді үлгісі ретінде өзі де эстетикалық қасиеттерді тасымалдаушы рөлін атқарады – симметриялар, пропорциялар, бөліктер мен оны құраушы

¹ Маркс К., Энгельс Ф. Из ранних произведений. М., 1956. С. 593.

² Гегель. Соч. М., 1940. Т. 10. Кн. 2. С.22.

элементтердің ырғағы. Сонымен, адамдар эстетикалық қызметінде «табиғатты рәміз ретінде, Құдайдың қатысы ретінде де қарастырмай сыртқы заттарға оларға шын мәнінде тән сол күш пен өмірді беріп ғана қарастырады»¹. Егер классикалық өнерде жануар бейнесін ежелгі гректер «бүкіл жаманды, құнсызды, табиғи және рухсызды» көрсету үшін пайдаланса, онда көшпелі халықтарда ол өнегеліктің, эстетикалық құндының, абсолюттің көрінісі болды. Бұл түсінік өз дамуында көп жағдайларда тотемизм түрінде жеткен, өз көрінісін көшпелілердің өнер туындыларында табады.

Мұндай мотивтен туындаған өнер жануарлар әлемін емес, әлеуметтік адам әлемін, оның қоғам туралы түсінігін, таптық қайшылықты жанама түрде – жануарлар әлеміндегі антагонизм арқылы көрсетуі беріледі. Табиғат ұжыммен бірлікте, оның екеуі де – еңбек үрдісімен бірлікте түсінілген. Өмір шындығының қайнар бұлағы, болмыстың суреттеудің ерекше формасы ретінде көркемдік бейненің негізін құрайтын, адамдардың қоғамдық пайдалы еңбегі болып табылады. Идеяның рухани және нақтылы-сезімдік көрінісі, заттандырылуы, құбылысты біртұтастай танытып, үзілмес бірлікте болғанда, біз өнердің зооморфтық сипатындағы оның мазмұны мен ішкі формасының диалектикалық тұтастығын көреміз. Осы бірлік жоғары көркемдік-эстетикалық бейненің белгісіне айналды.

Көшпелілер өнерінің, атап айтқанда көшпелі қазақ қоғамының өнерінің, ары қарай дамуы, көркем форманың, өз шынына жетіп, ешқашан өзіндік мәні бар мағынаға жеке ие болмағандығын көрсетеді.

Ол оны тудыратын мазмұнмен бірге занды түрде жақсарды немесе кері кетті. Бірақ, бұған қарамастан, форма бір кездे қабылданған, қазақтардың халықтың ою-өрнегі мен бейнелеу мотивтерінде жақсы байқалатын, ескінің сарқындарын сақтайды. Егер бұл классикалық өнерге, көшпелі сақтардың «Аң стиліне» қатысты болса, онда ежелгі түркілер дәуірінде, ортағасырлық және жаңа замандық көшпелілер кезеңінде ертедегі көшпелілер қойнауында қалыптасқан форма өзінің «аңдық» бейнесін, қазіргі заманда да қазақтардың және Орта Азия және Орталық Азияның басқа халықтарының өнерінде кең тараған, жануарлар әлпеттегі ою түрлерінде сақтады.

Дәстүрлі ою-өрнек халық шығармашылығының бір бұтағы әрі бағыты ретінде түрлі салаларда дамуы және байқалуы мүмкін еді, бірақ оғанrudiment және түп-тұлға болған, болмыстың дайын формаларын қабылдаған, шынайы шығармашылық ғана тән болды. Басқаша айтқанда, өзінің жеке сөндік табиғатын ою бейнелеу өнерінің дамуы барысында тапты. Оюдың дамуы эстетикалық бағалау мен

¹ Гегель. Соч. М., 1940. Т. 10. Кн. 2. С.22.

эстетикалық талғамның, бірте-бірте жинақталған шығармашылық дәстүрлер мен қағидалар негізінде қалыптасқан, мүмкін, жете түсінілмеген, бірақ халық үшін түсінікті әрі ортақ, қалың бұқараның жалпы көркемдік көңіл күйін көрсететін, эстетикалық бағалау мен эстетикалық талғамның болуын шамаламауы мүмкін емес.

Көшпелілер өнерінің мазмұны, әлеуметтік практика болғандықтан, өзгереді. Бірақ форма, өзінің салыстырмалы дербестігін сақтап, айқын ішкі тұрақтылықты көрсетеді. Бұл жерде біз форма құрудағы белгілі бір дәстүршілдікті және қорғау қағидалының бар екендігін байқаймыз.

Көшпелілердің еңбекке деген эстетикалық қатынасы оның қызметінің жемістерінде, заттардың сұлулығында, осының арқасында олар тек материалдық қажеттіліктерді қанағаттандыруға ғана қабілетті емес, сондай-ақ қуаныш, эстетикалық ләzzат беруге қабілетті болады. Заттың әдемілігі оның адам қолданысындағы көрінісі әрі өлшеміндегі және сонымен қатар еңбекті қуанышқа толтырып, оған кері әсерін тигізеді.

Қазақ ұлтының рухани өмірі өткен ұрпақтардан мұраға төл мәдениет алды, ол қоршаған әлемді өзінің көркемдік тәсілдері мен өзінің әлем туралы түсінігіне сәйкес бейнелеуге ғана қабілетті емес, сондай-ақ басқа халықтардың мәдениетімен өзара қатынасы барысында, өз кезегінде, оларға өзінің жоғары эстетикалық сапасын хабарлап, баюға да әрі дамуға да қабілетті болды.

**Акатаев С. О специфике культуры кочевья //Кочевники:
Эстетика. Алматы: Ғылым, 1993. С. 19-31.**

Эльвира Шәкенова

ДУНИЕНІ КӨРКЕМ ИГЕРУ

Дүниені көркем игерудің бірегей тұтас тарихының айрықша параграфына, ол ежелгі көшпелілердің де, қазақтар этногенезіне ат салысқан көне түркі тайпаларының да көркемдік әрекетін өзіне қосып алған, қазақ өнері жатады. Олардың шығармашылық стихиясында халықтың эстетикалық тәжірибесі, оның ұлттық ерекшелігінің байлығы ашылады.

Қазақстан мәдениеті түпнегізді көшпелі-отырықшы тұрмысты және оны жасаушылардың үздіксіз сапарын бейнелейді. Түрлі құрамдас бөліктердің – қозғалыс пен статиканың – қосылуы қазақ өнерінің мазмұнын анықтайды, құбылыс ретіндегі оған тұтастық пен шексіз мүмкіндіктер белгісін берді. Көшпелі және отырықшы стихиялардың бірлігі халықтың рухани табиғатын айдындалады. Бұл жиынтықта көшпелілік айрықша рөл атқарады. Тіршілік логикасы – қозғалыс, жаңғыру – дүниені танушы, қазақ өнері поэтикалық ерекшелігін нәрлендіреді.

Адамзат ортақ тарихи жәйттердің эволюциялық тәжірибесі туралы жадыны көшпелі өмір салты қастерлеп сақтайды. Сондықтан аңшылыққа, көшпелілікке іштей ыңғай танытумен жеңіл қоштаса алмаймыз. Сол арқылы оның ерекшеліктері әлеуметтік-тарихи тамырлармен және көркем құралдардың айрықша жинағымен байланысты, олардың төлтума эстетикалық тәжірибесімен қоса, Қазақстан номадтарының мәдениеті үлкен қызығушылық тудырады.

Адам мүмкіндіктері байлығын ашу үшін ең жақсы жағдайға қоршаған ортандың көптүрлілігі, таным жаңашылдығын қамтамасыз ететін динамика жатады. Тұрмыстың аз емес ауыртпалықтарына қарамайтын, тынымсыз қозғалыстағы өмір, дүниеде батыл бағдарланатын, субъектінің ашықтығына және еркіндігіне, белсенделілігіне және әрекетшіл бастамасына қолдау жасап отырды. Отырықшылықтан тыс адам мүлкі қозғалмалы және сондықтан жаттанған формада болады, ал материалды жағдайлар мен өмір салты, болмыс қозғалысында қуатқа ие, тұрақты ізденіске қабілетті индивидтерді қалыптастырады.

Жаңа қоныстарды іздестіруге деген ұмтылыс және өз жігеріне кеңеттен пайда болатын жағдайларды бағындыру қашанда адамзатқа тән. Сондықтан адамның жаңа көркем концепциясын жасап шыгаруда, өнерде ең толық кейіптелген, көшпелілер тәжірибесі маңызды.

Өнер адамға әлемді оның әсемдігі мен көптүрлілігінде ашады. Ол адам алдында, оларды практикалық және рухани менгеру қажет болатын, көптеген құбылыстардан тұратын, әлдебір шексіз ретінде

көрініс табады. Әлемнің түйсінілетін үйлесімдігі адамды жетілдіреді. Сол уақытта әсемдік мәңгі емес – ол адамның заттық іс-әрекетінде айқындалады, нақтылы-тариҳи сипатқа ие.

Ғасырдан ғасырга қазақ өнері біліммен құнарланып келеді. Оның дамуының әрбір кезеңі көркем танымның қажетті буыны бола бастайды. Дүниені игерудің бірінші белгі сатысын кейінгі палеолит суретшілері ашады, олардың ең жақсы туындылары өнер дамуының жоғары деңгейін күеландырады. Онда практикалық руханилықтан ажырамаған, табиғатқа нақтылы қатынастағы сол дәуір адамның сезім-құйларі оларды қайталанбайтын түрде берілген.

Әлемді шығармашыл жаңғырту – адам іс-әрекетінің басты мақсаты. Әлемді әрекетшіл қайта құру қабілеттілігіне адамның рухани күштері мен талпынастарын бекіту арқылы шындықты менгеру ретіндегі өнер қызмет етеді. Көркем танымның өзі – көрінетін және сезілетін әлемге апаратын, ашық жүйе.

Қазақстанның жартас суреттері мен графикасында мындаған жылдар бойында бізден алыс түрған қашықтықтар тірі кейіпке енеді. Адамзаттың көркем дамуында скиф-сармат өнері (б.д.д. III-II ғғ.) ерекше орын алады. Орасан зор кеңістікті мекендерген көшпелілер, соның негізін қалаған, олардың батырлық эпосы біздің күндерге дейін жартас суреттерінде, декоративті-қолданбалы өнер туындыларында жетті.

Жартас суреттері пайда болуының себептері көптүрлі және көпмағыналы. Ежелгі өнер біздің алдымызда «үрейді» жеңілдету үшін қиял мен көрнекі рәміздердің туындылары ретінде, осыны табиғат тұғызатындардан босану үшін жасалған сияқты болып көрініс табады. Алайда жартас суреттері құрастыратын, сол эстетикалық феноменнің пайда болуы себебі, үрей мен магияға бейімділіктен шықпайды.

Көркем іс-әрекет – дүниені игерудің және оған адамның белсенді араласуының бір формасы. Қоғамдық-тариҳи практика процесінде, ол үшін шығармашыл әрекет тәсілдері әлемі болып табылатын, объективті табиғатта адам өзін жүзеге асырады. Адамның жалпы белсенділік шенберінде эстетикалық іс-әрекет айрықша орын алады. Дүниені өнермен тануда оның құбылыстарының адами әрекет және дүниетүйсіну ерекшеліктерімен бірлігі және байланыстылығы ашылады. Эстетикалық объектіде дүниені менгеру дәрежесі ашылады.

Орасан зор кеңістіктік-уақыттық әлеммен күрес және қажетті келісім күйінде өмір сүрген, көшпелі халықтар өнерді жасап шығарады, ол оның табиғи жалғасы бола отырып, бұл дүниемен қисынды үйлесті¹. Скифтердің негізгі кәсібі – малшылық пен аңшылық – бейнеленетін құбылыстардың тақырыптық шенберін анықтады. Бірінші дәрежедегі,

шешуші маңыздылыққа ие жануар, дүниені танудың өзінше негізі бола бастады, оны ұғыну адамзат дамуының сәбилік уақытында басталды.

Жалпы табиғи стихияның маңызды қыры болып табылатын жануарға қатысты, адам өзін жасампаз күш ретінде бекітті. Көшпелі қоршаған ортамен сан-алуан сезімдер және түсініктемен байланысты болды. Көпсырлы жануарлар дүниесін өзімен жау және дос, қарама-қарсы таң қалу және үрей шақыратын, адамнан ажырамайтын бастау болып табылады. Осының бәрі скиф өнерінің нақтылы шынайы, рәміздік және абстрактылы бейнелеуінде қорытылып шығарылады.

Неолит мифінде, номадтардың ежелгі батырлық эпосында күресуші күштер де, үйлесімділік те – осының бәрі жануар бейнесінде түрге енді. Бұл адамзат олармен қоршаған шындықты менгеретін, дүниені, өзін, өз тарихын философиялық ойлы түрде игеретін, сол бастапқы бейнелердің бәрі болды.

Көшпелілер өнерінің тамаша үлгісіне, 1966 ж. А. Медоев ашқан (Хантау, Балқаш маңы), скиф бұғылары жатады. Бұғы – бұл жарықтық, күн құдайының көрініс кейіпі, Азия скифтерінің мифтері мен жартас суреттерінің жиі кездесетін қаһарманы, олардың дүниетанымының маңызды элементі. Жиі ретте күн шығыстан батысқа қарай қозғалып бара жатқан алтын мүйізді бұғы түрінде бейнеленеді. Оның үстіне, космогониялық аныздарда бүкіл Ғалам, дүние орасан зор бұғы-марал бейнесінде суреттелді¹.

Хантау тауы бұғыларының суреттерінің, атақты Ласко мен Альтамир үлгілерінің тамаша кейіпкерлерінен, ештеңесі тәмен емес. Олар жануар нобайымен әсем де күшті тәнді сызып өтетін, үздіксіз нүктелік сыйықтармен берілген. Фигуралар қатаң түрде профиль бойынша, он жақта орналасқан. Сызық формасында скиф суретшілерінің өмір сүрудегі ассоциативтік ойлау мәнері берілген. Ерте тас дәүірінде өмір сүрген, белгісіз авторлар, өздерінің бұтақты мүйіздерімен алға қарай сенімді қозғалып бара жатқан, ерекек бұғылардың позаларын дәлме-дәл жеткізген.

Бұғыларды бейнелеу мәнері де айрықша. Оның әрқайсысының тасасында оны жасаушылардың жеке-даралығы көркем түрде көрініс табады. Бір бұғының мүйіздері үлкен емес, басы алға қарай иілген. Алға қарай ұмтылыстың әсері анық байқалады. Басқа жануардың артқы жағы созылған денесімен салыстырғанда тым аумақты, ерекше бұрылған, іші тым тартылып тұр. Кішкене басындағы мүйіздері көп бұтақталған, өрнекті шеңберленген, олар арқасының бойында созылған. Бұғының бірінші бейнесі табиғи ұқсастықтан алыс, графикалық батыл шешілген.

¹ Бұл дәстүрлі ежелгі бейне бүтін де өнерден жоғалған жок. Даналыққа толы, Марал-Ана туралы – адамзаттың арғы тегі, табиғат кейіпі жөніндегі поэтикалық анызды Ш.Айтматов суреттеп береді.

Екіншісі көбірек стильденген, қошпелілерде келесі ғасырларда басымдыққа ие болған, орнаменттік бастамаға жақындейді.

Қазақ өнері дамуының бүкіл кезеңдерін қамтып өтетін, «Аң стилінің» сарындары дәстүрге айналады. Әлдебір сыртқы субстанция ретінде жануарлар тіршілігін дәріптеу барған сайын артушы жекедаралықпен, адамның ішкі дүниесімен байытылады. Магия мен рәсімдік салттар емес, ал сезімдік-практикалық әрекеттің, жартастарда іздерін қалдыруған, қошпелілердің анималистік өнерінде жалғасын табады.

Мифологиялық ойлау дүниеге эстетикалық қатынастың алғашқы сатысы болып табылады. Қошпелілер мифологиясының негізі алғашқы-қауымдық құрылыш болып табылады. Дүние ажыратылмай, қарапайым әрі тұрпайы, бірақ үйлесімді формалардағы орасан зор тұтастық ретінде қабылданады. Шынайы өмірлік түсініктер көркем өнермен қызылсыз кеткен. Дүние туралы адамның білімі толық және жүйелі емес, түсіндіру мен талдаудан алыс, бірақ фантастикалық бейнелерде үлкен ақиқатты ашады. Жануарлар дүниесі, табиғаттың көптүрлі құбылыштары – осының бәрін ол өзімен біріктіреді, теңестіреді.

Бастапқы ғылыми білімдер көркем формада, миф-аңыздар формасында, шындықтың оймен құрастырылғанның қызылсызында көрініс табады, зооморфтық түсініктер ғарыш әлеміне ауысады және ежелгі астрономияның негізі бола бастайды. Солай, Есекқырғын (Юпитер) – есектерді жоюшы жүлдіз. Ол керуендерді уақытта бағдарлану кезінде адастырады. Онымен қошпелілер таңертеннің жақындағанын анықтайтын, Шолпаннан (Венерадан) кейінгі ең жарық жүлдіз. Есекқырғын туа сала, оны Шолпан деп қабылдап керуеншілер сапарға аттанады. Ерте басталған ұзақ жол бірінші кезекте есектерді құртады¹. Осылай аспан аңшылар мен малшылардың бейнелерінде көрінеді. Жылдар да жануарлардың атымен аталған.

Аңыздар мен шежірелерде, эпос пен өлеңдерде дала тұрғындары өмір жағдайларымен тығыз байланысты дүниенің құрылышы туралы түсініктер көрініс тапқан. Аспан әлеміне олар уақыт пен кеңістіктегі өзінің жерлік бағдарларын ауыстырады, оны өздерінің нақтылы қоршаған ортасындағы жануарлармен мекендетеді. Бекерден-бекер кемпірқосақ атауы аспанда өзінің жерлік тіршілігімен – қойларды арқанмен матап жүрген кемпірдің есімінен алынбаған². Жер сияқты аспан да, тұрмыспен еңбек процестерімен байланысты.

Табиғатта адам өз тіршілігінің мәнін ашады. Табиғаттың өзіндік қозғалысы формасы ретінде табиғат құбылыштарымен оның табиғи жан ретінде заттанған формасының өзара әрекеті жүзеге асады. Заттар адамның өзінің заттануы «оның индивидуалдығының сол заттармен

¹ Кар.: Казахский фольклор в собрании Г.Н. Потанина. Алма-Ата, 1972. С.55.

² Соңда, 60 б.

бекітілуі және жүзеге асуы бола бастайды, ал бұл заттың оның өзі бола бастағанын білдіреді»¹.

Адам өмір сүру шеңберіне ендірілген, әлем өнерде бейнеленеді. Эстетикалық алдымен практикалық әрекетпен бірге көрінеді, болмыстың бөлігі, оның маңызды құрамдасы ретінде қарастырылады. Қазақстан номадтары дүниетанымының ерекшеліктерін, басқа халықтар өнеріндегі әлем суреттемесімен ұқсас және сонымен бірге одан айрықша әлем суреттемелері оларда жасалып шығарылатын, мифтер аңыздар, ертегілер және Эпос көрсетеді.

Әлеуметтік орта, тіршіліктің табиғи өтуі, малшылық және аңшылық тұрмыс қазақ өнерінде бейнеленеді. Ұлттық дәстүр, эстетикалық талғам, тәжірибе, әдет, ойлау мәнери табиғатпен үйлесімділікте көрініс табады. Солай, оған табыну ежелгі түркілік қасқырға тәу етуде («қасқырдың жүзі игілікті» маңызды орын алады. Атақты оғыз эпосы «Корқыт кітабында» Салор-Қазан, бақташыларды, аттарды, түйелерді иттерді үркітетін, қасқырға былай дейді: «Қараңғы кеш келгенде сен үшін күн шығады; жауында, қарда, сен қасқыр тұрасың»².

Сезіммен қабылданатын, табиғи әлем – көшпелінің ұлттық дүние түйсінуі өсіп шыққан, негіздердің бірі. Әрбір халықта - өз жер бедері, оны қабылдауда оның мәдени дәстүрлері шағылып шығады. Табиғаттың өнерге ықпалы туралы В.Г. Белинский жазады: «Сәулет нысандарының орасан үлкендігі, үнді мұсіндерінің керемет зорлығы – Гималай, пілдер, питондар елінің шамадан тыс үлкендігінің анық бейнесі. Грек мұсіндерінің жаланаштығы Элладаның жанға жайлыш ауа-райымен азды-көпті байланыста тұр... Жұтаң және жабайы – ұлы Скандинавияның табиғаты нормандар үшін олардың тұңжырған діні мен қатал-ұлы поэзиясының кіре берісі болды»³. Қазақ халқы үшін табиғаттағы осындей анықтаушы кешенге тау мен дала жатады. Шексіз көнділік пен биіктік көшпелі тайпалардың өміріне күмәнсыз әсер етті. Оларда қатал тұрмыс биіктік пен руханилыққа ұмтылыспен үйлесті.

Табиғат – адамзат тарихының қажетті алғы шарты. Өзін дүниеде бекіте отырып, оны бағындыра келе, адамзат өз кезегінде, оның ықпалына ұшырады, табиғи процестердің ырғактары көшпелінің тіршілігіне, оның құнделікті мұқтаждары мен рухани құрылсының әсер етті. Сол уақытта табиғилықтың өзі тарихи дамудың жемісі болып табылады. Дегенмен географиялық фактор мағынасында табиғат баяу өзгереді. Өзгерістерді оған адам енгізеді. Оның белсенділігін дүниеге деген қызығушылықты арттырады.

¹ Маркс К., Энгельс Ф. Из ранних произведений. М., 1956. С. 593.

² Бартольд В. Китаби – Коркуд. СПб, 1890. С.51.

³ Белинский В.Г. Полн. собр. соч. М. 1953. Т. 6. С. 584—585.

Мифтерде адам табиғатты интуитивті таниды, Әлемді, Ғарышты, Ғаламды ассоциациялармен, өте бай қиялмен қамтып алғысы келеді. «Дүниені тануға деген жоғары ұмтылыс» (Абай), оны ашуға деген құштарлық, оның түрлі қырларымен ләззаттану дала фольклорының белгісіз жасаушыларын жігерлендіріп отырды. Таулар мен далалардың мұлгіген әлемімен, оның толыққанды стихияларымен курсі және қосылу сезімі, табиғи ырғактар мен циклдерге бағыныштылық, тірілу мен өлудің мәнгі айналымдағы өмірдің табиғи ағынында үйлесімді болу ежелгілердің дүниені қабылдауы үшін сипатты. Еңбекте, жасампаз әрекетте адам өзінің табиғаттан тәуелділігінен арылады. Әлемге қатысты ол әмбебаптылығы мен білімімен, дағдыларымен анықталады. Адам - шексіз әлемнің орталығы, онда жоғалып кеткен бір тіршілік емес, ол оларды бірден қамтып өту мүмкін емес, мәнгі аспан, шексіз дала сияқты, құдіретті және шектелмеген, оның бөлігі «Мен – құдіреттімін, тек мен тағдырды сараптай аламын, кім далада туса – оның құштері де орасан зор!» – дейді, мақтанышпен Гильгамеш туралы эпостағы тау мен дала ұлы, ежелгі көшпелі Энкиду¹. Әлем адаммен салыстырғанда тым аумақты. Бірақ «іс-әрекетте, бүкіл әлеммен бірегейленуде адам өз мәнінің шындарына дейін көтеріледі.

Табиғатты қабылдауда, терең өзгерістерге ұшыраған, әлеуметтік шындықтың әсері қашанда сезімді. Табиғатты көркем көре білу, эстетикалық мұқтаждықтар, мақсаттар мен мұраттар тарихи нақтылы және адамның сезімдік-практикалық әрекетімен себептелген. Дүниеге эстетикалық қатынастың өзі әлеуметтік-тарихи қатынастардың негізінде өсіп шығады. Кейін қазақ халқын құрастырған тайпаларда, рулық дәстүрлер ерекше қуатты болды. К. Маркс пен Ф. Энгельс бұл жүйенің ғасырлар бойында жоғары өміршендігін және беріктігін атай келе, шығыстық, азиялық қоғамды ауылдық қауымдар жүйесі деп атады². Алғашқы-қауымдық және патриархалды-феодалдық құрылыш – қазақ өнерінің тарихи негізі болған, екі басты формациялар.

Өз дамуында ол заттарды фетишизациялау, мотивтерді қаһармандық өндеудің анималистік тақырыбы кезеңдерінен өтеді. Миғ этика мен эстетиканың тұтастығында, жанрлық ажыратылмағандықта, өлім мен өмірдің мәнгі ауысуына қызығында, жануарлардан, титандардан, құдайлардан пайда болуда, органикалық және органикалық емес табиғаттың бірлігінде – осының бәрінде, тұтас ежелгі өнерге тән, ортақ белгілер мен зандылықтар көрініп тұр. Сол мезгілде қазақ өнері айрықша және қайталанбайды. Әлеуметтік институттар, өмірдің көшпелі салты, дүниетүсіну мен өзін танудың ерекшеліктері ғарыштың ұлттық суреттемесін жасап шығаруға себепші болды.

¹ Эпос о Гильгамеше. М., 1961. С. 13.

² Маркс К., Энгельс Ф. Соч. Т.д. С.134.

Көшпелілердің фантастикалық бейнелерінде (Эбалгер, Жалмауыз Кемпір, Жеңзырнақ) – дағы стихияларының алыптылығы салынған. Жер күштерін бастапқыда оның міндегі игілікті және ізгілікті болған, бәрінің алғашқы тудырушысы Жалмауыз Кемпір кейіптеїді. Патриархат орнаған соң, ол зұлымдықпен теңестіріледі, адамға жау құш ретінде көрсетіледі.

Дала тайпалары дүниені үш бөлікке бөлді: жер беті, жер асты және аспан, олар бірегей және бірдей маңызды. Ежелгі түсінікте үш қабатта да, жердегіге ұқсас, әлемдер бар. Жер бетінде жер астына қарай тесіктер, жолдар, жырылыстар бар. Тұлпардың астынан жер екіге айрылып кетті. Атымен бірге Ер-Төстік жер астына құлады. Төмен қарай олар ұзақ құлдырады. Ақырында тоқтады»¹. Жер асты әлемі, «жетінші жердің қойнауы, номадтардың түсінігінде - әлемдік құрылыстың түбі». Аспан қабаттары жеті, бәрінің үстінде – қозғалмайтын жұлдыздар әлемі. «Қырандар жігітті қанаттарына отырғызды да, жетінші аспанға көтерілді»².

Космогониялық аңыздарда және әфсаналарда көптүрлі құыш жетулер туралы, жерді ұстап тұрған, алып жануарлар (өгіздер, бұғылар) туралы баяндалады³.

Әлемді фантастикалық және көптүсті бейнелейтін ертегі де мифке жақын. Тірі организм ретіндегі дүние туралы ежелгі түсініктердің жаңғырығы, хтонизм, стихияларды кейіптейтін құдайлар, қоршаған нәрселер мен құбылыстарды фетиштеу және сиқырлы ету, материя формаларының тұтасып кетуі, кесір күштерге (құбыжықтар, албастылар, т.т.) сену қазақтың таңғажайып ертегісі үшін сипатты.

Батырлардың ғажайып тірілуі – фольклорда жиі кездесетін тақырып. Сонымен бірге адамның жануарларға үйленуі сияқты ғажайып тақырыптар, адамдарға көмек беретін, оны керемет қуаттылықпен қаруландыратын, ізгілікті және құдіретті тотем-андарды құрметтеу де кең тарады.

Жаратылыстан тыс құш пен білімді ертегі кейіпкері тікелей табиғаттан, өз тотемімен қатынаса отырып алады. Бұл үшін ол немесе аңының құрсағына ену керек, немесе одан құдіретті рәмізді – құс қанатын немесе аң жұнін – алуы керек. Адам тірі емес материяның, сөздің мағынасына шынайы сенеді. Ежелгі халықтардың сенімі мен дәстүрлеріне сай табиғатта тұрақты тұрде оның формаларының басқа түрге енуі, жан алмасуы, бөтен кейіпке ену жүріп жатады. Магиямен, аспанға, тауға табынумен және қасиетті жануарлар культі, әруақтарды

¹ Казахские народные сказки. Алма-Ата, 1958. Т.1. С.16.

² Сонда, 147-148 бб.

³ Жер үлкен көлде жүзіп жүреді, оны мүйіздерімен, сиқырлы жайын таста тұрған, алып бұқа ұстап тұрады. Қашан өгіз шаршағанда, жер сілкінеді. (Қар.: Казахский фольклор в собрании Г.И. Потанина. С. 297.)

құрметтеумен қосылған, шаманизм адамзат ойының сәбілік шағын білдіреді.

Мифтер мен ертегілерде адам қоршаған дүние мен қоғамды өзінше түсінуін білдіреді. Аңшы-батырлар тек жер бетінде әрекет етпей, жер асты әлеміне түседі, одан қайтып шығады, аспанда, су астында, құбыжықтардың аспандарында өмір сүреді. Сол атаудағы ертегі кейіпкері Ер-Тестік, олардан құламай өте алмайтын, жер асты дүниесінің шөлейіт даласы арқылы, оның үстінен қарсы ұшып өте алмайтын, өтілмейтін өлі шөл арқылы, жер бетінде жердегі сияқты, оның өз аспаны бар. «Алыстағы жер астындағы елде алтын ағаш өсіп тұр», - делінеді «Күнікей сұлу» ертегісінде¹.

Шеңбермен өмірдің мәнгі айналымы, жарық пен қараңғының, күн мен түннің ырғақты ауысуы сипатты. Күн аспанда өз жолымен жүреді, кейін жер астында, өлілер әлемінде қозғалысын жалғастырады. Ол жер астына кетеді, одан көтеріледі, өледі және тіріледі. Дәл солай қайтыс болған кейіпкерлер де магияның көмегімен тіріледі, өмірге қайтып келеді. Арғы тектердің рухы нақтылы адамдар мен жануарларға ұқсас. Олар қоректенумен сусындануға зәру, тірілер сияқты әрекет етеді. Адами түсініктегі табиғи стихиялар ізгі және зұлым құдайлармен, құбыжықтармен теңестіріледі. Әрбір руда, әрбір адамда өз жебеушісі – тотемі болған. Бұл жебеуші – құдайлар аспанда өмір сүреді, жер бетіне және жер астына түседі, өледі, жоғалады және кейін тіршілкке қайтып келеді.

Адамның уақыттағы болашағы үйғарылады. Шексіз созылған уақыт мифтік ретінде көрініс табады, мәнгілікпен теңестіріледі. Оны қабылдау шеңберлік сипатта болады.

Өмірдің мәні мәнгі, уақыттан тыс, бәрі өз ұғынылуы шамасында өмір сүреді. Ежелгілер мәнгілік деп өмірлік бастаманың түпсіздігін, шексіздігін, берілген әлемнің тағдырлығын есептеді. Оның жерлік, аспандық және жер астылық шеңберлері кереметтер мен айналуларды, мәнгі өлу мен тірлуді, туындау мен жойылуды, жандар ауысуын, жаратылыстан тыс үйлесулерді талап ететін, барлық зандағылыштарды өздеріне енгізді. «Күнікей сұлу» ертегісінің кейіпкері ханды қасқырға, ал оның уәзірін тұлкіге айналдырып жіберді.

Жер – құдайлар мен адамдарды тудыратын, өнір. Адамның өзін жүзеге асыруында тамаша құрастырылған әлемнің, түпсіз мәнгі тіршіліктің түйсігі пайда болады. Құбыжықтар және алыптардың үстінен салтанат құруда оның артушы қуаты, табиғат туралы білім аумағының ұлғаюы көрініс табады.

Қауымдық-рулық формацияның ыдырауымен адам мифтік дүниетанымнан босай бастайды. Қаһармандардың басты міндетіне

¹ Казахские сказки. Т. 1. С. 111.

әлемдегі зұлымдықты – табиғаттың дүлей қүштерін білдіретін, құдайларға бағынбау, жер мен аспандағы қауіпті құбыжықтарды жою жатады. Дірілдеп тұрған тау, ғарыштық құйын суреттері, ол әлі мифке жақын, эпоста басымдылық танытады.

Әлемдегі күресуші бастамаларды мадақтау, күресу қажеттілігіне сенімділік пен бұл дүниемен үйлесімділікті сезіну эпос қаһармандарының табиғатына деген өмірлік – практикалық ұстывнды білдіреді. Оның аяқталуы мен жетілу тұтастығындағы табиғи, тікелей әлем барған сайын жақындай береді.

Қоршаған дүниемен адамның күресінде табиғат сезімі, оның үйлесімділігі, әсемдігі және жетілгендігіне сенімділік арта берді. Өз қүштеріне сенімділікке ие бола отырып, адам бір кезде құдіретті жануарлар дүнесінің қорғаушысына айналады. Оның дүниені қабылдауының негізі ретіндегі аң өнерде адам мен мен әлемнің тең ұлылығында көрініс табады.

Эпикалық дүниетүйсінде рулық қатынастар дәуірін қамтиды. Адам әлі өзін индивид ретінде сезінбейді, оның армандары мен үміттерін білдіре отырып, ұжымда өмір сүреді. «Индивид ретінде адам тек тарихи процесс нәтижесінде жекеленеді. Бастапқыда ол рулық адам, тайпалық жан, табындық жануар сияқты алға шығады», – деп К. Маркс жазған. Эпоста жалпылық индивидуалдықтан басым. Тұлға әлі бұғаудан босамаған, адам өзін табиғаттан, қоғамнан бөлек сезінбейді. Эстетикалықтың өзі қоршаған ортаға деген сезімдік-практикалық утилитарлық қатынаспен күрделі тоғысқан.

Жануарларды үйрету және жер өндеуді бастаумен адам табиғатқа жаңаша қарай бастайды. Оған деген аналитикалық ұстывндағы поэзия, белсенді қайта құру бастамасы өнерге енеді. Қошпелі қоғамда табиғи қатынастар, патриархалдық әлі ұстемдік етеді. Оның өнерінде шексіз әлемнің құдіретіне деген сенімділік ұзақ ғасырлар бойында сақталады. Табиғат сезімі артады, пісіп-жетілген бола бастайды, оның жетілгендігіне деген сенім айқынырақ бола берді. «Шығыстың халық өмірінің тек бір саласында – руханилықта табиғи бастаманың ұстемдігі, мәнісінде, шектелмеген еді. Шығыс рухы адамдардың материалдық қатынастар жүйесінде табиғи бастамалардың ұстемдігін білдіреді; ол табиғатта құлдық қүйінде тұрды»¹ – деп, М.А. Вяткин атап өтеді.

Табиғатта тұтқында болуды, оған табынуды, қошпелінің онымен үйлесімді бірлікте болуын, осылардың тұтастығында эпос өнері бейнелейді. Табиғатқа сену, күмәндану бастаумен лайланбай, субъективтікten алыс, қоршаған дүние құрылсысын поэтикалық кейіпке айналдырып, терендетілген қабылдаудағы жан ырғактары арқылы эпикалық суреттемелерде басымдық танытады.

¹ Вяткин М.А. Восток в философско-исторической концепции К. Маркса. М., 1972. С. 63.

Адам әлі дүние дамуы зандылықтарының мәнісін ашудан алыс. Оның көркем шығармашылығында андаушы-поэтикалық та, тұтас және аналитикалық теренге баратын бастама да өзінің толық қайшылықтығында ашылады. Барған сайын байыпты жетілетін, табиғи әлемнің әсемділігі өнерде толығырақ және көпқырлылау бола бастайды. Ш. Айтматов көшпелінің айрықша пантеизмі туралы былай дейді: «Бұл көзқарас пен ұғынуға ашық, ода адам өмір сүрген және одан ол тәуелді болған, сол кеңістіктегі әлем еді, бұл әлем, құдай сияқты, жердегі құдай тәрізді, құдіретті және игілікті болды»¹.

Дүниетану эпоста жоғары әмбебаптылықта, оның толықтығына, қайшылықтар үйлесімділігіне, дүлей күштердің күресіне, құбылыстар жетілгеніне жетеді. Оларда айрықша түрде әлем дуализмі, ондағы қарама-қарсы бастаулардың күресі ашылатын, «қос ұғымдар» тәсілі ода кен тараған. Жер адам үшін – бұл таулар және далалар, биіктік – кеңдік. Жер, таулар - қаралар; орман, теректер – ақтар. «Қашан ақты қарадан ажырата бастағанда, Күн шығады». (Қорқыт кітабы)². Әлем барлық жерде құйылған жақсылық пен жамандықтың, алма-кезек ауысатын жарық пен қараңғының тұтастығы түрінде көрініс табады.

Танымды аңсау ешқашан адамзаттан тыс болған жоқ. Көшпелі халықтар үшін жаңаға ұмтылу, динамикалық – оларда ұрпақтар ғасырлар бойы әрекет еткен, табиғи күй. Олар табиғатқа арнаулы шығармаларды, жанрларды арнамайды, өйткені ол көшпелі үшін сыртқы өнір, суреттемелердің тізбегі емес, ол өмірдің ажырамас бөлігі, оның қисынды, өте маңызды бөлігі.

Өнерде бірегей орасан зор, ұлken сандық байланыстарының бөлінгеніне қарамай, шексіз көптүрлі әрі тірі әлем өміршең бола бастайды. Табиғат болмысының сезімдік-нақтылы бірлігі, толыққандығы, жүзеге асқан әсемдігі, материалды «жалпы абстрактылы толықтықтардан емес, ал өмір толықтығынан алатын болған»³.

Өнер иелерін ол шабыттандырады. Табиғат өнерде өз заттылығының көрнекі-нысаналығымен көрініс табады. Көркем игерудің айрықшалығы формаға енген, ретке келтірілген, таңдаулы эстетикалық заттық сезіммен қабылдануында және сондықтан қайталанбайтындығында тұр.

Суретші табиғатты оның бүкіл гүлденуші тамашылығы мен құдіреттілігінде қабылдайды.

Эпостың пейзаждық бейнелерінің аумақтығында, динамикасында, дүлей күштердің ғарыштық салтанатында, енді өндөлген, көркем бейнеленген, хтоникалық әсер байқалады. Құдайлар, демондар, әлі адам

¹ Айтматов Ч. Плач перелетной птицы // Лит. Газета. 1972. 15 ноября.

² Бартольд В. Китаби-Коркуд. СПб. 1893. Т. 1. С. 218.

³ Мусабаева Г., Махмудов А., Айдаров Г. Эпиграфика Казахстана. Алма-Ата, 1971. Вып. 1. С. 116.

үстінен үstemдік ететін, табиғаттың дүлей күштері – осының бәрі миifterден, аңыздардан алынады, бірақ жаңа эстетикалық ұстын, өзіндік көркем түрде әлемді көру қабілеті артады және күшейеді.

Қайталанбайтын әлем «Күлтегін туралы жырда» ашылады. Бұл сол уақыттың дүниетанымын білдіретін, көрнекі эпикалық шығарма. Ежелгілердің эстетикалық қабылдауында жалпы қамтушы бірлік ретінде – материалды және идеалды, рухани, зат және бейне, болмыс және сана өмір сүреді. Табиғаттың әрбір құбылысы басқаларымен байланысты, өзіне бүкіл әлемді енгізеді. Сондықтан әпоста ғарыштық дүние қабылдаушы объективизмі басымдық танытады. Дүлей күштер, жалпы орасан зор әлем, игерілмеген күштер ретінде адамға қысым жасайды. Бұл эпикалық кейіпкерлердің құдіреті және онайға келмейтін әлемге қатысты мінездеріндегі монументальдықты анықтайды. Табиғи бастама бәрінен қуатты, ол бүкіл барышылықтың негізі, адам әлі үstemдік етпейтін, тұтастықты бағындырмаған, оның бір бөлігі. Ондағы барлық иғі-жақсы – қуатты алғашқы табиғи күш, ашықтық, сенімділік – табиғаттан пайда болады. Адамдар жер мен аспанның ортасында өмірге келеді. Уақыт ұрпақтар алмасуымен өлшенеді. Аспан, жер және су – әлемнің ең қуатты күштері. Олар тұтас халықтарды көтере де, құрта да алады. Аспан адам тағдырын, оның тіршілік уақытын анықтайды. Әпоста айтылғандай, аспан, жер және су мәңгі және әділ, олар түркілерге қайтадан өзін халық ретінде сезінуге көмектеседі.

Әлемді көреген игеруде құбылыстар, олардың өзіндік өлшеміне сай, шынайы объективтігінде бөлініп көрсетіледі. Қабылдауыш санасында жай ғана құбылыс бейнесі емес, қатынастар бейнесі сай келеді. Эстетикалық объектіні таңдауда адамның өзіндік жеке әрекеттінің шарты ретінде, оның қасиеттері дараланады. Әлем адаммен, оның өмірімен байланысты, бүкіл сезіммен қабылданатын табиғатпен объективті-нақтылық қарым-қатынастарында танылады.

Қуаттылық пен эпикалық кеңдік және алыптылыққа қазақ фольклорының көркем бейнелері толы. Мәңгі аспан, таулар мен дала – оларда поэзия бастаулары мен діни түсініктер күрделі қылышқан, әмбебап алғашқы бейнелер. Таулар мен далалар – ежелгілердің іс-әрекет өрісі. Әрекетшіл адамдар мен бағынбайтын табиғат күрес және бірлік қатынастарында тұр. Әпос көшпелінің өмірін идиллиялық түрде бейнелеуден алыс. Табиғатпен мәңгі күрестегі суреттер қауіп-қатерге, қайшылыққа, кернеуге толы.

Динамикалық, қозғалыс өмір көңіл-күйінің көшпелілік типінде анықтаушы болып табылады, онда әлемді қабылдау кинетикалық, тұғаннан өлгенге дейінгі бүкіл өмір онда – жол, қозғалыс. Табиғат суреттемелері қашанда ауысып отырады. Суреттемелер динамикалы, қазіргі түсінікте экспрессияға толы.

Тұрақты қозғалыс – түркілердің табиғи жайы, жұлдыздарға жететін тұлпар кеңістікті игерудің, әлемді менгерудің рәмізі.

Ежелгі көшпелі халықтар көңіл-күйінің материалдық жағдайларын, нақтылы-тариҳи тәжірибесін ұғыну олардың өнерінің ерекшелігін түсінудің, оның шынайы терең мағынасын айқындаудың кілті. Көшпелінің шексіз жолы уақыт циклдерімен, ат шаптырым қашықтықпен (бес айлық жер кеңдігіндегі дала аумағы) өлшенеді. Қашықтықты шектеу сатыларының атпен көшу арқылы мөлшерлеу – бұл да уақыт пен кеңістікте дүниені айрықша игеру. Кеңістікте бағдарлану жердің төрт шартарарапымен анықталады. Қозғалыс күн бойынша шығыстан басталады. Кеңістік сипаттары тік сыйықпен – аспан - жер; бойлық бойынша – шығыс (алға), батыс (артқа), онтүстік (онға), солтүстік (солға) бойынша құрастырылады.

Даланы көшпелі, оны тұғастық ретінде шар формасында, ортасында адамның өзі тұрған болмыстың өз шындығы ретінде түсінеді. «Шөл шенберлеп жалғаса берді»¹. Шенбер формасындағы түпсіздік ретіндегі әлем, үйлесімдік рәмізі сапасында эпикалық суреттемелердің негізінде жатыр:

Жер шенбері біткенде,
Жол аспанға кетті ...²

Адамның табиғатпен нақтылы байланыстары ол туралы естетикалық түсініктердің алдын алды. Қоғамдық-тариҳи практикада олардың қайшылықтарға толы қатынастары – бірлік және құрделі текетірес, үйлесімділік және қақтығыс, тікелей тірек байланыс және тереңдетілген андау – жүзеге асып отырады. Өнерде адамның қоршаган ортамен қылыштықтарының көп түрлі формаларын бейнелеу орын тапты.

Әсемдік сезіммен қабылданатын табиғат құбылыстарында нақтылы түйсініледі. Ежелгі көшпелі халықтар орасан зор әлемді игергісі келеді, одан өзінің ажырамайтындығын, онымен толық үйлесімділігін, оның нақтылы тұғастығын айқын сезінеді. Мәнгі қозғалыс пен өзгерістегі табиғатты тікелей өміршең андауда, талдаусыз-ақ, синкретті көре білу адам қиялын, шығармашыл фантазияны дамытты. Көшпелі табиғаттан бөлінбеген, қашанда оның ішінде. Ол, әсіресе, қоршаган органды терең және бойлаушы андаудың мүмкіндіктерімен оны тұтас және жетілген формада бейнелей алады.

Әсемдік адаммен шындықты игеру өлшемін білдіреді. Ежелгілердің санасы болмысты естетикалық бағалаудың нормасы ретіндегі мөлшерлестік ұғымымен толықтырылған. Мөлшер өмірдегі шамамен,

¹ Мусабаев Г., Махмутов А., Айдаров Г. Эпиграфика Казахстана. Аалма-Ата. Вывп 1. С. 116.

² Соңда, 121 б.

заттық дүниедегі сәйкестілікпен, оның жетілген құрылымымен, адам қабылдаулары формаларымен, жолды өлшеумен себептелген. «Күйіп тұрған Бетпак-Дала шөлімен олардың жолы қырық күнге созылады»¹.

Көне өнер бізге дейін табиғатты менгерудегі, жолда бағдарланудағы, мөлшерді айқындаудың ерекшеліктерін жеткізді. «Алға, күннің шығуна дейін, онға, шаңқай түске дейін бәрі артқа, күннің батуына, солға, тұн ортасына дейін – осылардың шектерінде бәрі маған бағынышты!»².

Өзінің алыс өткенін көшпелі, олар алдымен құдайлар және демондардың арасында өмір сұрген, ұрпақтар қатары ретінде түсінді. Бұл өмірді және қоршаған ортаны игерудің мифологиялық формасы, онда адам өзін табиғаттан шамалы ғана ажыратады. Циклдер мен ұрпақтар-уақытты есептеудің тетіктері. Көшпелі, әдетте, жеті атасын біледі және уақытты ұрпақтар алмасуымен, олардың сабактастығымен өлшей келе, оларды қатарға қояды.

Осылай адам табиғатта беки берді. Дүниені оның тұтастығында, нақтылы жалпылығында аңдау бұл дүниені фольклорда қайтадан құрып шығуға себебін тигізді. Эпостағы адамдық болмыс пен әрекеттің маңызды құрамдас бөлігі – табиғат. Табиғи құбылыстармен кейіпкердің көңіл-күйі, оның іс-әрекеттері қатар қойылды.

Орасан зор объективті әлем, рухтанған, тірі және тұтас, қаһарманның іс-әрекеттеріне бірге қатысады, ауыртпалық күндері бірге қайғырады және жеңістерін бірге тойлайды. Көшпелі әлем мен табиғи болмыста ол қосылып кеткен. Адамдар әлемі, оның қамдары мен қуаныштары табиғатта жаңғырығын табады. Эпикалық пейзаждар толыққанды және айқын. Суреттер лаконизмі табиғи құбылыстардың көпмағыналы сипаттамаларымен үйлеседі.

Ежелгі көшпелі халықтардың эстетикалық қабылдауы өмірлік қажетті нәрселермен органикалық қосылып кеткен. Табиғат құбылыстар мен адам іс-әрекеттерін бағалау сыртқы сипатқа ие («найза бойлы қар үстінен жол салды»³). Көшпелі қабылдауындағы эстетикалық элемент ерекше күшті және қоршаған табиғатқа іштей тән әсемдіктен, адам әрекеті жағдайларынан шығады. Мөлшер категориясының ерекшелігі оның құрылымдық тәндік-сезімдік сипатында тұр. Эстетиканың әмбебап категориясы ретіндегі мөлшер, әлемді көркем шынайы игерудің құралы, оның үйлемді құралуының негізі бола тұрып, бәрінде сақталып келеді. Осыдан әсемдік деген мөлшерлестік болып шығады. Онда бәрі мөлшерлес, шынайы, сезімдік қабылданатын әлемнің өзінде әсемдік тұр.

¹ Казахский эпос. Алма-Ата, 1958. С; 467.

² Айдаров Г. Язык орхонских памятников. Алма-Ата, 1971. С. 286.

³ Мусабаев Г., Махмутов А., Айдаров Г. Эпиграфика Казахстана. С.133

Адам өміріндегі әсемдік, оның сыртқы кейіпі табиғилькпен теңестіріледі.

Көшпелінің орасан зор үйі табиғат – тек күш салудың өрісі емес, сонымен бірге оған қуат, батылдық беретін, одақтасы. Адам оның құбылыстарына нәзік сезімде, жақын. Тұрақты мекен ауыстыру, жаңаны аңсау оған қоршаған тілін түсіну шенберлігі сыйлайды. Бұл, өзінше жерді, аспанды қайта құратын, эпос осы жарқын, төлтума әлемді бейнелейді. Адам табиғатты тұтас қамтиды, өзін осы әлеммен бір ырғақта сезіне отырып, оның әсемдігімен бірге өмір сүре келе, әсемдікті үйлесімділікten көреді:

Отты шаң-тозанда шомыла келе,
Күн аспанның биігіне жетті¹.

Суретші табиғат құбылыстарын олар көріністерінің жалқы ретінде көреді және оларды тұтастық бөлігі ретінде ретке келтіреді, оларды үйымдастырады. Эпос өзімен эстетикалық сананы, әлемді көркем игеруді паш етеді. Табиғатты эстетикалық қабылдау адам өмірінен, оның еңбек әрекетінен ажыратылмайды, ол ода барған сайын күш пен қуатты, болмыстың жарқын қуанышын бағалайды.

Атап айтқанда көркем қабылдауға қоршағаның бүкіл толықтығын андау, адам тағдырының табиғаттан бөлек еместігін, оның ырғақтарына бағынуды сезіну тән. Әсіресе эпос қаһармандарына, мәңгі тірі шексіз әлем ретінде, табынуға лайық, дала қымбат. Өмірден кете бере, Төлеген («Қызы-Жібек») бұл әлемнің сұлулықтарын енді көрмейтініне қатты қынжылады.

Жер бедерін бейнелеуде фольклор үлкен шеберлікке жетеді. Бұл онда нәзік сезімді байқаушылардың дарыны көпқырлы табиғатты тануды аңсаумен қосылған, сөзбен берілген пейзаждық сурет. Онда таным мен әлемді эстетикалық қабылдау үйлескен. Табиғат мұнда - өзінің танушы және оны өз әрекетінде өзгертуші адаммен органикалық қосылған тұтастыры.

Көшпеліге таулар да жақын әрі қымбат. Оның бейнесімен ол өзі үшін ең қымбат пен мәңгіге – биіктік пен тазалықты – байланыстырады. Олар – мәңгі өмірдің рәмізі, оның түпкі отаны. Тау бейнелері салтанатты және поэтикалық: арудың пәктігі, тұңғылқтар мен жетпейтін шыңдар, қанатын жайған қыран, айбынды арыстан т.т.

Табиғатпен динамикалық тере-тендіктері, үйлесімділіктері әпикалық кейіпкер – ішкі және сыртқы жетілудің үлгісі. Ол – рудың, жердің қорғаушысы, ол ғарыштан, өзінде бәрін қамтиды – табиғат ырғықтарын, дүлей күштердің қайтадан тірліуін көрсетеді. Батырдың сезімдері тұтас, толық. Эпикалық батырдың көзімен көрінген табиғат та

¹ Казахский эпос. С. 196.

тұтас, құдіретті және жетілген, оның құбылыстары айқын әрі аумақты, онда ұсақтық жоқ. Эпоста батырларды табиғат пен салыстыру пластикалық аумақты, бедерлі, сезілетін және сенімді. Міне бірегейлік және теп-теңдіктің күшінде табиғат адамды, оның сыртқы және ішкі дүниесін ашады. Солай, қыз бен жігіттің әсемдігін жануарлар әлемімен салыстыратын зооморфизмде мифология, алғашқы қауымдық дүние түйсінудің ерекшеліктері, адам өзін әлі табиғаттан бөлмеген уақыттағыдан, анық көрінеді.

Сұлулық онтологиялық. Эпоста ұжымдық санада тұрған, сұлулық туралы түсінікті қайтадан жасап шығарады. Оның теріс кейіпкерлері табиғаттың қиратушы күштерімен теңестіріледі. Төменгі, пасық өз халқы, жері үшін күресіп жатқан, қаһармандар бейнелеріндегі көтеріңкіге қарсы қойылады. Батыр қуатты, төзімді, батыл. Оның батырлық өмірі әсемдікпен көмкерілген. Шайқаста жену және өлу тамаша. Батырдың тірі табиғатпен, сұлулық үлгісімен, ең тамашамен байланысы қисынды:

Көлді жартасты жағалау көркейтеді,
Сарбазды қасиетті ерлік көркейтеді¹.

Ауызекі поэтикалық шығармашылықта сұлулық табиғатқа да, адамға да тән. Бұл тіршілік қуанышы, оның объективтілігі мен үйлесіміндегі табиғаттың гүлденуі. Әсемдіктің негізі, сұлулықтың қайнары – шындықтың өзінде, нақтылы сезімдік дүниеде.

Әсемдік эпикалық жағынан құрылымдық тұтастықтың сыртқы ерекшелігі ретінде бағаланады, ішке қарай терендемей, жалпы бөлінбеген түрінде көрініс табады. Онда сұлулық өмірлік-тәжірибелік те, идеалды және материалды да, нәрселермен таза эстетикалық сүйсіну де, заттарға практикалық-утилитарлық ұстаным да. Сұлулық өмірге керек, пайдалы заттарда сезіледі.

Симметрия ұстynosы, ырғакты ұйымдасу қазақ өнерінде үйлесімді байыптылықты, әлемнің мөлшерлестігін білдіреді, көшпелінің қабылдау ерекшелігін, бөлек пен тұтастықтың шексіз байланысындағы, табиғаттың шынайы тұтастығын сипаттады. Симметрия, үйлесімділік, мөлшерлестік табиғи материалдық үстінен билік жүргізу туралы, оны игерудің жоғары дәрежесі туралы куәландырды.

Жасалған нәрселердің әсемдігі орасан зор дүниенің ажырамас бөлігі ретінде объективті, әмбебапты. Адам мұқтаждық ететіннің бәрі: киім, қару, қалқан ж.т.б. тамаша. Өйткені адамдық әрекет өз табиғатында, мәнісінде тек утилитарлы болмады. Әдемі затта, ат әбзелінде, қаруда адам өз шеберлігінің табиғат материалынан үстемдігін

¹ Казахский эпос. С. 196.

көрді. Заттарды өндіру шығармашылықтың түрі болып табылады. Олардың әсемдігі пайдалылықтың негізінде пайда болады, бірақ тек оған келіп тірелмейді. Ол мақсатқа сәйкестілікке жақын, оның ең жоғары көрінісі болып табылады.

Эстетикалық сезімдер қоғамдық өндірісте, ғасырдың саяси, ақылой, адамгершілік ахуалында қалыптасады. Сол уақытта олардың арасында тікелей тәуелділік жоқ. Материалды өндірістің даму деңгейі өнердің нақтылы-тариҳи мазмұнымен бірдей емес. Әлемді барған сайын терен игеруде жетістіктер ғана емес, бірақ жоғалтулар да бар. Құрделі көркем даму процесінде адамзат бастапқы ежелгілердің эстетикалық түсініктерінен айырылмайды, ал оларды дамытады және байытады. XX ғ. адамына табиғатқа деген тұтас көзқарас, алдынғы ұрпақтармен ауызекі аңыздар, ертегілер, өлеңдер, эпикалық туындылар түрінде үзілмейтін тізбекте берілгенниң әсемдігін және үйлесімділігін қабылдау қажет. Олар құдайлар мен адамдарға да, дәстүрлер мен сенімдерге де, әлем және адам тағдыры туралы пайымдарға да, сонымен бірге ғасырлардың рухани тәжірибесінен алынған барлық иғі-жақсыға, ежелгілердің дүниетаным ерекшеліктеріне де, олардың армандары мен үміттеріне де орын бар.

Уранидтер мен кронидтердің күресі туралы ежелгі мифтердің бірінде¹, дүлей құштерге тең, титандар мен алыптар, өздерімен аса зор және бұғауланбағандықты қөрсеткенімен, бәрін жұтушы уақыт құдайы, Кроностың ақылды балаларынан жеңіліске ұшырайды. Жеңімпаздардың басында Зевс – құқықтық тәртіп пен мемлекеттіліктің, өсуши және нығаюшы өркениеттің рәмізі тұрады. Жер құдайы Гея мен Аспан құдайы Ураннын туған, табиғат балалары – қаны-тәнімен содан шыққан, өздерінің тұтас, қарапайым, тұрпайы шектелген, бірақ тамаша, сәбілік шынайы көруімен, өздерін оған қарсы қоймайтын, халықтар Әлемі, Алыптар әлемі жеңіліп қалады.

Алайда алыптар әлемі, онда табиғат-адамға бағынбаған, оған өз еркін танитын, оны өз ырғақтарына бағындыратын, құдіретті субъект, өнерден, адамның дүниені қабылдауынан кетіп қалмайды. Бүкіл дәуірлерде ол айрықша «руссошылдықпен», табиғат құдіреттілігіне сеніммен қайтадан түлейді. Көшпелі халықтардың өнерінде бұл мотив ең бастылардың бірі.

Материалды өндірістің жоғары месе сатысы, қоғамдық қатынастар мен таптық жіктелудің ерекшеліктері қазақ өнері дамуының сәбілік сатысын барлық оның артықшылықтары және кемшіліктерімен себептейді. Табиғатта оны жасаушыларды оның нақтылы-тариҳи көріністерінің жалпы маңыздылығы және тірі тұтастығы қызықтырады. Суретшілер нәрселердегі тұтасқа көтеріледі, оны тұтас пластикалығында

¹ Кар.: Кун Н.Л. легенды и мифы Древней Греции. М., 1957. С. 20.

ашады. Әлемді жарқын көптүстілігінде көру, сонылық және өткірлік, әлем күрделілігін көркем ойдан шығарылғанда қамтып алу қабілеті, қиялдың тоқтаусыздығы, оны бейнелерде ұғыну – осының бәріне Қазақстанның көне өнері толы.

Алайда табиғат жай ғана енжар, одан суретші өнер нәрсесін құрастыратын, пластикалық емес. Бұл құралдардың қоймасы емес. Эстетикалық қатынас әлемді оның табиғи жайында, динамикалық және үйлесімді тепе-теңдігінде сақтайды, ал оны бұлдірмейді, бөлшектемейді. Суретшілер заттылыққа бойлап кетеді. Сол уақытта ежелгі өнерде талдау, оның зандылықтарында әлемді білу жоқ, оның пайымдары жиі қарадүрсін, аңғал.

Өнермен дүниені игеру оны жасаушылардың қоршаган орта туралы түсініктерін байытты және кеңейтті.

Алдымен әлем тотем, жебеуші, бағынбайтын дүлей күш, дүние құрылышының ең қаһарлысы және қажеттісі ретінде аң арқылы қабылданды. Бұл – палеолит, мезолит, неолит дәуірлерінің алғашқы қауымдық өнерінің басты кейіпкері. Оған адамзат мәдениеті тарихының жарқын парағы, ерекше скифтік аң стилі арналған. Оның шынайы бейнесі кейін ою-өрнекте шартты бола бастайды.

Ары қарай әлем зооморфтық бейнелерде, космогонияларда тіріле берді. Көркем қиял, фантастика, дарынды ойлап табулар, ғажайыпқа сену, алғашқы материализм мен идеализм – бәрі айрықша мифологияда қызылсысады. Құдайлар, құбыжықтар, хтонизм мен тотемизм, қиялдың батылдығы, көрегендік ырымдармн бірге өнерде бірігеді. Мифология, өсіресе, материалдының ауысуыларына, өмір мен өлімнің мәнгі алмасуына дең қояды.

Кейін басты орынды табиғат пен адамдарды қорғаушы алды. Әлем байлығын сақтау қажеттілігі туралы аныздар пайда болды. Табиғат адаммен, оған шынайы адамдық қызынас мұратымен үйлестірілді¹.

Дүниемен бірегейлену, табиғатпен игілікті жасапаздық одағы мотиві көшпелілер өнерінде жетекші бола бастайды. Аң тақырыбы оның дамуының көптеген кезеңдерінде қайтадан жаңғыра береді. Қаһарлы субъект, өзімен қысым жасаушы ретсіз дүлей күш белгілерін жоғалтып, жануар табиғи бастамамен теңестіріледі, эстетикалық сүйсіну, өзіндік көркем менгеру объектісіне айналады.

Адамның табиғат әлемімен бірлігіне, поэтикаландырылған өнермен, қобыздың үні маңайындағының бәрін сиқырландағылған, Қорқыт туралы аңыз арналған. Дала Орфейінің жігерлі және тамаша әуендерін тыңдау үшін, Сырдария уақытша өз ағысын тоқтады².

¹ Аңшылардан аспанға ұмтылған, аркарлар туралы – «Уш аркар» аңызы тап осында. Уш аркар мен олардың аяусыз қуушысы Орион жүлдyz тобына айналады. (Кар.: Казахский фольклор в собрании Н.Г. Потанина. С. 54).

² Кар.: Казахские сказки. С. 237-239.

Табиғатпен құрес және оған деген сенім, оның тұтастығынан, табиғильтіктердің ләззат алу – бұл негізгі бағдарлардың қызылсызында қазақ өнері дамыды.

Табиғатты адам қиялына, оның ойластырғанына бағындыратын аңыздар, оны тұтас қамтитын және түсіндіретін болғанымен әлемді көркем игерудің негізгі формасы болудан қалады және жаңа негізде қайтадан түлейді. Мифологиялық, әлем заңдылықтарын білмеу, соқыр сенім белгілерімен бірге жалпылау, сонда да әмбебаптылыққа, тұтастыққа, батыл жалпылауға деген талпынысты өзімен алып жүрді.

Мифология, ал кейін эпос барған сайын әлемді индивидуальды көрумен ауысты. Оның суретtelген пластикалық әсемдігімен, әлемді игеру неғұрлым көптүрлі бола бастағанда, соғұрлым танымда субъективтіктің, жеке-дара қабылдаудың байлығы басымдық таныта берді. Миф эпосты тастан кетеді, барған сайын әлемді көркем өзіндік поэтикалық көру орын ала береді. Табиғатқа, пластикаға, жарықтық және түстік тәсілдерге қызығушылық артады, құбылыстарды суреттеу барған сайын көбояулы, көптүрлі бола бастайды. Өлемнің өзі көбірек көркем өндөледі. Дүниені тануда субъектілік, тұлғалық бастама, психологиязм күшіне түседі. Табиғат өзіндік-көркем қарастырудың, игерудің объектісі бола бастайды.

Өнерде фаустық бастама – табиғатты женуге деген сенімділік, жасаушы-адам мерейі үстемдік етеді. Оны қалай өзінің ақылы мен жігері жасайтынындағы, суретші табиғатты солай қайтадан құрастырады. Онда бәрі ақыл-ойға, тәртіпке, парасатқа, анықтылық пен бірқалыптылыққа бағынған.

Адаммен игерілетін, табиғат шеңбері барған сайын кеңейе береді. Заттың мазмұны ешқашан арта беруін тоқтатпайды, сондықтан көркем бейнелеу объектісі шегіне жету мүмкін емес. «Су тамшысының қайталанбайтын даралығынан» (Д. Ренар) әлемдік құрылышқа дейін - өнердің тақырыптық өрісі ештеңемен шектелмеген. Олар өзінде дәуір ерекшеліктері қолтаңбасын, оған тән дүние қабылдауды, әлеуметтік өмірдің бағаларын алып жүретін, әлемді көркем игеруде туындастырып, тақырыптар мен бейнелер сондықтан түп-қырысyz.

Адамзат өткен көпғасырлық тәжірибесінен, соның ішінде көшпелі халықтардың табиғатқа деген тұтас-рухани қатынасынан, барлық жақсыны, олардың өзгермелілігін, ерекшелігін, ұлттық дүние түйсінудің төлтумалығын сақтайды.

Шакенова Э. Художественное освоение мира //Кочевники: Эстетика. Алматы: Ғылым, 1993. С. 62-93.

Әсия Мұхамбетова

ҚАЗАҚТЫҢ АСПАПТЫ МӘДЕНИЕТІНІҢ КЕЙБІР ЭСТЕТИКАЛЫҚ МӘСЕЛЕЛЕРЕ

Қазақтың аспапты музыкасының ең көне кезеңі синкреттік бақсы өнерімен байланысты болғаны мәлім¹, уақыт өте келе ол ыдырағаннан кейін, бұл өнер саласы көшпелі қоғамның онымен байланысты әр түрлі салаларын - әскери-аңшылық түрмисқа қызмет ететін, шамандық рәсімді, биді, эпос орындауды, қамтыған. Бақсы ғұрыптары, би элементтері, батырлық және ғашықтық эпостарды орындау және әскери-аңшылық әрекеттер әрқашанда музыкалық аспаптардың сүйемелдеуімен өткізілетін.

Алайда бұл салалардың даму бағыттары әр түрлі болды. Олардың тек кейбір түрлері XIX ғасырға дейін сақталып, қазақтың классикалық аспаптық стилінің іргетасын қалап, оның эстетикалық ерекшеліктерінің қалыптасуына әсер етті.

Белгілі этнограф, ғалым Болат Сарыбаевтың зерттеулері бойынша², көне замандағы әскери-аңшылық музыканың болмысы мен дамуында сан алуан аспаптар қолданылатын. Оларды қазақ хандарының дәуірінде әскери дайындық жүргізетін тәсілдердің бірі ретінде пайдаланатын. Уақыт өте келе қазақ хандықтары ыдыраған кезде әскери-аңшылық ғұрыптар жоғала бастағанда күнделікті өмірде солармен байланысты аспаптық музыка да қолданбай кетті. Сонда да әскери-аңшылық музыканың белгілері аспаптық өнердің аздаған нұсқаларында сақталған, мысалы, қобыз күйлерінің кейбір әуендері («Қамбар батыр», «Кертолғау») немесе Құрманғазының «Балбырауын» күйіндегі «си-до-ре» интонациясы сол дәуірдің көрінісі болып саналады.

XIX ғасырда музыкаға қосылып би билеудің көне заманда пайда болған формасы аз кездесетін болды. Егер көптеген халықтардың (өзбек, әзіrbайжан, гуцул және т.б.) аспап мәдениетінің дамуы би өнерімен тығыз байланыста болса, қазақ түрмисында бидің орны басым болған жоқ. Аздаған би элементтері бар бақсы өнерінің өзі XIX ғасырда қазақ өмірінде ыдырап, азайды.

Сонымен, XIX ғасырда қазақтың аспаптық өнерінің жоғарыда аталған бағыттары жойылуға жақын қалды. Тек эпосты орындаумен байланысты аспаптық өнер өзінің тарихи даму кезеңдерінен өтіп, аталған дәуірде кең қолданыста болады. Әр түрлі тарихи себептердің салдарынан қазақтың аспапты өнерінің өркендеу кезеңі осы бағытпен байланысты болды. Аспаптық өнердің түп-тамыры негізінде эпикалық

¹ Карап.: Жұбанов Х. Қазақ музыкасында күй жанрының пайды болуы туралы. Қызылорда, 1936.

² Сарыбаев Б. Революцияға дейінгі Қазақстанның халық музикалық аспаптары: Өнертану кандидаты ғылыми дәрежесін алу үшін дайындалған диссертацияның авторефераты. Алматы, 1969.

жырлардың кейбір үзінділерін музыкамен суреттеуден бастау алған. Ұақыт өте келе бұл өнер даму барысында сөзбен түсіндіруді қажет етпейтін «таза», жеке шебер орындаушылықтың деңгейіне жетті. Дегенмен, бұл аспаптық өнердің генезисі мен дамуы сөзбен, ауызекі орындаушылықпен, эпикалық поэзиямен тығыз байланыста болған. Сол байланыстың көрінісі аспаптық музыканың типтес белгілерінің қалыптасуына үлкен әсер еткен. Музыканың эпикалық поэзиямен өзара қарым-қатынасы аспаптық музыканың мазмұнында да сақталған. Онда адамның рухани дүниетанымы, өмірінің мәнін жеткізетін белгілерді ойлану, көзге елестету жүйесі тәрізді психологиялық сезімдер арқылы суреттелетін болды. Қазақ аспаптық өнерінің осындай жоғары эмоционалдық сезімталдығын Б. Асафьев «этикалық жоғары көңіл-күй», «байыпталық, қатаңдық, анықтылық», «эмоциональды жоғары жалпылаудың эмоциональды қайырымдылық және дана философиялық аңдаумен үйлесімділігі» деп белгілеген¹. Осы себептердің салдарынан қазақтың аспаптық музыкасында көптеген басқа халықтардың дәстүрлі аспаптық өнерінде жоғары деңгейде дамыған би, қимылдар, адамның жүрісін суреттейтін белгілердің әсері аз орын алатын болғандығы түсінікті.

Қазақтың халық музыкасы ауызекі түрде дамып, өзінің көркемдік-қолданбалы бифункционалдық сипатымен фольклорлық құбылыс ретінде танылады². Оның тұрмыспен тығыз байланыста қалыптасқан қоғами функциясы байырғы дәуірдің қолданбалы шеңберіне бағынбайтын болды. XIX ғасыр - домбыра музыкасының өркендеу кезеңі болып саналады, өйткені бұл кезде ол жеке кәсіби өнер ретінде қалыптасып, ұлттық және тарихи көрсеткіштерден тәуелсіз өзіне тән құралдарына ие болды. Домбыра музыкасының кәсіби белгілері қалыптасып, күйшилік өнер өмірлік кәсіпке айналатында мүмкіндікке жетті, арнаулы әрекетке айналып, сонымен өмір сүруге мүмкіндік бола алды. Домбыра өнерінде күй шығаратын әрі шығармашыл индивидуалдығымен ерекшеленетін композитор тұлғасы анық белгіленді. Ең бастысы – халық күйшілерінің шығармаларының ішінде тек қана тыңдауға арналмаған, енді эстетикалық функцияларды да атқаратын музыка пайда болды. Бұл өнерде типологиялық жағынан соңғы ғасырлардағы Еуропаның кәсіби музыкасына ұқсас белгілердің аңғаруға болады. Оған дәлел – бірқатар ғалымдар күйдің дамуында европалық симфонизмнің даму тәсілдеріне ұқсас белгілерді тапқан.

¹ Асафьев Б.В. Қазақстан музыкасы //Қазақстанның музыка мәдениеті. – Алматы, 1955, 9-б.

² В.Гусевтің түсініктемесін қараныз: «Фольклор бір уақытта өнер де, өнер емес деп те танылады – баулушы, эстетикалық және тұрмыстық функция онда біртұтас дүниені құрайды, бірақ ол біртұтастық бейнелі-көркемдік формада біріккен түрде кездеді» (Гусев В. Фольклор эстетикасы. М., 1967, 78-79-бб.)

Қазақтың аспапты музыкасының болмысында орындаушы мен тыңдаушы функциялары еуропалық концерт формасына келеді. Авторлық күйлердің құрылымы музикалық логиканың зандылықтарына сәйкес еуропа композиторларының концерттік шығармалары тәрізді сырттан тыңдауға арналған.

Дәстүрлі қазақ тұрмысында музикалық шығармаларды орындағанда алдын ала оның мазмұнын әңгімелеп барып, сосын күйді, немесе әнді орындау түрі басым болып келеді. Академик М. Әуезов айтқандай, «...жүзден астам қазақтың күйлері міндettі түрде оның әңгімесінен басталады»¹. Сонымен қатар әр күйдің аталуына қарап, көптеген зерттеушілер қазақтың аспапты музыкасын бағдарламалы деп атап кеткен.

Дегенмен, күйлердің барлығы бағдарламалы болып келмейді², күйлердің аталуы мен олардың аныздары белгілі бағдарламаны білдіреді деп қаруа, осындағы көзқарас кейде музыканың бейнелі мазмұнын дұрыс ашпайды. Бұндай жағдайда күй аныздары бағдарламалы функцияларды атқармаса, олардың тұрақты түрде сақталуының себептерін қарастыру қажет.

Жоғарыда айтылғандай, аспаптық өнердің бимен, бақсы ойынымен, әскери-аңшылық тұрмыспен байланысты түрлері сан алуан тарихи жағдайлардың салдарынан азайып, жоюлуға жақын қалған. Бұл өнердің ішінде күйдің аңзының әңгімелеп, сосын шығарманың өзін орындау түрі басым болып, жоғары деңгейде дамыды. Бұл форманың түп-тамыры эпикалық жырларды сүйемелдеуден шығып, тек өзінің генетикалық байланыстары арқылы ғана емес, сонымен қатар феодалдық-көшпелі өмірдің кейбір ерекшеліктеріне сәйкес қазақтың тұрмысында өзінің өркендеу кезеңін тапты.

Қазақтың өмірінде жыл сайын қайталанатын көшпелі өмір салты мерзімдік тәртіпке бағынатын. Әрдайым көшіп жүрген қазақтар тұрмысында ол заттық мәдениеттің ерекшеліктерін де белгілеген. Көшпелі өмірге қажетті құралдар ғасырлар бойы практикалық жағынан шындалып, жеңіл, ыңғайлы белгілеріне сәйкес қолданған. Жолға тек қана ең керекті заттарды алу – өмір үрдісіне айналды. Киіз үйдің өзі полифункционалдық мағынаны білдірген. Мұнда үй иесі өзі де тұрып, қонақтарды да күтіп, барлық отбасылық ғұрыптар мен салтанатты тойларды, бақсы ойындарын да өткізіп, осында кәсіби әнші, ақындар мен сазгерлер өздерінің өнерлерін көрсететін. Осы

¹ Әуезов М.О. Әр жылдар ойлары. – Алматы, 1966, 99-б.

² Қараңыз: Мұхамбетова Ә. Қазақтың аспапты музыкасының бағдарламалылығы туралы: мәселе ретінде белгілеуге байланысты //ССРО халықтарының музикалық фольклорының мәселелері. Мақалалар мен материалдар. М., 1973.

себептерден Еуропада соңғы ғасырларда кең тараған жеке бөлмені қажет ететін концерт жанры қазақтарда қалыптасуы мүмкін емес еді.

Қазақ өнерінде концерттік формалардың болмауы туралы ой қазақтың дәстүрлі музыкалық мәдениетінде тыңдаушыларға арналған концерттік музыканың болғаны туралы алдында айтылған пікірге қайшы келеді. Бұл тұрғыдан М. Каганның сөздеріне назар аударайық. Оның пікірінше, музыка жалпы өнерден жекеленіп, оның бөлек саласы ретінде белгіленуіне әсер еткен күш - концерттік (эстрадалық) орындаушылық¹. Музыканы қоршаған ортадан бөліп, ажыратып қарастыруды қамтамасыз ететін концерт жанры адамға (тыңдаушыға да, орындаушыға да) «шығарманың көркемдік жағын түсінуге жол беретін, оның жеке өмірін өнердегі өмірмен байытуға мүмкіндік туғызады»².

Бұл мәдениеттегі парадокс – концерттік (эстрадалық) орындаушылықтың формалары болмағанымен концерттік музыканың болуы – арнайы зерттеуді қажет ететін мәселе, өйткені музыка мен оның қофамдағы болмысы – бір біріне тәуелді құбылыстар болып саналады.

Музыканың болмысы ретінде концерт орындаушы мен тыңдаушының әлеуметтік рөлдерін анық белгілелеген, олардың концерт кезіндегі функциялары музыканы тыңдау үшін барынша сәйкес келетін форма ретінде қалыптасқан.

Тыңдаушылар мен орындаушылардың арасындағы дәнекер байланыс шығарманың орындау кезінде белгіленеді, бұл кезде олардың барлық назары шығармаға аударылады. Шығарма арқылы орындаушы тыңдаушымен «сұхбаттасады». Тыңдаушылармен басқаша байланыс жасауга арналған әрекет жағымсыз болып қабылданады.

Концерт кезінде музыканы қабылдауға оның барлық қатысушыларының дайындығы қажет. Бұл үрдістің аяғында концерттің басталу кезінде бәрінің назары шығарманы тыңдауға дайындалып, ойының барлығын басқа ойдан босатып отырады. Афишалар бағдарламаларындағы түсініктемелер де тыңдаушыларға музыканы тыңдауға, оны түсінуге назар аудартады.

Қазақтарда музыканы тыңдау үрдісі көбінесе киіз үйде өтетін, бірақ ел мұнда тек қана музыканы тыңдап қана отырмайтын. Жатып тұратын орын, тамақ ішетін орын, қонақ күтетін орын ретінде киіз үйдің полифункционалдығы еркін уақыт өткізуі де қамтамасыз ететін. Киіз үй алдымен қазақтың үйі болғандықтан мұнда барлық жиналғандар үй иесінің қонақтары болып қабылданатын.

¹ Каган М. Өнердің морфологиясы. Л., 1972, 224-б.

² Сонда, 210-б.

Қонақ асы – қазақтардың ең кең тараған қонақ күту формасы. Оның терең ғұрыптық мәні бар, онда қатысушылардың әр қайсысының өз орны, өз рөлдері болады, олар үй иесі мен қонақтардың жасына қарай, жыныс мен әлеуметтік-рулық белгілеріне қарай ерекшеленеді.

Осындай қонақ асы кезіндегі орындаушылықтың шынайы көркемдік түрін қазақтың жазышулары қалдырган. Мұндай суреттеулерді толығымен келтіру мүмкін еместігін түсіне отырып, М. Әуезовтың «Абай жолы»¹ атты романының «Жайлауда» атты тарауынан үзінділерін келтіруді жөн көрдік. Мұнда Абай ауылына атақты Біржан салдың келуі суреттелген:

«Абай Әйгерімді осыдан үш ай бұрын ұзатып әкелген еді. Қазір басында желегі бар жас келіншек қалың қонақ ортасында, Абай қасында отыр.

Бұл екеуінің осы жолғы қонағы да өзгеше. Ол - өңшең қызы, сылқым келіншек пен сәнді сұлу бозбала. Жиын бастығы Абай болып, қазіргі сәтте мына ауылдың өзге тірлігінен оқшау бөлінген бір топ тәрізді. Ызгарлы, қатал, жуан ауылдың шырқын әнмен, өнермен бұзып отырған топ... Осындай ойын-сауық жиынының ортасында ең қадірлі бір топ қонақ бар. Шет елден келген қонақ. Бұлар – қазір төрдің тап ортасында, жағалай көрпе үстінде, үлкен ақ жасықтарды шынтаған сал, серілер. Солардың ішіндегі ең көрнектісі және бар жиынға қадірлі, сүйіктісі – мынау қос ішекті домбыраны безілдетіп отырған орта бойлы, қызғылт жүзді, кең ақ мандайлы, нұрлы жігіт. Ол – Арқаға аты шыққан, бүкіл Орта жүзді асыл саз, әсем әнімен ұйытқан Біржан сал.

Тобықты ішіне сонау алыс Көкшетаудан келген сирек, сый қонақ. Өзі ақын, өзі әнші, өзі сері Біржан. Устінде қара мақпал, кең, женіл шапаны бар. Омырауы ағытылған, «сері жаға», ақ көйлектің сыртынан киген сарғылт түсті, қытайы жібек камзолы бар. Оқалы тақиясының жібек шоғы ырғала түседі. Құйқылжылған әніне қалың жиын қыбыр етпей ұйып, мұлғіп отырғанда, кербез әнші өзі де, жүзіне жылтыр майды рең бітіп, нұрлана құбылады.

Баласы Қожағұлдың Біржан салмын,
Жұртыма зияным жоқ жүрген жамын,
Кісіге өзім қатар бас ұрмаймын
Өзім ақын, өзім сал кімге зармын... –
деп бір кетеді.

¹ Ұлы жазушы, көрнекті ғалым М.О.Әуезовтың шығармашылық тәсілінің ерекшеліктері қазақ өмірінің құбылыстарын кең ауқымда зерттеуге жол ашты. Мысалы, «халықтың тарихи болмысының мәселелерін қарастыру жолында М.О.Әуезов осы мәселелерді деректер жағынан да, жалпылау және түсіну жағынан зерттеуге енді жақындаған тарихшылардан да ерте айткан» (Әуезова Л.М. «Абай жолы» эпопеясының тарихи негіздері. – Алматы, 1969, 114-б).

Әншінің «Біржан сал» атты осы бір әні өзінің майда қоныр, сырлы сазымен бастала жөнелгенде, өзге көп жұрт ішінде демін тартып, қатып тыңдаған кісінің бірі Абай.

Қадірлі ақын, құрметті қонағына Абай қадалып қарап қапты. Ақ-қарасы әлі де айқын, таза, ұзынша көздері өзгеше бол телміре түсіп, шарасынан асып үлкейіп қарайды. Бірақ қазіргі сэтте, кірпік қақпай қарағанмен, бұл көз - әнші жүзін көріп отырған көз емес. Ән мен өлең сөзді, өнерлінің өзін түгел қосып, бір бітім, бір тұтас тұлғадай қиял суретімен елестетіп, көріп отырған көз...

– Өзге өзгенді не қылайын, Біржан аға,— деп бастап, қонағына жаңа бір қуаныш жүзімен қарады. – Ел ақтаған бір ақын болушы еді. Тілін безеп, жанын жалдап, тіленшілікпен байды сауып, сөз қадірін сол кетіруші еді. Үн түзеген бір әнші болушы еді. Кім көрінгеннің қосшысы. Әр кез, әр мырзаның қосалқысы. Ән қадірін түсіріп, бір атым насыбайдай, арзан етіп еді. Сен әнді босағадан өрлетіп, төрге шығардың, соныңа ғана қуанам. Осының-ақ қадір-қасиетінді тануға жетіп тұр!.. - деді. Біржан құп тыңдалап, өзі де сүйсіне көтеріліп:

– Шіркін, айтушы мен болғанда, үнемі ұқтырушим сен болсайшы, Абай! – деді. Әйгерім де, өзге жиын да екеуін дәл ұғынғандай, түгел қостап күлісті.

Таңертенен бері ортадағы кең дастарқан бойында үш жерден сапырылып отырған қымыз, біраздан бері ішілмей, іркіліп қалғанды. Қазір, Ербол, Мырзағұл, Оспан үшеуі үш жерден құлаштай сапырып, сырлы тостағандарды қонақтарға қыдырта бастады. Ән толасы болғалы, үй іші жапырлап, әр тұстан сөйлесіп, күбірлесіп, күлісіп жатыр.

Абай жаңағы өз ойын аяқтатып тоқтатпақ бол:

– Бай, бағлан бол қадірлі болмайды жігіт! Өнерлі бол, сол өнерін ұстай біліп, кадірлі болады. «Өнерпаз болсаң – өр бол» дейді Біржан аға. Жалқы бол, жарлы бол, ол кемшілік емес. «Өнерлі ақын, асқақ әнші болсаң ел көңіліндегі мұнды айтып, кезіндегі жасты тыйсан, сенен зор, сенен қадірлі болмасқа тиісті! – деп, Абай өз қасында отырған Әйгерім мен інісі Әмірге қарап, бір түйін тастағандай болды.

Тобықты жасының бұл жиынныңдағы үлкені, жігіт ағасы бол қалған Базаралы қуле сөйлеп, жауап қатты. Ол төрдегі сый қонақтардың қатарында отыр еді. Абайға қалжындалап:

– Осының бәрі рас, Абай. Жігіт қадірі өнерімен өлшенсін! – деді, әдейі ойнақыланып, серпе сөйлеп. – Пәлей! Мақұл-ақ! Ал ендеше мен нені айттым?! Менің айтқаным да, істегенім де, түгел Тобықты бәріне танытам дегенім де осы ғана емес пе еді, сығыр-ау! Кедейшілігіме қарама, кіслілігіме қара демеп пе ем? Өй тәйір-ай, іші терең жігіт десем, сенде осындағы үстірт пе ең, Абай? Саған осыны ұғындыру

үшін сонау Көкшетаудан, исі Арқадан тек Біржан ғана келу керек пе еді? – деп назбенен, ойын пішінмен сақ-сақ құлді...

Базарлының ашық қалжыңы Біржан бастаған бар қонақты да, өзге жиын жасты да құлдірді...

Абайдың сөзі Біржан өнерін сонша зор көтеріп, өз елінің бар жасына «бізден бұл артық! деп отыр. Осыны жалған намыс ойламай, соншалық кең, жақсы көңілмен айтып отырганы Біржанға жаңа бір ой салғандай болды.

Ол тағы да домбырасын біраз бебеuletіп, желдіртіп алыш кеп, «Жанботаны» шырқап кетті. Жастар бұл әннің неден туғанын, Біржанның қай жарасын ашатынын білуші еді.

Ол, Біржанды жаңа Абай айтқан «бай, бағлан» дегендердің бірі сабап күйдіргенін ашық айтқан ән болатын... Абай Біржанға жаны ашып, жұбату сөйлемек бол:

– Сонау Жанбота, әне біреу Азнабай ма әмірлі, кәрлі дегендери. Бай, бағлан дегені? Солардың сол айуандықты тоңмойындықпен етіп отырса да, дәл жаңағы Біржан ағамның «Жанбота» әнінен соң «бота» түгіл, «бұта» құрым болмай, жапырылып, тапталып қалған жоқ па? - деп, тағы бір түкпірлі алыс ойға кеткендей сөйледі...

Жұрт көзі тегіс Әмірге қараған еді. Ол ақырын тыңқылдатып, өз домбырасына, Біржан үйреткен «Жиырма бес» дейтін әнді салып отырган. Біржан жас жігіттің жүзінен жақсы бір шабыт көргендей бол:

– Басып жіберші, кәне осыған! – деп, аға бұйрық етті»¹.

Бұл қонақ асының суреттеуінде М.О. Әуезов қазақтардың музика өнерінің ерекшеліктерін, халықтың әншілік және аспаптық музикасының әмбебаптылығын көркемдік түрде шебер сипаттайды.

Қонақ асының негізіндегі қонақ күту ғұрыпты күнделікті өмірден бөлек, үй иесі мен қонақтардың арасындағы тек осы уақыттағы «сұхбаттасуды» ұйымдастырады. Қонақ асының ғұрыптық мазмұны тұрмыстық араласу формасында көрініс табады, қонақ күту салты басқаша түрде болуы мүмкін емес. Бір жағынан, қонақ асының мазмұны – заттық-тұрмыстық қажеттіліктерді қандыру: дәмді жеп, ішіп, тойып, соңғы жаңалықтарды біліп, керекті адамдармен, туған туысқандармен кездесіп, күнделікті мәселелерді шешу болса, басқа жағынан – мұнда міндетті түрде үй иесі мен қонақтардың, үлкендер мен кішілердің, еркектер мен әйелдердің, алыс және жақын туған туыстардың арасындағы араласу жүйесі құрделі рулық ғұрыпқа айналады.

Қонақ асы тамақ беруден басталып, тағамдардың дәмін татып, әнгімелер мен қалжындарды айтып, үлкендердің нақылдарын тыңдал,

¹ Әуезов М. Абай жолы. Роман-эпопея. Бірінші кітап. - Алматы: Жазушы, 1989, 324-328-бб.

өмір және өнер туралы ой-пікірлерді ортаға салады. Солардың арасында музика ойналатын.

Кеште отырған атақты музикант ең құрметті қонақтардың бірі болса да, сонымен қатар ол басқа қонақтармен қонақ ретінде тең болатын. Артист пен публиканың қарама қарсы қойылуы, олардың бір бірімен тек қана шығарма арқылы араласуы бұл жерде мағынасын жоғалтады. Қонақтардың арасындағы тепе-тендіктің арқасында ән мен күйлерді солай-ақ, басқа қонақтар да орындаі алатын. Әрине, басты музиканттың шеберлігі мен атақтылығына қарай басқа орындаушылардың да деңгейі соған сәйкес болуға тырысатын. Егер жиналғандардың арасында бір біріне деңгейлері сәйкес келетін музиканттар кездессе, онда олардың арасындағы бәсеке қалжынды түрде немесе шынайы тартысқа айналатын. Қонақты ерекше күту ғұрыптыңда қонақтардың өздері үй иесіне әдемі түрде ризашылығын білдіретін. Қазақтың аспаптық музикасының тарихында күйшілер үй иесіне көбінесе арнайы күй шығаратын¹. Сонымен, жаңа шығармаларды орындау мен шығаруда да «қонақ – үй иесі» деген «сұхбаттасу» формасы кездеседі.

Концерттік формасының заныңдауышыларына сәйкес келмейтін қазақ мәдениетіндегі орындаушылардың ерекшеліктері де бар. Онда музикант еш уақытта тек қана автор немесе орындаушы рөлдерімен шектелмеген, оның тыңдаушылармен қарым-қатынасы одан кең. Алыстан келген қонақ ретінде одан қызықты жаңалық, хабар, болған оқиғалар туралы әңгімелер күтіледі. Егер оның жасы үлкен болса, ол өзінің жасына сай өмір туралы, философиялық жалпылама нақыл әңгімелер айтатын. Қазақ музиканттарының жан-жақтылығы мен әмбебаптылығының тамыры осында болар, өйткені олар көбінесе тек қана композитор және орындаушы ғана емес, сонымен қатар ақын, шебер майталман әңгімеші, дарынды тамада, көне ғұрып-салттардың білгірі, байырғы өткен заман әңгімелерімен қатар қазіргі күнгі оқиғалар туралы әңгімеге қосылып кете алатын аса дарынды адам болатын. Осының бірі де оның қолдынан келмесе оны шебер депе санамайтын.

Біртұтас жүргізілетін музиканы орындаушылық пен қонақ күту ғұрыптың ерекшелігі – орындаушының өзі қонақтардың назарын музиканы тыңдауға аударатын. Басқаша сөзбен айтқанда, «қонақ – үй иесі» араласуында музикалық шығарманы толығымен түсіну үшін «тыңдаушы – орындаушы» байланысын орнатуға қосымша әрекет жасау керек болған.

Аспаптық музиканың мазмұнын түсіну үшін ерекше назар аударып тыңдау керек екені мәлім. Қазақтың қонақ асында қындығы

¹ Сондай қонақ жайлы үй иесіне арналған күйлер көпшілік.

жағынан әр түрлі шығармалар орындалатын. Тыңдаушылардың назарын аударатын ең қолайлы тәсіл ретінде күйдің орындалуының алдында әңгіме айтылатын. Өйткені күй туралы әңгіме арқылы орындаушы басқа әңгімелерден тыңдаушыларды музыканы тыңдауға бірте-бірте дайындау функциясын атқаратын.

Қонақ асында тұрмыстық және ғұрыптық белгілер біртұтас байланыста болғаны көрінеді. Оларды бөлек қарастырғанда орындаушы қонақ күту ғұрпы тұрмыстық жағдайда көрініс табады, ал музыканы тыңдау қолданбалы функцияны атқармайтындықтан тұрмыстан анық бөлінуі қажет. Күй ойнаудың алдында айтылатын әңгіме арқылы орындаушы тыңдаушылардың назарын аударғанымен қатар, оларды тұрмыстан тыс салаға жетелейді. Күйді тыңдап болғаннан кейін қонақ асыға қайта оралудың өзі де ерекше өнерді қажет ететін. Әуезовтың суреттеуінде тәжірибелі музыкант қандай жолдармен тыңдаушыларды қайтадан шынайы өмірге келтіргені шебер көрсетілген. Біржан бірінші өлеңін орындалап болғаннан кейін үй иесі құқығында кешті басқарып отырған Абай бірінші болып әншінің өнеріне өзінің ризашылығын білдіреді. Ал әнші үл жағдайда Абайдың сөзіне қанағаттанып, оған қалжыңмен жауап беріп, жастардың көңілін көтеріп, Абайдың терең мағыналы сөздерінен кейін байсалды жағдайды бәсендетіп жіберді.

Қалжың немесе маңызды нәрсені құлқіліге айналдыру сияқты Базаралы Абайдың сөзінен кейін отырғандардың көңілдерін көтеріп, олардың назарын қонақ асы шенберіне қайтарады. Кейде бұндай жағдайда күйші немесе үлкен кісілердің біреуі қорытындылайтын сөздер айтады.

Көбінесе осындай қорытынды сөздер орындалып болған шығарманың тақырыбын жалғастырып, оның өмірлік мәнін ашады. Құрманғазы өзінің «Ақсақ киік» күйін орындау алдында аңшының оғынан жараланған киік туралы әңгімесін айтып беріп, сосын шығарманы орындалап болғаннан өзі кейін шәкірті Динаға былай дейді: «Қызыым, сен де өсіп ер жеткенде, өмірдің қatalдығын көресің. Мен де өмірдің ауыртпалығын көрдім. Мен өзім қазір жалғыз қалған киікке үқсаймын, ол ақсақ болса да үйірден қалып қалмауға тырысады, ал мен жалғыз қалсам да халықпен бірге болуға тырысамын»¹.

Сонымен, күйді орындаудың алдындағы әңгіменің мақсаты тек музыканың бағдарламасын түсіндіру ғана емес. Киіз үйде, яғни концерттік көңіл-күйге сәйкес келмейтін қонақ асы жағдайында әңгіме музыканы дұрыс тыңдап түсінуге мүмкіндік беретін. Әңгіменің осындай функциялары бағдарламалық мағынаға сай болмаса да, оның музыканы орындау салтына қосылуы міндетті болған.

¹ Бақбергенов С. Дина. Алматы, 1959, 10-б.

Кеңес кезеңіндегі Қазақстанда концерт тәрізді жаңа музыканы орындау формасы пайда болғанда эстрадаға қүйлердің өздері ғана көшірліп, олардың аңыздары тыс қалған. Өйткені концертте музыканы қабылдауға ыңғайлыш жағдайлар болғандықтан эстрадаға аңыздардың көшірілуі керек емес болды. Қазіргі кездегі концерттік орындау формасы тұрмыстан әдейі алыстаған түрінде музыканы таза эстетикалық жағынан қабылдауға мүмкіндік туғызды. Осындай болмыстың әсерінен дәстүрлі қазақ қоғамында көшпелі өмір салттың өзгешеліктеріне байланысты өзіне жеткілікті жеке орындау түріне айнала алмайтын.

Әр музыкалық мәдениетте қоғамдағы музыкалық шығармалардың болмысы белгіленеді. Бұл ғасырлар бойы заңды түрде қалыптасатын формалар қоғамның әлеуметтік қажеттіліктерінен туындаса да, олардың толық қалыптасуы әлеуметтік-экономикалық мүмкіндіктермен байланысты болады.

Дәстүрлі-көшпелі өмір жағдайында арнайы жекеленген концерттік орындау формаларының жеке түрде болмауынан олар басқа әлеуметтік араласу формалармен тығыз байланыстарды орнатуға себеп туғызды.

Қазақтарда дәстүрлі орындаушылықтың формалары тек қана жеке түрде қалыптасқан. Ансамбльдік, вокалдық және аспаптық формалардың болмағаны бұл өнер тек индивидуалды және субъективті көріністерді бейнелейді деуге әрине болмайды. Өнердегі индивидуалдылықтың және ұжымдылықтың өзара қарым-қатынасы музыканы орындаудың түрімен емес, қоғамдық қарым-қатынастардың дамуының деңгейімен белгіленеді. Көшпелі өмір салттан туындаған жеке орындау түрі индивидуалды көріністерді бейнелеуге көптеген мүмкіндік туғызған. Оның қасында осыған ұқсас көріністерді дәстүрлі түрде дамыған басқа халықтардың ансамбльдік жүйелері қамти алмаған. Жеке орындаушылықтың негізінде фольклордың дамуы кәсіби өнердің пайда болуына әкелген болар. Өйткені жер шаруашылығымен айналысқан халықтардың фольклорында жеке орындауды қажет ететін жанrlарда (батырлар жырларын, ертегілерді айту) кәсібіліктің пайда болуы кездейсоқ құбылыс болған жоқ деп ойлаймыз. Дегенмен, индивидуалдылықтың дамуына қоғамның әсері зор екенін еске сала кетейік. Сондықтан қазақтың дәстүрлі өнерінің жеке тұлғалары мен соңғы ғасырлардағы европалық композиторларын салыстыруға болмайды. Оған қоса қазақтың музыка мәдениетінің ауызекілігі оның индивидуалдығына ерекше әсер еткені белгілі.

Ауызекі дәстүрде алдымен жалпы заңдылықтар сақталып, содан кейін ғана жеке индивидуалды белгілер көрінеді. Ауызекі шығармашылықтың практикасында қабылдаушылардың есту

қабілетінің тәжірибесіне сәйкестілік жазба мәдениетке қарағанда басты рөл атқарады. Шығармалардың ауызекі түрде таралуы олардың индивидуалды белгілерін азайтады. Көптеген күйшілер күйлерді орындаған сайын оларға өзгерістер енгізіп отыратын. Кейде бұл өзгерістердің нәтижесінде авторлық нұсқаға ұқсас варианттар пайда болатын, кейде күйлер күрделендіре түсетін, бірақ қазіргі жағдаймен салыстырғанда күйлер бір күйшіден басқа күйшіге ауысқанда жеңілдетіліп, қарапайымдылық жағына өзгеретін. Мысалы, Динаның шығармаларының жарқын өзгешелігі – оның индивидуалдық ой жүйесі мен орындаушылық мәнерімен қатар, оның қайталанбас техникасының қолтаңбасы. Динаның ойнағанын замандас орындаушылардың ешқайсысы қайталай алмайтын (оның ұстазы Құрманғазыдан басқа). Динаның күйлері, егер оның орындауында таспаға жазылмаса, музыкантардың бір ұрпағынан өтіп, нотаға түсірілмесе – олар жеңілдетіліп, индивидуалды белгілерін жоғалтатын еді. Домбыра өнерінде Динаның шығармашылығы индивидуалды стильдің ең биік шыңдарының бірі болып табылатының себебі – оның күйлері автордың өз орындауында жазылғандықтан болар.

Қазақтың дәстүрлі кәсіби мәдениетінде жоғары дамыған индивидуалдық шығармашылық пен индивидуалды белгілерді жоюға бағытталған күйлердің таралу формасы арасында қайшылық көрінеді. Ноталық жазба болмаған жағдайда мұндай қайшылықтар кәсіби музыка мен фольклордың арасындағы шекараларды кетіретін. Шынымен, қазақтың музыка мәдениетінде Еуропамен салыстырғанда индивидуалдық белгілер анық көрінбейді. Аспаптық музыкада күйлердің композициялық, аппликатуралық, штрихтік ерекшеліктерін нығайтқан әр алуан терминология, аспаптың тұрақты құрылымы күйлердің индивидуалды ерекшеліктерін сактауға көмек болған. Ал вокалдық музыкада орындаушылық тәсілдердің бірегейлігі аспаптық музыкадағыдан болмағандықтан, шығармалардың өзгерістерін туындытатын.

Бұл қайшылықтардың кәсіби мәдениеттің өкілдерінің өздері де түсінетін. Олардың кейбіреулері өз шығармаларының бұзылмауын қалап, басқа домбырашылар үйрене алмасын деп әр түрлі шаралар қолданатын. Бірақ ондай домбырашылар бірең-сараң болмаса көп кездеспейтін. Керісінше, атақты домбырашылардың көбісі дарынды жастарды тәрбиелеуге уақытын бөліп, өзінің шеберлігі мен репертуарын неғұрлым толық түрінде үйретуге тырысатын. Өнерді кәсіби түрде үйрету жүйесі – ауызекілігіне қарамастан оны шығарушылардың индивидуалды тәжірибесін сақтап, дамытуға әсер ететін маңызды фактор.

Аңыздарда қөрініс табатын музика мәдениетінің эстетикасы қоғам мен музиканттардың өз өнеріне қойған талаптары туралы дерек береді. Адамдардың рухын көтеріп, қайғысына ортақтасып, белгілі өмірдің бір жағдайына дереу ән немесе күй шығарып, шынайы адамның немесе жыр батырының батылдығын, ерліктерін, парасаттылығын, ақылын, оның жан серігі – жылқысын мадақтап, сарандылықты, надандықты, қоян жүректілікті келекелеу сияқты қасиеттері жоғары бағаланған. Сонымен қатар ән немесе күйді бір ойнағаннан үйреніп алу музиканттың дарындылығын көрсететін шеберлік ретінде саналатын. Музиканттар туралы көптеген аңыздардың мазмұнында олардың шығармаларының индивидуалды ерекшеліктеріне назар аударатын аңыздар кездеспейді. Олардың ішінде егер музикант белгілі бір нұсқаға ұқсатып күй шығарса да индивидуалды орындаушылықтың ерекшеліктері туралы сөз қозғалмайды.

Шығармашылық ұғымының жоспарсыз, кенеттен пайда болуын ескере отырып, оның қалай ойға келуін, оны шешу жолын табуын, іске асыру қындығы, яғни индивидуалды шығармашылық ізденістерді қамтымайтыны белгілі. Мұндай түсініктемеде шығармашылық музиканттың белгілі әрекетінің нәтижесі емес, оған сырттан кірген күштердің әсері деп саналатын¹. Сондай-ақ, жақсы музикант болғысы келген адамдар бірнеше жолдардың қылышқан жерінде тұнеу керек деген ұғымдар осы қатарды жалғастырады.

Осындай көзқарастар бойынша шығармашылықтың пайда болуы адамның күші келмейтін, тылсым дүниенің әсерінен болады деген сенімдердің салдарынан күйшінің индивидуалды үлесінің маңызына назар аударылмаған. Мысалы, айтыстарда ақын өзінің руын, дауысын, шеберлігін, суырыпсалмалығын, көптеген женістерін мадақтау дәстүрі болса, ал оның шығармашылығының жеке индивидуалды қайталанбастығы туралы сөз қозғалмайтын. Қоғамның өзі де индивидуалдылықты жоғары бағаламаған, сондықтан музиканттардың өздері оған жетемін деп тырыспаған.

Дегенмен, атақты күйшілер мен әншілердің шығармашылығы жарқын өзгешеліктеріне бай болып, ғасырлар өткен сайын өз ерекшеліктерін сақтап қалған. Мысалы, Мұхиттің, т.б. стилі – жарқын және дереу танылады, өзінің сұлулығымен, төлтумалығымен сипатталады.

Ауызекі мәдениет жағдайында суырыпсалмалық пен орындаушылық мәнері арқылы индивидуалдылықтың белгілері танылады. Домбыра өнеріндегі суырыпсалмалылық ғасырлар бойы рациональды схемалардың жүйесінде форманы құратын үрдістерге

¹ Мұндай ұғымдардың генезиси бақсы идеологиясынан тамыр алады.

бағынатын. Суырпсалмалықтың нәтижесінде күйлердің бірнеше варианттары пайда болғаны занды құбылыс. Күйлердің бірнеше түрлері болғандығы бұл кәсіби өнерді фольклорға жақындалады.

Еуропаның жазба мәдениетімен салыстырғанда күй өнерінде көркемдік бейнені құру үшін суырпсалмалық пен орындау мәнерінің маңызы басым болатын. Әр түрлі композиторлардың шығармаларының индивидуалдық өзгешеліктері олардың шығармаларын нотаға түсіргендеге анық көрінбейді, ал сол музыканы тыңдағанда айырмашылығы дереке естіліп те, көрініп те тұрады. Кәсіби күйші өз шығармашылығында жеке индивидуалдық орындау мәнері мен суырпсалмалықты дамытуға талпынатын, өйткені ол көбінесе композитор да, орындаушы да болған. Домбыра өнерінде суырпсалмалықтың деңгейде көрінеді: авторлық, авторлық-орындаушылық және орындаушылық тұрғыларынан¹. Еуропалық музыка мәдениетінде XIX ғасырда суырпсалмалық бірінші еki деңгейде маңызын жоғалта бастаса, ал домбыра музыкасында оның үш деңгейі дамыған².

Домбыра музыкасының ауызекі дәстүрімен байланысты тағы бір белгісі – домбыра күйлерінің ұзақ уақытқа созылмайтын формалары. Домбыра күйлерінің кішігірім формаларының ауқымында толыққанды, үйлесімді шығарма құрылады. Ең ұзақ деген күйлерінің өзі уақытқа қарағанда алты минуттан аспайды. Күйлердің орташа формалары олардың бейнелік мазмұнымен де байланысты, өйткені көбінесе бір күйде бір музыкалық бейне көрініс тауып, контраст кездеспейді. Мұндай құбылыс байырғы аңыз-күйлерде орын алған, онда бірнеше әр түрлі бейнелер дамымай бірінен кейін бірі өзгеріссіз кезектеседі. Ал бір күйде бірнеше образдардың дамуы XIX-XX ғасырларда бір-екі ерекше дарынды композиторлардың шығармашылығында кездеседі. Бірақ көрсетілген ерекшеліктер жалпы дәстүрлі өнердің бейнелі жүйесіне онша әсер тигізбеген. Оның бейнелі амплитудасы өте кең – жеке адамның ой-армандарынан философиялық терең пайымдауға дейін, қарапайым би элементтерінен бүкіл халықтың қозғалыстарына дейін, табиғат дыбыстарына еліктеуден терең ой толғауларға дейін суреттейді.

Бұл өнерде көшпелі өмір салтымен байланысты тұракты семантика қалыптасқан. Мысалы, халықтың өмірін суреттейтін

¹ Бұл туралы толығырақ келесі жұмысты қараңыз: Аманов Б. Домбыра күйлерінде тақырыптылық пен форма-құбылыс (Қолжазба Санкт-Петербург консерваториясында сақтаулы).

² Дегенмен, күйлердің дыбыс қатарын бұлжытпай сактаап басқа музыкалық жүйеге ауыстырғанда олардың бейнелі мазмұны өзгереді. Ал егер оны мұлдем ұқсамайтын еуропаның музыкалық жүйесіне ауыстырса, оның мазмұнына жағымсыз әсер тиеді. Дәстүрлі даму жағдайында индивидуалдылық ұлттық белгілерді көрсетеді, ал басқа музыкалық жүйеге ауысканда дәстүрлі материалды қолданудағы индивидуалды белгілер жойылып та кетуі мүмкін.

бейнелер Еуропа музыкасында көбінесе марш немесе көпшілік би белгілері арқылы іске асырылса, домбыра өнерінде көбінесе аттың шабысын суреттейтін ырғақ арқылы беріледі. Шабыстың ырғағы домбыра күйлерінде негізгі орын алады, тіпті басым болып келеді. Шабыс ырғағы көшпелі халықтардың өнерінде Еуропа музыкасына қарағанда әрине маңызды орын алады. Дегенмен, оның жиі қолданылуы және жоғары деңгейде дамуы оны әр түрлі эмоционалдық көңіл-күйлерді көрсетуге мүмкіндігі жететін дәрежеге көтерді. Мысалы, шаттық пен зор қуаныш (Түркештің «Көңіл ашары»), ер жүректің мұңы (Құрманғазының «Ақсақ киігі»), халқының трагедиясына ортақтасу (Құрманғазының «Кішкентайы»), бейғамдық көтеріңкі көңіл-күй (Құрманғазының «Бозшолағы»), зар («Ақсақ құлан»). Аталған образдардың мән-мазмұны шабыс ырғағы арқылы жеткізіледі. Ол еуропа музыкасының тұрғысынан қарағанда түсініксіз болса, көшпелі қазақтың есту қабілетіне дәстүрлі болып қабылданады.

Домбыра музыкасының даму тәсілдері әр түрлі эмоционалды көңіл-күйлерді көрсетумен қатар бір бейнені жан-жақты және әр түрлі әдістермен жеткізе алады. Осының барлығының жиынтығы көшпелілер дүниетанымының бір қырын көрсетеді.

Домбыра күйлерінде маңызды бейне күйдің аз ғана көлемінде көрініс табады. Күйлердің осындай сипатына қарап, көптеген зерттеушілер күйлердің симфонияға ұқсастығын белгілейтін.

Ауызекі дәстүрдің ерекшеліктеріне сәйкес домбыра музыкасында материалды сақтауға бағытталған тәсілдер көп кездеседі. Олар кейде кейбір музыкалық бөлімдердің өзгеріссіз қайталануында, кейде музыкалық тақырыптың экспозициясы көп уақытқа созылуында көрініс табады.

Домбыраға арналған шығармаларда музыкалық тақырып күйдің жалпы мазмұнын ашады деуге болады, өйткені күйдің дамуында әуен көбінесе өзгермей, сол түрінде қайталанады.

Дәстүрлі музыканы орындау түрлері, музыканттардың ауызекі жағдайдың ерекшеліктеріне сәйкес қалыптасқан ойлану жүйесі, жеке шығармашылықта жалпы және индивидуалдықтың өзара қарым-қатынасы сияқты музыка мәдениетінің қырлары музыкалық шығармалардың құрылымдарында тікелей немесе жанама көрініс табады, сондықтан оларды талдау керектігі тек жеке шығармаларды ғана емес, жалпы аспаптың мәдениетті түсіну үшін қажет...

Мухамбетова А. Некоторые эстетические проблемы казахской инструментальной культуры //Кочевники. Эстетика: Познание мира традиционным казахским искусством. Алматы: Ғылым, 1993. С. 160-188.

ҚАЗАҚТАРДЫҢ ДӘСТҮРЛІ МУЗЫКАСЫНЫң ЕРЕКШЕЛІГІ

Белгілі болғандай, кез келген ұлттық мәдениетті дамыту үшін оның өткен кезеңдеріндегі формаларын түсіндіретін аналитикалық ойлану әдістері қалыптасу қажет, өйткені бүгінгі мәдениетте өткен ғасырлардың әсері мен оның көпғасырлық мұрасы көрініс табады. Келешектегі қазақтың музыка өнеріне қазіргі музыкалық мәдениеттің қай формалары кіретінін болжау қыын, бірақ сонда да келешекте көне дәстүрлер маңызды рөл атқаратыны белгілі, өйткені олар уақыт шынынан өткен рухани құндылықтар болып танылады.

Музыка өнерінің хронологиялық ауқымы туралы археологиялық мәліметтер хабар береді, олардың деректері бойынша Орта Азия мен Қазақстан жерлеріндегі музыка мәдениетінің тамырлары көне кезеңдерде бастау алады. Қазақстанның жерінде 20-25 ғасыр бұрын салынған петроглифтер табылған. Оларда бірнеше музыкалық аспаптарда ойнап және билеп тұрған адамдардың мүсіндері салынған. Б.д.д. дейін I ғасырда көне Хорезм, Соғда, Бактрия және Парфия мемлекеттері кезінде сол уақытта кең тараған музыка аспаптарының суреттері табылған. Осыған қарағанда қазіргі кезде Орта Азия мен Қазақстандағы көптеген ұлттық музыка аспаптары түрікмен, қырғыз, өзбек, қазақ және т.б. халықтардың қалыптасуына дейін пайда болған еken. «Археологиялық ескерткіштердің арасында (қабырғаға салынған суреттер, жазулар, терракота) екі мың жыл бұрын қолданылған шертіп ойнайтын екі ішекті аспаптың суреті ерекше назар аудартады. Археологиялық екі ішекті аспаптар – қазақтың домбырасы мен қырғыздардың комуз аспаптарына өте ұқсас болып келеді»¹, - деген ойды В.Виноградов жазған. Кейбір музыка зерттеушілердің пікірінше, ішекті аспаптар Орта Азия жерінде пайда болып, осы жерден басқа халықтарға жайылған. Қазақтың қобызына ұқсас аспаптар қазіргі виолончель, скрипка мен алты аспаптарының «ата-бабасы» болғаны мүмкін².

Музыка мәдениетінің өркендеу кезеңі Орта Азияда орта ғасырларда көрініс тапқан. Ол кезде орындаушылық өнермен қатар сол кездегі батыс европалық теориясының деңгейінен аса дамыған орта азиялық ғалымдардың музыкалық-теориялық ғылыми трактаттары пайда болған. Бұл дәуірде әл-Фараби (870-950 жж.), Ибн Сина (980 ж. қайтыс болған), Сафиэд-Дин (1414-1452) музыка теориттері өмір сүрген. Олар грек философиясының негіздерін

¹ Виноградов В. Музыкалық археология туралы //Кеңес музыкасы, 1971, № 5 , 89-6.

² Сонда.

менгеріп, музыканы математикалық әдістермен зерттейтін. «Музыка дегеніміз – цифрлық қарым-қатынасы бар әр түрлі дыбыстар мен интервалдардың байланысы»¹, - деп әл-Фараби өзінің музыка туралы трактатында жазған.

Жалпы Орта Азия музыка мәдениетінің бір бөлігі ретінде қазақтың музыка мәдениетін қарастыра отырып, оның басты өмір салты көшпелі түрінде өткенін ескеру қажет. Өйткені қазақтарға дейін өмір сүрген тайпалар да көшпелі шаруашылық түрін ұстанатын. Сондықтан қазақ музыкасын зерттеу үшін номадизмің әлеуметтіктарихи белгілерін талдап, оның ерекше эстетикалық белгілеріне және өнердің дамуындағы ерекше заңдылықтарына назар аудару керек.

Қазақстан жерінде номадизм тарихы VIII-V ғасырларда басталады, бұл кезде алғашқы этномәдени типтегі тайпалар қалыптасып, көшпелі өмір салтын ұстана бастайды². Адамзаттың тарихында номадизмің қалыптасуы прогрессивтік қадам болды, өйткені оның бірқатар жағымды және қолайлы жағдайлары шекаралас жерлерде тұратын, жер шаруашылығымен айналысатын елдердің және қала мәдениетінің элементтерін тартатын.

Занды түрде маңызды мәселе көтеріліп тұр: номадизм осы жерлерге келгенде осында бұрын болған көркемдік әрекеттердің түрлерін сактап қалды ма, әлде керісінше, өзімен бірге осы жерлерге көркемдік мәдениеттің жаңа формалары мен құралдарын әкелді ме?

Адам болмысының негізін құрайтын еңбектің формалары мен түрлері өзгерсе, оның қоғамдық сана мен қоғамның идеологиясы да өзгеретіні мәлім. Көшпелілердің өнері жаңа әлеуметтік дүниенің нәтижесінде пайда болғандықтан оның жаңа өмірлік қажеттіліктеріне сай қасиеттері қалыптасу керек еді. Көшпелілердің сапасы жағынан жаңа қоғамдық жүйесінде өнердің түрлері олардың көшпелі өмірге сай жағынан таңдалады. Сондықтан номадтардың эстетикалық дүниесінде негізінде өнердің идеалды және затқа байланбаған түрлері дамыған. Қазақтар мен олардың аталарында ол поэзия мен музыка болды.

Музыка мен поэзияға қоғамның қойған мақсаттары көп функционалды болғаны соншама, халықтың рухани құштері осы аталған өнердің түрлерінің дамуына мақсат қойды. Поэзия мен музыканың мазмұны философиялық өмірді жырлау мен адам мен табиғаттың біртұастығынан туындейды. Отырықшы жер шаруашылығымен айналысатын халықтардың колективизміне сай

¹ «Араб музыкасы» атты Ж. Рауненің орысша аудармасынан келтірілген сілтеме. Қолжазба Ташкенттің мемлекеттік консерваториясының кітапханасынан алынған. 45-б.

² Қара: Марғұлан Ә., Әкішев К., Қадырбаев М., Оразбаев А. Орталық Қазақстанның көне мәдениеті. – Алматы, 1966, 70, 288-66.

табиғатқа қарсы шығатын пафостың керек еместігі көшпелі өмір салтында табиғат пен адамның тепе-тендігін жырлайды.

Мусикалық өнерлердің (музыка және поэзия) қазақтың жалпы ұлттық мәдениетінің жүйесіндегі ерекше әлеуметтік-тариҳи орны туралы сөз қозғасақ, халық үнемі қозғалыста болып, көптеген шақырым жерлерге көшіп жүргендеге мүмкіндігінше өзінің қоғами өмірін ұйымдастыруға тырысатын. Көшпелі өмір салтында жағдайында рулық, тайпалық және одан да ірі ұйымдар құрылып, олар дұрыс тіршіліктің басты шарты ретінде ұйымдастырушылық пен жалпы мақсаттылықты ұстанатын. Ғасырлар бойы қазақ қоғамында тәрбиелі функцияны атқаратын белгілі салттар мен ғұрыптар жүйесі қалыптасқан. Ұрпақтардың арасындағы сабактастықты орнататын құрал ретінде мусикалық-поэтикалық өнердің ішінде эстетикалық құндылықтар қалыптасқан.

Қазақ даласын А.В. Затаевич «ән теңізі» деп атаған. Шынымен, ұзатылып бара жатқан қыз әдетте өз «сыңсуын» өзі шығарып, айтатын. Еш бір жас жігіт өзінің сүйгеніне махаббатын қарапайым құнделікті әңгімелесетін жай ғана прозалық формада айтпай, арнайы сұлу ән шығаратын. Үйлену салтында тойларында ғұрыптық әндердің орындалуы мусикалық-поэтикалық спектакльдерге айналатын. Адам қайтыс болғанда да ән айтылатын. Егер қартайған кісі өзінің артынан ән шығаруға қабілеті жететін адамды көрмесе, өз «жоқтауын» өзі шығарып, жақындарына оны айтуға өсiet қалдыратын.

Мусикалық-көркемдік шығармашылықтың сүйемелдеуімен өтетін индивид пен колективтің өміріндегі барлық кезеңдерді атаудың керегі жоқ, өйткені мусикалық-поэтикалық өнер адам өмірінің тіршілігіне қатысты негіздерінен биік идеологиялық ой-толғауларына дейін барлық салаларында орын алатын. Мусикалық-поэтикалық шығармашылықтың функциялары өнер мағынасын өзгеше түрде білдіретін. Мусикалық-поэтикалық өнерде көркемдік образдар түсінікті, анық форма түрінде болғандықтан еңбекке үйрету, өнегелі заңдылықтарды ұстану сияқты тәрбиелік мәні бар ақылдар өнер арқылы әр адамға жететін. Мусикалық-поэтикалық өнер арқылы ұрпақтан ұрпаққа діни ұғымдар, адам мен табиғатқа қатысты көзқарастар, экологиялық, космогониялық және басқа дүниетанымдар жалғасатын. Адамның туғанынан бастап өмірінің соңына дейін музика бірге жүретін.

Қоғамдық сананың формасы ретінде мусикалық және поэтикалық өнер уақыт өткен сайын өз бетімен жеке түрге айналды. Әр түрлі факторлардың әсерінен олардың ішкі жүйелік және құрылымдық өлшемдері құрылып, олардың ерекшеліктері, бағыттары мен даму жолдары қалыптасты. Бұл ерекшеліктер музика мен поэзияның ішкі

даму зандылықтарының формасын игеріп, шынайылықты көрсетуге қомақты үлес қосады.

Әр мәдениетте зандылықты түрде болатын өркендеу және ыдырау кезеңдерін қоса қазақтың ауызекі музикалық мәдениетінің нұсқалары оның анық тарихи эволюциясы туралы мәліметтер бере алмайды. Жазуы болмаған музикалық мәдениетінің құрамында байырғы көне қабаттарын зерттеп, олардың қалдықтарын да табуға болады, бірақ жалпы алғанда музикалық және музикалық-поэтикалық тілдің эволюциясы көбінесе бірте-бірте жоюлуға және ұмтылуға жақын болған.

Қазақтың ұлттық музикасының өркендеу және ыдырау кезеңдері туралы объективті түрде археологиялық және этнографиялық деректер мәлімдейді. Олардың мәліметтері бойынша, XIX ғасырға дейін қазақ қоғамында әр түрлі ыскышты, плекторлық, үрлемелі, ұрмалы аспаптар кең таралған. Олардың жоғалуының себебі осы уақытта дәстүрлі музика мәдениетінің ыдырауымен байланысты болған. Бұрынғы әлеуметтік институттардың бұзылуына және олардың бағыттарының өзгеруіне аппаратын жаңа тарихи ықпалдардың әсерінен номадизм капиталистік мемлекеттердің бұрын болмаған экономикалық өсуіне қарсы тұра алмайтын болды. Күшті өнеркәсіптік елдермен жан-жақты қарым-қатынастарды құрып, көшпелі даланың негізгі өмір салты көптеген ғасырлар бойы қазақ қоғамының негізгі экономикалық түпнегізі болған көшпелі мал шаруашылығы ыдырай бастайды. Өзінің функционалдығын жоғалта бастаған әлеуметтік институттармен қатар ғұрыптардың музикалық-эстетикалық формалары азайып, қазактардың музикалық тұрмысының құрамдас элементтері қолданыстан шыға береді.

Бірақ жалпы халықтың рухани талпыныстарымен пайда болған мәдени мұра тарихи сахнада өзінің қайталанбас түрінде сақталып қалады. Номадтардың музикасы да өшпейді, өйткені халық музика өнерінің керемет өнегелі-этикалық құшіне сенетін. «Қазақтардың музикасы жоғары деңгейде дамыған ғажайып бай және әр түрлілігімен сипатталады, оның кейбір белгілері жаңа батыс-европаның кәсіби музикасына (батыс европа қалаларының кәсіби музикасына – Б.К.) ұксас болса да, тікелей пайдалану кездеспейді. Қазақ музикасының мәселелерін зерттеу келешек ғалымдардың еңбегі деп ойлаймын», - деп XIX ғасырдың соны – XX ғасырдың басындағы қазақ музикасы туралы К. Квитка жазған¹. Осындай беделі жоғары салыстырмалы музикатану саласының маманының бағасы сол

¹ Квитка К. Кенес Одағында пентатониканың этнографиялық таралуы. – П.И.Чайковский атындағы Мәскеу мемлекеттік консерваториясы. Халық шығармашылығы кабинетінің мұрагаты, инв. №4/58, 25-26 бб.

дәуірдегі дәстүрлі қазақ мұзыкасының шынайы көрінісіне сәйкес болып келеді. Аталған дәуірде көптеген музикалық аспаптардың, стильтердің, формалардың, музикалық мәнерлеу тәсілдерінің қолданыстан шығуымен қатар қазақтың әншілік және аспаптық өнері өркендей бастайды, халықтың арасында көрнекті композиторлар пайда болады. Сақталып қалған музикалық аспаптар (домбыра, қобыз, т.б.) мен әндер барлық ең жарқын әрі қайталаңбас белгілерді қамтып, дамытады.

Қазақ музикасы дәстүрлі жеке музикалық өнер бола тұра сол кезде музика тілінің бір қарағанда женіл трансформациясына бармай, өзінің эстетикалық шығармашылығының белгілерін нығайта түседі. Шынымен, орыс музика мәдениетімен белсенді түрде қарым-қатынастар жасағанда, оның дамыған көп дауысты ән айту формалары қазақ музикасына неге әсер етпеген? Қазақ музикасында дәстүрлі бір дауыстылық көпдауысты орындаушылыққа неге айналмаған? Қай себептен қазақтың көшпелі қоғамында хор мәдениеті немесе аспаптық-ансамбльдік орындаушылық дамымаған?

Бұл сауалдарға жауап беру үшін кеңес кезіндегі музикатану ғылыминың жетістіктеріне назар аударайық. Онда Скребковтың нығайтылған пікірі бойынша унисондық әндегу түрі көпдауысты музиканың барлық түрлерінің алдын алған делінеді: «Унисон түрінде ән айтудың негізінде полифониялық белгілер жатыр. Олар халық музикасында және орта ғасырлар музикасында полифонияның қарапайым түрін (подголосочная полифония) өмірге әкеледі. Мұнда орындаушының бастамасымен унисон терциямен, квартамен, квинтамен бояуланып, ырғағы жағынан байи түседі. Халықтың және алғашқы кәсіби өнердің сол гетерофондық қарапайым мәдениетінің түрінен европа музикасының көпдауыстылығының барлық түрлері пайда болды»¹.

Сонымен, егер унисондық айту шынымен көпдауыстылықтың алдында пайда болып, оның алғашқы қадамы болса, онда қазақтың көшпелі ортасында көпдауыстылықтың дамыған формаларының болмағаны түсінікті, өйткені унисон тек біріккен, колективті музиканы орында жағдайларында пайда болатын, мұндай дәстүрлер бірдауысты музика мәдениетіне тән болмаған. Колективті орындаушылықтың болмағанының түп тамыры номадтар қоғамының әлеуметтік құрылымының табиғатында жатыр. Мысалы, жер шаруашылығымен байланысты өмір салттарында коллективті жұмыс жасағандықтан (егін егу, егіндікті жинау, үйлерді салу, т.б.) бұл халықтарда коллективті хор, ансамбль формалары дамыған. Ал көшпелілердің күнделікті өмірінде мал бағумен байланысты жеке

¹ Скребков С. Интонация және лад // Кеңес музикасы, 1967, № 1, 89-91-бб.

адамның еңбегі басым болғандықтан индивидуалды шығармашылық қалыптасады. Сондықтан қазақ музыкасында аталған формалардың пайда болуына жағдай болмады.

Қазақтың дәстүрлі музыка мәдениетінің ауызекі түрдегі болмысы музыка – музыкант – халық (тыңдаушы) деген үш саланың бірлігін қамтиды. Егер европаның жазба мәдениетінде шығарманы замандастары түсінбей, оны келешек ұрпақтар нота бойынша түсінетін, көшпелі мәдениетте шығарманың сапасы дереу сол кезде белгіленетін. Мұнда шығармашылық қоғам талаптарымен тығыз байланыста болатын. Музыкалық өнердің формалары мен құралдарының дамуы халықтың түсініктерімен өзара байланысты болғандығы – олардың демократиялық сипатын белгілейді.

Қазақтың музыка өнерінің ауызекі түрдегі болмысы орындаушы мен аудитория арасындағы өзара байланысына да әсер еткен. Бұл жерде музыкант халықтың алдында суырыпсалма дарындылығын көрсетіп, өзінің немесе басқа композиторлардың шығармаларын орындау барысында аудиториямен тікелей байланыста болып, тыңдаушының «реакциясын» көре алады. Мұндай жағдайда оның шығармашылығының мазмұны мен мақсаты - тек өзінің арман-мұраттарын көрсету емес, бұл кезде орындаушы тыңдаушылардың әр қайсысына жақын болып, олардың қуанышына, ауыртпалығына, мақсаттарына ортақтасады.

Композитор мен аудиторияның біртұтастығы музыканы орындау кезінде қалыптасатын, онда тыңдаушылардың белсенділігі көрініп, шығармашылыққа әсер ететін. Ғасырлар бойы орындау мәнерінің типтік формалары қалыптасқан, олардың алдын ала белгілі жерлерінде публика өз көзқарасын «ей», «еой», «ой, дүния» және т.б. жанама сөздермен шығарманың ұнағанын немесе ұнамағанын көрсетіп, әрі қарай орындаушыға өзгеше бағыт беретін. Егер музыкалық шығарманы орындау үстінде сондай бір белгілі жерлерде тыңдаушылар өз «реакцияларын» білдірмей, үндемей отырса – халық шығарманы немесе орындаушының өзін қабылдамағанын көрсететін.

Қазақ музыкасының ұлттық өзгешелігінің табигатын анықтау үшін оның мусикалық өнерлердің басқа түрлерімен қарым-қатынастарында оның орнын, мағынасын түсіну де қажет. Солардың ара қатысын талдау барысында қазақтың дәстүрлі музыкасы оны фольклорлық деп атаудың мағынасына толық сәйкес келмейді, өйткені ол көне заманың өнері тәрізді поэзия мен биден ажырамас болып табылады («музыкалық кешенниң» біртұтастығы). Бұрынғы зерттеулер бойынша кез келген халықтың фольклорындағы музыкалық өнер би немесе поэзияда қолданатын функциялары бар жерлерде ғана кездеседі. Бірақ, сөз бен бидің сүйемелдеуі ретінде,

соларға тәуелді рөл атқарғанда, музыкалық өнер өз бетімен дами алмайды, оның нәтижелері музыкалық мәнерлеудің құралдарын қолдану деңгейінде ғана көрініс табады.

Ал қазақтарда музыка би өнерінің сүйемелдеуі болмаған (немесе толық түрде болмаған), сондықтан оның негізі жарқын, өзгеше, биге тән жылдамдылық пен қымылға байланысты өлшемдік-ырғақтыққа тәуелсіз болып келеді¹. Өлшемдік-ырғақтық негіздің белсенделігі мұнда жылдамдылықты құруға, шығарманың түгел биге айналуына бағытталмаған, оның барлық музыкалық даму құралдары әнші демінің музыкалық энергиясының ағымын нығайтуға арналған. Қазақ музыкасында әуенниң басымдылығы уақыттың созылуы мен динамикалық компоненттерге әсер етеді. Ән мәдениетінде кең және еркін дауыстың деміне музыкалық дыбысқатарлық белгілермен қатар әннің поэтикалық мәтіні де тәуелді болады.

Ал қазақтың аспапты музыкасы сөздің әсерінен босап, «таза» музыкалық көркемдік логикаға құрылған. Әуенниң жоғары дамыған жетістіктері мен жеке аспаптық музыка тілінің өзара байланысы туралы Б. Асафьев айтқан, оның пікірінше, «қазақ әндері мен аспаптық импровизацияларының құрылымында симфониялық дамудың сарқылмас бұлағы жатыр. Бұл құрылымның табиғаты жоғары дамыған, үйлесімді, әрі лүпілдеп түрған материал»².

Қазақтың дәстүрлі музыкасын жалпы бағдарламалы деп айтуға болады. Воклдық музыкаға ол толығымен тән, кез келген поэтикалық шығармашылық музыкалық сүйемелдеуімен өтеді. Өткен ғасырлардағы дәстүрлі мәдениетінде музыкалық сүйемелдеусіз орындалатын көлемді эпикалық жырлар кездеспейді. Осыған қарағанда ғасырлар бойы музыкада бағдарламалықтың белгілері қалыптасты деуге болады. Қазақтың аспаптық музыкасында да бағдарламалықтың белгілері көрінеді. Көбінесе аспаптық шығарманың мазмұны мен сол күйде бейнеленетін оқиғалар алдын ала айтылатын күйдің анызында баяндалады.

Кейде қобыз немесе домбыраға арналған шығармалардың арасында сөзбен түсіндіруді қажет етпейтін, форманың ішкі даму зандылықтарына құрылатын шығармалар кездеседі. Олар көбінесе жалпы философиялық түрде аталады. Мысалы, «Өмір», «Жігер», «Гашықтық», «Шабыт», «Әуен», т.б. Мұндай шығармаларды орындау алдында ешқандай сөзбен түсіндіру қажет болмайтыны – бұл пьесалардың жоғары кәсіби деңгейін білдіреді.

¹ Осы себептердің салдарынан қазақтарда ұрмалы аспаптардың өте аз қолданылуы да түсінікті.

² Асафьев Б. Қазақтың халық музыкасы туралы //Казакстанның музыка мәдениеті. – Алматы, 1955, 9-6.

А.В. Затаевичтің «Қазақ халқының 1000 әні» және «Қазақтың 500 әні мен күйлері» атты атақты жинақтарында XX ғасырдың басындағы музыка мәдениетінің болмысы қамтылған. Олардағы нұсқалардың үштен бір бөлігінің авторлары бар. Оған қарағанда, қазақтың көшпелі өмірінде халықтың кәсіби тұлғалары - ақындар, өлеңші, жырау, жырши, күйші, қобызшы, бақсы және т.б. әр түрлі қоғамдық шараларға қатысып, ауыл аралап, халықта кең танылатын болған.

Тарихта қалыптасқан кәсіби типтердің әр қайсысының мектептері мен стильдері болатын. Әр мектеп өз талаптарын сақтап, кәсіби деңгейін белгілейтін. Ұстаздарының ең жақсы жетістіктерін сақтап келесі ұрпақтарға жеткізу талпынысы халықтың есінде бұл шығармалар көпке дейін сақталатынын түсіндіреді. XIX ғасырда өмір сүрген көрнекті композиторлардың (Күрманғазы, Дәүлеткерей, Ақан сері, Біржан және т.б.) шығармаларымен қатар, қазіргі уақытқа дейін халықтың арасында көптеген ғасырлар бұрын өмір сүрген авторлардың (Қорқыт, Асан қайғы, Қазтуған жырау, т.б.) шығармалары да сақталған.

Қазақтың қоғамында сан алуан музыкалық мектептердің қалыптасуы музыкалық диалекттермен де байланысты болған. Мысалы, Батыс Қазақстанның әндері мен күйлерінің формасы, интонациялық элементтерінің Шығыс Қазақстанның кәсіби шығармаларынан өзгешелігі бар. Өйткені кәсіби шығармашылықтың өзі халықтан шығып, жергілікті және аймақтық ерекшеліктерді қамтиды.

Музыкалық фольклор мен кәсіби мектептердің аймақтық ерекшеліктеріне көпке дейін ғалымдар назар аудармаған. Ал қазақтың музыкалық тілінің локальдық ерекшеліктерінің үрдістерін зерттеуде жалпы музыка мәдениетінің тарихи қалыптасу процесстерін анықтауға болады. Қазақтың музыка тілінің локальдық ерекшеліктері әр түрлі жолдармен қалыптасқан. Біріншіден, әр түрлі тайпалар бірге қосылғанда, олардың әр қайсысының өзіндік белгілері сақталған. Екіншіден, музыка тілінің локальдық ерекшеліктері әр түрлі тарихи себептердің салдарынан бір халықтың ішінде қалыптасуы да мүмкін болған. Осы тұрғыдан үйсіндерді, адайлардың, наймандардың және т.б. музыкалық белгілерін тауып, олардың бір бірімен тарихи қарым-қатынасын қарастырсақ, қазақтың көптеген өзгешеліктерін түсінуге болады, олар қоғамның ішіндегі рухани құндылықтарының дамуын көрсетеді.

Музыка тілінің генезис мәселелерін қарастыру халықтың этногенезисі мәселелерімен тығыз байланыста қарастыру қажет, өйткені музыка тілі – сөйлейтін немесе поэтикалық тілден де ерте шыққан фольклордың көне қабатына қарайды. Оның өзгеруі өте жай

болады, сондықтан, оның орны фольклор мен этнографияның байырғы қабаттарын зерттеуге өте маңызды.

Әлеуметтік-тариhi процесстер мен эстетикалық ортаны зерттеу барысында ұлттық музыка ойлану жүйесінің өзгешелігін анықтауға арналған мәселе көтеріледі. XX ғасырдың 20-жылдарында атақты музикалық этнограф А.В. Затаевич қазақ музыкасында кездесетін көркемдік құралдар туралы былай жазған: «Мен мына ретте осы әнге арнайы тоқтағанымның себебі, поэтикалық мазмұнның музикалық иллюстрациясында қазақтардың психологиясы орыстардың психологиясына мұлдем ұқсамайтындығы көрінеді, мысалы, екі қарама-қарсы көңіл-күйді білдіретін мажор мен минор сияқты»¹.

Тағы бір кең танымал қазақтың әніне А. Затаевич келесі түсініктеме береді: «Әрине, европа музыкасының көз қарасынан әннің бір келкі, көңілді мажор мен көтеріңкі шабыс ырғағы ашаршылықтың ауыртпалығы мен қыындықты суреттеуге сәйкес келмейтін сияқты»². Осындай «сәйкес келмеушіліктер» қазақтың дәстүрлі музыка мәдениетінде көп кездеседі. Олардың барлығы қазақтың ұлттық музыка тілінің ерекше музикалық жүйесінің белгілерін көрсетіп, поэтикалық пен музикалық, ладтық интонациялық және ырғактық құрылымдардың арасында өзгеше қарым-қатынастарын сипаттайды.

Әр түрлі халықтардың музыка тілдерін салыстырганда сырттай ұқсас құбылыстар шынында параллель болып шығуы мүмкін, ал әр элемент басқа музыка тілінің құрылымына кіргенде сол құрылымның қасиеттерін бойына сіңреді. Кеңес кезіндегі этномузыкологияның негізін қалаушы К. Квитканың пікірінше, «Байырғы кезеңдерде халықтың музыка шығармашылығында өзінің бай қабілеттері болған. Олардың кейбіреулері қазіргі кезде мағынасы жоқ белгілер болып көрінуі мүмкін, бірақ олар сол кезеңнің өнеріне аса мағыналы болған, өйткені соның ішінде қалыптасып, қолданылатын, соған типтес болатын. Қарастырып отырған дүниенің эстетикалық белгілерін ашу – болашақ ғалымдарының еңбегі деп санаймын»³.

Дәстүрлі музыка мәдениетінің өткен кезеңдері туралы біз әлі күнге дейін толық білмейміз. Бірақ қазіргі кезде осы зерттеу кезеңінде қазақ халқының музыка өнері ұзақ және күрделі тарихи даму жолының нәтижесінде пайда болғанын айтуда болады. Бұл жолда музыка тілінің ішкі даму зандалықтарымен қатар этникалық тайпалардың бүрынғылары ыдырап, жаңалары құрылыш, Орта Азияның мәдени орталықтары өркендей, сосын жойлып, т.б. тарихи оқиғаларды қөшірген күрделі үрдістер маңызды роль атқарған.

¹ Қыргыз халқының 1000 әні. Орынбор, 1925, 334-б.

² Сонда, 371-б.

³ Квітка К. Таңдамалы еңбектер. М., 1971, т. 1, 99-б.

Сондықтан қазіргі зерттеуші тек музикалық мәселелерді терең игерімен қатар археология, этнография ғылымдарының жетістіктерін біліп, музикалық және жалпы тарихи ғылымдардың мәліметтерін бірге қарастырып, қазіргі эстетикалық ойдың жетістіктеріне сүйеніп, әр түрлі құбылыстарды зерттеу керек.

Каракулов Б. О своеобразии традиционной музыки казахов //Кочевники. Эстетика: Познание мира традиционным казахским искусством. Алматы: Ғылым, 1993. С. 188-207.

ХХ ҒАСЫРДАҒЫ ҚАЗАҚ ЭСТЕТИКАСЫНДАҒЫ ҮРДІСТЕР

ХХ ғасырда қазақ көркемөнер мәдениеті өз өрістеуінде номадтық негізде дамыған өнер түрлерінен қазіргі постмодерндік көркемдік тәсілдің көптеген түрлеріне ауыса алды. Соңғы жылдары бүкіл әлемді қамтып алған жаһанданудың «тегістеуші» үрдістеріне қарамай, қазақ көркемөнері өзінің дәстүрлі әсемдік формаларынан ажырап қалмады. Осының бір себебі көшпелілік өмір салтында қалыптасқан дәстүрлі қазақ өнерінің эстетикалық қуаттылығында тұр...

Еуразияның ең орталығын тұрғындаған, көшпелілер, ол сол уақытта Шығыс пен Батыстың мәдени формаларының синтезі болып табылатын, айрықша өмір салты мен дүниені игерудің көркем тәсілдерін қалыптастыруды. Қазақ халқының ұлттық ділі мен дүние түйсінуі адам және әлем тұтастырымен, қоршаған ортаға үйлесімді болумен және сол мезгілде оған рационалды қатынаста басқа мәдениеттер мен этностарға төзімділік танытуымен ерекшеленеді.

Нағыз көшпелінің ұрпағы, О. Сүлейменов үшін «Шығыс та жоқ, Батыс та жоқ, тек Күннің атуы мен батуы бар» Жер бетінде көшпелі өзін тәуелсіз және шексіз құдіретті сезінді:

Бұлұт болған айды ашқан
Мұнар болған күнді ашқан
Мұсылман мен кәуірдің
Арасын бұзып дінді ашқан
Сүйініш ұлы Қазтуған!!!¹

Қазақ көркем мәдениетінің бастауларын және құндылық негіздерін мыңжылдықтар қойнауынан іздеу керек. Басқа да алғашқы мәдениеттердегі сияқты көшпелілердің эстетикалық сезімдері табиғат арасында қалыптасты және өздерінің өмір салтына тәуелді құндылық бағдарларымен синкреттік бірлікті болды. Философ С. Ақатай атап өткендей, көшпелінің еңбекке эстетикалық қатынасы оның әрекет өнімдерінде, жасалған нәрселердің әсемдігінде бекітіліп отырды, осының қүшімен олар тек материалды мұқтаждықтарды өтеп қоймай, адамға қуаныш, эстетикалық сүйсіну әкелді. Заттардың әдемілігі оның адамдық өлшеміне айналып, еңбектің өзінде ләззат табуға болатын еді².

Сол немесе басқа құбылыстың, нәрсенің, заттың эстетикалық құндылығы олардың утилитарлық-практикалық маңыздылығымен

¹ Озера степные. Алматы, 1999. С. 69.

² Кочевники. Эстетика. Алматы, 1993. С. 30.

тарихи себептелген. Көшпелі сарайларды салған жок, бірақ ол киіз үйді ойлап тапты. Ол сәулетімен де, инженерлік құрастырылуы, тұтынушылық қасиеттері жағынан да әбден жетілген. Өз кезегінде киіз үйді пайдалану қой жүнінен жасалған сырмақ, алаша сияқты бұйымдарды дүниеге әкелді. Олар терең эстетикалық сезімдерді туындаатты...

Қазақ адамы отбасымен, румен, тайпамен тығыз байланыста болды. Бүкіл мейрамдар ортақ болды және барлық адамдардың көз алдында өтті. Осындай бірлесудің айшықты көріністеріне «Наурыз», «Шілдехана», «Той», «Тұсай кесу», «Ас» және т.б. жатады. «Жалғыздың шаңы шықпас» деген мақалдағыдай, бірліктің маңыздылығы ерекше аталып өтті. Қазақ эстетикасы қазақ этикасымен тұтасып келеді.

Қазақ ауыз әдебиетіндегі әлемдік рәміздер дәстүрлі дүниетанымдағы құндылықтарға иек артады. Қазақтың ауызекі көркем мәдениеті түрлі көркем формаларға және өзінің бай тарихына ие. О. Сүлейменов осы жөнінде мынадай ойын ұсынады: «Өткен және болашақ қарсы айна тәрізді бірі-бірінен тәуелді. Тамырсыз ағаш – оған қатты сөйлегіштер не жарық таратушылар іліп қоюға ғана болатын, кепкен діңгек пен ондағы жемістер сияқты. Оны отынға кесе салуға да болады. Ешқандай өкінішсіз, кел келген халықты өткенің жоқ деп сендіре сал - сосын отынға жібер. Қаншама тамырлары кеүіп қалған ағаштарды біз өзіміздің сиреуші орманымызда көре аламыз»¹.

Қазақтың көркем мәдениеті құндылықтары сөз өнерінде сақталады және өркендейді. Дәстүрлі мәдениеттегі қазақ үшін ең құндысы – бұл сөз әсемдігі. Сөз мағынасы қашанда қазақтарды баурап алады, олар оның күшіне сенеді, оның айқын дәлеліне мынадай мақалдар жатады: «Таяқ еттен, сөз сүйектен өтеді», «Сай сүйегімді сырқыратып, сөз айттың». Өйткені сөз адам жанының ең тылсым қабаттарына жетеді, оның барлық пернелерін тербелтеді. «Мен барған сайын, - дейді О. Сүлейменов, - егер тірі материяда өлмейтін бірдеме бір болса, онда оның адам сөзі екендігіне сенімді бола беремін. Ол шаңырақ сияқты түсіп қалмайды және қайта жаңғырмайды. Ал жай ғана өмір сүреді, қартаяды, ескіленеді, біз әзірше тірі болғанша, мәңгі өмір сүреді»².

Өмір салты ерекшелігімен сол ауызекі халық поэзиясында қалыптасқан, қоршаган дүниені қабылдау және түсіндіру дәстүрінде табиғат құбылыстарын, адамның жай-күйін, өмірлік коллизияларын суреттеудің айрықша көрсеткіштері әрекет етеді. Бұл – түстің, дыбыстың, өсімдіктер мен жануарлардың, адамдардың белгілі бір

¹ Сүлейменов О. Язык письма. Алматы – Рим. 1998. С. 205.

² Соңда, 205 б.

рәміздік әлемі, яғни ол тек бұл халыққа тән, оның «сәбилік шағынан» ілесіп келе жатқан, көркем шығармалыққа келе туындаған, «поэтикалық әлем». Мысалы, «дархан дала», «кең дала», «сарыарқа» сияқты эпитеттер тек шектелмеген, мұхит сияқты көкжиексіз кеңістікте өмір сүретін халықтарда пайда бола алады. Қазақ поэзиясында даланың кендігі, таулардың биіктігі, өзендердің шуы, құн сәулесі, арғымақтардың шабысы, қойшының әні, яғни бүкіл атамекені суреттеледі. Тіпті адамның өзін бейнелеуде табиғаттан алынған суреттемелер қолданылады: «аққудай, айдын шалқар көлдей, тал шыбықтай, сүйріктей, нар бурадай, жібектей, еліктің лағындай, ботадай» және т.б.

Егер орыстың «ақ қайындағы» - пәктікті, нәзіктіктікті т.т. рәміздесе, онда қазақтарда осындағы функцияны «тал шыбықтайы» атқарады. Тіпті қалада тұратын қазақ «нар жігіт» дегенде тек дene күшін емес, ол бірінші кезекте рухтың қуаттылығы, батырлық, кез келген жағдайда арқа сүйеуге болатын адам туралы айтылып тұрғанын сезеді.

Қазақтардың түсінігінде «ботакөз» - сұлулықтың, тазалықтың, мейірімділіктің рәмізі. Отырықшы кейбір халықтар бұл метафораның мәнісін түсінбей, өзіне тек үлкен, дөңгелек, қара, бірақ әдемі емес көзді елестетеді. Егер «қасқыр-жігіт» дегенде әлдекімдер қанішерлік, зұлымдық, қатігездік сияқты теріс бағалауларға барса, онда қазақта – бұл ерліктің, тәуекелшіліктің, жанқиярлықтың, табандылықтың рәмізі.

Оған биік ақыл, ізгі жүрек, пәк-тазалық, қайтпайтын қайрат, елжандылық тән адам бейнесі «намыс» ұғымының төнірегінде түйінделеді, адамға абырой әкеледі және қазақ эстетикасында орталық орын алады. Мұны мына мақалдар дәлелдей түседі: «екі жақсы қосылса, айрылуға қыыспайды, екі жаман қосылса, кең дүниеге сиыспайды», «Жақсының жүрген жері кент, жаманның жүрген жері өрт», «Жорға жүрісімен пұл болады, жаман жүрісімен құл болады».

Көшпелі қазақтың санасында «құн» атқа табынумен бірегейленеді, оның басты белгілеріне «сәуледей тез таралу» және «үшқыр жылдамдық» жатады.

Құн – тұлға, оның үстіне қатардағы емес тұлға. Оның қызызы мол және жылдам қозғалады. Ең жүйрік тұлпар аяғын көтергенше, сол сэтте құн айлық жолдан өтіп кетеді. Қазақ жазушысы О. Бекеев жазғандай: «Таңертең құлімсіреп келген құн, кешке таман ұяла қызырып кетеді. Ол өз жарығын кім жақсы, кім жаманға қарамай, дарқан төгеді. Оның жанының мырзалығы тап осындағы еді»¹. Ал

¹ Бокеев О. След молнии. М., 1978. С. 139.

Мағжан Жұмабаевтың бақытсыз кейіпкері – Шолпан да күнмен бірге кетеді. «Күнмен таласа Шолпан да өмірмен қоштасты»¹.

Қазақтың арғы тегі, көшпелінің эстетикалық құндылықтары адам аттарында жиі білдіреледі. Олардың арасында «ай» және «гүл» тіркестері жиі кездеседі. Ай көшпелінің тұрақты серігі, оның тұнгі қозғалыстарындағы бағдары болды, эстетикалық мағыналылықты иеленді. Ай әсемдіктің, сұлулықтың, пәктіктің, нәзіктіктің рәмізі болып табылады. «Жалғыз қызы Гүлбаршын – он бес күндік айдай», - делінеді «Алпамыс» эпосында. «Жаңа туған айдай, сымбатымен теңселіп келеді», - деп «Қыз Жібекте» айттылады. Ай басқа халықтарда да эстетикалық объектіге айналады.

Дәстүрлі қазақ мәдениетінде негізгі эстетикалық нысандар мал шаруашылығынан алынғаны түсінікті. Өйткені мал әрі байлық, әрі қорек, әрі киім, қысқаша айтқанда, бүкіл көшпелі әлемнің орталық дінгегі.

Қазақтар тек үй жануарларын ғана емес, сонымен бірге барыс, жолбарыс, арыстан, лашын, бүркіт сияқты тағы жануарларды да эстетикалық құндылықтар түрғысынан бағалады. Тіпті қазірдің өзінде елтаңбадағы пырак, жалаудағы бүркіт немесе ұлттық идеядағы барыс рәміздері осының айғағына жатады...

Қазақтың көркемөнер мәдениеті, жалпытүркілік мәдениеттен бөлініп шыға отырып, сол ортақ тамырға өзінше нәр бере білді. Оның өкілдері халық даналығын ғылыми гинотезалар, теориялар мен қатаң анықтамалар тілінде емес, ал поэтикалық толғаулар, нақыл сөздер, шешендік ұлгілер, сазды қүйлер мен ою-өрнектер тілінде білдіре алды. Бұл жалаң пайымдаулар мен тым абстрактылық қалыптардан аулақ болуға жеткізеді, бұл ежелгі грек калокагатиясындағы сияқты әсемдік пен ізгіліктің айрықша үйлесуіне мүмкіндік берді. Басқаша айтқанда, қазақ көркем мәдениетінде эстетикалық пен этикалық ажырамас бірлікте болды.

Фольклорда толғаулар, нақылдық сентенциялар, әдептілік, отбасы, әйелге қатынас, балалар мәселелері басымдық танытады. Әділеттік пен әділетсіздік, жақсылық пен жамандық, намыс,abyroj және т.б. кісілік қасиеттер көркем суреттелген типтік бейнеде беріледі. Қазақ эстетикасында уақыт өзінің тұтастығымен, адам мен қазіргінің синтезімен түйінделеді. Әруақтар, бұрын өмір сүрген тарихи тұлғалар мен мифтік кейіпкерлер бүгінгі тіршілікке араласып кетеді.

ХХ ғасырдан бастап қазақ мәдениетінде, соның ішінде көркемсөз саласында түбегейлі өзгерістердің болғаны белгілі. Бір ғасырдың ішінде соншама эстетикалық құндылықтар жүйесінің түбегейлі

¹ Жұмабаев М. Шығармалар. Алматы, 1979. 308 б.

өзгеруін басынан өткізген этномәдениет тым көп кездеспейді. Өмір салтының бірнеше рет өзгеруі (көшпеліліктен социалистік колективизмге, одан нарық қоғамына) халықтың дүниені көркеми түйсінуі үшін ұлken сын болды, эстетикалық құндылықтар сынни қайта қаралуға ұшырай берді.

Қазақ көркемөнер мәдениетіндегі осындай өзгерістер туралы, М.О. Әуезов қазақ әдебиетіндегі инновациялық үрдістер мысалында, мынадай ойларын алға тартады. «Бұгін, дейді ол, жаңа дәуір, жаңа үлгінің туатын кезі жеткендей. Жазба әдебиеттің жаңадан түбір тауып, ауданын кеңейтіп, келесі өрнекті дәуірге қарай аяқ басуы осы белгілерден басталса керек».

Қазақ әдебиетінің бұл дәуірі буыны бекіп, қатарға кірерлік әдебиет болғандығын көрсететін сыршылдық-романтизм дәуірі болады.

Бұл арада біздің әдебиеттің өткен күні туралы айтылатын бір сөз: Абайдан бергі дәуірді орыстың реализм дәуіріндегі толық реализм дәуірі деп айтпаймыз. Ол уақыт қазақ әдебиетінің аяғын апыл-тапыл басып келе жатқан кезі болғандықтан, толық реализм шартын көрсеткен жоқ.

Бұл мақалада ол дәуірде реализм болды деген сөз болса, ол өзге күйдің ішіндегі күштірек болған сарын, сол деп айттылған. Әйтпесе әр нәрсеге арналып айтқан ұсақ өлеңдерден белгілі бір дәуірді туғызатын ұзақ күй шығады деуге болмайды.

Қазақ әдебиетінің тарихы, бағыты жағынан айттылған осы сияқты азын-аулақ мағлұматқа қарап, барлық жазба әдебиеттің салмағын өлшегендеге, қазіргі қалпын бағалағанда, айтатын сөз: біздің әдебиет әлі жас, әлі бойы өсіп жетілген жоқ. Өткен күніне қарап, келешегі зор десек, біздің әдебиет келесі күнде шығатын талай тұрғыларының біреуіне ғана жаңа-жана тырмысып келеді. Біздің ескі әдебиеттен қалған көп сарын, кең ауданың бәрі де жазба әдебиетке келіп, тарылыш азайып отыр. Жазба әдебиет бір беткейліктен арылса жаңа арылайын деп, жаңа ғана қайтадан тарауланып ауданын кеңейтейін деп отыр.

Қазақ әдебиетінің ішіне қазақ өмірін түгел суретімен алғып кіру - әдебиеттің ендігі міндеті. Бұл күнге шейін біз саяз жүзіп жүрміз. Қазақ әдебиеті қазақ өмірінің бетіндегі қаймағын жалап жүр. Бұрынғы әдебиеттің ішіне тазша бала мен жалшы, сақау қатын да кірген болса, бүгінгі әдебиетке қалпақ киген оқығаннан бастап, қой жайып жүрген қойшыға шейін кіруге тиіс. Әдебиет сол күнде ғана өмір айнасы, өмір тезі болуға мүмкін»¹.

¹ Әуезов М.О. Таңдамалы. Алматы, 1997. 351-352 бб.

Қазақ көркемөнер мәдениетін тұтас алғанда, XX ғасырда тек эстетикалық құндылықтар ғана өзгеріп қоймай, эстетикалық стильдер мен тәсілдер де түбекейлі өзгеріп кетті. Белгілі мәдениеттанушы Ю.Лотманның пікірінше, жазбасыз естің әлемі рәміздерге мейілінше қанық. «Жазудың пайда болуы мәдениеттің семиотикалық құрылымын күрделендірмей, керісінше қарапайым күйге түсіруі одағай көрінуі әбден мүмкін. Алайда материалдық заттарға негізделген мнемоникалық-киелі рәміздер жазба тектің емес, салттық мәтіннің құрамдас бөлігі болып қалады. Оның үстіне, олар бұл өздерінің байланыссыз белгілі дербестігін сақтайды, яғни олар өздерінің материалдық заттар ретіндегі қасиеттерін әдет-ғұрыптан тыс жағдайда да толық сақтайды, бірақ осы заттардың әр түрлі әдет-ғұрыптар, киелі орындармен біртұтастық күйде болуы оларға саналуан мән береді.

Ою-өрнектің дамуы, мұсін мен сәulet өнерлері ескерткіштерінде жазудың болмауы ауызша мәдениеттің өзіндік сипаттары болып табылады. Иероглиф, жазылған сөз, әріп және белгілі бір мағына жағынан пүт, қорған, киелі орындар сияқты мнемоникалық рәміздерге қайшы керегар құбылыштар. Алғашқылары мән-мағынаның белгілері болса, соңғылары осы мән-мағынаның күәгер-естелігі еспеттес. Алғашқылары мәтін болуы, немесе, осы мәтіннің құрамдас бөлігі, мәтін болғанда бірыңғай семиотикалық сипаттағы мәтіннің бөлігі болуы мүмкін. Соңғылары салттың синкреттік мәтіннің құрамдас бөлігі әрі белгілі бір киелі орындармен және белгілі бір уақытқа бағышталған ауызша мәтіндермен мнемоникалық байланыста болады».

Ю.Лотманның ойын ары қарай жалғастырсақ, эстетикалық жағынан жазба мәдениет ауызшадан жоғары тұрады. Жазба мәдениет Құдай немесе Табиғат жасаған дүниені Мәтін ретінде қарастыруға, әрі ондағы мәліметті оқуға тырысушылыққа бейім. Соңдықтан да басты мән-мағына Мәтіннен (киеленген немесе ғылыми) ізделінеді және алынған модель табиғи-тарихи ландшафты зердеудің логикалық қалыбына айналады. Осы тұрғыдан келгенде Табиғаттың мәнін тек «жазба» адамы ғана таниды. Ол адам Табиғаттан мәнді белгілердің рәміздері ырымдарды емес, зандылықтарды іздейді. Ырымдарға жүгінушілік соқыр сенім ретінде қарастырылып, болашақты көріпкелдік пен болжаупаздықтан емес, өткендергілер арқылы анықтауға тырысады¹.

Бірақ осыдан келіп, жазусыз мәдениет құнсызданады деген пікір тумауы керек. Оған мәдени мұра ретінде қараған дұрыс. Орыс ақыны Е. Баратынский осы жөнінде мынадай жолдарын қалдырған:

¹ Лотман Ю. Мәдениеттер типологиясы //Әлем: Альманах. Алматы, 1991. 251 б.

Байырғы сенім
Асылдан қалған сынықтай
Күйреді-ау зәулім
Шындықтан көне сол сарай
Амал не,
Қалдықтың тілін
Сөйлетер ұрпақ жоқ бүгін¹.

ХХ ғасырдағы қазақ эстетикасы негізінен тоталитарлық қоғам ұстындары қысымында әрекет етті. Соған дейін басымдылық танытып келген романтикалық стиль «социалистік реализм» деп аталғанмен ауыстырыла бастады. Қазақ мәдениеті қатты идеологияландыруға ұшырады (мазмұны бойынша социалистік, формасы бойынша ұлттық). Бірақ ұлттық форманың өзі де орыс-кеңестік мәдениетпен ассимиляцияға ұшырай бастады, ұлттық архетиптер шайқалып кетті.

Алайда көркемөнер құралдарымен бұрынғы эпикалық ұстанымдарды жалғастыру тіпті тоталитарлық мәдениеттің үстемдік еткен жағдайының өзінде этникалық бірегейлік пен тұтастықты сақтап қалуға қызмет етті. Осы сипатта қазақ ақын-жазушыларымен өздерінің көптеген туындыларында пайдаланатын, «кездесу хронотопы» мен «жол хронотопы» маңызды рөл атқарады. Төлтума эстетикалық құндылықтарды Жаңа заман талаптарына сай, үйлесімді дамыта білген М. Әуезов, С. Мұқанов, Ғ. Мұсірепов, Б. Майлин, Ә. Әлімжанов, О. Сулейменов сияқты майталмандар қазақтың адамгершілік-эстетикалық мұраттарын терендедүде үлкен рөл атқарды.

Сан алуан эстетикалық құндылықтардың арасында түрлі дәуірлерде әрқиылды баяндалған, бірақ өзінің ең жоғары адамгершілік тұғырынан тұспеген ол адамға ләззат, жанқиярлық, тыныштық алып келетін, махаббат тақырыбы қазақ көркемөнер мәдениетінде терең бейнеленген. Махаббат адамды қоршаған ортадан бөліп ерекшелейді, оның арқасында барлық адамдық сапалар адамгершілік өлшемдеріне ие болады, сұлулық пен асқақтық сезімі адамды баурап алады. Ғ.Мұсіреповтың «Ұлпан – оның аты» романының басты кейіпкері айрықша туған, бақытқа ұмтылатын, сүйгені үшін жанқиярлыққа дайын, терең сезімді қазақ әйелінің бейне-рәмізі болып табылады. Барлық дәуірлерде қазақ қыздары таза махаббат үшін күресіп келген. «Қозы Көрпеш және Баян Сұлу», «Қыз Жібек» сияқты лирикалық-эпикалық поэмалар мен ақын-жыраулар толғауларындағы әйел бейнелері тап осындай. Олардың көпшілігі өмірдің қatal сынына түсті, драмалығымен ерекшеленді және трагизмге толы болды. Бірақ ақылды, өжеттілігі, қайраттылығы және шынайы сезімінің қуатымен

¹ Әлем: Альманах. Алматы, 1991. 252 б.

әлеуметтік тығырықтан шыға білген қыздар да болды. Ұлпан – солардың бірі.

Ұлпан мен жасы келіп қалған Есенейдің некесі – жас алшақтығына қарамай, өз тағдырын, өз өмірін қоса бірген, екі жан, махабbat жарығымен оларды қоршаған надандықты, қатыгездікті, кертарапалықты жеңе білді, әділеттілікке жету жолын көрсетті. Ұлпанның Есенейге деген сезімі ереккеке деген құштарлықтан анағұрлым кең – бұл жарының жігері мен қылыштарын ізгілендіруге бағытталған, әрекетшіл махабbat.

ХХ ғасырдың 60-ы жылдарынан басталған, қазақ ақын-жазушыларының жаңа толқынында дәстүршілдік пен жаңашылдық өз үйлесіміне ие болады. Олар ұлттық, мемлекеттік эстетикалық құндылықтармен ғана шектелмей, жалпыпланеталық деңгейге көтеріле бастайды. Ұлттық көркем дәстүр, дүниежүзілік мәдениет үлгілерін итеру арқылы, өзекті бола бастайды.

Бұл мысалы, О. Сүлейменовтың шығармашылығында айшықты көрініс табады.

Айналышы, айналайын, Жерім менің!

Сені мен бүгін

Ешкімдей тұсінемін

Сырқаттарыңың берін сенің

Өзім қабылдаймын

Жолдармен айналышықтап

Мен көшудемін.¹

Тура мағынасында «сені айналып жүрмін» дегенді білдіретін «айналайын» сөзін ақын жаңа кең мәтінде жаңғыртады, ол енді «менің сүйіктіме» айналады. Тәуіптік ем жасап жатқан ежелгі бақсылар, сырқаттан «кесірлерді» аластағанда, сиқырлы «айналайынды» қайталай берген.

Қазақ көркемөнер қайраткерлері көркем сөздің күнделікті, «кеңселік» тілден айырмашылығын жақсы түсінді. Осы жөнінде О.Сүлейменов былай дейді: «Бейнелі айтқанда кез келген тарих жер шарының формасын қайталайды – қылышқан байлықтар мен ұзақтықтардың тап осында болып маған хат өмірбаяны – адамзат ойының тарихы сияқты көрінеді. Уақыт семсерлерімен кескіленген, кабинет қаракүйелерімен желініп тасталған, «уақыттардағы байланыстыруши түйіндерді» қалпына келтіру үшін, бұл жұмысты көзсіз бастап, өлі түйіндер ретінде байланғандарды тарқатып жіберу керек»².

¹ Сүлейменов О. Писатель и время. М., 1983. С. 269.

² Сүлейменов О. Язык письма. Алматы – Рим, 1998. С. 40.

Көркемдік әлемінде метафоралар және рәміздер ерекше рөл атқарады. Қалай И. Ергалиев дұрыс атап өтетіндей, «Рәміз бен метафораны танымның төменгі сатысы деп менсінбеу ақиқат емес. Рәміз, ол мағыналық өлшемде тұратын, мәдени феномендердің формаларын туында беретін, мағына тудыратын акт. Рәміз адам шығармашылық қуатының өшіп бара жатқан актісі емес. Рәміз әзірше бар болғанда, құпия да бар, құпия бар жерде, ізденіс те бар»¹. Адамның рухани шығармашылығы мәдениеттің тылсым өлшемділігімен бірге, оны адам өзінің бүкіл өмір бойында іздестіретін, көпмағыналы және шексіз құпияға жақындауына мүмкіндік береді. Әмбебап мағыналар, рәміздер әр ретте құндылық бағдарларынан, әлеуметтік, ментальдық типтерден шыға отырып, жаңаша шешіледі. Жалпы метафоралық бейнелілік қазақ көркем мәдениетінің ерекшелігіне жатады. Әлемді көркем игерудегі фольклорлық, эпикалық, мифтік сәттердің өзара қарым-қатынасын диахроникалық қатарда да қарастыруға болады: өткеннің көркем бейнелері сонда рационалды және эстетикалық қайта өндөлетін, жаңа мәдени кең мәтінге ендірілу ретінде алға шығады .

Мұлдем басқа әлеуметтік-мәдени ортаға енгізілген көркем құбылыстар көбінесе өз қасиеттерін түбегейлі өзгертуеді. Бұл жағдайда бейне көптеген қырларынан айырылады, көркем абстракцияға, рәмізге айналады. Ол мәдени-тарихи кеңістікте еркін қозғала алады. Солай, қазақ жазушылары аңыз-ертегілерді өздерінің әдеби шығармашылығында жан-жақты пайдаланды. С. Мұқанов үшін олар тарих және этнографиямен танысу құралына айналды. М. Әуезов аңыздардың көмегімен Абай туралы роман-эпопеяның тарихи көкжиеңін кеңейтті. Ә. Нұрпейісов мифтік Көкбөріні зұлымдықтың рәмізіне айналдырыды. Ә. Кекілбаев, жаулап алушы соғыстардың қатігездігін суреттей келе, мәңгүрт туралы аңызды пайдаланады. Ш. Айтматов бұл аңызда тарихи жадыдан айырылудың қауіптілігін ескерте отырып, философиялық миф ретінде оны реконструкциялайды.

Ақпараттық қоғам жағдайында мәдениет тек тікелей шығармашылық шеңберіне ғана емес, сонымен бірге өндіріс, тұрмыс, адам болмысының өзіне ене бастайды. Қазіргі жағдайда әлеуметтік стереотиптердің (кодтардың) дәстүрлі моральдық қылышқа негіздері жеткіліксіз болып шығады және адамгершілік пен ар-ұятқа сүйене отырып, әр жағдайда жаңа моральдық таңдауды қажет етеді. Оның үстіне, бұл жағдаят бұрынғы Кеңес Одағы кеңістігінде жүріп жатқан бір құндылық парадигмасының басқасымен ауысуы процесімен ғана

¹ Ергалиев И.Е. Духовность как проблема философии культуры //Культура и искусства в стратегии Казахстана. Алматы, 1998. С. 53.

емес (тоталитарлықтың либералдықпен), бірақ жаһандану нәтижесіндегі Батыс өркениетінің бүрмаланған құндылықтарының экспансиясымен де анықталады.

Қазіргі көркем мәдениет өкілдері бүгінгі өркениеттің тығырықтарынан шығу жолдарын іздеуді өздеріне мақсат етіп қояды. Өзінің «Төрт Ана» деген өлеңінде М.Шаханов, онда отанына, туған тіліне, өз халқының дәстүрі мен тарихына деген сөнбейтін махабbat алаулаған, тұлға мұратын эстетикалық құндылық ретінде ұсынады. Өйткені тек өзінің ұлттық мәдениетін сүйетін және білетін тұлғағана, өзімен қалай жеке ұлттық болсын, солай дүниежүзілік мәдениет болсын, гүлденуді әкелетін, мәдениеттер сұхбатының құндылығын түсінуге қабілетті. Соңғы бес ғасырларда қазақ жерінде, ол өзінің адамгершілік мұраттары менabyroйын қорғаудың, тәуелсіздік үшін крестің, «Төрт Ананы» құтқарудың соңғы жаңғырығы болған, үш жүзден артық ұлт-азаттық соғыстар болды.

Бұқаралық қоғамның көркем мәдениеті үш деңгейге ажыратылады: «ақсүйектік» немесе таңдаулы, «орташа» немесе стандартталған, «тұрпайы» немесе төмен. Бұл бөлінудің түбінде жоғарыда аталған қоғамдағы жіктелу, ымырасыздық пен келіспеушіліктің артуы жатуы әбден ықтимал¹. Қазір Қазақстанда да нышан беріп келе жатқан «жоғары» мәдениеттің феномендеріне, қайтадан ренессансстық кейіпке еніп келе жатқан көркеменер туындылары (театр, роман, мюзклдер, детектив, теледидар т.т.), философиялық, діни, ғылыми еңбектер, этикет, сәулет, комьютерлік ойындар т.б. жатады. Орташа мәдениетте шығармашылық элементтер аз кездеседі, ол репродукциялық сипатта, жалпы тұтынушыға ұсынылған формаларда болады. “Жоғары” және “орташа” мәдениеттердің және «төменгі» мәдениеттің арасындағы айырмашылық шартты болып келеді. Мысалы, романдар философиялық толғамдарға толы, жоғары эстетикалық деңгейде немесе адамның тек нәпсікүмарлығын қоздыратын сипатта бола алады. Төменгі мәдениетке тек өнер туындыларығана емес, сонымен бірге бокс, бәйге сияқты көңіл көтеру формалары да жата алады. Басты критерийге адам болмысына енудегі терендік пен нәзіктік емес, ал тұрпайы гедонистік сезімдер осындағы «бұқаралық» мәдениетте алға шығады.

Төмендетілген мәдениет жеке тұтыну мотивтерінің таза еліктеушілік табиғатына сүйенеді. Кез келген зат, темекі маркаларынан бастап қымбат автокөліктеге дейін, жеке адамның

¹ Темирбеков С.Т. Национальная культура в контексте современной рыночной цивилизации // Современные проблемы развития национальной культуры. – Алматы: ЮКГУ, 1998. – С.127-141 (42 б.).

әлеуметтік беделінің рәмізіне айналады. Француз социологі Г. Лебонның пікірінше, тұтынушы адамда интеллектуалдық қабілеттіліктің орнына, еліктеу мен бейімделу инстинктері жетекші қызмет атқарады. Мемлекет, дейді ол, осы бұқара инстинктерін өз мақсаттарына пайдаланады¹.

Соңғы онжылдықтарда "тұлғалық нарық" деп аталатын бағдар қалыптасты. Ондағы және тауар нарығындағы бағалаулардың принциптері бірдей: біріншісінде тұлға сатуға ұсынылса, екіншісінде – тауар. Табыс көбіне адамның өзін нарықта қаншалықты жақсы сата алуына, оның "қорабының" қаншалықты тартымдылығына, оның қаншалықты сергек, берік, жіті және сенімділігіне, оның отбасылық жағдайына, қандай клубқа жататындығына, керек адамдармен таныстылығына байланысты. Адам өзінің өмірі мен бақыты туралы ойланбайды, қалай өтімді тауарға айналуын ойлайды. Ұтымды тауар сияқты адам да тұлға нарығында сәнді болуы тиіс, ал сәнді болу үшін тұлғаның қандай түрінің сұранысқа ие екендігін білуі тиіс. Мұндай үлгілердің картинасын жарнама, газеттер, журналдар, кино, теледидар, радио береді.

Қазіргі адам өзін базардағы сатушы ретінде де, тауар ретінде де қабылдағандықтан, оның өзін-өзі бағалауы өзінен тыс жағдайларға бағынышты. Егер ол үлгеріп отырса - құны бар, ал олай болмаса – ол құнынан айырылады. Ол өзінің күш-жігерімен біртұтас емес, өйткені оны қолдану процесіндегі өзін көрсету емес, оларды сату процесіндегі оның табысы маңыздырақ²

Қазіргі технологияларды қолдану дәстүрлі қоғамның иерархиялық құрылымын шайқалтып жіберді. Мысалы австралиялық аборигендерде тас балтаны жасау еркектердің үлесінде болған, кейін миссионерлер тас балталарды үлкен көлемде әйелдер мен балаларға таратқаннан кейін, еркектердің әлеуметтік статусы біршама төмендеп кетіп, дәстүрлі құндылықтарды шайқалтып жіберді. «Теледидарлық балта»³, дейді М. Маклюэн, бүкіл Шығыстың дәстүрлі өнерінің тамырын шапты, «ыстық» джаз, тыныштық пен табиғатқа еліктеуге негізделген Шығыс өнерін өртегендей болды. Теледидар батыстық ықпал кең мәтінінде адамның парасатына емес, ал оның сезімдік-тылсымдық қатпарларына бағытталған және сол арқылы түрлі дәстүрлі мәдениеттерді өз мақсаттарына сай өзгертуге болады. Бекерден бекер батыстандыру үрдістерінде неше түрлі шоу, комикс, детектив, триллерлер жетекші рөл атқармайды. М. Маклюэн өзінің «Механикалық қалыңдық» деген кітабында эротиканы

¹ Алимжанова А.Ш. Эстетическая культура // Философия: Раритет, 2006. С. 159

² Сонда, 291-301 бб.

³ Маклюэн М. Культурная коммуникация: срелства «горячие» и «холодные» культуры // Кукаркин А.В. Буржуазная массовая культура. – М.: Политиздат, 1985. С. 47.

мифологияландыру арқылы, соны жарнамамен күшейту нәтижесінде бизнесмендер автокөлікті сатуды кең жолға қоя білді дейді. «Жарнама, - дейді ол, - XX ғасырдың ұнгірлік өнері. Ұнгірдегі тасқа салынған суреттер сияқты, ол адам миының терең қатпарларында өшпес ізін қалдыруға ұмтылады. Бұл - жаңа трайбалист, корпоративтік адам жігерінің құйыны. Жаңа акпараттық ортада бизнес пен мәдениет ажырамас күшке айналды»¹. Осының көрінісіне, мысалы, Қазақстандағы алып корпорациялардағы бизнес этикасы туралы кодекстері жатады. Олар тура әлемдік ұйымдардан көшіріліп алынғандай.

Батыстыандырудың көптеген ерекшеліктерін, мәнері М.Маклюэннен белектеу, Дэниел Белл өзінің «Постиндустриялық қоғамның жақындауы» деген еңбегінде көрсетеді және оның біршама қағидалары қазіргі қазақстандық қоғамды түсіну үшін де маңызды. Оның пікірінше, табыс пен пайдаға негізделген Батыс қоғамының анық байқалып тұрған қайшылықтары протестанттық этика және Батыс пен Шығыстың рухани дамуының түйіні ретінде алынған жаңа рухани мәдениет арқылы шешіледі. Мәдениет түрлі конвенциялар жасап шығарудың құралына айналады. Осындай мәдениетті, ірі корпорациялар жалдап алған, маман теоретиктер жасап шығарады, сосын олар Голливуд сахналарынан өткізіліп, кейін тұтынушыға жеткізіледі. Әр жыл сайын кемінде 40 млн. комикс кітапшалары сатылады, 70 млн. адамнан артық комиксстрипс деп аталатын газеттерді оқиды. Егер бұрын әдеби қаһармандар ретінде түрлі әскери, саяси мәдени қайраткерлер ұсынылса, қазір олардың орнын неше түрлі құбыжықтар мен «суперадамдар» алып кетті. М. Вебер ұсынған «әмбебап рационалдықтың» орнына постмодернизмдегі симулакрумдар (елестің елесі) келе жатыр. Жер бетіндегі «алтын миллиардтан» (батыс адамы) басқасы қарапайым тұтынушы мен шикізат өндіруші болып қалуы керек.

Қазақстанда және басқа да ТМД елдерінде, адамдар бұрын партиялық беделдің басқаны құрметтемеген жағдайында, батыстық құндылықтар бұқаралық мәдениет барынша дәріптейтін «имидж» (тұлға бейнесі) және «престиж» (бедел, артықшылық) түсініктерімен таралады, солар бойынша неше түрлі социологиялық зерттеулер мен «рейтингтер» жүргізіліп отырылады. Әдетте бұл дайын үлгі-модельдердің түбінде американдық мұраттар мен құндылықтар тұрады.

Батыстыандыру үрдістері, қазіргі батыс идеологиясы да, философиясы да, ұстанымы да – постмодернизм жариялағандай, бейрационалдық, плюралистік, реалистік, орталықсыздандырылған,

¹ Алимжанова А.Ш. Эстетическая культура // Философия: Раритет, 2006. С. 2, 52.

жаһанданған әдіснама негізінде жүргізіледі. Француз ғалымы Жан Эллюль атап өткендей, батыстандыру қазіргі кезде ұрандар мен теориялар арқылы емес, ал байқатпай өмір шындығына еніп кету арқылы жүргізіледі, ол адамға оның құнделікті әдеттері, мінез-құлық стереотиптері, салт-ғұрыптары арқылы енгізіледі; бұл - иландырудың жаңа формасы; адам жаңа құндылықтарды өз еркімен таңдағандай болып тұрады. Бірақ, шын мәнісінде, ол жаңа ұжымдық сана - бұқаралық мәдениеттің көзсіз орындаушысына айналып кеткен.

Батыстандыру қазіргі заманда бұрынғыдан тек қару қүші немесе миссионерлік әрекеттен гөрі, өзіне тиімді жаңа мифологиялық тарату арқылы жүзеге асырылады. Осы мәнісінде бұқаралық ақпарат құралдарымен кең насиҳатталып жүрген жаңа мифтердің кейбіреуін сараптайық.

Қазіргі мифтер – бұлар ерекше тектегі елестер мен жалған бейнелер, «муляждар». Егер ертедегі миф қауымдық адамның білім жоқ жағдайында қоршаған дүниені сол қалпында қабылдауына негізделсе, қазіргі миф ерекше технологиямен жасалған, шындық онда арнаулы рәміздермен бұрмаланған, форма болып табылады. Қазіргі миф таным формасы емес, ал әлеуметтік басқару және көпшілікті манипуляциялаудың құралына жатады. Ол дүниені түсіндірмейді, керісінше, сана немесе бейсана фантомдарын құрастырып, «ерекше тектегі» симулакрумдарға сүйенеді.

Қазіргі батыстық мифтердің арасында «табысқа жету туралы миф» ерекше орын алады. Атақты «американдық арман» деген сана артефактысынан бастау алатын, бұл мифте батыс демократиясында кез келген адамның бақытқа деген құқы өзінше көрсетіледі. «Өзінді өзін жасай аласың» дейді бұл миф қолдаушылары. Бұл мифтің балама формаларына «Золушка» (жетім қызы) туралы ертегінің бұл заманға үйлестірілген формалары, «Қарапайым Мариялар» т.б. жатады.

Осыны XX ғасырдың басында байқалған көркемдік дағдарыстарға байланысты деп айтуға болады. Сондықтан өнер құндылығы, жалпы алғанда уақыт талаптары қойып отырған позициялық критерийлерге байланысты бағаланады. Сөйтіп, өнер бұрынғы реалистік формаларын жоғалтады. Оның орнына таза бояу таңбалары, оның кенеп бетіндегі шашырандылары, геометриялық формалар үйлесімділігінде құралған композициялар келді. Ол ол ма? XXI ғасырдың алғашқы он жылдықтарында құнделікті қолданылатын тұрмыстық заттардан бастап жыртылған, өртенген кенептер, кейінірек сыраның, пепси-коланың банкілері, көптеген шегелер тізбегі қағылған орындықтар мен музыкалық аспаптар, адамның муляж көшірімдері тағы басқа кездейсоқ немесе көрмеге әдейі дайындалған нәрселер әкеліне бастады. Одан кейін бейнелеу өнері ашық табигат аясына

шықты. Суретшіге кей жағдайда кәсіби машиқтылығын жетілдірудің өзі қажет болмай қалды. Себебі өнер қатты индивидуальды сипатқа ие болып, кәсіби машиқтылықтың орнына, кей жағдайда, интеллектуализм жетекші орын алды. Бұлардың бәрі XX ғасырға тән көркем құбылыстар еді.

Осындай мәдени процестердің алдын алу үшін, бұкаралық мәдениеттің теріс әсерлерін кеміту мақсатында Қазақстан Республикасында көптеген шараларды жүзеге асырған жөн. Еліміздегі Мәдениеттану және өнертану ғылыми зерттеу институты (жетекші - Ә. Қодар) осы мәселеге қатысты мәдени дамудың арнаулы тұжырымдамасын қабылдады. Оның кейбір қағидаларына назар аударайық.

Классикалық маңызы тәмен, ұлттық болмыс пен психикаға кері әсерін тигізетін өнер мен музыкадағы өнімдер ағымына бақылау қою, оны жүзеге асуру аппараттарын жұмылдыру. Атап айтқанда:

- қала мен республикалық маңызы бар және облыстардағы атқарушы орган мен мәдениет институттарының бақылауын күшайту;
- сараптама және ақпараттар жинақтау бөлімін жетілдіру;
- ұлттық психология мен сана-сезімге кері факторларды болдырмаудың әкімшілік бөлімдерін жұмылдыру т.б.

Халықтың рухани және физиологиялық тұрғысынан дамуының бірден-бір мүмкіндігі өмір болмысын халық тағдырын бейнелейтін мәдени ошақтардың басты саласының бірі, театр мен кино өзінің бүгінгі қоғам өміріндегі орнынан қазіргі заман талабына сай ұлттық психология, тәрбие беру, эстетикалық құндылық сапаларын тәмендетіп алды. Оған басты себеп:

- шетелдік немесе батыстық кино мәдениеті: ашық порноөнімдер, афро-американдық поп музыкалар, эротикфильмдер, сана-сезім, міnez құлыққа кері әсер ететін қатігез киноөнімдер мен сериалдар;
- Қазақстандық театр және кино мекемелерінің халық назарын өзіне тартып аларлық туындыларының әлсіздігі;
- әртүрлі жат мәдениет үрдістерін насиҳаттайтын бейне таспалардың шектеусіз сауда рыногында таралуы;
- кино мәдени ошақтары – кинотеатрларда шетелдік фильмдерді жарнамалау мен жаппай көрсетулер¹.

Бұғінгі таңдағы кітап дүкендері мен кітап сауда орталықтарындағы сатылымдағы кітап қорының 90 пайызы шетелдік кітаптарды құрайды. Музей кешендерінде экспозициялар мен ұлттық тарихи мұраларды сақтау мен дамыту әлі күнге дейін кеңестік идеология шеңберінде құрылған өлкетанушылық бағыттан әрі аса

¹ Мырзалы Серик. Модернизация общества: взаимосвязь политики и морали. – Костанай: КГУ, 1998. С. 268.

қойған жоқ. Осы факторларға сәйкес кітапхана мен музей ісіндегі қордаланып қалған мәселелерге мыналар жатады:

- ұлттық әдеби-мәдени көркем туындылар дағдарысы;
- қазақ тіліндегі қоғамдық ғылымдар әдебиетінің жеткіліксіздігі;
- кітапхана қызметіндегі ақпараттық және интернеттік каталогтар жүйесінің дамымауы;
- ғылыми сапасы төмен кітаптар қорының көбеюі;
- кітапханалардағы ұлттық кітап қор жинақтарының тапшылығы және қаржылай қолдаудың жеткіліксіздігі т.б.;
- музей мекемелерінде білікті ғылыми мамандардың аздығы;
- осыдан келіп, мұражай ісі мен мұражайтану ғылыми-әдістемелік орталықтарының жоқтығы;
- мұражайлық жәдігерлерді, өнер туындыларын жинақтайтын қаржының таршылығы және т.б.¹.

Мәдениет негізі мен этностиқ жады арқылы ұрпақтан ұрпаққа беріледі. Бұгінгі таңда, БАҚ арқылы жарияланатын материалдар мен ақпараттар батысшылдық сипатқа ие болып отыр. БАҚ халықты, әсіресе жастарды мәдени-рухани басқа арнаға түсіруге себепші болып отыр. Ақпарат жүйесі бойынша басқа елдермен салыстырғанда Қазақстан сияқты телеарна хабарларының 60 пайызы жат тілде берілетін бірде-бір ел жоқ. (Қазақ елі. 1999, 19 – наурыз). Қазақстандағы БАҚ жүйесіндегі телеарнаның үлесі – 90-95 пайыз. Ал мәдени-рухани институттары дамығын елдерде БАҚ-тың соның ішінде телерадионың үлес салмағы – 40-45 пайызды құрайды. Мәселен, Францияда француз тіліне аударылғанына қарамастан шетелдік материалдардың 15-20 пайыздан аспауы заң жүзінде белгіленген.

Қандай да бір ұлт мәдениетінің түп-тамыры тіл екенін ескерсек жоғарыда аталған және төменде аталмақ мәселелердің барлығында да тіл мәселесі кезек күттірмес өзектілігімен айқындалады.

БАҚ саласындағы және жарнама мен телекоммуникация саласындағы негізгі мәселелер:

- баспа телерадио ақпарттары бойынша ашық түрде эротикалық суреттер «бәсекелері», қатыгездік және қыру-жою сияқты психикаға кері әсер беретін фильмдер, поп музыкаларының таралуы;
- қазақ тіліндегі басылымдардан орыс және басқа тілдердегі басылымдардың көптігі. Егер қазақ халқының ұлттық болмысының, тілінің басқа жерде қалыптаспайтындығын ескерсек, бұл процесті де тілдегі экспансия деп бағалауға болады.

- Қазақстанда БАҚ және интернеттік жүйеде, мәдени-руханият саласында өзімшілдік, жауапсыздық, талғамсыздық таралуда;

¹ Қазақстанның мәдени мұрасы.- Алматы: Абай ат. ҚазҰПУ, 2005. 964 б.

- жарнамалардағы қазақша мәтіндердің дұрыс жазылуы ескерілмеген, қала безендіру мәселесінде ұлттық нақыш пен қазақ тілінің халі мүшкіл;

- теле және коммуникация жүйесінде қазақ тілін қолданудың заңдық нормасы сақталынбаған (телефон байланысы, әуе, теміржол, авто бекеттерінде) т.б., ұлттық парк, демалыс орындары, қонақ үйлер қызметтері қазақы болмыс-бітімнен ада дерлік;

- мемлекеттік ұжымдардың іс қағаз және құжаттарды ресімдеулери қазақ тілінде толықтай жүзеге асырылмаған (Әділет министрлігі, ПМ, Сыртқы ІМ, қорғаныс саласы т.б.).

Батыстық рухани экспанцияға төтеп берудегі маңызды мәселеге «орыстілді қазақтарға» ұлттық рухты сіңіру жатады. Бұл топ қазақтың қалада өсken, өзінің ұлттық бастауларынан тыс қалған, қазақ тілін білмейтін не нашар білтіндер тобы. Олар қазақтың тілін ғана түсінбейді емес, сондай-ақ қазақтың табиғатын да, ұлттық танымтүсінігін де білмейді. Жалпы оларға қазақ стихиясы жат. Ал түсінбейтін нәрсе әрқашан қорқынышты, құбыжық болып көрінеді. Ауыл қазақтарын олар «артта қалған, ескішіл» деп түсінеді.

Осы топ, яғни ана тілін білмейтін қазақтар тобы бизнесте де біраз табыстарға жетті, мемлекет басқару ісінде де лауазымды орындарға қолы жетті. Оған себеп олардың халықтың басқа топтарына қарағанда нарық экономикасын терең түсінуі, арнайы білімдерінің жоғары болуы, әрі біздің елімізде мемлекетті басқарудың, іс қағаздарының, өндірістің орыс тілінде жүргізуінен болып отыр. Әліге дейін жоғары оқу орындарында дәріс берудің 70 пайызы орыс тілінде. Арнайы оқулықтар да сол тілде. Бұның өзі қазақтың экономикалық, техникалық ойын қатты тежел отыр.

Ал іс қағаздарының мемлекеттік тілге көшірілуі осы қазақша білмейтін қазақтардың экономикадан және мемлекет басқарудан шеттелуіне алып келуі мүмкін деген пікір бар. Міне, олардың қостілдік, қазақ мемлекеттілігінің ұлттық сипатын жою үшін жанталаса құресуінің негізгі себебі де осы – қара бастың, топтың мұдденің қамы ғана.

Осындай топтың мұдде үшін қазақ халқының ұлттық мақсатмұддесі, ары мен ұяты, болашағы саудаға салынып отыр. Осы ұлтсызданған қазақтар тобының кейбір өкілдері өздерін «прогресшіл, ойы озық жаңашыл, нарық экономикасын қолдаушы, реформаторлар» деп біледі. Ал ауылдан шыққан қазақтарды «артта қалған ескішіл, ұлтшил, коммунистер, экономикада бұрынғы іске аспай қалған жоспарлы, әкімшілдік әдісті қолдаушылыр» деп есептейді. Дегенмен қазақ тілінің экономикалық, техникалық мемлекет басқару аспектілерін барынша тез дамыту, ұлттық қаны бар басқарушы

элитаны тәрбиелу қажеттігі айдан анық. Откенге жармаса беруіміз жетер. Бүкіл ақыл-ойды, парасат пен білімді келешекке бағыттайық.

Аталмыш топ аз да емес. Халқымыздың 25 пайыздайы ана тілін нашар біледі не тіпті түсінбейді деген дерек бар. Оның үстіне, әліге дейін 400 мыңдай мектеп оқушылары өзге тілде оқиды. Жоғары оқу орындары студенттерінің 50 пайызы ғана қазақша оқиды. Демек, бұл топтың саяси өмірге ықпалы алдағы уақытта да үлкен болмақ. Өз мәңгүрттеріміз үшін орыс тілін екінші мемлекеттік тіл қылып, масқара болып жүрмейік¹.

Дегенмен, қазақша білмейтін қазақтың бәрі ұлтсыздандыған деуден аулақпыз. Олардың негізгі бөлігі саяси жағдайды дұрыс ұғынып, қазақ мемлекетінің бекуі, нығаюы үшін адаптацияның қызмет етуде. Осы бір ұлт тағдыры үшін өте күрделі мәселенің екінші қырынан қарайықшы. Қалың көпшіліктің миына кез келген идеологияны сіңірге болады. Тарихты алыш қарасаңыз, миллиондардың миына кезінде коммунистік, фашистік, христиандық, либерал-демократиялық идеялар сіңірілді. Миллиондар осы идеяларға кезінде жан-тәнімен сенді, соған қызмет етті. Ал қазақша білмейтін қазактардың санасына біздер қандай ой-пікірлерді құя алдық? Олар қазақша газет оқымайды. Қазақтың ұлттық идеологиясын білмейді. Қазақ өмірін қараңғы әрі қауіпті құбылыс, түсініксіз стихия ретінде ғана қабылдайды. Ал оларға өзіміздің ұлттық мұдде-мақсатымызды, қазақ мемлекеттілігінің, тілінің, мәдениетінің маңызын ұқтыру үшін не істедік? «Қазақтың ұлттық ой-арманын, мақсат-мұддесін орыстілділерге жеткізетін газет керек. Қазақ басылымдарындағы мақалаларды орысша аударып басу керек» деген идеяны бүгінде Президент Н. Назарбаев та қолдап отыр. Лайым да сол ұсыныс іске асып, мәңгүрттерімізді қайта тәрбиелейтін, бауырымызға қайта тартатын, түсінбегендерін түсіндіріп, мәселенің мән-жайына көзін жеткізетін заман туса дейміз.

Кезінде ақпарат кеңістігін басқару, саяси процестерді бағыттап отыру туралы қадау-қадау идеялар ұсынылды. Оған құлақ түрген жан шамалы. Мемлекетті ой-пікір, идея басқарады. Қажетті идея заңға немесе жарлыққа айналып, миллиондардың тағдырына әсер етеді. Ал сонда айтылған тың ой-пікір, идеялар босқа қала берсе, біз саяси процесті басқарып емес, оны стихияның еркіне беріп, соңына ілесіп қана жүре бермекпіз бе? Және бұл біздің көп ұлтты еліміз үшін қаншалықты қауіпті².

Әр адамда өз анасынан басқа да,
Ғұмырына етер мәңгі астана,

¹ Жандәулетов Т. Қазақ ұлттық идеологиясы мәселелері. - Алматы: ХҚАА, 2004. 164 б.

² Сонда, 164 б.

Демеп жүрер, жебеп жүрер арқада,
Болу керек құдіретті төрт ана:
Тұған жері – түп қазығы, айбыны,
Тұған тілі – мәңгі өнеге айдыны,
Жан байлығы, салт-дәстүрі – тірегі,
Қадамына шуақ шашар үнемі.
Және туған тарихы¹.

Ақын М.Шаханов, олар тарихтың жол қызылсызында тұрып қалған, қазақтардың рухани пақырлануына қатты күйзеледі. Жат, бөтен сыртқы ықпалдардың әсерімен, қазақ қоғамы түрлі қындықтарды басынан өткізуде. Әдепке үйлестірілмеген нарықтық қатынастар ғасырлық берік моральдық қазықтарды шайқалтады, адамгершілік ұстындарының тамырына балта шабады және жастарға теріс ықпалын тигізеді. Билік жылдам баюға мүмкіндік береді және осыған тез жетемін деген сезім кейбіреулерді азғындық жолына салады. М. Шахановтың мына жолдары өзекті:

Байлығы озса мысықтар да жолбарысша көсілмек,
Бес жұз қабат үй салу да емес бүгін боз елес.
Ақшаң болса «маймылды» да бастық сайлау сөз емес.
Адамзаттың бар тағдырын енді ақша шеше ме?
Қарындарды – тек өз қамын ойлаған,
Залымдарды – қан төгуге тоймаған,
Ұрпақтарды ұлғі тұтып, орнатуда кесене.
Әділдікке деген сенім бірте-бірте өше ме?
Жол бар ма екен аман өтер пендे мұдде-орманнан,
Адамдықтың салтын қайттік, даңқын қайттік қорланған².

Ақын қазіргі қоғамның, дәстүрлі моральдық негіздердің әдептік құлдырауын, қайда пысықтар мен арамзалар салтанат құратын, сенімділік пен тазалықтың құнсыздандының сынайды және олардан арылуға шақырады. Бұл үшін қазақ мәдениеті әдептік өлшемдерін жаңа заманға сай қайта құру қажет. Адамгершілік мұраттарының жоқтығы және моральдық нормалардың тұлғасыздандыны халықтың рухани күйін күйзелтіп жібереді.

Ұлттық өзіндік сананы оятуды ақын елдің болашағы, жастарды тәрбиелеуден бастау керек дейді. Төлтума рухани мәдениетті жоғалтып алмау үшін өзінің ана тілін, тарихын, тәуелсіздігін баянды ету үшін ұлттық идеяға жүргіну қажет.

Көркем дүние түйсінудегі негізгі адамгершілік құндылықтары халық намысы ұғымында түйінделген. Ар-ұят пен намыс қазылығынан адам үшін жоғары сот жоқ. Ар жазасы мен тәубеге

¹ Шаханов М. Заблуждение цивилизации Сага о нравах эпохи. Алматы, 1999. С. 176.

² Сонда, 73-74 бб.

келуден жоғары тазару жоқ. Бүкіл еуразиялық кеңістік осының күәгері. Нағыз ақын халықтың ар-ұяты ретінде өзін паш етеді.

М.Шаханов өз поэмасы Қайрат Рысқұлбековтың бейнесін поэтикалық түрде сомдап шығарады. Қайрат өз әкесінің, оған жала жабылған жиналыста үндемей қалған досымен айырылысып кеткенін еске алады. Қайрат әкесінен ол досымен неге щұғыл ажырасты дегенде, ол былай жауап берді:

Кім тыныш уақытта тығылыш қалса,
Сол міндettі түрде
Шешуші кездे сатып кетеді,
Есінде осыны сақта, балам¹.

Тағдыр тәлкегі бойынша, әкесі қауіптенген нәрсе Қайрат үшін трагедия болып оралды. Оны, ол өзі жасамаған, кісі өлтірдің деп айыптады. Осыны оның досы бекерге шығара алатын еді. бірақ досы үндемей қалды және кінәсіз адам өлім жазасына кесілді.

Намыс туы желбіреген өрінде,
Дүниеге келтірген сан алыпты.
Отырарда,
Менің туған жерімде
Мынадай бір асқақ аңыз қалыпты.

Жігерімен жіберердей тасты үгіп,
Өнер, ой тармақты,
Адал, жайсақ жас жігіт
Ел ырысын шашып өткен
Тосын келген қасіреттен
Жанын салып туган жерін қорғапты².

Ақын жастарға мынадай кеңес береді. Желтоқсан алаңы арқылы өткенде, көтерілісшілердің ерлігі мен батырлығын және оларды сатқандардың әлсіздігі мен арамзалығын көру үшін, мұлгіп тұрган шыршаларға қараңдар. Адам өзінің әрбір қылышына тиесіліні алады: батырларға халықтың құрметімен мәңгі есінде қалуы, сатқындарға – жирену мен түңілу. Ақын зорлыққа, қасіреттілікке және әділетсіздікке батыл түрде қарсы шығады. Ол мейірімділікке, рахымдылыққа, махаббат пен бақытқа, кешірімділікке шақырады.

М. Шахановтың түпнегізді жалдышадамзаттық құндылықтарға – ақиқатқа, әсемділікке, ізгілікке көніл аударуы, қазақ халқының рухани мәдениетіне тән, этикалық пен эстетикалықтың бірегейлігін дәлелдей түседі. Ақындарға интеллектуалды адам, кейбір әсіре рационалдық немесе тар прагматикалық ұстанымдардан өзгеше, руханилықтың

¹ Шаханов М. Заблуждение цивилизации Сага о нравах эпохи. Алматы, 1999. С. 117.

² Сонда, 123 б.

барлық бітімдерін бойында ұстайды. Осындай адам тұғырынан, ақын қазіргі әлемнің көркем суреттемесін жасағанда, айшықты бейнелердің тұтас галереясын жасап шығады...

Қазіргі ақпараттық өркениеттің жетістіктеріне қаншама риза болғанымызben, оның теріс салдары кез келген адамды қобалжытпай қоймайды. Қазіргі тұтынушылық деп аталатын қоғамда діни, саяси, әлеуметтік құндылықтардың құнсыздануы жүзеге асып жатыр, адамға деген сенім барған сайын жоғалып келеді, өнерге жат элементтердің енуі, оны көпшілік мәдениетінің жай қарапайым тауарына айналдырып жіберді. Академик Д.С. Лихачев жазғандай, «мәдениет құлдыраудың прогресс сенімсіз болып шығады».

Қазіргі әлемдегі өркениеттік үрдістерді сезіну және аңдау қазақ көркемөнер мәдениеті мен әдебиеті өкілдеріне Қазақстанның рухани құндылықтарын, олардың өрістеу бағдарлары мен коллизияларын көркем формада білдіруге мүмкіндік береді. Ш. Айтматов пен М. Шаханов өздерінің «Кұз ұстіндегі аңшының жоқтауы» атты диалог-романында батыс ақылы, дәстүрлі құндылықтарды қирата отырып, «үш өлшемді әлемді» рационалдық парадигмамен «тауысып», «дүниенің қараңғы жақтарына» байлаап кетті дейді¹. Қазіргі руханисыздықтың себебі ретінде авторлар жақсылықты тасада қалдырып, зұлымдықпен (эрзац-құндылықтармен) әуестеніп кетуді атайды. «Тірі адам сансыз әрекеттерден: жасампаз және жоюшы, ұйғарылған және спонтандылардан тұрады. Адам ішкі болмысының тылсым түйіктары күрделі және қауіпті. Бірақ не болса да, қанішерден қанішердің, зұлымнан зұлымның тууын шектеу, мәңгүртер мен зомбилардың қаптап кетуін болдырмау қажет»².

Көптеген демократиялық еркіндіктер кейбір тұлғалармен дұрыс түсінілмеген. Телеарналар садизм, порнография мен нәпсіқұмарлыққа толы, кітап сөрелері, қазақтың дәстүрлі адамгершілік тәжірибесімен мұлдем сиыспайтын, көркем-эстетикалық талғамы төмен, триллерлер мен үрей фильмдеріне, пансексуалдық мелодрамаларға толы. «Ол қандай нақыштаумен берілсе де, тәрбиенің негізінде кісі өлтіру жатса, онда не камикадзені, не Джеймс Бондты аламыз»³.

Қатігездік тек мейірімсіздікті туыннатады, ол үлкен мөлшерде, не кішігірім түрінде көрініс таба алады. Мысалы, ежелгі Рим тұрғындары гладиоторлардың қантөгісінен ләzzат алса, Испанияда корридаға түбінде сондай себептермен барады, ал қатыгездік басты рөл атқаратын қазіргі үрейлі фильмдерді миллиондаған адамдар қарайды.

¹ Айтматов Ч., Шаханов М. Плач охотника над пропастью. Алматы, 1996. С. 115-116.

² Сонда, 134.

³ Сонда, 110 б.

Осы жөнінде қос қалам шеберлері мынадай мысал келтіреді: «XVII ғасырды өмір сүрген, венгер графиясы Елизавета Баториді алайық. Бұл ақсүйек әйел арнаулы өлтірілген қыздардың қанымен толтырылған ваннада шомылудан ләззат алған. Зұлым әйелдің осы «еркелігі» 650 шаруа қыздарының өмірін қиган. Графиня жас қан оның сұлулығын жетілдіреді деп есептеген»¹.

Біздің заманымызда да мына үш сұрақтар өз көкейкестілігін жоғалтқан жоқ: Адамдардағы ізігіліктің бастауларын қалай ашып шығару керек? Жаңа Шыңғысхандар мен Жаңа Гитлерлердің айуандық инстинтистерін қалай басып тастау керек? Қалай олардан руханилықты қорғау қажет? «Бұл қасиет кез келген сырқатпен ұксас: жай ғана сызат қауіпті ісікке айналуы мүмкін, кәдімгі грипп адам өлімімен аяқталуы мүмкін. Бірақ гумандық насиҳат пен рахымдық үтімін және діни өсietпен бірге эпидемияның ошақтарын жоюға болады. Жүйелі мемлекеттік қамқорлық пен нысаналы саясат бұл жерде ауадай қажет. Адамда аңды ояттай-ақ қояйық»².

Рух мәдениетіне жетуге бағытталған Ш. Айтматов пен М. Шахановтың бұл талпыныс әрекеті өнеге тұтарлық. Рух инфляциясы адамды құртып жібере алады. «Бізге төніп тұрған апаттардың арасындағы ең қауіптісі атом бомбасы, планетаның жаһандық жылынуы емес, ал антропологиялық апат – адамда адамгершілікті жою болып табылады»³...

Дүниежүзілік көркем мәдениеттің алып тұлғалары қалыптасып келе жатқан өркениеттің гуманистік мазмұнын нығайту үшін Шығыс пен Батыстың арасында мәдени-рухани синтезді жүзеге асыру керек дейді. Мысалы, жапон ойшылы Д. Икәдамен бірігіп жазған «Рух ұлылығын мадактау» атты еңбегінде Ш. Айтматов, Шығыс пен Батысты бірегейлендіре отырып, әлемдік субъектінің үйлесімдігін қалыптастыру қажет дейді. Батыс сыртқы дүниені тануда табысқа жетіп, Құдайды сырттан іздейтін күш ретінде алға шықса, Шығыс Құдайды адаммен имманентті қарастырады, адамдық субстанцияның ғарыштық табиғатына мән береді⁴.

Осындай жаһандану өрінісіндегі Қазақстанның өзіндік ерекшеліктеріне соңғы жылдары қазақ авторлары да көңіл аударып келеді. Мысалы, «Тамыр» журналында д-р Найман деген автор «Көкжал егеуқұйрық» атты эссе сінде «Қазақ жастарында үлгі тұтарлық кейіпкерлер жоқ, ал мұратсыз қоғам мутацияларға ұшырайды»⁵ дейді.

¹ Айтматов Ч., Шаханов М. Плач охотника над пропастью. Алматы, 1996. С. 171-172.

² Сонда, 132 б.

³ Сонда, 110-111 бб.

⁴ Айтматов Ч., Икәда Д. Ода величию духа. М., 1997. С. 63.

⁵ Д-р Найман. Крысиный волк./Тамыр. 1999. №1. С. 37.

Д-р Найман игіліктің еуропалық үлгісімен әуестену белен алғып келеді дейді: «Егеуқұйрық адам емес, ал тек егеуқұйрық бола алады. Нәтижесінде қазақ қазақ болып шыққысы келмейді, қазақ адамы өмір сүретіннің бәріне немікүрайлықпен қарайтын болады. Осылайда жағдайда елдің ішкі мәселелері шешілмейді. Және ол тек сыртқы манипуляциялардың объектісіне айналып кетеді»¹.

Батыстың рационалды-прагматикалық философиясынан шығатын жеке дарашилдық пен тұтынушылықтың апологиясының орнына, дүниенің андауға дең қоятын, дәстүрлі шығыстық этностарда экологиялық ұстывдар, этикалық бағдар мен руханилық айшықты көрініс табады. О. Сүлейменовтың «егер біз мәдениетті құтқарсақ, онда ол бізді де құтқарады» деген сөздері ақиқатқа жақын»².

Әдептен тыс адамның жаны да, қылышы да сұрықсыз, кісі өлтірушінің, сатқынның және атаққұмардың мақсат үшін құрал таңдамайтындығы үрей тудырады. Адамзат әлі күнге дейін өткеннен сабак алмағандығы, қаламгерлерді қатты толғандырады. Қатыгездік әлі күнге дейін не адам жанында, не қоғамда жойылмаған, сондықтан ол XXI ғасырда да өкінішке орай жалғаса береді. Белгілі философ М. Орынбеков жазғандай, «олар жас кезінен тазалық пен сенімділік, даналық пен абыройлық мұраттарынан ажыраған жас ұрпақта, адамгершіліктің құлдырауы айрықша күйзелтеді»³. М. Шаханов бейнелеп берген, көзіне қара көзәйнек киген, түнгі ұқсас, әдеп пен мәдениеттен тыс әсіре адамның сурттемесі философтың ойымен үндес техникалық дарынды, бірақ ар-ұяттан арылған бұл «пышық» жаңа заманың теріс жақтарын өз бойында жинақтаған:

Бұгін неге рухсыздық секілді зор батырлық?
Ізгіліксіз батырлықтан зардал шегіп жатыр жүргт.
Ньютон ашқан үшінші заң нені үндейді білдік пе?
«Әрбір қимыл – қарсы қимыл тудырады тірлікте.
Егер қарын байлығынан рухымыз пән тұrsa,
Ұқсас, текстес жебір ойлар бір бағытта асқынса,
Қоғам қалай ұстамақшы әділ ойдың шылбырын,
Жан байлығы саяз күштер жек көреді бір-бірін.
Олар қазір заманды алдап, зандастырып әр ісін
Корғамаққа құлшынады аңқау елдің намысын»⁴...

Егер «көз адам жанының айнасы» десек, онда XXI ғасырдың «көзі» - адамзат рухының айнасы. Сондықтан ақынмен жасалған мына бейне түсінікті бола бастайды.

Ауыр әрі қасіретті болса да

¹ Сонда, 38-б.

² Курманбаев Е. Спасет ли культура мир//Тамыр. 1999. №1. С. 42.

³ Орынбеков М. Философике взгляды Абая. Алматы, 1995. С. 114.

⁴ Шаханов М. Заблуждения цивилизации. С. 115.

Құдірет жоқ төрт анаға тең келер
Онсыз санаң қаңбаққа ұқсан сендерлер.
Өзге ананың ұлылығын танымас,
Төрт анасы менсінбеген пенделер.
Төрт анадан сенім таба алмаған
Тамырсыздың басы қайда қалмаған?
Төрт анасын сыйламаған халықтың
Ешқашанда бақ жүлдізы жанбаған¹.

Қазіргі заманның басты мәселелерінің бірі – ғасырлар бойы түйіршіктең жиналған, адамзаттың рухани байлығының құнсыздандыны. Қоғамның жаппай азғындануының құрамдас бөлігіне жалпылама сатылушилық жатады. Немқұрайлық пен рақымсыздық үстемдік ететін қоғамда ізгілік пен мейірімділік біртіндеп ығыстырыла береді. Азғындық пиғыл тұлғадағы мұдделер мен құштарлықтарды теріс айналдырып жібере алады. Девианттық (ауытқышыл) әрекет тіпті осындай қоғамда қалыпты күй сияқты болып көрініс таба алады. Садистік әрекетті адамгершілік терминдерімен жеткізу мүмкін еместігінен, ол жарнама және тылсымдық стимулдармен ұсталып тұрады.

Шынайы мұраттар үшін құресу қажет. «Арамшөптер әзірше жойылмағанынша, жас желеккек тіршілік жоқ. Уақытында «тазартуды» жүргізіп отырмаса, адамның терең тылсым бейсанасының қойнауларындағы алғашқы қауымдық инстинкттермен арнаулы «өсірілген» садистік бейімділіктерді жүлдіп тастана отырмаса, онда адамзатқа қарсы жасалатын қылмыстардың мүмкін қауіптерден зандалған «нормаға» айналып кетуі ғажап емес»².

Д. Икәда, Ш. Айтматов, М. Шаханов сияқты жазушылармен Батыс өркениетін сынау оны тұтасымен терістеу үшін емес, «артта қалып қойған» азиялықтар рухының «өкпесінен» емес, ал шынайы адамдық болмыстарды, олардың құндылықтарын «сағынып қалған», адамзат рухының қарсылығы тұрғысынан жүргізіледі. Осы жөнінде М. Шаханов мынадай ойларын алға тартады:

Оян, Данте, Фирдоусидің және Абайдың айбыны!
Бөгей алмау ғасырға сын бұл тасқынгөй қайғыны.
Қол қусырып көнеміз бе,
Үнсіз жата береміз бе,
Робот – түйсік арқаланған,
Мейірімі тұл жарты адамдар
Жердің бетін түгел жаулап жеңгенше?...³

¹ Сонда, 115 б.

² Айтматов Ш., Икәда Д. Ода величию духа. М., 1997. С. 65.

³ Шаханов М. Заблуждение цивилизации. С. 98.

Ары қарай, бұл ойларын жалғастыра келе, ақын қоғамның дегумандануы және руханилықтан айырылуы салдарынан туындайтын, өкінішті жағдаяттарды атап өтеді:

Әлде бұл да жолы шиыр ұлтымыздың соры ма,
Қалай түстік біз батыстық қиратқыш күш торына?
Қуанып ек, қосылдық деп кәусар бұлақ қорына.
Адасқандай тылсым нудан,
Біз олардың кір су құйған
Жүрек пен ой айнитатын құбырына тап болдық,
Тіпті аз жылда қолда барды жоғалтуға шақ қалдық...¹

Батыс мәдениеті табыну объектісіне айналдырып жіберген, индивидуализм ұстыны қазақтың дәстүрлі құндылықтарымен сәйкес келе бермейді. Ежелгі рухани мұраларымен сусындан беретін, қазактар үшін қонақжайлыштық, төзімділік, кеңпейілділік сияқты ұстанымдар өз көкейкестілігін жоғалтқан жок. Қазақтарда қашанда жалғандық, қатігездік, күш көрсету, сатқындық айыпталып келген. Ұрпақтан ұрпаққа қазақтар ұлкенде сыйлауды, аруақтарға құрмет көрсетуді, кішілерге, әйелдерге ізеттілікпен қарауды құндылық бағдары ретінде ұстанып келген.

Егер Батыс дүниеге объект ретінде қараса және оны тануға, өзгертуге ұмтылса, онда Шығыс дүниемен қосылу арқылы оны білгісі келеді. Дүниені объективтендірудің құралы – сөз. О. Сүлейменов өзінің «Хат тілі» атты еңбегінде былай жазады: «Оның бүкіл кешендігінің құрделігінде, мәдениетті туыннатушы негізгі факторға алғашқы иероглифика мен тіл жататына, барған сайын өзім сенімді болып келемін. Олардың өзара тәуелділігінің актілері адамның өзінде және қоршаған ортада адамдықты қалыптастырып келді. Бірінші жазу таңбасынан «гомо сапиенстің» тарихы басталады»².

О. Сүлейменов сөзде – «адам болмысының үйінде» - ұрпақтар және дәуірлер сабактастығы мүмкін дейді. «Тілдер – бұл, үзінді жазбаларда сақталып қалмаған тарихи айғақтардың қоймасы. Тілдер – бұл, ол жанбайтын, өртелмейтін, сумен шайылмайтын, мұражай. Бізге арғы тектеріміздің сансыз ұрпақтарынан жеткен, басты интеллектуалдық мұра және олардың біле алмағанын біз ары қарай тереңдете отырып ашуымыз үшін, бізге өситет етіп қалдырылған мұра – олардың өткені»³.

Сөздің рухани мәдениет үшін маңыздылығын III. Айтматов та атап өтеді: «Егер сөзге біз қастерлей, тіпті мен айттар едім,

¹ Сонда, 115 б.

² Сүлейменов О. Язык письма. С. 33.

³ Сонда, 204-205 бб.

сарандықпен қарамасақ, егер оны құндіз және түнде төге беретін су сияқты ысырап етсек, сөзді мөлшерлеп отырмасақ, оның әрбір «дәнін» ұғынбасақ, онда ол өзінің тірі қуатынан айырылады. Оның сөзінің артында ештең тұрмайған, адамның өзі түкке тұрмайтынын, адамзат қоғамы өзінің пайдада болған кезінде-ақ түсінген»¹.

Қазіргі Қазақстанда жүріп жатқан интеграциялық мәдени-өркениеттік үрдістер дәстүрден ажырау, адамдық болмыс пен адамгершіліктің көп ғасырлық нормаларының деформациялануы, тұлғалық өзіндік құндылықтың төмендеуі сияқты құбылыстармен ілесіп келеді. Қазақ ұлтының жас буының айтарлықтай бөлігі бөтен тілдік ортада жетіліп келеді; онда басты рөлге тек классикалық европалық мәдениет емес, ал, ең алдымен, американдық және батыстық поп-мәдениет ие бола бастайды.

Осындағанда жағдайдың бір алғышартты, ұлттық дәстүрлі мәдени ауысуларды шектеген, интернационализм желеуімен ұлтсыздандануын үрдісін жүзеге асыра бастаған, кеңестік империя уақытында қалыптасты. Қазіргі поп-мәдениетке келсек, онда ғарыш пен Ұлттың мәдени байланысының тамырына балта шабатын факторлар – девианттық қылыш (маскүнемдік, нашарқорлық, зинақорлық, садизм және т.б.) формалары жарнама, клиптер, секс-символдар, әсіре кейіпкерлер арқылы кең етек жайып келеді.

Қазіргі әлем бір жағынан рухани тығырыққа тіреліп тұр, рухани мәдениет деңгейі тым төмендеп барады.

Сан жас қанат ғаламзатқа болмақ үшін өтімді,
Тұнгі оттарды іздел ұшар көбелектер секілді,
Қасиетті ата қоныс - өзен-тауын жерсінбей,
Баба тарих ардақтаған рух тұғырын менсінбей,
Ойын тұсап ессіз, көсіз еліктеудің жарқылы,
Тек батыстық даңғаза өнер толқынында қалқыды².

Home sapiens, Адам болу үшін жан – Жоғары Рухтың айрықша күйі қажет. Руханилық – мәдени жасампаздықтың мақсаты.

Шын өнерді басынса да жеңе алмайды асқазан,
Шырқау рух аспанында басқа мұдде, басқа заң.
Ғасырды асар әдебиеті, өнері ұлы болмаса,
Ұлт даралық таба алмайды
Және ұлы боп саналмайды ешқашан!³

Руханилықты тәрбиелеу өзін жетілдірудің маңызды құралы ретіндегі танымдық мұдделілікті қалыптастырудан басталады. Адамды тәрбиелеудегі жетекші рөлге өнер ие. Өнерді (өнер

¹ Сүлейменов О. Язык письма. С. 109.

² Шаханов М. Заблуждение цивилизации. С. 68.

³ Соңда, 55 б.

туындыларын, көркем құндылықтарды) қабылдау күрделі эмоционалдық-тәнымдық әрекеттің түрі болып табылады. Өнерді адамға тура ендіру мүмкін емес. бұл үшін оған белгілі біл білім, ақыл, сезімдер жұмысы, көркем аллегориялар мен метафораларды түсінуге деген қабілеттілік қажет.

Көркем құндылықтар жалпыадамдық және ұлттық болып бөлінеді. Бірақ жалпыадамдық құндылықтар қашанда ұлттық-этникалық формада беріледі. Өз талдауымызды ақын О. Сүлейменовтың мына сөздерімен аяқтағымыз келеді. «Болашақ әлемі – бұл алауыздықтармен тартыстағы Өзіндік Болмысқа қарама-қарсы, Бірге Болмыс»¹. Қазір дүниежүзілік қауымдастықта өзінің тиесілі орнына ие болған қазақ халқы. өзінің ғасырлар қойнауынан жалғасып келе жатқан, төлтума эстетикалық мәдениетін зерттеуге және әлемге ұсынуға мұдделі.

**Алимжанова А. Динамика эстетических ценностей
художественной культуры казахского народа.
Алматы: Раритет, 2004. С. 46-56, 76-98.**

¹ Сүлейменов О. Язык письма. С. 204-205.

МАЗМҰНЫ

АЛҒЫ СӨЗ. Қазақ этикасы мен эстетикасы..... 5

I. ҚАЗАҚ ЭТИКАСЫ МЕН ЭСТЕТИКАСЫ

| | |
|--|-----|
| Қазақтың дәстүрлі әдеп жүйесі (бала тәрбиесі, отау құру тағылымы, бата, т.т.)..... | 23 |
| Қазақ ырымдары..... | 47 |
| Дала даналарының шығармашылығындағы этикалық және эстетикалық айшықтар..... | 92 |
| XIX-XX ғасырлардағы қазақ дүниетанымындағы этикалық және эстетикалық үрдістер..... | 119 |

II. ҚАЗАҚ ЭТИКАСЫ

| | |
|--|-----|
| Нысанбаев Ә., Қазақтардың дәстүрлі этикасы..... | 169 |
| Сәрсенбаева З. | |
| Нысанбаев Ә., Адамгершілік туралы пайымдар..... | 183 |
| Әбжанов Т. | |
| Ғабитов Т. Қазақ этикасы қалыптасуы мен даму үрдістері... | 198 |
| Әлжан Қ. | |
| Ақмамбетов Ф. Қазақ философиясындағы адамның дүниеге этикалық қатынасының ерекшеліктері..... | 231 |
| Ғабитов Т. Абайдың адамгершілік туралы ілімі..... | 247 |
| Ақмамбетов Ф. Қазақ этикасының категориялары мен ұстындары..... | 264 |

III. ҚАЗАҚ ЭСТЕТИКАСЫ

| | |
|---|-----|
| Қазыханова Б. Қазақ халқының эстетикалық мәдениеті..... | 298 |
| Ақатаев С. Көшпелілер мәдениетінің ерекшеліктері туралы..... | 353 |
| Шәкенова Э. Дүниені көркем игеру..... | 361 |
| Мұхамбетова Ә. Қазақтың аспапты мәдениетінің кейбір эстетикалық мәселелері..... | 379 |
| Қарақұлов Б. Қазақтардың дәстүрлі музыкасының ерекшелігі..... | 393 |
| Әлімжанова Ә. XX ғасырдағы қазақ эстетикасындағы үрдістер..... | 403 |